



Opera [E]

Vol 2

Plate 1 wanting from
Thesaurus anatomicus III

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Accession Number

Press Mark

RUYSCH, F
[1725-44] Vol 2

68086K

Digitized by the Internet Archive
in 2018 with funding from
Wellcome Library

S₃

https://archive.org/details/b30413394_0002

EPISTOLA

ANATOMICA, PROBLEMATICA,

UNDECIMA,

Authore

JOH. CHRISTIAN. WOLF,

Anhaltin. M. L.

Ad Virum Clarissimum

FREDERICUM RUYSCHIUM,

M. D. Anatomix ac Botanices Professore,

DE

Intestinorum Tunicis, Glandulis, &c.



AMSTELODAMI,

Apud JANSSONIOWAESBERGIOS.

M. D. C. C. XXXVIII.



Clarissime & Experientissime,

Ostquam superstitiosa de non fecandis animalium corporibus opinio animis Antiquorum effluxit, ut ea sacrificiorum usui non fancirentur unice, res medica feliciores longe fecit progressus, ac theoria quædam morborum tradi cœpit: Quisque enim Medicorum id cognoscere enitebatur, circa quod operari vitæ institutio mandabat; hoc ab omni ævo humanum corpus fuit, cujus mirificam plane structuram nosse non levis momenti est: In tantum brutorum sectio cadavera humana inspiciendi viam præmonstravit. Multum equidem temporis elapsus est, antequam omnes corporis partes examini subjicerentur, quibusdam diutius aliis scrutatorem morantibus, quibusdam vero ratione contentorum anatomicum quasi arcentibus. Hinc factum putarim, quod intestinorum structura diutius neglecta, naturæque ad chyli elaborationem & motum multiplex apparatus ignotus manserit. Tandem vero successivis temporibus & hæc non tantum cultro pertundenda, sed etiam accuratius perlustranda erant, cum viscera plura iis intime conjuncta sint; detectumque præter alia est, compagem illorum non tantum esse carnem, sed ex tunicis diversis constare. Tres communiter ipsis adscriptæ sunt, ut patet ex J. Riolani Anthrop. L. 2. c. 12. p. 171. Una communis à peritonæo, duæ propriæ, nervosa exterior, interior carnosa, mucus vero adhærescens à crassiore chyli parte ortum ducere communi voto dicebatur. Cl. Willis postea demonstravit, non tres, sed quatuor esse tunicas, idque quod mucum seu Chyli recrementum appellarunt, veram esse tunicam, & villosam seu potius glandulosam dicendam. Bibl. Anat. T. I. p. 104. & 107. Et hæc hypothesis apud omnes obtinuit Anatomicos, inter quos quoque referendus est Cl. Verheyen Anat. Tr. II. c. 10. p. 45. Cum autem nuper Tecum, Vir Experientissime, de detectis quibusdam in Anatomia novis colloqui per humanitatem tuam liceret, de tunicarum numero quidem non movebas controversiam, an vero quarta illa Willisii glandulosa dicenda sit, Te maxime dubitare, cum frequentibus anatomicis sectionibus aliud detexeris, innuebas; plura tum de aliis audiendi cupido, & tem-

poris ratio non permittebant, ut copiose fatis & accurate de iis Te differentem audire potuerim; desiderium tamen tuam opinionem plenius percipiendi semper animo inhæsit; qua autem ratione voti mei compos fierem, non omnino videbam, locorum distantia mutuos sermones impediante: tandem Epistolam ad Te, Vir Clarissime, scribere constitui; eam nunc transmitto, etiam atque etiam rogans, velis pro bonitate tua, quam erga plures jam dum testatus es, in emolumentum rei anatomicæ sententiam tuam de Tunicarum structura dicere. Verum enim verò præter ea vidi etiam glandulas quasdam solitarias intestinorum situ ab Autoribus communiter ipsis assignato diverso collocatas. De his igitur Tecum, Vir Celeb. in hac Epistola simul agere permitte. Nimium sane, meo iudicio, illi Antiquis tribuunt, qui rei anatomicæ ita gnaros eos statuunt, ut omnium, quæ hoc seculo demonstrantur, cognitionem habuerint, quin crediderim ipsos Medicinæ Proceres ab hac gloria maxime alienos fuisse (quo nunc vaniores sunt plurimi, qui non tantum inventionem rerum sibi tribuunt, sed ea etiam, quæ alia manus appinxit, vel jam ab aliis scriptis tradita sunt, pro suis venditant) cum ingenue confessi sunt, plura latere, quæ dies in lucem extracturus sit, & longioris ævi diligentia; si etiam antiqua illorum monumenta evolvamus, praxin observationibus morborum & curationum excolendam finem fere unicum studii illorum fuisse apparebit. Hippocratem Cum glandularum intestinalium notitiam habuisse, non infimi subsellii Viri sustinent, argumento, loci qui extat libro de Glandulis Vol. I. §. 3. p. 416. Ed. Lind. Sed quis non videt, Senem non Intestinorum, sed corporum illis adjacentium & connexorum glandulas intellexisse, aliàs non dixisset, Glandulæ in Intestinis majores sunt quam alibi in corpore. Tum id ex toto hujus loci patet contextu. Nulla tandem ab ullo Antiquorum singularis earum usus mentio facta est, donec ille à Whartono & Stenone contra Veteres vindicaretur, & simul ab aliquot doctissimis temporis nostri Viris intestinorum glandulæ in apri- cum ponerentur. An vero in ipsis Valvulis intestinorum conniventibus etiam reperiantur non invenio. Cl. Willis Glandulas generatim tantum in crustæ villosæ parte convexa visas describit; tunicamque eam ideo Glandulosam appellat. Bibl. Anat. P. I. p. 104. Eloquens & doctissimus Pechlinus eas in ipsam intestinorum Cavitatem prodire sectione diversorum animalium docuit. Bibl. Anat. P. I. p. 150. Tandem eruditus Peyerus sibi peculiare proposuit negotium, de illis tractare, inventor fortassis non minus quam Cl. Pechlinus

linus nominandus: Hic tum ipsemet varias instituit sectiones, tum à Doctissimis Viris Wepfero & Hardero observationes illarum nactus est. Vidit sc. maximum numerum non tantum sub variis figuris, sed etiam diversa quantitate collectas & dispersas, ut ideo eas in sporades, s. Solitarias, & gregales, s. Socias distinxerit. Parerg. Anat. Exerc. I. P. 1. C. 1. p. 5. & Ex. 2. p. 86. Sed nullibi meminit se observasse, quod occuparent ipsas valvulas conniventes, hoc tantum icone exprimit, quod Valvulæ Glandulas non supergrediantur, sed circa eas terminentur c. 1. P. 2. p. 15. & in Valvulæ Bauhini limbo sibi eas visas esse p. c. scribit. Sed ulterius non progreditur. In utramque itaque partem ita multa de Glandularum intestinalium aliarum, tum præprimis illarum in valvulis conniventibus situ succurrebant, ut minime expedita mihi fuisset deliberatio, si benevolentia Tua, Vir Cl. Glandulas etiam ex ipsis valvulis conniventibus oriri in instructissimo Tuo Musæo non vidissem. Fac igitur icone exprimantur, & rem Anatomicam novis augmentis illustra: Et si placet significa, an etiam inveniantur ubi Mesenterium intestinis tenuibus annectitur. Ex qua tunica Glandulæ emergant, & quo ritu vasa sanguinea Glandulas subeant, eadem fere difficultas. Cl. Peyerus Glandulas basibus suis intimæ vel interdum mediæ intestini tunicæ insistere l. c. P. 1. p. 6. innuit. Doctissimus Verheyen Tr. l. c. 9. p. 38. 45. & 46. per tunicam nerveam vasa sanguifera ad subjectas Glandulas densissima ramificatione excurrere refert. Quo itaque majot hic accedat certitudo, sedem illarum indica, & quid revera Glandula sit, detege. Non dubitandum est, quin ex hac cognitione magnus fructus in Praxin redundaturus sit, fluxuumque alvi melior dari possit theoria. Hæc sunt, Vir Celeberrime, de quibus hac vice Tuam sententiam percipere maxime in votis habeo. Impetrabo id facile, cum nunquam permittas, ut non modo amici & familiares, sed etiam alii frustra à Te aliquid petant. Vale

Tui Observantissimus,

Lugduni-Batavorum
die 5. Octob. 1698.

JOHANNES CHRISTIANUS WOLF,

Serveſta-Anhaltinus. M. L.

FREDERICI RUYSCHII
RESPONSIO,

Ad Expertissimum Virum

JOHANNEM CHRISTIANUM
WOLF, M. L.

In Epistolam ejus Anatomicam Problematicam

D E

Intestinorum Tunicis, Glandulis, &c.

Expertissime nec non Doctissime Vir,



itteris tuis, cum amore & benevolentia erga me, tum etiam eruditione varia refertis, eo diligentius mihi respondendum, & sententiam meam de illis, quæ mihi proponere voluisti, exponendam esse duco, quo plures mihi causæ sunt, quare eximias animi tui virtutes amplectar & æstimem.

In iis non indoctè ostendis, mirificam corporis humani structuram penitus nosse, non levis esse momenti.

Quapropter mirari subit eorum socordiam, quibus hæc accuratius investigandi ac docendi provincia demandata est, quod tantum parum aut nihil ea in arte proficiant, imò potius verba dare soleant, quam vera proponere, ac diligenti indagine veritates eruere ac proferre; ubi autem falcem in alienam messem immittere valent, quam prompti existunt!

Rectè quoque sentis, Cadaverum Brutorum inspectionem, viam pæmonstrasse dissectioni Cadaverum Humanorum; nuper enim portionem Mammæ Balænæ examini subjiciens, ansa mihi data novi quid in Mammis humanis detegendi; verum enim verò haud ita fidendum partibus corporum brutorum existimo, ut eas statim per analogiam ad humanas transferre liceat, sed progredien-

R E S P O N S I O

diendum postea ad humanas, & perscrutandum, utrum aliqua convenientia reperiatur, ne imponamus iis, qui ratione, non autem assidua contemplatione contenti videntur.

Firma insuper ratione nititur assertio tua tertia, scilicet, quod non sufficiat cultro pertundere viscera, verum etiam accuratius ea esse perlustranda, cum iis plura intimè sint conjuncta. Eapropter quoque magni interesse existimo, ut quis sciat, quo ritu subjecta oculis proponantur; nonnulla enim post exsiccationem, alia autem recenti cadavere exempta, conspicienda, plurima autem non, nisi liquori balsamico innatantia, in conspectum veniunt, præsertim ea, quæ propter molliem tractari haud possunt, uti sunt Cerebrum &c.

Quoad Tunicarum Intestinorum numerum, post accuratam indaginem iis adstipulatus sum, qui numerum quaternarium statuere, nimirum Cl. Willisio, Verheyen, &c. Anatomicis accuratissimis.

De tribus exterioribus, nempe communi, carnosæ, & nerveæ, nulla controversia, quoad earum existentiam; ast verò utrum quarta seu villosa reperiatur, nec ne, ancipites hæserunt nonnulli inter Anatomicos, satis tamen versati.

Postquam ipsa vasa sanguifera, per eam dispersa inveni, diutius anceps hæreere haud potui. Vid. Tab. 12. Fig. 4. arduum tamen est hancce quartam seu villosam à nervea ita separare, ut pars ejus, vasculis sanguiferis prædita, à nervea dependeat, sine notabili læsione; sine quo tamen difficilius est vasorum reptatum per eam exhibere.

Quæ audiunt Valvulæ conniventes, rugæ nempe, seu juga per intestinum jejunum distributa, maximam partem ortum ducunt à tunicæ villosæ, non nerveæ, duplicatura; quamvis varii Anatomici haud infimi etiam subsellii, contrarium tueantur, dicentes, Tunicam nerveam cæteris esse latiore, quam ut rugas seu dictas valvulas conniventes producat; ast separata tunica villosa à nervea, valvulæ dictæ maximam partem (si non in totum) obliterantur, relictis tamen vestigiis, vid. Fig. 3.

Hæc tunica sæpissimè muco multo obfusa, qui cum excrementis alvi quotidie excernitur, præsertim post exhibitam purgationem, vel diarrhœam; estque illa substantia mucosa huic tunicæ villosæ admodum utilis, ne lædatur, id quod facillè fieret ab acrioribus assumptis, deglutitis, vel in corpore genitis; si autem diutius quam par est, remaneat, & majori in copia generetur, offendit quoque intestina à diutina mora, nimis tenaciter tunicæ villosæ adhærens, & obstans, quominus chylus ad vasorum lacteorum radices pervenire possit.

Qui

Qui autem negarunt quartam seu villosam tunicam, illi admonuere, mucosam intestinorum substantiam nonnullos habuisse pro peculiari membrana; ast quam inepta sit admonitio isthæc ex allatis liquet.

Aliis quoque audit hæc tunica villosa, Glandulosa, quæ tamen denominatio illi haud competit, ratione scilicet originis ita dictarum Glandularum, non enim ortum ducunt ex ea; verum enim verò quatenus Glandulas continet, dici posset tunica Glandulosa; dictæ autem Glandulæ originem debent tunicæ nerveæ, aut si mavis, vasis sanguifluis, è quorum extremis protractionibus succosis mollibusque originem sumunt.

Hæc ita dictas Glandulas, quas in posterum spurias nominabo propterea quod veræ haud sint Glandulæ, analogiam quidem aliquam habere, cum corpusculis rotundis, è quibus Lien maximam partem conflatus est, & de quibus egi in responsione quarta, comperio.

Infarctis enim omnibus arteriis per Intestina disseminatis, totum constitutum dictarum Glandularum infarcitur, & reperitur ex meris protractionibus vasorum succosioribus & mollioribus constare, quæ sicuti in Liene aliam acquirere videntur naturam, ita adeo molles & succosæ quoque existunt, ut facili negotio in nihilum redigi possint, quamvis cum vasorum extremis continent; non autem corpuscula sunt habenda per se subsistentia, ad quæ vascula alluunt, neque etiam propriâ membrana involvuntur, quæ tamen in vera Glandula requiruntur.

Quod ad usum harum Glandularum Spuriarum attinet, non alium quidem agnosco, quam quem hujus ævi Anatomici assignarunt, nempe eas inservire humectandæ & lubricandæ intestinorum cavitati; verum id, quod in Glandulis fieri statuerunt, fieri hic existimo in protractis vasorum extremitatibus, quæ eum in finem succosiora & molliora existunt.

Dixerit forsan aliquis, Quid refert, an protractiones vasorum succosiores sint & molliores, an Glandulæ veræ, modo de usu earum vero nobis constet?

Resp. sic quidem effutiunt homines, qui nil, nisi quod ipsi faciunt, rectum putare assolent; ast quam stolidus quis haberetur, si diceret, Quid refert scire, utrum digiti manus sint oblongo-rotundi, an triangulares, modo constet, apprehensionis &c. illos actionum esse instrumenta? aut quid ad me, an truncus Arteriæ Magnæ ascendens in utroque latere tres ramos majores largiatur (sicuti

(sicuti Professor Bidlous perversè, in magnum studiosorum detrimentum, depingi curavit) nec ne, modo sciam, sanguinem per truncum ascendentem deferri ad partes supra Cor sitas.

Dicam tamen quid scire referat, utrum sint veræ Glandulæ, nec ne; jam magis distinctè concipi potest, unde in ulceribus intestinorum sanguinis effusio tam enormis aliquando excitetur, quoniam nimirum illa ulcera ut plurimum si non semper, Glandulas intestinorum Spurias arripiunt, iisque ex meris vasorum protractionibus constantibus, & per consequens aptioribus natis ad sanguinis effusionem, quam Glandulæ veræ, ad quas vascula sanguinea tantum alluunt.

Noli quoque credere, Expertissime Vir, quod tamen nonnulli existimarunt, de omnibus Glandulis, scilicet, quod sint extremitates vasorum circumvolutorum; saltem de hisce id neutiquam statuendum, sed penicillorum emeritorum potius modo, recto ferè tramite decurrunt dictæ protractiones, sine notabili flexura.

Notatu quoque dignum æstimo, materiam ceraceam in arteriis Meseraicis fortius adauctam, per hæcce corpuscula, seu Glandulas Spurias intestinorum, jucundo spectaculo in cavitatem intestinorum sarcinam suam deponere, relicto aliquando colore rubro. Quidni censere liceat idem ferè in corpore vivo aliquando posse fieri, scilicet, in Plethora ad vasa, vel in sanguinis vehementiori motu, in quo non rarò sine prægressa ulceratione intestinorum, homines ingentem quantitatem cruoris, sine dolore, excernunt?

Ejusmodi intestina reservo in Musæomeo, in quibus Glandulæ Spuriæ materiam ceraceam albam continent, licet vasa Meseraica rubicundissimo colore sint imbuta; cujus ego rei nullam aliam agnosco causam, quam quòd dicta protractiones vasorum extremæ adeò sint subtiles, ut materia ceracea, ut decet adaucta, contentum minium, aut simile quid, relinquat in itinere, & sic sine ullo colore cavitatem intestinorum intret.

Dixi superius, Spurias hæcce Glandulas originem debere Tunicæ nerveæ, aut si mavis, vasis sanguifluis, quandoquidem tam firmam connexionem habent cum nervea Tunica, ut Tunica villosa simul cum Glandulis Spuriis à nervea separata, vestigium satis evidens relinquunt in Tunica nervea, quod vestigium mihi ceu vinculum est, quo dictæ protractiones succosæ vasorum quasi ligantur, ne à se invicem recedant. Vid. Fig. 1.

Circa tunicam nerveam porrò notandum, majori in copia vasa sanguiflua per eam dispergi (uti bene observarunt Cl. Willisius &

Verheyen) quam per cæteras tunicas; imò carnea ipsa, longè paucioribus prædita est vasis sanguiferis, quàm nervea. Vid. Fig. 2. Id quoque necessarium esse puto, quoniam major necessitudo intercedit inter Spurias intestinorum Glandulas & tunicam nerveam, quam carneam; Glandulæ enim Spuriæ continuè novo indigent latice, ad producendum liquorem laudabilem, lubricationi Intestinorum destinatum.

Nullum alium usum hisce dictis Glandulis esse adscribendum, existimo in statu naturali.

Noli autem credere, omnem laticem aquosum, qui post exhibitam purgationem, vel in Diarrhœa, in qua nil nisi aquosa materia excernitur, in totum ex hisce Glandulis Spuriis & Pancreate emergere, uti nonnulli statuere; magna enim pars per poros intestinorum quoque expellitur, quibus intestina scatent; suntque ii diversæ capacitatis, quorum nonnulli visibiles, uti in Museo meo demonstrare possum, alii ut plurimum invisibiles, qui in sensus quoque non incurrunt, nisi compressione fortiore adhibita.

Porrò Expertissimus Vir differit de situ Glandularum Spuriarum intestinorum. Per totum tractum Intestinorum illæ reperiuntur; in tenuibus intestinis non solum solitariae, verum etiam congregatim dispositæ sunt, in crassis autem solitariae tantum inveniuntur. In jejunò solitariae Glandulæ Spuriæ non solum spatia, inter Valvulas Conniventes seu rugas posita, occupant, verum etiam ex illis rugis seu Valvulis Conniventibus emergunt. Vid. Fig. 6.

Quæ autem in agmen congregatæ sunt, dictas rugas haud supergrediuntur, sicuti bene observavit Clar. Peyerus.

Quoad numerum & situm earum solitariarum per Valvulæ Bauhini limbum dispersarum Glandularum, haud solum confitas esse in ejus limbo comperio; verum etiam per ejus integrum planum, id autem in hac Tabula XII. non expressi, nullo superstitie loco inani.

Numero admodum variant, in hisce plures, in aliis pauciores existunt, ita ut certum numerum hic determinare velle, arduum esset opus. Hisce Vale.

Totus tuus,

FREDERICUS RUYSCHIUS.

FIGURA PRIM A.

Intestini recti, è puero desumpti portionem, in quatuor Tunicas separatam, denotat.

- | | |
|--|---|
| <p>A. Tunica extima, communis dicta, plurimis fibris longitudinalibus studio omisissis, ut innumeræ arteriolæ per eam dispersæ, luculenter magis in conspectum prodirent.</p> <p>B. Tunicæ secundæ, seu carneæ superficies exterior, à qua communis separata dependet, ut fibræ motrices transversales & carnosæ sese conspiciendas exhiberent. Notandum autem earum per paucas tantum in hac Figura repræsentari, quamvis tam dense consitæ sint, ut sese mutuò tangant, id quod factum, ne Arteriarum reptatus oblitteraretur.</p> <p>C. Tunicæ tertiæ, seu Nerveæ superficies interna, à qua portio quartæ, seu Villosæ separata dependet, & sic Villosæ superficies externa in oculos incurrit.</p> <p>D. Spuriarum Glandularum solitariorum seu miliarium vestigia, in dictæ Tunicæ nervosæ superficie interiore superstitia.</p> | <p>E. Tunicæ quartæ, seu Villosæ superficies interior, à Tunica nervea nondum separata.</p> <p>F. Glandulæ dictæ per superficiem Tunicæ Villosæ internam dispersæ, ubi non, uti in superficie exteriori, milii formâ hic propullulant, verum enim verò ceu foveolas repræsentare videntur, id quod sæpissime post mortem reperitur. Notari autem velim, dictas Glandulas Spurias nonnunquam extra dictam superficiem prominere, sicuti Litt. A & B. in Fig. 6. demonstratur, & sic formam miliarem obtinere.</p> <p>G. Dictas Glandulas denotat extra superficiem exteriorem Tunicæ Villosæ propullulantes, harum vestigia, ut dixi, in superficie interiore Tunicæ nerveæ superstitia exhibet Litt. D.</p> <p>H. Superficies exterior Tunicæ Villosæ.</p> <p>I. Arteriolæ per Tunicam carneam disseminatæ.</p> |
|--|---|

FIGURA SECUNDA.

Eandem Intestini recti portionem indigitat inversam, ita ut ea, quæ præcedenti Figura parte anteriore visuntur, nunc parte posteriore sese exhibeant.

- | | |
|---|---|
| <p>A. Tunica prima seu communis à carne B. separata & dependens, cum suis fibris longitudinalibus tenuissimis.</p> <p>B. Tunica carneæ fibris transversalibus prædita, quarum nume-</p> | <p>rum, ob superius allatam rationem, diminui.</p> <p>C. Tunica nervea, parte posteriore visa, à carne A. separata & dependens.</p> <p>D. Arteriæ per hancce superficiem magis perspicue disseminatæ.</p> |
|---|---|

FIGURA TERTIA.

Hominis adulti portionem Intestini Jejuni exprimit, cujus superficiei interiore visa, sequentia nobis occurrunt.

- | | | |
|---|--|---|
| A. Tunica Villosa. | | cæ Villosæ, nil fere nisi vestigia |
| B. Portio hujus arte separata & à nervea remota. | | jugorum seu rugarum (aliis Valvularum Conniventium) superfstitia remanserunt. |
| C. Tunica nervea, in qua, post separationem portiunculæ Tunicae Villosæ, nil fere nisi vestigia jugorum seu rugarum (aliis Valvularum Conniventium) superfstitia remanserunt. | | D. Rugæ, seu Juga dicta. |

FIGURA QUARTA.

Portiunculam Tunicae Villosæ, arte separatam, exhibet; per eam Arteriarum ramusculi visuntur dispersi, quò jam in totum aufertur perversa eorum opinio, qui statuunt, hanc Tunicam pro vera habendam, sed tantummodo tanquam mucosam Intestinorum substantiam esse considerandam.

FIGURA QUINTA.

Portiunculam Intestini recti, ex infante desumptam, demonstrat, eamque parte interiore visam. Per eam innumeras cernimus disseminatas Spurias Glandulas solitarias, ut & poros visibiles. Hæ Glandulæ in hoc objecto non propullulabant, ast sinulorum modo mihi occurrebant, idque (ut opinor) à flacciditate, à morte excitata.

FIGURA SEXTA.

Pueri portionem Intestini Jejuni repræsentat, ita inversam, ut superficies interior jam sit facta exterior, estque flatu infarcta, ut Glandulæ, ut & rugæ distinctius conspicerentur.

- | | | |
|--|--|---|
| A. Glandulæ miliares Spuriæ, in ipsis rugis seu jugis consitæ. | | B. Dictæ Glandulæ extra juga dispositæ. |
|--|--|---|

Notandum porrò hasce Glandulas forma miliari extra superficiem Internam Tunicae Rugosæ propullulare, id quod in hoc Intestino admodum familiare. Secundò, hæc omnia, quæ hic repræsentantur, in Musæo meo & magno quoque numero conservantur & cuivis desideranti demonstrare ea possum.

Fig. 1.




Fig. 2.




Fig. 3.




Fig. 4.




Fig. 5.





Fig. 6.



2

EPISTOLA

ANATOMICA, PROBLEMATICA,

DUODECIMA,

Authore

MICH. ERNESTO ETTMULLERO, M. D. &c.

Ad Virum Clarissimum

FREDERICUM RUYSCHIUM,

Med. Doct. Anatomiae & Botanices Professore,

DE

Cerebri Corticali substantia, &c.



AMSTELODAMI,

Apud JANSSONIO-WAESBERGIOS.

MDCCXXXVIII.

1012193

1012193

1012193

1012193

1012193

1012193

1012193

1012193

1012193

1012193

1012193

1012193

1012193

1012193

1012193

1012193

1012193

1012193

1012193

1012193

Clarissime & Experientissime,

V I R,



Nter alia , de quibus mihi in Belgio commo-
ranti vel visis vel auditis impensè gratulor,
haud infimum est, quod Tibi superiori non tan-
tum anno Plantarum naturam in Horto Amste-
lodamensi explicanti auscultare, atque in Ana-
tomicâ publicâ adversarium Tuum strenue con-

vincenti adstare, verum etiam curiosa Tua Præparata , quæ
visu eo digniora æstimanda, quo certius non conspecta fidem
superant , lustrare coram mihi licuerit. Quæ singularis in
me Benevolentia , & nota aliàs Tua, Vir Celeberrime, quæ
in Re Anatomica nova invenisti, cum Orbe Litterato com-
municandi promptitudo me incitavit, quædam Epistolâ hâc
ex Te sciscitari: non dubitantem, Te, quamvis infinitis
tantum non negotiis distraharis, hoc discendi desiderium
meum æqui bonique interpretaturum, votisque meis subscrip-
turum esse.

Ea igitur, de quibus Tuam jam expeto instructionem, de
Cerebro erunt. Nota est hujus Substantiæ divisio á *Piccolo-
mineo*, industrio Cerebri indagatore, inventa, & à Modernis
recepta, qua in corpus cineritium, seu in albo-livescens, &
candidum, seu solidius dispescitur eadem, ita ut cum illud,
in superficie non solum, tanquam cortex medullam suam
ambiens, verum etiam paulo profundius, tortuoso & intesti-
nali quasi tractu penetret, modo corticalis, & cortex, modo
cineritia; hoc vero medulla, seu medullaris substantia nuncu-
petur.

Cujus autem sit texturæ cortex, (mitto enim jam medul-
lam), explicaturi Anatomici, in infinitas tantum non abiere
partes. Nec mirum: *Difficillimum enim est* (verba sunt Mal-
pighii, Epist. ad Fracassatum de Cerebro) *determinare, cujus*
naturæ sit. hæc corticalis Cerebri substantia; nam non vide-

tur quid solidum ex rubro concreto sanguine, nec sensus etiam organisationem attingit; probabile tamen est, meatus saltem minimos habere, quibus a sanguineis particulis pervadatur, & cum mollior mucosiorque appareat, valde differre à Cerebri medulla, cui circumaffunditur: & si Cerebro unquam parenchymatosa caro tribuenda esset, quâ vasa aliaque organica per Cerebrum propagata fulcirentur, corticis caro opportuna occurreret, quandoquidem referre videtur muscum saturatâ argillâ commixtum.

Hinc (ut Veteres taceam) Carolus Fracassatus Epist. ad Malpighium de Cerebro existimat, corticem ab humore aqueo, nempe sero (sanguini permixto multâque bile turgido) fluere, & friabilem compagem obtinere, & à fufis ac deciduis salibus medullâ ipsâ magis salsum reddi. Willisius, Cerebr. Anatom. Cap. 10. eum peculiare sui generis corpus esse docet, in quod ex angustioribus vasorum plexibus veluti serpentinis alembici canalibus liquor instillatur; qui proprio fermento vel sale volatili turgidus in Spiritus Animales facessit, & mox Cerebri, mox Cerebelli corpus subintrans, quasi in publico diversatus emporio, circulatione continua magis depuratus evadit, & varios motus per fornicem, callosum corpus anteriorem & posteriorem Cerebri partem peragrans, mirabiles intra nos sensus promit; in eodem etiam cortice quorundam Spirituum vario motu memoriæ actus elici putat; unde multiplicibus spiris & circumvolutionibus fulcatum esse tradit.

Malpighius è contrario pro glandulis pugnat, dum Dissert. de Cortice Cerebri ait: In sanguineorum perfectorum animalium Cerebro corticem affusum minimarum glandularum proventum, & congeriem esse deprehendi: hæ in Cerebri gyris & protractis velut intestinulis, ad quæ desinunt albæ nervorum radices, vel inde, si mavis, oriuntur, ita ad invicem adaptantur, ut exterior Cerebri superficies harum congerie efformetur. Figuram habent ovalem, quæ tamen ab adjacentibus undique invicem comprimitur, unde obtusi quidem suboriuntur anguli, ita ut intermedia spatia plurima ferè æqualia sint. Et paulò post: Et si exemplo familiari esset exponendâ corticis natura, mali punici structura peropportuna occurreret; in granorum enim symmetrica compage glandularum cerebri proventus, qui-

quibus cortex excitatur, species elucescit, fibræ autem à singulo grano erumpentes & per membranam deductæ rudem cerebri medullæ iconem exhibent. Hæ glandulæ ut in conspectum veniant, Cerebrum in aqua seu oleo coquere jubet, & ut distinctæ appareant, spiritum vini nigredine tinctum super corticem assundere, eumque gossypio leviter iterum detergere docet; argumentis interim à Warthono contra glandulosam corticis naturam allatis solide refutatis. Equidem divum Coum hanc jam fovisse sententiam, verba ejus testantur, lib. de Gland. Sect. III. ἡ κεφαλὴ καὶ αὕτη τὰς ἀδένιας ἔχει. τὸν ἐγκέφαλον, ἵκελον ἀδέν. Ἐγκέφαλος γὰρ καὶ λευκὸς καὶ ψαφάρδος, ὑκώσις καὶ ἀδένες. Caput quoque ipsum glandulas habet, cerebrum nempe, glandulæ simile; Cerebrum enim non secus ac glandulæ album est, & friabile. Huic opinioni subscripsere præter Vieussenium Neurograph. Univers. Lib. I. cap. 10. recentiores Medici ac Anatomici tantum non omnes.

Jam verò, cum ex Angliâ redux, Te, Vir Celeberrime, iterum salutandi copiam nactus essem, mirum in modum delectabar eo spectaculo, quod præsentabat eadem corticalis Cerebri substantia nitidissime à Te præparata; animadvertere enim licebat, Corticem nil esse, nisi intricatissimam seriem & compagem minutissimorum vasculorum.

Te itaque, Vir Celeberrime, etiam atque etiam rogo atque contendo, ut veram Corticis Cerebri texturam patefacere, faciem ejus exhibere, usumque determinare non dedigneris.

Recordor pariter, Te inter alios eruditos, quos soles proferre, discursus, mentionem fecisse Medullæ Spinalis, eamque totam pro Vasorum filamentorumque nervosorum compage habuisse. Cum verò hætenus hæc Medulla, quemadmodum easdem cum Cerebro nacta est membranas, ita ex eadem substantia conflari credita sit, ita tamen ut Cortex, qui in Cerebri superficie potissimum conspicitur, hîc centrum occupet, à medulla circumdatus; præterea quoque diu hætenus disputatum fuerit, de germano ejus canaliumque nervosorum exortu, siquidem antiquitus à Nucha, mox à Cerebello, tandem à Cerebro & Cerebello (quod Varolii inventum est) utrasque oriri assertum fuit; non parum Tuam, Vir Celeberrime, augebis famam, si veram Medullæ Spinalis structuram detexeris, atque genuinam originem determinaveris.

Quod restat, ex animo opto, ut hunc annum feliciter termines, sequentisque & aliorum complurium spatium pari successu percurras, ut per Te mysteria Anatomiae ad D E I T. O. M. summum honorem, Artisque Salutaris incrementum, indies magis magisque patefiant; spes mihi inde quoque enascetur, fore ut ulterius favere pergas,

Celeberrimi Tui Nominis

Dabam Amstelod.
VI. Calend. Januar.
An. MDCXCIX.

Cultori indefesso

MICHAELI ERNESTO ETTMULLERO,

Lipsiensi, Medic. Dri. & Philosoph. Mag.

FREDERICI RUYSCHII
RESPONSIO

Ad Expertissimum Virum

MICH. ERNESTUM ETTMULLERUM,

M. D^m. & Philosoph. Mag^m. Anatomicum dexterrimum,

In Epistolam ejus Anatomicam Problematicam.]

D E

Corticali Cerebri substantia, &c.

RESONANCE

THEORY AND PRACTICE

OF THE

ART OF

TEACHING

Experientissime Vir,



A rerum naturalium multoties observatur conditio, ut quò excellentioris sunt utilitatis, eò abstrusior ad eas investigandas sit aditus.

Prolixam talium seriem non enumerabo, Cerebrum humanum saltem produco, quod inter omnes Corporis partes Anatomicorum ingenia maxime defatigavit, non eo tantum nomine, quod singularum ejus partium, sinuum, cavitatum, protuberantiarum, anfractuum, &c. usum expiscari arduum atque difficile, verum etiam, quod propter texturæ ejus teneritatem, mollitiem, atque subitam corruptionem, difficillimum hætenus fuerit veram ac genuinam cujusque partis constitutionem indagare.

Quamobrem non immeritò, quod quidam de homine conqueruntur, nempe quod se ipsum minus intelligat, quam reliqua, id ego de Cerebri constitutione præcipue dixerim.

Noli itaque, Experientissime Vir, à me expectare, ut in totum id, quod exigis in Epistola ad me data, præstem, tuoque desiderio ex assè satisfaciam; humeri enim mei haud sunt ferendo.

Veruntamen cum in magnis voluisse laudem quoque mereatur, cultrum Anatomicum arripiens, Cerebrum meum excutio, nervos ejus intendo, ut, cognitis cæteris corporis sui partibus se ipsum etiam lustret; nonnulla igitur ignorantiae velo hucusque tecta explanare, quædam falsa ab Anatomicis pro veris culta indicare, multorum figuras à naturali partium structura aberrantes, fideliter emendare conabor: Et quoniam ob defectum Cerebrorum humanorum, de quo Anatomici Celebratissimi etiam conqueruntur, multas delineationes quoque Cerebrorum Bestiarum in libris exhibent, alio incedam ego tramite, aliorum figuras non adducturus, sed quod ipsa autopsia, ac Cerebri frequens inspectio mihi obtulit, tantâ indicabo curâ, ne punctum vel ulla ducatur linea, quæ haud conveniat cum naturali constitutione, quo sic, heterogeneis rejectis, quid vero suffultum videatur, & firmo fundamento jacto, Physiologiæ & Pathologiæ Medicæ emolumenta accedant.

Antequam ipsi operi me accingam, de variis Cerebrum disseccandi modis, quædam primò præfari necessum duxi; dein methodum demonstrandi, in qua præcipuum deveniendi in cognitionem Cerebri momentum vertitur, tum meam, tum vulgatam, enarrabo.

Experientia constat quædam lignorum genera transversim, obliquè vel rectè diffusa, varias delineationum species oculis offerre. Marmora quoque diversimode sculpta atque polita, aliis picturis atque figuris intuentes delectant; & quoniam in Cerebri dissectione non saltem idem observarunt Anatomici, sed præterea secando illud in tenues laminas à summo ad imum, vel à latere dextro ad sinistram, propter substantiæ mollietatem multæ partes conscissæ, visum subterfugiunt; similiter Anatomico nervorum decursum evolventi, Musculis, Venis, Arteriis, Vasis Lymphaticis cultro scissis, ea deinceps explorandi adimitur occasio.

Hinc varias Cerebrum disseccandi excogitarunt Encheireses: Quidam nervorum principiis inveniendis intenti, alii Cerebri partes à se distinctas demonstrant, nonnulli in flexuum atque anfractuum enodatione desudant.

Spigelius Anatomix Libro X. duplicem Cerebrum disseccandi, modum proponit, nempe antiquum seu vulgarem, qui Galeno, cæterisque Græcis, & post illos Vesalio & Fallopio in usu fuit; dein novum à Constantio Varolio Anno 1570. in lucem protractum, ab eoque Varolianum vocatum; & quoniam utraque sectionis ratione, omnes partes Cerebri eo ordine, quo se mutuò sectionis serie excipiunt, accurato studio exhibentur, operæ pretium est, antequam illarum constitutionem exhibeamus, easdem historicè enarrare.

Vulgata itaque Sectio sequens est:

Capillis vel omnibus, vel à fronte usque in cervicem, & ab aure dextra in sinistram ad duorum digitorum transversorum latitudinem abrasis, inciditur cutis sub forma crucis, initio facto à Nasi radice, Verticem transcendendo usque ad Nucham, dein ab una aure ad alteram, tum cute, una cum Pericranio separatis & ad latera remotis, quò æqualiter secetur Calvaria, filo forti supra osse Frontis, auribus & Cervice circumligatur caput, & ut eò securius ferræ reciprocatio succedat, cultro circularis in Capite fit incisio, eaque fortis, ut ductum hunc sequatur ferra, caput

caput ob rotunditatem mobile admodum, ideoque ferræ ictus frequenter eludens, manibus adstantium firmiter tenetur; vel, qui apparatus amant, hi instrumentum à Michaële Lyféro hunc in finem excogitatum & in libro, cui Cultri Anatomici nomen dedit, depictum, in usum vocant, illius beneficio caput firmum ac stabile quiescit. In operationis principio validiori impetu adigitur ferra, circa finem verò placida atque suspensa manu, ideoque specillo crenæ profunditatem explorant, quò constet, num utraque cranii tabula æqualiter separata sit.

Cranii superior pars per totum ambitum hac ratione confissa, beneficio vasorum sanguiferorum & fibrillarum membranacearum duræ Meningis, hinc inde futuras transeuntium, alicubi firmiter, præsertim in futuris, alicubi laxiore nexu extra eas cohæret, mediocri tamen manuum vi adhibita illam remonent.

Utuntur nonnulli Anatomicorum, in calvariæ separatione ferrâ, cujus laminæ dentes, non in recta linea, sed in obliquè concava positi sunt; Veruntamen neutro ferræ genere, nisi manus accedat exercitata, res bene succedit, imò facilè læditur dura Mater. Ablatâ calvariæ superiore parte, patet crassa Meninx, ob crassitiem suam & robur sic dicta. In illa sinus varios sanguinem à Cerebro refluxum devehentes ad Venas Jugulares, & consequenter ad Cor, demonstrant.

Post hæc ab ipso Cerebro superius portionem, tres digitos crassam, cultello abscindunt, quo duo majoris Cerebri ventriculi, dexter & sinister, in conspectum veniant, & si profundius reconditi, Cerebrum tabulatim eousque secant, donec patefiant. Hæ cavitates, cum primis à parte postica valdè spatiosæ, obliquæ, equorum soleis figurâ similes, concurrentes in centro medullæ, Cerebri rimam componunt oblongam, tertium Cerebri ventriculum vulgò dictam, in ejus vicinia protuberantiæ quædam assurgunt; harum binæ longiusculæ, infimo & anteriore loco sitæ, corpora striata & nervorum opticorum Thalami audiunt; binæ minores, posterius atque inferius sitæ, obscæno nomine Testes; binæ præterea paulo majores supra resocatae, Nates appellantur.

Glandula pinealis, quæ superioribus sæculis obliquo saltem oculo inspiciebatur, postquam Cartesius mentis palatium

tium in eam transtulit, omnium animos in se convertit.

Fornix corpus candicans, Ventriculis adinstar arcus superstructus, scalpello hic conscinditur.

In Ventriculis anterioribus deinceps ostendunt plexum Choroideum, minutas glandulas (secundum mentem quorundam) hinc inde intertextas habentem; sub Fornice Septum pellucidum, Cerebri Diaphragma à Galeno dictum, cernitur.

Dein stylum placidè immittunt, in quartum Cerebri Ventriculum seu Calamum Scriptorium, ob figuræ convenientiam sic dictum.

Quibus perlustratis ad partes anteriores regrediuntur, nervosque olfactorios ab osse cribroso separant, & post eos quoque nervos opticos, ramosque Arteriæ Carotidis Calvariam trajicientis; tum obviam habes Glandulam pituitariam, in sella Turcica sitam, quam excipiunt Nervi oculorum motorii, par aliud ad linguam tendens, postea auditorium, Vagum &c.

Regrediuntur nunc ad occiput, & digitis cautioribus Cerebellum à Dura matre separatum, & à medulla spinali abscissum, cum integra Cerebri mole eximunt, varias in Cerebello excrecentias, quarum unam Varolius Pontem nominavit, observant, ipsamque substantiam penitus investigant.

Atque hæc antiqua, seu communis Cerebrum dissecandi ratio est; sequitur nunc recentior & nova à Varolio Anatomicis communicata, & in Tabulis Placentinis hinc inde repræsentata. Ipso capite a Collo amputato, & separatis omnibus illius tegumentis exterioribus, Musculis Frontis, Cervicis, Aurium &c. oculos cum omnibus tunicis ex orbitis suis effodiunt, postea caput imponunt Vertici atque Calvariæ apertionem, ferra aggrediuntur, non verò in eodem loco, atque in priori methodo factum, sed multo profundius in ipsa Nasi radice, adeo ut ferra supremum Orbitalium Oculi circulum osseum contingat; tamdiu continuant sectionem per Calvariæ peripheriam, usque ad magnum occipitis foramen, donec inferior capitis pars vacillet, atque nervorum paribus cum Arteriis & Venis calvariam perforantibus sectis, ima Cerebri pars in conspectum veniat.

In hac methodo primò occurrit fissura magna Cerebrum in duas partes dirimens; Pia mater nervos opticos instar aranearum relæ investiens.

Carotidum & Cervicalium vasorum rami diversi, Glandula pituitaria. In Cerebello prostant nunc processus vermiformes, cum Ponte, intus itur ad ventriculum quartum, nobilem; ex hoc progressus fit ad tertium, ubi obvius est Fornix, septum pellucidum & laterales Ventriculi magni &c. Paucis habes secundam secandi methodum.

Tertia Sylvio tribuitur, estque ex duabus antecedentibus mixta, unum Cerebri hemisphærium methodo vulgari, alterum Varolianâ dissecans; nempe illâ sinistrâ Cerebri parte, à dextra Duram matrem removet, tabulatim Cerebrum usque ad ventriculum magnum abscindit, quò in eo contenta conspiciantur, dein superior & inferior Falcis sinus cum laterali dextro majori, inquiritur: quo facto convertit se ad latus dextrum Cerebri, quo, in locum sinistri ablati, reclinato, & nervis cum Arteriis & Venis conscissis, illud perlustrat ratione inversa, quemadmodum paulò ante indicavi.

Quarta methodus Willisiana audit; eam in compendium redactam hic proponam.

Capitis velamentis exterioribus sepositis & cranio ferrâ diviso ac adempto ex omni parte, ossa ad basin usque calvariae forcipibus aut scalpro diffringit, tum primò in conspectum venit dura Mater, commune contentorum in capite tegumentum. Hanc membranam cum calva in futuris alligatam, in basi verò firmiter cohærentem, non, nisi adhibita vi, divellit.

Postea Willisius demonstrat hujus Meningis vasa sanguinea per interiorem duræ Matris superficiem dispersa & Piæ Matri inserta.

Et quò eò distinctius videantur, duram Meningem, inferius circa diffracti cranii marginem, circulatim dissecant, & vasis à Dura Matre in Piam tendentibus disruptis, membranam cum sinibus penitus aufert, dein ad interiorem Cerebri partem se convertens, duos insignes processus mamillares, unà cum nervis olfactoriis emergentibus intus (ut perhibet) cavis, & ad anteriores Cerebri Ventriculos tendentes, rimatur, tubo in cavitatem nervorum Olfactoriorum immisso, ab inflato aëre Cerebri compagem in tumorem exfurgere, expertus est Willisius: An in Homine?

Post nervos Olfactorios, circa Cristam Galli, duas exiles Arterias; versus Cerebri interstitia decurrentes, idem Cuctor annotat; relictis illis vasis ad Nervos Opticos, & his

amputatis, ad Arterias Carotides, paulo infra infundibuli latera decurrentes, accedit; Cerebro dein ulterius resupinato, ad nervos Oculorum motorios, & ad aliud par exile, Patheticum ab eo vocatum, transit; ab hoc pari ad quintum, vulgò tertium dictum, cujus usum docet amplissimum; etenim, Palato, Oris & Faciei partibus, Naso & Oculis, quin imò nervo intercostali ramos atque radices impertiens.

Prope dictum par duos alios nervos minores, trunco singulari donatos, & ex eodem foramine, cum nervis oculorum motoriiis egredientes, indigitat; hoc sextum par ei audit.

Paulò inferius nascitur par Vagum, vulgò sextum, Willisii octavum dictum, numerosas emittens ramificationes.

In postremo Occipitio, ex ossium cavernis infra primam vertebra emergens par aliud, ultimum cranii seu vertebrarum primum lustrat, hoc admodum fibrosum, postquam Medullam oblongatam egressum, duram Matrem eodem loco subit, ubi Arteria vertebralis in Cerebrum ascendit.

Omnia nervorum paria, cum Arteriis & Venis Carotidibus, Vertebralibus ac Jugularibus, vel prope foramina calvariae abscindit nominatus Willisius, quo Cerebro exempto, trunci Vasorum pateant, vel prope basin Cerebri amputat: ut illorum distributiones eò melius investigari possint.

Dissectionis opere hucusque producto, exemptam Cerebri compagem, unà cum appendice ejus, sequente dissectionis ordine scrutatur: & primò quidem superficiem externam Cerebri gyris & anfractibus adinstar intestinorum convolutionem hiulcam & inæqualem; dein Cerebri substantiam Corticalem & Medullarem.

Postea transit ad corpus callosum & fornicem, è cujus media superficie septum tenue & pellucidum erigitur, & sic ulterius ad Ventriculorum demonstrationem sese accingit.

Interiores Cerebri recessus adhuc clarius demonstrat, dum limbum à medulla oblongata sejunctum simulque Fornicem circa radices discissum, una cum Cerebro reflectit; tunc ejus compagem penitus elevat, antrorsum reflectit, ac in planum perspicuè explicat; præter Medullarem nitidissimam substantiam observat plures lineas albas parallelas ab uno hemisphærio ad aliud decurrentes.

Cerebro dicto ordine perlustrato, utrumque hemisphærium
ejus

ejus corpore calloso intus obductum, à Medullæ oblongatæ, cui adhæret, apicibus removel, sectionique colophonem imponit.

Adductis nunc diversis Cerebri disseccandi modis, de quorundam Anatomicorum demonstrandi methodis verba quoque sunt facienda.

Ab omne sæculo veram ac genuinam Cerebri expiscandi compagem, miro flagrarunt ardore Medici, quamobrem variis illud tentarunt mediis, macerando, digerendo & coquendo in oleo Terebinthinæ; veruntamen huic oleo inest strenua ac fortis urendi vis, quâ tenellula fibrarum seu tractuum textura invertitur, contorquetur, quædam longiores, quædam breviores evadunt, quin imò disrumpuntur; nam à portione Cupri in Oleum Terebinthinæ injecta, illud viridi tingitur colore, certo indicio ab acredine olei quasdam Cupri particulas separatas fuisse, quæ hunc colorem conciliant. Equidem haud inficias eo, in tali Cerebro posse corpuscula conspici grumosa, glandulas mentientia, ast illa calore facta sunt, non autem veræ sunt Glandulæ.

Coquantur semina, Hordeum, Oryza, Triticum, Piper, item carnes Hominum vel brutorum, elixa acquirunt peregrinum odorem, colorem, saporem, duritiem ac molliem; exinde sensibus atque ratione convincimur, miram illarum partium introductam esse mutationem atque ruinam.

Quidni ergo in Cerebro, substantia molli, & tantum non fluida; Alii verò coquunt Cerebrum in oleo Olivarum, Raparum, Amygdalarum dulcium; verumenimverò præterquam quod calida, atque urentia hæc olea modo dicta pariant incommoda, visciditate sua atque spissitudine instar vernicis meatus partium occludunt, crustas & cuticulas quasi obducunt, sicque novam partium structuram spectatoribus offerunt.

Hæ difficultates animum sollicitudine plenum tam diu stimularunt, donec concatenato atque indefesso labore veram Cerebri substantiam perfectè noscendi detexi methodum.

Pultacea hujus visceris mollietates impedimento est, quo minus intime queant penetrari penetralia ejus. Quamobrem primò vasa illius sanguifera materiâ ceraceâ duriorē repleo, ea circumspeditione, ut tantundem hujus materiæ cotineant, quan-

quantum, in Homine vivente, in cavitatibus suis sanguinis vehunt, eoque pacto naturalem contineant capacitatem, ac Cerebro loco fulcimenti inserviant; dein lympham in Cerebri tubulis largè stagnantem modestè excutio, unde ejus substantia stabilis evadit, atque duritiem casei recentis nanciscitur.

Neque est, quod quispiam mihi objiciat, præparatione hac Cerebri faciem deformari, meque similem committere errorem, cujus paulò ante argui nonnullos Anatomicorum.

Norunt Anatomix cultores, serum viscera irrigans, remanente partium solidarum structurâ illæfâ, expelli posse.

Vascula Bilaria separamus in Hepate, Arteriis ac Venis remanentibus; quidni partes aqueæ, fluidæ & sequaces, solidis intactis, expelli possent; Præterea notandum, Cerebri molem nostra præparatione neque intumescere, neque subsidere, manentibus iisdem dimensionibus, eâdem magnitudine ac figurâ, unde certò docemur, nullam internarum partium factam esse inversionem: Cerebrum itaque liquori inditum per plurimos, sine ruina, conservatur annos.

Vulgari verò demonstrandi methodo, festinante cultro & fugitivis oculis Cerebrum exploratur. Accurrite nunc, Anatomix studiosi! fixis hoc viscus intueamur oculis, scindendo non properemus, sed tarda ac suspensa manu opus agamus; nulla nos urget putrefactio, non horam, sed diem, non diem, sed septimanam, non septimanam, sed menses, imò annos impendamus, quo de Cerebri fabrica accuratiori mecum gaudatis cognitione,

In absentium labilisque memoriæ gratiam figuras Cerebri in publicum edo, quæ nonnullis hucusque editis palmam eo titulo præripiant, quod Pictores olim oblata Cerebra tam celeriter depingere nequiverunt, quin ob mollitiem subsidentia atque flaccescentia præternaturalem induerint figuram & magnitudinem. Cerebrum verò arte nostra præparatum statim Sculptori damus, qui solerti studio attentisque oculis, sine corruptionis vel fœtoris formidine, æri incidens, imagines, archetypum accuratissimè referentes, sculpit.

Prisci Anatomicorum Cerebrum dicebant esse substantiam peculiarem sui generis, qualis nulla alia in toto corpore reperitur. Veruntamen idem de Corde, Pulmone, Hepate, Liene, aliis-

aliisque animalium partibus , ignota remanente illarum fabrica , affirmari potest ; non enim docetur hic , quid sint , sed saltem quod ab aliis visceribus , id quod nemo ignorat , differat.

Hippocrates insigne Medicorum decus Sect. 3. Lib. 3. de Glandulis , ut doctè , Experientissime Vir , in Epistola tua notasti , Cerebro Glandulas tribuit.

Hanc doctrinam seculi nostri Medici renovarunt , variisque experimentis expolitam illustrarunt.

Marcellus Malpighius , Dissertatione de Cerebri Cortice , illum scribit esse congeriem seu proventum minimarum Glandularum , quæ in anfractuosis Cerebri gyris ortæ , varièque sibi invicem adaptatæ exteriorem Cerebri superficiem efformant.

Confitetur dextrè Auctor in ingenti animalium perfectorum Cerebro nudo difficulter tales Glandulas videri , facilius autem in cocto , quia substantia in coctione crassescit (NB. id est , fervore novi grumi , glandulas mentientes , compinguntur) & spatia intermedia patentiora fiunt ; Neque tantum in superficie glandulas extare , sed in principio Spinalis Medullæ corticalis substantiæ , peracta coctione , eandem faciem apparere dicit.

Clarissimus Bohnius in Circuli Anatomico - Physiologici Progymnasmate XX. , de Spirituum Animalium generatione ; item XXI. , de Spirituum Animalium dispensatione , Corticalem Cerebri substantiam dicit Glandulosam.

Franciscus Stokhamerus in Microcosmographia dicit , *Corticalis substantia Cerebri est nigricans , & duriuscula , externe undique Cerebrum instar corticis ambit , ipsasque ejus fissuras consequitur ; estque coagmentata ex minimis Glandulis.*

Raymundus Vieussens in Neurographiæ Cap. X. statuit , Cerebrum duabus distinctis à se substantiis constare , cinereâ nempe & albâ ; cinerea autem , seu in statu naturali , seu postquam in aqua , vel oleo excocta fuit , mollior existit substantiâ albâ seu medullari , eaque Microscopii beneficio accuratè inspecta ex innumeris Glandulis simul coagmentatis , & ovalem figuram æmulantibus composita (ut ait) apparet , adeo ut pro Glandula conglobata haberi possit.

Carolus Fracassatus in Dissertatione Epistolica Responsoria de

Cerebro , Marcello Malpighio inscripta , corticis generationem & naturam sequentem tradit ; cogitabam (inquit) & ipse Naturam , corticem Cerebri tanquam præcipuam partem ac maximè necessariam struxisse ; non enim vilioris involucris vicem refert , sed profundius usque ad medios ventriculos & Cerebellum penetrat. Cortex friabilis valde est , medulla verò compacta , cujus ratio est , si Chymicos , ossa copioso sale solida fieri statuentes , consulamus , quod in sero multum salis contineatur , hoc motum suum amittens , abit in cranium , & cum vasa ibi disseminata multum sanguinis vehant , qui nullibi recrementis spoliatus , cum à trunco prodeat ascendente , qui nulla elaboratoria habet , quibus serum aqueum , bilis & hujuscemodi amoveantur , irrigant ipsa subjectum corticem , velut per stillicidium , inde cortex ab aqueo sero fluit & friabilem compagem obtinet ; ulterius sales ipsi cortice defæcationes redditi , serum in medullam veluti coagulo , detinet.

Adductis Clarissimorum de Cerebri Cortice Anatomicorum sententiis , superest , ut meam iis subnectam.

Postquam igitur tam solerti dexteritate vasa sanguifera replevi , ut minutissimi ramusculi infarcti , tomenti instar nobis obveniant , perspicuè videmus Corticalem Cerebri substantiam ex meris vasis sanguiferis diversimode combinatis , constare , & sicuti in explicatione figurarum Tabulæ Octavæ innui , Arterias minutissimas è Piæ matris facie interiore prodeuntes , musci speciem præ se ferre. Sic quoque jam confirmo , imò demonstro , Corticalem Cerebri substantiam musci & tomenti speciem repræsentare , illudque tomentosum (ut ita loquar) nihil aliud est , quam protractæ vasculorum sanguineorum extremitates , hæ autem , sicut de Liene quoque à me notatum fuit , in sui extremo aliam videntur induere naturam ac dispositionem , adeò enim molliusculæ & succosæ existunt , ut , nisi liquori inditæ , sine dissolutionis periculo vix ac ne vix quidem tractari queant ; hæ autem protractæ vasorum sanguineorum extremitates succosæ , respondere videntur fibris aut tractibus Cerebri medullaribus ; eodemque eas munere fungi existimo , quod Glandulis adscripsere Auctores.

In Curiosorum gratiam aliquando integram substantiam corticalem à medullari abstuli , sine notabili læsione substantiæ medullaris , sicuti videre est Fig. 7. Tab. 15.

Hæc

Hæc verò omnia neutiquam demonstrare licet, nisi in conveniente liquore suspensam habeamus Cerebri portionem, sicut videre est domi meæ.

Cognitâ nunc Cerebri Corticis substantiâ, progredior ad Cerebellum: quid autem hoc nomine significetur norunt omnes, qui primo tantum limine Anatomix sacra salutarunt; ne igitur generaliori ejus descriptione operam & tempus teram inutiliter, quæ circa Cerebellum observavi, paucis tibi, Experientissime Vir, aperiam.

Refert Cerebellum duos globos compressos, & variis lamellis circularibus transversis compositos, quarum majores in parte crassiore vel longiore diametro, quò verò longius ab ea recedant, eò minorem acquirunt peripheriam; similiter atque Æquator in globo nostro terraqueo maximus, ejus verò paralleli, quo majori ab eo distant spatio, gradatim minores fiunt.

Notandum tamen inter lamellas circulares hinc inde nonnullas esse interruptas & segmenta sibi denuo applicari.

Quemadmodum Cerebrum ex duabus substantiis nempe extimâ, corticali, & mediâ, medullari componitur, sic quoque Cerebellum cortice cinereo & medullâ albicante constat, dissectoque partiatim Cerebello à posteriori ad anteriora, alba cum cinerea substantia tam diversimodè miscetur, ut discoloris marmoris lineamenta referat.

Dein si per processus vermiformes, quasi per duos polos, dissectetur Cerebellum, medullaris albidâ substantia sic corticali interjacet, ut divaricatos arborum ramos jucundo spectaculo exhibeat.

Solertissimus Anatomicus Vieussens in Neurographiæ Cap. XII. de Cerebello sequentia habet; *Postquam Cerebellum per processus vermiformes sectum fuit, ut penitiores illius partes in conspectum veniant, & qua serie medullares illius fibrillæ disponantur, vere cognoscatur, illud rursus utrumque per medium secamus, & subinde partim versus superiora, & partim versus inferiora reclinamus, usque peractis illius hemisphærii cinerea seu Glandulosa quædam substantia observatur, quam utpote in partes, rhombi figuram quadantenus distinctam, modo rhomboideam substantiam, modo rhomboidea Cerebelli corpora, nuncupamus.*

Quæ omnia in vulgatâ administratione Anatomica observantur quidem, veruntamen si novâ methodo nostrâ id perscrutemur, tum cernimus superficiem Cerebelli in innumeras particulas diversarum figurarum angularium, magnitudine caput aciculæ vix adæquantes, subdividi, illasque inter Pia Mater ubique sese innuat, & quod præterea notatu dignum ac visu gratum, hæ subdivisiones cessant in confinio substantiæ Corticalis atque medullaris, cujus contrarium observamus in Cerebro; illius enim gyri anfractuosi ac tomentosi in Corticali non saltem, verum etiam in medullari substantia reperiuntur: Num verò omnes hæ subdivisiones in medutullio hemisphæriorum Rhombos referant, & natura, ut ita loquar, in generatione certis & regularibus angulis atque lineis strictè producendis se mancipet, id extra forum meum versatur, atque hoc illis decidendum relinquo, qui in œconomia animali, partium humani corporis ortu & accretione, ingenia sua pascunt atque exercent.

Seculi hujus Anatomici plurimas humani corporis partes perversè scribunt Glandulosas, quædam earum Glandulas conglomeratas, quædam conglobatas, &c. constituunt, unde non immeritò à nonnullis hæc Anatomia audiat Glandulosa.

Plexus etiam Choroideus, secundum oculos eorum, à Glandulis liber non est; inter alios Bidlous in Tabulis Anatomicis Rete mirabile Glandulis multis interspersum repræsentat.

Stokhamerus in Microcosmographiæ Cap. XIII. de Cerebro & Spinali Medulla scribit; *Hinc ulterius progressi retis surculi frequenti ramificatione tenuem Meningem Cerebrum involventem, ipsamque Cerebri substantiam pervadunt; & ex tertio ventriculo in utrumque anteriorem binis assurgunt plexibus, qui Choroidei dicti immixtas sibi minutas habent Glandulas, Venulasque fundo dictorum Ventriculorum, per totam ferme illorum longitudinem decurrentes.*

Willisius etiam in Anatome Cerebri Cap. III. tradit, Plexum Choroideum ex Arteriis & Venis diversimode complicatis, Glandulisque densissimis insertis, instar Cerebelli constare.

Quamobrem cupidus noscendi genuinam constructionem hujus Plexus, eum meâ methodo examino, materiâ ceraceâ, in-

infarctum liquori committo, jam verò vel nudis, vel vitro armatis, contemplans oculis, Glandulis prorsus destitutum, reperio. Sed habent nihilominus, quod regerant, nempe Plexus Choroidei Glandulas in statu naturali adeò exiles esse, ut visum subterfugiant, simul atque verò in morbo sanguis & humores intercipiuntur, tum tumefactas oculos manifestò ferire.

Verumenimverò quod si in statu saltem morbofo in conspectum veniunt, potius pro morbo, quam pro naturalibus Glandulis habeo; dein aliquoties partes Glandulas referentes, in Plexu Choroideo obviam mihi venerunt, quas tamen accuratius perspectas deprehendi Hydatides esse; nihil vero aliud sunt Hydatides, quam vascula præsertim sanguinea serò turgida: Non enim sto à sententia quorundam autumantium, solummodo vasa Lymphatica in Hydatides converti; huic enim malo vasculorum sanguineorum præsertim extrema frequenter obnoxia, quotidiana enim cadaverum inspectio de veritate hac me fecit certissimum; ex innumeris exemplis unum in medium produxisse sufficiet.

Biennium circiter elapsum est, cum hic loci hydropicus mortalitatem explevit; cadavere illius aperto, Hepar (maxima ex parte è vasis sanguifluis conflatum) totum quantum ex Hydatidibus constabat, neque id solum, sed & Peritonæum Vesiculis aquosis scatebat; quibus apertis, Lympha tenax, vitrea, ac lucida effluebat.

Plexus itaque Choroideus in statu naturali Glandulis privatus, constat ex meris Vascularibus sanguineis, præsertim Arteriosis motu serpentino repentibus, Glandulasque invenientibus propter gyros anfractuosos, & Piæ Matris portione cohærentibus, Vide Fig. 3. Tab. 15.

Itaque usus, quem ita dictis Glandulis Plexus Choroidei vulgo adscripsere Auctores, solummodo Arteriolis dictum Plexum constituentibus, debetur, quas Arteriolas molles admodum, succosas, limpidasque existere, comperio, & rarò, si unquam, rubicundo turgidas sanguine, unde non incommode notanda hic venit observatio Expertissimi Anatomi Vieussens in Anatom. Universalis Cap. XVII. scribentis, in Hominibus gravioris ætatis, vel humidioris temperamenti, plexum Choroideum non è vasis sanguiferis, sed potius Lymphaticis con-

flatum vidisse. Quamobrem non immeritò suspicari cœpi, dictum Plexum Choroideum non minus destinatum esse elaborationi humoris aquosi, qui in Cerebri atque Cerebelli Ventriculis reperitur, quam nonnullæ extremitates arteriolarum Intestinorum, quæ Glandulæ Spuriæ mihi audiunt, & Intestinorum humectationi destinatae sunt; qui humor in Cerebri Ventriculis contentus, tractus Medullares, Spinalem Medullam ejusque membranas eodem modo humectat irrigatque.

Neque est quod quispiam regerat, scrupulumque in animo sibi moveat, illius humoris generationem haud attribuendam Arteriis, utpote sanguinis Arteriosi distributioni, versus partes corporis extremas, tantum destinatis: Nam in Epistola undecima responsoria ad Experientissimum Virum Joh. Christoph. Wolff scripta, atque in Museo meo evidenter demonstravi, & adhuc demonstro, Glandulas Intestinorum, quas Spurias denominavi, nihil aliud esse, quam vasorum sanguiferorum extremitates succosas, nullo modo in gyrum seu circa axem convolutas, præsertim vero Arteriosas, in quibus humorem, lubricationi destinatum, elaborari existimo, quin imo plerisque Viscerum humores, quos in Glandulis fecerini tantum non omnes Anatomix Antistites statuunt, in notatis Arteriarum extremis, confici puto. Etenim ubi ejusmodi functio peragitur, dictæ extremitates reliquis multo succosiores mollioresque existunt, atque aliam quasi naturam induere videntur.

Circa usum hujus laticis Ventriculorum, Authores in diversas abierunt sententias; quibusdam flocci fit, & tanquam inutilis, atque excrementitius malè audit, eò quod illo abundante funesta morborum genera, ut Hydrocephalus, Oblivio, Morbi etiam soporosi, nempe Apoplexia, Coma, Paralyfis, &c. gignantur, quatenus fibras Medullares Cerebri comprimendo, vivificum spirituum animalium transitum arcet.

Rationi vero perquam consonum est statuere, Lymphæ istius redundantiam provenire ab obstructione præsertim Venularum per Plexum Choroideum disseminatarum; neque enim Venæ, ut communiter creditur, solùm destinatae sunt ad regerendum sanguinem refluxum, verùm etiam humorem aquosum in Cerebri Ventriculis, ut & alibi, hærentem absorbent.

In qua opinione magis me confirmat Lymphæ ductuum defectus;

fectus; quantam enim cumque hucusque adhibui industriam, eos nunquam vel in Ventriculis, vel in dicto Cerebri Plexu deprehendi. Rami Arteriosi subtilissimi Plexus, Lymphæ ductus quidem mentiuntur, ideoque multis imposuere hujus ævi AnatOMICIS; ast verò nunquam eos ego reperi.

Novi virum nobili prosapia oriundum, qui licet omni bonorum varietate abundè frueretur, falsâ paupertatis imaginatione delusus, indefinenter nihilominus se Iro nudiores conquerebatur. Postquam animam Deo reddiderat, præsentibus variis confanguineis, & filio meo, caput aperui, Ventriculos Cerebri liquore limpido distentos & Plexum Choroideum innumeris hydatidibus scatentem reperi, sicuti Fig. I. Tab. 15. annexæ indigitat.

Præterea in recenter natis, non rarò observavi, proventum laticis hujus tam copiosum, ut versus Spinalem Medullam descendendo, inter dorsi vertebrarum processus Spinosos, tunc temporis adhuc cartilagineos, & facilè dehiscences erumpens, ingentem ibi excitaverit tumorem pugni magnitudine, qui affectus Spina Bifida vulgò appellatur.

Neque hic moror objectionem quorundam putantium, nullum dari commercium inter laticem aquosum anteriores Cerebri ventriculos irrigantem, & eum, qui destinatus est ad irrorandum quartum Ventriculum, & Spinalem Medullam, utpote præpediente (ut cum Exercitatissimo Vieussens loquar) Valvulâ Cerebri majore.

Sciendum enim, in statu præternaturali adeò partium situm inverti, ut nullatenus intercludi possit transitus liquoris ex anterioribus recessibus ad posteriores.

Denique adhuc notavi ægros, quorum Cerebri Ventriculos nimia laticis quantitas obruit, qui fuerunt vel ex parte, vel in totum mente capti, segnes, stupidi & ad munera obeunda inepti; quippe spirituum animalium robur, à dicto latice stagnante debilitabatur.

Ex omnibus hisce adductis ex praxi Medica observationibus, luce meridiana clarius patescit, abundantem in Cerebro laticem aquosum non excrementitium tantum, sed & morbosum existere; id quod ambabus ultrò largior manibus.

Verumenimverò circumspectus humorum partiumque Corporis Animalis explorator, exinde non inferet, modicam laticis illius

illius quantitatem excrementi rationem habere. Quin potius ad texturam Cerebri irrorandam summopere est necessaria: quemadmodum ejus defectus alios morbos generat.

Novimus sanitatem consistere in partium solidarum debita configuratione & appositione, fluidarum verò justa temperie, quod ad molecularum numerum, figuram, situm atque motum. Massa sanguinea probe temperata non minimum secundæ valetudini adfert momentum: hæc autem si mole increvit lethalia frequenter parit morborum genera; vel si quis inter Recentiores, Plethoram ne dari quidem, sed fictitiam esse, statuatur, ei adduco nimiam lactis in Mammis mulierum turgescientiam, quæ factis obstructionibus, acutos dolores, tumores, inflammationes & scirrhus causatur.

Nemini tamen exinde conjicere licet, cremorem hunc lacteum excrementitium esse; feminis in maribus abundantia, quid malorum interdum inducat, notum est Medicæ praxeos Cultoribus; quis verò eò dementiæ perveniet, ut ob hunc effectum illud tanquam inutile & excrementitium proscribat? quamobrem concludo, modicam laticis in Cerebri ventriculis præsentiam utilem atque necessariam; exuberantem verò atque deficientem morbosam esse.

Ulterius, Experientissime Vir, post discessum tuum incidi in sequentes circa Cerebrum observationes; & primò quidem, circa Medullæ oblongatæ caudicem, quem in figuris à Clariss. Willisio & Bidloo in lucem editis, ita reperiens depictum & sculptum, quasi caudex Medullæ oblongatæ, protuberantiæ annulari esset superimpositus, id quod naturæ rei adversatur, nam è contrario (loquor de Cerebro inverso) protuberantia annularis semper superimposita est caudici Medullæ oblongatæ, sicuti Fig. 2. & 6. Tab. 15. indigitat; in qua caudex Medullæ oblongatæ bipartitus sub corpore globoso repit: id quoque, quamvis nimis obscure, demonstrat Clariss. D. Vieussens Neurograph. Tab. IV.

Cerebrum inversum & à fronte visum, facilè quidem imponit intuenti, re verò penitus arte nostrâ inspectâ, contrarium animadverto.

2. Reperi tractus Medullares exteriores caudicis Spinalis Medullæ transversim esse sitos, (sicuti in corpore globoso innuit Cl. Vieussens); sub eo verò densissima serie repunt recti, se-

secundum ejusdem longitudinem exporrecti, ita ut tractus Medullares exteriores cruciatim interfecent tractus Medullares substratos. Vide Fig. 2. & 6. Tab. 15.

In vulgari dissectione Cerebri hæc fibræ seu tractus Medullares transversæ nemini occurrent, ea propter etiam in Anatomicorum figuris haud reperies; an verò continent per totam Spinalis Medullam, nec ne, nondum satis exploratum habeo.

3°. Consideratione quoque dignam esse existimo nuperrimam observationem in Plexu Choroideo, quem cum cæteris Anatomicis autumabam solummodo reperiri in Cerebri Ventriculis; nunc autem comperio eundem extra illos ita propullulare, ut Cerebro inverso sine ulla Cerebri dissectione luculentissimè appareat & emineat inter Cerebellum & Corpus globosum. Vid. Tab. 13. Litt. O.

4°. Observavi Corpora Pyramidalia & Olivaria ab Exercitissimo Vieussens indicata, non solum reperiri in inferiore parte, verum etiam in parte superiore à latere Calami scriptorii; suntque hæc corpora nil nisi prominentiæ Caudicis Medullæ oblongatæ, quæ fulcorum ope videntur nonnihil separatae. Vid. Fig. 5. Tab. 14.

5°. Circa nervorum, ex Spinalis Medullæ principio oriundorum numerum, observo, eundem esse inaequalem, & admodum incertum; reservo enim principium Spinalis Medullæ, è quo plurimi, aliudque è quo pauciores emergunt; præterea circa exortum horum consideratione dignum existimo, eos omnes alioritu ex dicto principio Spinalis Medullæ prodire, quam illi, qui emergunt è corpore globoso, aut è thalamis &c. locis Medullæ oblongatæ. Hi enim fibris prodeunt sibi invicem arctè adpositis, in principio ac progressu ejusdem ferè crassitie. Illi verò ceu radiculæ, variis è locis fibris subtilissimis prodeuntes, & successivè crassescentes, tandem conveniunt, trunculumque constituunt, id quod in cæteris nervis è Spinali Medulla provenienti-bus quoque locum habere, rudiori Minerva delinearunt Auctores varii.

6°. Observo nervum accessorium non considerandum esse tanquam ramulum cujusdam nervi, è superiore parte Spinalis Medullæ ortum; per se enim emergit variis radicibus (ut ita loquar) & quidem subtilissimis.

7°. Spinalis Medullæ nervos Piæ Matris esse productionem
D
fila-

filamentosam , uti rectè in brutis in Collegio Amstelodamensi olim observarunt ejus membra, arte nostrâ luce meridiana clarius constat, idem quoque locum habere in humano corpore.

Dum adjectae in hac Epistola figurae parabantur, & ea, quae à Sculptore non satis accuratè expressa fuerant, emendabantur, ecce, prodit scriptum aliquot, cui titulus est,

Joannis Jacobi Rau Epistola de Inventoribus Septi Scroti, ad Virum Clarissimum Fredericum Ruyschium, Anatomiae & Botanices Professore.

Cùm autem iste libellus in tuas quoque manus incidere posset, pauca de eo adjicere consultum duxi.

Scias itaque, ejus Auctorem in eo proponere publicum discursum, qui inter nos fuit privatus, quem tamen proponit mutilatum, ac distortum. Miraberis proculdubio, privatos discursus Typis divulgari, atque affirmabis forsan cum prudentioribus, ita si obtineat, omnibus cavendum esse sedulo, ne posthac cum ejusmodi indolis hominibus ullum commercium ineant; perpetuò enim erit metuendum, ne sequenti die publicè prodeant, quae pridie privatim habueris cum iis colloquia, modo vel propria lubido, vel maligni ingenii homo quidam stimulum addat atque concitet. Verùm ut paucis historiam seu fabulam intelligas, brevibus, quid hujus rei sit, exponam.

In Epistola, in qua exhibui Scroti figuram, monui, nihil hac de re reperiri apud quosdam Auctores, quorum adjunxi nomina, &c. ast scias, velim, eo in loco praecipuum mihi scopum fuisse, agere de methodo demonstrandi propositae partis veram constitutionem, existimans non sufficere, quod nonnulla verbis, & quandoque satis confusè describantur, neglectis nempe, quae necessaria sunt, ut appareat partis illius vera constitutio, & ut exhibeatur vera ejus delineatio; & neglectâ methodo, quâ accuratè delineata partis illius constitutio demonstrari possit. Hoc certè faciliè apparebit, si conferas, quae pag. 10. Epistolae primae notantur.

Profectò nullum ego haecenus offendi praeter memorati libelli Auctorem, qui non intellexerit, non tam esse in quaestione, utrum cognoverint & descripserint citati Auctores exstare Septum illud; utrum verò cognoverint & descripserint VERAM SEPTIILLIUS CONSTITUTIONEM, & methodum eam constitutionem accuratè demonstrandi atque delineandi.

Plana

Plana Tibi haec omnia evadent, si dignaberis mea repetere verba, ubi scribo, *quandoquidem omnia circa Scrotum recenter denati, adeò sunt lubrica atque mobilia, ut difficillimè VERA SEPTI CONSTITUTIO APPAREAT.*

Non ergo me tangit, quod adducat quosdam Auctores de Septo Scroti loquentes, illud enim nequaquam in quaestione est; sed ostendendum ipsi erat, eos auctores CLARE, ut ait, & evidentius, ut promittebat, demonstrasse hujus SEPTI VERAM CONSTITUTIONEM. Mirum videbitur proculdubio, atque, ut opiner, non immerito, quod vel verbum de hisce faciam, cum illa quaestio de inventoribus invidiosa, & ad nauseam exagitata fuerit; testis est quaestio illa de inventore Circulationis sanguinis, cujus inventionis gloriam nonnulli Harvaeo invidentes, adscribunt Hippocrati; in horum castra Auctor noster transiisse videtur, verum pulchrè à sapientibus hoc saeculo responsum fuit; quare igitur tot Viri sagacissimi haec non viderunt in Hippocrate ante Harvaeum? Quia alii apparatus à Lithothomis haëtenus receptum, & modum operationem instituendi callent, atque descripsere, an inde sequitur, quod dexterrimus ille Lithothomus Frater JACQUES BEAULIEU non sit inventor celebrandus & laudandus novae illius methodi, atque instrumentorum longe alio quam vulgari modo formatorum: notum quoque est multa desiderari, antequam quis jure dici posset, rem CLARE demonstrasse & descripsisse, sed de eo non agam hoc loco; forsan alibi.

Haec verò ne ita accipias, ac si mens esset me jactantius efferre hoc invento; in eo si laureolam quaerere animus esset, alia & magis praeclara quae exhibui, adferre potuissem, cum satis constet omnibus in Anatomia exercitatis, me mea methodo invenisse & publice ostendisse plurima, de quibus nec Veteres cogitarunt, nec memoratae Epistolae Auctor somniavit unquam; gratulorque mihi, verum ut fatear, quod Scriptor ille ex omnibus, quae haëtenus publicè demonstravi & Typis edidi, nihil repererit, quod roderet, nisi hoc unum, & quod hoc quoque ipsius dentes effugisset, nisi discursum mancum & mutilatum praemisisset; addo insuper, quod non opponat quicquam ipsi rei, sed totus sit in adducendis locis; quibus ostendere conatur alios quoque Auctores idem Septum vidisse; ait enim, se *in variis Auctoribus* id CLARE notatum legisse.


Verum fac ita esse, laudati Anatomici noverint Septum Scro-
ti & pene veram Septi constitutionem; an ideo negabit Auctor,
me bene meritum, quod nonnulla ipsis incognita adjecerim, &
quae illi non delinearunt, delineaverim; quod praeterea metho-
dum demonstrandi adjecerim; quod vasa sanguifera exhibuerim.
Ad me quod attinet, placuit semper Hippocratis admonitio,
quam tradit in limine libri de Arte, ubi ait; *Mihi, invenire ali-*
quid eorum, quæ non inventa sunt, quod ipsum notum, quam occultum
esse præstet, scientiæ votum ac opus esse videtur: similiterque & semi-
perfecta ad finem perducere & absolvere. At verò verborum inhonesto-
rum arte ad ea, quæ ab aliis inventa sunt confundenda, promptum esse,
nihil quidem corrigendo: eorum verò, qui aliquid sciunt, inventa apud
ignaros calumniando, non sane scientiæ votum aut opus esse videtur, sed
proditio magis naturæ suæ, aut ignorantia artis. Solis enim artis igna-
ris hoc ipsum factum convenit, qui contentiose quidem gestiunt ac conan-
tur, nequaquam verò possunt malitiei sufficere, ad hoc ut aliorum opera,
quæ quidem recta sunt, reprehendant.

Tandem Epistolæ filum hic abrumpo, te Virum Experientissi-
mum etiam atque etiam rogans, ut qualescumque has lucubratio-
nes meas aequi bonique consulas; quod si mihi facultas fuerit
grata Tibi officia exhibendi, quovis loco ac tempore ero paratissi-
mus. Vale & ama.

Amstelædami,
die 21. Au-
gust. 1699.

Tuum ex affe

FREDERICUM RUYSCHIUM



T A B U L Æ XIII. Expositio.

Cerebrum inversum & cranio exemptum exhibet, idque è puero annorum 10. præter propter nato, addito reptatu Arteriarum per Piam Matrem disseminatarum, nec non Nervorum, è Medulla oblongata oriundorum, exortu.

- | | |
|---|---|
| <p>A. A. Cerebri inversi superficies in 4. lobos divisi, cum ejusdem</p> <p>B. Cerebello.</p> <p>C. Nervi olfactorii cum eorundem Arteriis & fibrillis, per os cribrosum decurrentibus.</p> <p>D. Nervi Optici, Pia Matre instructi, per quam plurimæ repunt Arteriolæ.</p> <p>E. Tertium par Nervorum.</p> <p>F. Quartum par, seu Patheticum.</p> <p>G. Quintum par.</p> <p>H. Sextum par.</p> <p>I. Septimum par, seu Auditorium.</p> <p>K. Octavum par, seu Vagum.</p> <p>L. Nervi accessorii.</p> <p>M. Nervi noni paris, qui eodem ritu prædeunt, quo cæteri Nervi è Spinali Medulla oriundi, nempe tenuissimis originibus, seu radicibus subtilissimis, id quod ab aliis nondum vidi figuris Cerebri delineatum.</p> <p>N. Decimum par, eodem modo prodiens, sub quo varii adhuc emergunt Nervi.</p> <p>O. Plexus choroidei portio, extra Cerebri superficiem propullulans.</p> <p>P. Protuberantia annularis, sub qua repit Medulla oblongata; hæc Pia Matre instructa, Arteriis innumeris obsita est.</p> <p>Q. Medullæ oblongatæ extremitas.</p> <p>R. Infundibulum Arteriis instru-</p> | <p>ctum, sub quo binæ</p> <p>S. Protuberantiæ crurum Medullæ oblongatæ, quæ perversè Glandulæ, pone infundibulum consistunt audiunt.</p> <p>T. Rete mirabile ex Arteria</p> <p>V. Carotide, in utroque latere, oriundum.</p> <p>W. Lamellæ interruptio.</p> <p>X. Arteria à D^o. Vieussens Cervicalis dicta.</p> <p>Y. Arteriæ Vertebrales.</p> <p>Z. Prominentiæ Cerebelli, non minus ob formam processus vermiformes nominandæ, quam veri processus vermiformes.</p> <p>a. Cerebellum Pia Matre obductum, in quo.</p> <p style="padding-left: 20px;">1. Observandum, extremitates Arteriolarum multis numeris esse copiosiores, quàm hic repræsentare potuerim.</p> <p style="padding-left: 20px;">2. Subdivisiones substantiæ Corticalis hic non repræsentari, sicuti exhibui Tab. 15. Fig. 4. propterea quod requisita præparatio ad hoc præstandum non fuit prægressa.</p> <p>b. Arteria Spinalis, eundem exortum non servans in omni subjecto, rarò enim ea præcisè ex ipsa divaricatione Arteriæ Cervicalis prodit, sæpius verò ex lateribus Arteriarum Vertebraliarum, sive in uno vel utroque latere exitum sibi quærit.</p> |
|---|---|

Explicatio TABULÆ XIV.

FIGURA PRIMA Portionem Corticalis substantiæ Cerebri repræsentat, in liquore visam, & ad vivum depictam. In ea observandum

1. Ramusculos Arteriosos extimos aded esse subtiles, ut non nisi oculis armatis, sensus incurrant, & ceracea materia repleti, tomenti speciem præse ferant. Vid. Lit. A.

2. Observandum, particulas diversæ formæ Lit. B. notatas, nil aliud esse, quam extrema Arteriolarum succosa, quæ quamvis continuationes sint Arteriarum, tamen ob mollitiem sibi invicem ita appositæ, ut peculiare quid esse mentiantur.

FIGURA SECUNDA Portionem Cerebri exhibet, pariter in liquore visam & inversam, ut filum sericeum, à quo dependet, firmitus objectum contineret.

A. Ramus Arteriæ carotidis.

B. Corticalis Cerebri substantia.

C. C. Medullaris Cerebri substantia.

FIGURA TERTIA Substantiam Cerebri Corticalem demonstrat, in liquore visam, ablutis extremitatibus succosis.

FIGURA QUARTA Portionem Medullæ Oblongatæ indigitat supina parte visam, idque ex infante.

A. Protuberantiæ, corpora olivaria, dictæ.

B. Protuberantiæ, corpora pyramidalia, dictæ.

C. Sulcus dictis corporibus interfitus.

D. Corpus globosum.

E. Portiones crurum Medullæ Oblongatæ.

F. Medullæ Oblongatæ extremitas.

FIGURA QUINTA Protuberantias, quæ Calamo Scriptorio adsitæ sunt, exhibet, quæ non minus quam præcedentes corpora Pyramidalia & Olivaria dici possent, idque ex infante.

Explanatio TABULÆ XV.

FIGURA PRIMA Portionem Plexus Choroidei demonstrat, Hydatidibus referti.

FIGURA SECUNDA ablata Pia Matre, varia exhibet circa Medullam Oblongatam, & Cerebellum, parte aversa visa.

Notandum tamen, Cerebellum in ambitu variis in locis esse abscissum.

A. Protuberantia annularis fibræ seu tractibus transversalibus instructa, in cujus medio sulcus longitudinalis.

B. Dictorum tractuum concursus.

C. Sulcus longitudinalis principii Spinalis Medullæ, cujus

D. Fibræ seu tractus Medullares exteriores transversum obtinent

cursum, sub iis autem latitant cæteræ, longitudinales à me dictæ, & in Fig. 6. repræsentatæ.

E. Protuberantiæ, Corpora Olivaria dicta.

F. Cerebellum in ambitu abscissum.

G. Prominentiæ, Corpora pyramidalia dictæ.

H. Portiones Cerebelli, processus vermi-

Fig. 1.




Fig. 2.




Fig. 3.



Fig. 4.





Fig. 5.






Fig. 2.



Fig. 2.




Fig. 3.



Fig. 4.




Fig. 5.



Fig. 6.





Fig. 7.



vermiformes æmulantes.

I. Nervi auditorii.

K. Lamellarum Cerebelli super-

ficies Medullaris, corticali artificiose ablata, idque sine notabili læsione partis Medullaris.

FIGURA TERTIA *Plexum Choroïdeum, cum annexa Piæ Matris portione, indigitat, in eo enim innumeræ Arteriolæ visuntur, quæ pertinent ad Piam Matrem.*

A. Vascula Arteriosa per Piam Matrem dispersa.

B. Portio Plexus Choroïdei, qui nisi Arteriolæ succolæ, mirum in

modum contortæ, serpentinoque modo reptantes, Glandulae (quibus destituitur dictus plexus) repræsentantes.

FIGURA QUARTA *Cerebellum exhibet, cujus superficies Corticalis in innumeræ rartículas subdivisa, vasculis sanguineis subtilissimis ubique donata.*

A. Cerebellum.

B. Vasa per illud dispersa.

C. Uniuscujusque Lamellæ subdivisiones innumeræ.

FIGURA QUINTA *Portionem substantiæ Corticalis Cerebelli demonstrat, cum suis subdivisionibus, ablata Pia Matre, ejusque Vasculis sanguineis, ut eò luculentius in conspectum prodeant dictæ subdivisiones.*

FIGURA SEXTA *indigitat Medullam Oblongatam parte averſa & lateraliter viſam, annexa portione Cerebelli, demptâque Piâ Matre.*

A. A. Binæ portiones crurum Medullæ Oblongatæ.

B. Duæ protuberantiæ Medullares, quæ Glandulæ pone infundibulum conſitæ, audiunt.

C. Protuberantia annularis, tractibus seu fibris Medullaribus & transversalibus extrinsecus instru-

cta: hæ autem fibræ continuant cum iis, quæ substantiam Medullarem Cerebelli constituunt.

D. Portio Cerebelli abscissa, ut interiora pateant.

E. Cerebelli superficies Medullaris Corticali adempta.

F. Medullæ Oblongatæ extremitas.

FIGURA SEPTIMA *Infantis Cerebri portionem Medullarem exhibet, Corticali artificiose ablata, ut nusquam sit læsa.*

Handwritten text at the top of the page, possibly a title or header.

Second line of handwritten text.

Third line of handwritten text.

Fourth line of handwritten text.

Fifth line of handwritten text.

Sixth line of handwritten text.

Seventh line of handwritten text.

Eighth line of handwritten text.

Ninth line of handwritten text.

Tenth line of handwritten text.

Eleventh line of handwritten text.

Twelfth line of handwritten text.

Thirteenth line of handwritten text.

Fourteenth line of handwritten text.

Fifteenth line of handwritten text.

Sixteenth line of handwritten text.

Seventeenth line of handwritten text.

Eighteenth line of handwritten text at the bottom of the page.

2
EPISTOLA

ANATOMICA, PROBLEMATICA

TERTIA & DECIMA.

Authore

CHRISTIANO WEDELIO,

Ad Virum Clarissimum

FREDERICUM RUYSCHIIUM,

Med. Doct. Anatomiae ac Botanices Professore.

DE

OCULORUM TUNICIS.



AMSTELÆDAMI,

Apud JANSSONIO-WAESBERGIOS,

MDCCLXXXVII.

LIST OF

AMONG THE

BERNARDINI

CHRISTIANITY

OF THE

OF THE

OF THE

OF

OF THE



OF THE

OF THE

OF THE

V I R O

Nobilissimo & Experientissimo

Dⁿ. FREDERICO RUYSCHIO,

Apud Amstelodamenses Anatomico Celeberrimo

S. P. D.

CHRISTIANUS WEDELIUS,

Fenensis.



Tua cuique, sic Tua TIBI, VIR Clarissime, è re anatomica tot per annos, tantisque laboribus & lucubrationibus parta, merito tribuenda est gloria. Non unæ sunt partes amplissimæ Medicinæ, omnes ad unum tendentes finem, quarum quæque singulari studio indiget ac opera, si rite excoli debet, totumque fere requirit hominem. Neque enim datur vel unicam ex æquo absolvere, nec gloriari possumus de illa perfectâ. Hinc huic præ cæteris placet studium botanicum, illi chimia; istum artem chirurgicam, alium anatomiam excolere delectat; trahit omnino sua quemque voluptas: Traxit & Te, VIR Celeberrime, cui, non neglectis reliquis, in primis Anatomix Tuum dicare animum, navareque operam, placuit, nec id quidem præclaro sine successu. Labores enim, quos in hac arte exantlasti, indefessi erant, mireque constantes & sumptuosiores; qui cum ita essent, quî potuit aliter fieri, quin ad summa illam perduceres & tantum non absolutam redderes? Verum enimvero plurima debentur singulari Tuæ & jampridem à multis exoptatæ partes corporis humani præparandi ac conservandi methodo, quæ certe omni laude major est. Innumera enim hujus beneficio illustrasti, quæ obscura, nec, nisi verbulo, tacta à Doctissimis, ac Acerrimis relicta erant Viris, nec pauca aperuisti, quæ sagacissimorum Anatomicorum visum effugerant. Omnes expetimus demonstrationes, & ea saltem credimus, quæ videmus, nec in naturalibus de rei essentia ac constitutione dubitare cessamus, nisi ea clare in sensibus nostris & perspicue sit explicata. Minima equidem Prætor non curat, at aliter diligens remque ad vivum refecans Anatomicus; quæ cum in corporis humani partibus non temere unicuique se offerant, quis non

ambabus manibus arripiet media talia, quibus ad intimiorem eorum cognitionem perveniri possit? Negari tamen non potest, methodum talem præparandi ac conservandi partes facile rejici, ac vitii alicujus accusari posse. Videtur nimirum longe nimis à statu naturali recedere vimque aliquam partibus inferre, sicque aliam istis, ac debebant, induere faciem. Satiùs proinde apparet & convenientius, corpora recenter denatorum cultro anatomico subjicere, & in his scrutari partium situs & constitutionem. Sed utrumque optime simul stare posse arbitror, nec alterum ab altero sejungendum esse, credo. Abeunt à statu naturali præparatæ corporum partes, abeunt & recenter denatorum, utrobique status iste cum vita desit. Sin autem situm partium earumque pororum, fibrarum &c. immutari putemus, si ita præparentur, vereor, ne idem quoque de recenter mortuis multo magis dici possit, imo debeat. Sensim in iis se poris insinuat liquor affusus; nec ulla, ut censeo, accedit violentia; in his vero, vix denato sæpe corpore, quanta se non exerit in humoribus vis ac turba, quam valide non extendunt partes continentes ac fibras, quam frequenter non dilacerant membranas & erumpunt? Hoc ut ne fiat præcavet dictus præparandi modus, ut vel ideo summo pere commendandus veniat. Praeter ea autem, quo subtiliores sunt in corpore partes, eo majori ac citiori obnoxiae sunt corruptioni; unde non raro curiosiorum indagationem non admittunt. Ut itaque & hæc cognosci possint, commodum est, tali modo præparentur, & sic, quae præpropere & una vice non poterant, lente ac successive examinentur diligentius. Non minor vero artificii hujus conservandi est jucunditas, quam equidem est ejusdem utilitas. Corrigit ac nescit foetores & taedia, innumera circa sectiones cadaverum alias occurrentia, quae non paucos à curatiori anatomiae studio deterruere & adhuc deterrent. Quid? quod efficit, ut quovis tempore, & quod mirum & paradoxum prima fronte videri potest, aestivo, calidiori equidem sed magis sereno ac lucido, longe melius, quam tempore alio, sectiones institui & studium hoc assidue tractari possit. Sed videor mihi præstantissimum hoc inventum defendere velle, cujus tamen insignem usum ac præstantiam nemo forsitan in dubium vocabit. Quin, etiamsi quis velit, vix tamen feriis ac firmis niti poterit fundamentis. De singulari Tua humanitate ac benevolentia in me, Experientissime Ruysschii, nisi persuasum haberem, non scripsissem. Tibi hæc, quae profecto, eo cum sis animo, in optimam partem accipies. Neque enim animus.

mus mihi fuit, dignis novam Tuam præparandi methodum efferre laudibus, quibus sane ipse non opus est, sed ut meam de illa, quam foveo, sententiam TIBI aperirem.

Præcipuum autem de quo plenius à TE informari ingens me tenet desiderium, versatur circa delicatissimam ac nobilissimam corporis nostri partem, Oculum dico. Plures sunt partes hunc constituentes & ad eum pertinentes, ut muscoli, vasa, nervi, glandulæ, humores &c. primariæ tamen, &, quæ ipsum presse dictum constituunt, membranæ existimantur seu tunicæ, & humores. Ad tunicas quod attinet, in harum numero maxime scinduntur in partes Autores. Alii enim quatuor, quinque, sex, septem imo plures statuunt, alii contra non nisi tres admittunt. Prima, quæ totum oculum cingit, & qua iste circumjectis connectitur ossibus à pericranio producta, adnata dicitur, album in oculo adpellatum constituens, & exquisito sensu plurimisque gaudens vasis. Adjectitiam hanc nonnulli accusant, nec inter membranas oculi recenserì posse adferunt, quippe simplicis potius membranæ quam tunicæ nomine dignam. Ex adverso vero cæteri in tunicis omnino numerant & inter hanc ac duram aliam insuper existere adfirmant, quam innominatam vocant, aut, quia à tendinibus oculi oriri censetur, tendinosam. Dubito cuinam sententiæ accedere debeam, unde avidissime Tuam hac de re expecto informationem. Sed ablata hac tunica adnata cum musculis, glandulis & pinguedine, statim sese offert dura seu sclerotica adpellata, quæ cum sequentibus à substantia nervi optici provenire existimatur. Hujus pars anterior diaphana est, instar cornu tenuis & splendescens, & hinc cornea nominata, quæ à CI. Viro *Guilielmo Briggs in cap. III. doctissimæ suæ Ophthalmographiæ p. 41.* è tribus tendinibus seu lamellis constare traditur, facile in oculo cocto vel bovino recens extracto separandis. Hanc quæ sequitur choroides vocatur, cujus pars antica plerumque κατ' ἐξοχὴν uvea denominatur. Efficit hæc per corneam transparens tunica iridem oculi, varie in variis coloratam & pupillam ad instar annuli cingentem. Verum quod maxime in hac membrana notandum, est ligamentum, ciliare insignitum, cujus à toto ambitu quædam oriuntur filamenta tenuia nigri coloris, processus ciliares dicta, quæ motui humoris crystallini inservire perhibentur. Huic, ni fallor, subjacere debet nova quædam à TE, VIR Acutissime, primum inventa tunica, à Celeberrimo Tuo Nomine Ruyfchiana nuncupata. Frustra huc usque hanc in sectionibus oculorum investigavi, adeò, ut diffiteri non queam, quandam mihi exinde

enatam esse suspicionem, TE ipsum forte in hujus sectione deceptum fuisse. Non difficulter enim etiam tenuissimæ dividi possunt membranulæ, hinc facile potuit contingere, ut vel tunicam uveam divisam, vel etiam ipsum ligamentum ciliare separatum pro peculiari habueris tunica. Quod si vero veram, ab his distinctam, suisque propriis præditam vasis istam deprehendisti, devinctissimos omnes TIBI reddes artis anatomicæ Cultores, si curatorem ejusdem descriptionem, modumque quomodo sit invenienda pro ea qua soles humanitate cum publico communicabis. Restat adhuc tunica retina, retiformis seu amphiblastroides vocata, è fibris medullaribus nervi optici conflata. Hæc radios visuales excipere & princeps visionis organum creditur, de quo tamen nonnulli ambegerunt. Sunt autem hæ insigniores oculi tunicæ: qui plures esse numero defendunt, corneam ac uveam tanquam singulares, & à caeteris differentes, addunt. Qui verò oculi membranas, ut summus & accuratissimus Anatomicus, Cl. Dn. *Verheyen* in sua Anatomia facit, in proprias distinguunt & communes; has dicunt eas, quas recensuimus, & proprias, quas humores crystallinum & vitreum cingere aiunt. Non ita contrariæ videntur circa tres oculi humores, aqueum puta, crystallinum & vitreum, opiniones, sed fere omnes conveniunt, si unicum exceperis, quod aliqui dictos duos postremos humores tunicis seu membranis circumdatos esse negent; sine dubio tamen & in his quaedam adhuc observanda relicta erunt. Quapropter à TE, VIR Humanissime, etiam atque etiam pro Tua in me summa & maxima benevolentia officiose ac peramanter peto atque contendo, ut Tuam de propositis mentem pro ea, qua in his polles, solida eruditione, benigne patefacias, nec Tua exoptatissima informatione me dedigneris. Hoc vero facies, si accuratorem tunicarum oculi numerum docebis, earum veriore constitutionem ac usum explicabis, quæque tum circa has, tum etiam ipsos humores singulæ, rariora & præprimis notanda TIBI sunt visa, benevole monebis. Age, VIR Excellentissime, & quam de summa Tua ac illustri in anatomicis industria largiter sibi spem concepere prudentiores, fortiter explere stude. Non deterreant animum Tuum fastidia, & si quæ alia ex his laboribus exfurgere possunt adversa.

Tu ne cede malis, sed contra audentior ito.

Vale, mihi que favere perge. Scribebam Lugduni Batavorum, Kalendis Januarii Anni c. 10. 10 c. c. quem TIBI felicem decurrere precor!

FRE-

FREDERICI RUYSCHII
RESPONSIO

Ad Virum Experientissimum

CHRISTIANUM WEDELIUM,
IN EPISTOLAM ANATOMICAM, PROBLEMATICAM

DE

OCULORUM TUNICIS.

*Cui accedit Responsio in qualemcumque J. J. RAU
defensionem nuper editam.*

UPO 125711-359
Q 1 3 4 5 6 7 8 9 10

11 12 13 14 15 16 17 18 19 20
21 22 23 24 25 26 27 28 29 30

31 32 33 34 35 36 37 38 39 40
41 42 43 44 45 46 47 48 49 50

Experientissime Vir.



Pistolam tuam accepi, tanta humanitate atque benevolentia plenam, ut responsionem diutius differre haud potuerim: imò ab eo tempore voto quidem tuo pro viribus satisfacere conatus fui, sed temporis penuria, ob varia negotia, haud exiguum obstaculum attulit.

Partium corporis humani scrutinium, non solum in recenter defunctis, verum etiam in præparatis necessarium rectè statuis; nec ab eo unquam alienus fui, ut utrumque in usum revocaretur: quapropter etiam soleo in publica sectione Anatomica eandem sequi viam, idque præcipue, ut differentia utriusque conspici possit; cum autem mihi non lubeat, integra cadavera, à plurimis annis conservata, omnibusque visceribus instructa, semper publicè exhibere, sine quo partium situs naturalis demonstrari non potest, necessarium Tecum existimo, cadavera recentia simul quoque esse adhibenda.

Noli tamen credere præparatione nostra cadavera, aut eorum partes magnam acquirere mutationem, quæ cum naturali haud conveniat; sed contra, quæ mihi adferuntur cadavera fœda, & foëtori non solum proxima, verum etiam foetidissima, rediguntur ferè, uti vidisti, artificio nostro, in statum hominis viventis & dormientis, solo motu excepto.

Nulla vis adhibetur, ea enim adhibita, particulæ minutissimæ dissiparentur, sed contra, quæ in cadavere recenti visum fugiunt, particulæ minutissimæ, luculenter in conspectum prodeunt. Si ulla vis adferretur, quomodo fieri posset, quod tamen in Cerebro, mihi oblato demonstrare haud difficile est, corticalem Cerebri substantiam ex meris vasculis sanguineis, præsertim arteriis, constare. Impossibile quoque foret, arteriolarum reptatum per tunicam choroideam, ut & reticularem, multò minus per tunicam Ruyschianam in oculo ostendere.

Dissectiones anatomicæ ut plurimum in tempus hyemale differuntur, nostris autem investigationibus tempus æstivum magis favet, utpote cælo serenioris existente, visusque aciei magis favente.

B

Foëtor,

Fœtor, ut bene animadvertisti, nos neutiquam arcet, aut deterret, nullus enim adest; sed contra, suavem naribusque gratum spirant odorem cadavera, nostra arte præparata. Itaque dicta methodus à nemine vituperatur, nisi ab iis, qui Theonino dente aliorum inventa rodere assolent. Porro quod ad numerum, ut & denominationem tunicarum oculorum attinet, varios Auctores admodum confuse de iis scripsisse, verum est; ego augebo numerum, tunicâ nempe Ruyschianâ à me dictâ, an jure meritoque, Tibi, Exp. Vir, & omnibus æquis Judicibus dijudicandum relinquam.

Ut Oculorum fabrica accuratissimè innotescat, perquam utilem esse censeo methodum nostram, quandoquidem hujus operæ plurima in iis luculentius apparent, quam vulgari sectione anatomica, neque sculptor indiget delineatione, antea à pictore facta, sed opus suum, ad objectum ipsum, perficit; neque cogitur adeo festinare, uti antea quoque innui in responsione Epistolæ de Cerebri substantia corticali.

Oculorum tunicæ seu membranæ, per quas vasa sanguiflua dispersa esse invenio, sunt N^o. vj., septimam verò & octavam, sc. vitream, & crySTALLINAM hætenus vasis sanguiferis destitutas offendi, id quod Tibi Exp. Vir quoque demonstravi; noli autem exinde dubitare de earum existentia, plures enim sunt membranæ, per quas nemo, quod sciam, hætenus vasa sanguiflua viderit disseminata; inter eas occurrit tunica Amnios in homine, ut & in ea chorii parte, ubi Placenta Uterina chorium relinquit, nec non in ea tunicæ Arachnoideæ parte, quæ proxime adlita est futuræ sagittali: corpus reticulare Malpighii sub cute situm in totum quoque destituitur vasis sanguiferis.

Sunt ergo octo oculorum tunicæ visibiles, quarum 1^a. adnata seu conjunctiva audit, 2^a. tendinea, 3^a. sclerotica, 4^a. choroidea, 5^a. Ruyschiana, 6^a. Retina, 7^a. Vitrea, 8^a. CrySTALLINA.

1^a. Adnata seu conjunctiva, ita dicta, quod oculum orbitæ alligat, laxa admodum & mobilis existit, estque continuatio perioptii, vel si quis ita velit, pericranii: hæc admodum sensibilis, innumerisque vasis sanguiferis perfusa, uti in Ophthalmia ut & artificiosa nostra impletione, palam est.

Huic subjicitur 2^a. seu tendinea, nonnullis innominata dicta: hæc constituitur ex tendinibus muscutorum oculos moventium; estque tam firmiter scleroticæ connata, ut nullo quidem artificio

ab illa in totum separari possit ; hinc difficile esse reor , ejus terminum ad quem exacte demonstrare.

Sub hac expansione tendinea videnda sese exhibet Tunica sclerotica, quæ tertia est, admodum dura, crassa atque opaca ; hujusce pars anterior cornea audit, quia pellucida, diaphana & transparens est, veluti cornu politum, estque in aliquibus aliquanto convexior, non autem in omnibus.

In hac tunica sequentia observo.

1°. Me nunquam potuisse artificio nostro vasa sanguiflua, per eam dispersa, tam numerose detegere, quam quidem in tunicis adnata, Ruyschiana, & retina.

2°. Ductum à Clariss. Nuckio detectum (quantumvis non rarò nostra repletionem, aliquid materiæ ceracæ admiserit, imò in objecto recenti aliquid sanguinolenti in eo invenerim) peculiarem esse ductum, cum vena in totum haud convenientem.

3°. Per dictam Tunicam mihi videre videor plurima vascula nova, secundum longitudinem decurrentia, quæ neque sanguiflua, neque lymphatica esse reor, quantumvis Lymphaticorum æmula sint, quia in totum cum iis haud conveniunt : dico, quod mihi videre videar, quia tanta in re haud libenter aliquid proferrem, nisi certissimus factus : Memini me olim hæc quoque vidisse in oculo flaccido, sed verò suspicabar rugosas esse particulas limpidas à flacciditate productas ; jam verò in oculo rigido, expansoque sese videnda exhibent.

Si conjecturæ locus sit, non alienus essem ab ea opinione, per ea reduci humorem aqueum, qui per ductum à Nuckio inventum, vel per alium ignotum, adfertur ; credibile enim non est, humorem aqueum semper remanere sine renovatione.

Videmus quoque amisso humore aqueo, à vulnere inflicto, eundem recuperari : Quicquid sit, ulterius perscrutandum erit, quid sit hujus rei, antequam certi quid statuendum sit. Interim huncce oculum rigidum, naturali forma atque colore præditum, dictisque vero similibus vasis instructum, reservaturus sum, donec non solum meis, verum etiam aliorum oculis magis lynceis certior factus fuerim.

Huic proxime succedit Choroides tunica ordine quarta, quam à Pia Matre oriri Auctores autumant, ejusque pars anterior uvea nuncupatur. Diversitas existit inter Choroidem & Uveam (quamvis partes sint continuæ) idque haud solum ratione reptatus ar-

teriarum, uti videre est ex Fig. annexis, verum etiam uvea constituit Ligamentum ciliare ejusque processum, ut & Iridem. In parte postica hujus Tunicae, quæ proprie Choroides dicitur, sequentia observo.

1°. Hancce ex duplici lamella seu membrana constare, quarum exterior totius nomen retinens Choroidea mihi est, interior vero Ruyschiana, de qua statim plura.

2°. Arterias per Choroidem dispersas, tam numerosas esse, ut plures ea recipere haud possit.

3°. Reptatum arteriarum peculiarem esse; ramusculi enim varii è trunculis oriundi, in orbem sunt dispositi. Vid. Fig. 8. id quod nemo tam distincte exhibiturus est, nisi præmissa repletionè ceraceæ materiæ.

Ligamentum ciliare corpusculum est crassum, in orbem ductum, cujus facies posterior humoris crystallini, & ex parte quoque vitrei tunicis connectitur, plurimisque jugis undulatis pigmento nigro obsitis ditatur, (quæ inter nulla vasa lymphatica invenire potui) unde admodum aspera & inæqualis: porro Ligamentum ciliare ex fibris motricibus constare nullus dubito; evidens enim motus in ejus processu percipitur, idque in dilatatione & angustatione pupillæ. An autem præter illa dicta juga peculiare reperiantur fibræ motrices in ligamento ipso nondum exploratum habeo, saltem facie exteriori, quæ æqualis est, & nullis prædita jugis, eas reperire nequeo, facie interiore scatet jugis undulatis in homine, forsan juga sunt considerata tanquam musculi exiles & fibræ longitudinales per processum ciliarem dispositæ, tanquam tendines.

Notandum interim nonnullos Ligamentum ciliare & processum unum & idem facere: Verum enimvero tanta est inter hæc duo differentia, ut pro uno eodemque habere nequeam.

Processus ciliaris parte posteriore gaudet fibris longitudinalibus, pectinatim dispositis, pigmentoque nigro obductis, nec non arteriis reptatu plane diversis, ab iis, quæ reperiuntur per Ligamentum ciliare.

Fibræ longitudinales dictæ, per processum ciliarem dispersæ, recto cursu incedunt, in Ligamento autem ipso, undulato modo reptant juga latiuscula.

Facies anterior processus ciliaris, Iris dicitur, id quod non pertinet ad faciem anteriorem Ligamenti ciliaris.

In processu ciliari evidentem mobilitatem percipimus, non autem in ipso Ligamento.

Si dictum Ligamentum ciliare, ut & ejus processus à membranis humoris vitrei & crystallini, quibus cohaerent, abstrahantur, utriusque pigmentum ex parte ita cohaerebit dictis membranis, ut videantur fibrae pullae, quo nomine quoque insigniunt auctores varii; an recte? Videntur enim nil nisi pigmenti vestigia.

Sequitur nunc Tunica 5^a Ruyschiana à me dicta; haec Choroideae tam firmiter connata est, ut vulgari sectione anatomica in oculos haud incurrat. Artificiose infarseram Choroideae Tunicae arterias, quas cum suspensa manu tractarem, recedebat Tunicae Ruyschianae exigua portio à Choroidea: hoc à me viso, suspicari coepi, annon Tunica Choroidea esset gemina, & artificio quodam in duas Lamellas separabilis; hoc ex voto bis successit, & portionem satis magnam à Choroidea separabam, per quam aequè bene, ac per Choroideam observabam arterias peculiare, diverso reptatu reptantes, esse dispersas. Vid. Fig. 10.

Cum publicè hoc exhiberem, proposui, nunquid consultum foret, nomen peculiare imponere huic tunicae, aliis incognitae, nempe innominatae: Verum id haud videbatur consultum, propterea quod eo nomine alia tunica gauderet.

Itaque Filius meus Henricus (qui mihi opitulari assolet in dissectionibus publicis, & (ut ait J. Rau) lectionibus Botanicis) proponebat nomen Tunicae Ruyschianae, cui calculum apponebam. Quis mortalium me eo nomine accusabit, praeter adversarium J. Rau, qui mea inventa Theonino dente ubique rodere assolet, & eo nomine me perversae observationis accusat in sua ad me scripta Epistola calumniosa? quasi vero tale quid haud exstaret in rerum natura. Fateor quidem J. Rau vulgari sua methodo secandi corpora, hanc Tunicam nunquam ostensurum esse: Verum enim verò auctor essem, & suaderem J. Rau, ut impofterum opinari desinat, illud non exstare, quod ipse demonstrare non valet; innumera enim exhibere possem, quorum demonstrationem ab ejus arte ac methodo frustra quis expectet. Fig. 7. dictae Tunicae Ruyschianae repraesentat imaginem. Domique objectum ipsum reservabo, ut cuivis illud exhibere queam.

Quare jam mihi non licet novum imponere nomen huic Tunicae, cum majores non sine ratione idem fecerint circa Tunicam tendineam, quae arctius connascitur subjectae Scleroticae,

quam Ruyschiana Choroideae? Tunicae seu membranae glandem Penis investientes sibi invicem arctissime cohaerent, sunt tamen diversae constitutionis, varioque nomine forsitan in posterum appellaturus sum, quandoquidem varia circa illas observata publici juris facere conabor, modo occasio sese offerat.

Quatuor Tunicae intestinorum sibi invicem tam arctissime cohaerent, ut non nisi accurata manu separari possint, attamen variis in rebus à sese invicem discrepant, variisque nominibus non immeritò superbiunt.

Quid ne Oculatissimus quidem Malpighius circa Arteriarum Tunicas prodidit? nonne variis nominibus insignivit eas? quantumvis in tot tunicas vix ac ne vix quidem separabiles sint.

Lamella igitur Tunicae Choroideae interior insignitur à me nomine Tunicae Ruyschianae; circa quam observo,

1°. Quod sit tenuissima & peculiaribus arteriis donata; de venis nil dicam, cum eas nondum accurate viderim.

2°. Arteriae Tunicam Ruyschianam obambulantes, eundem reptatum cum Choroidea haud servant; variis enim in locis in modum crucis sibi invicem incumbunt, praeterea ortu quoque variant. Vid. Fig. 9 & 10.

3°. Quod dictam Ruyschianam à Choroidea separare haud valeam, nisi summâ diligentia adhibitâ arteriarum repletio, ceraceâ materiâ facta, praecefferit.

4°. In iis, qui Choroideam Tunicam habent justò tenuiorem, haud semper Ruyschiana admittit separationem, quantumvis in omni oculo visibilis sit, modò praecedat arteriarum accurata repletio.

Quod ad usum Tunicae Ruyschianae attinet, crediderim hanc Tunicam, inter caeteros usus, esse destinatam non solum ad robur Choroideae, verum etiam, ut à sanguinis arteriosi majori copia requisitus calor tribus humoribus, naturâ frigidis, conciliaretur: Quò plures enim arteriae, eò plus caloris humoribus adfertur; cum in finem dicta Ruyschiana, non minus quam Tunica Choroidea myriadibus arteriolarum ditata est, quibus omnibus infarctis sanguine aut ceracea materia, tota Tunica rubedine est perfusa, id quod domi meae jucundo spectaculo saepius vidisti, & per figuras jam expressi.

Notandum interim hasce Arteriolas haud esse visibiles, nisi pigmentum pullum, quo oblita est Tunica Ruyschiana, sit ablatum.

Ruyf-

Ruyfchianâ Tunicâ jam descriptâ, ad incudem revocanda Retina, seu retiformis, quæ dicitur medullosa, ex substantia medullari Nervi optici producta, & visus primum organum, de ea doctissime ratiocinatur Guilielmus Briggs in sua Ophthalmographia. Haec Tunica Retina seu Retiformis dicitur à figura, scilicet, quod retis piscatorii imaginem repræsentat, ut loquar cum Joh. Jessenio à Jessen, qui Pragæ Aô. 1600. Anatomiam satis accuratam scripsit: hanc figuram egregie repræsentat dicta Tunica retina, cum arteriolæ ceracea materia sunt repletae, præsertim post absterfionem substantiæ medullaris, quæ constitutum dicitur ab auctoribus. (Vid. Fig. 16.) & domi meae objectum ipsum.

Circa hanc Tunicam consideranda primò ejus substantia, quæ an solummodo medullaris? uti hætenus hoc placitum viguit; an vero præter substantiam medullarem quoque aliquid membranosi obtineat? diu anceps hæsi, multumque negotii mihi fecit: posterius verum esse credidi, postquam cadaverum oculos offenderam, quorum retina adeo erat subtilis, tenuisque, ut vix & ne armatis quidem oculis, præter arteriolas, aliquid membranosi aut medullosi percipere potuerim: postea videbar mihi videre aliquid membranosi, arteriolaris interpositum: hunc suspicari cœpi medullosum, appositum quid esse dictæ Tunicae, non autem Tunicam ipsam.

Tandem, iteratis perscrutiniis, reperio oculis armatis, arteriolarum extrema tam esse numerosa, & tam arcte sibi invicem, & intricatè annexa, ut peculiarem repræsentent membranulam, ex Arteriolarum extremis constitutam, cui connectitur dicta medullosa substantia. Haec adeò sunt subtilia, ut sculptori impossibile fuerit, ea per Figuras satis accurate repræsentare, domi verò distinctè hæc omnia lustrari possunt cœlo sereno.

Fateor quidem vulgari administratione hæc visus aciem aufugere, imò impossibile esse reor, nisi artificio nostro præcefferit repletio arteriolarum per retinam disseminatarum, & objectum liquori convenienti innatet, ut omnia à se invicem non nihil recedant.

Vituperet J. Rau hanc demonstrandi methodum, & præferat subiecta recentia, dicatque convenientius esse demonstrationes anatomicas in recens defunctis peragere; ego dico, quod ars non habeat osorem, nisi ignorantem, & quod J. Rau sua arte hæc & similia, realiter existentia, non exhibiturus sit.

2°. Arteriolarum per retinam disseminatae, non uti in Choroidea,

par-

partim à latere , partim quoque è fundo oculi Tunicam dictam adeunt , sed solummodo è fundo emergunt ; & ad tunicam retinam properant.

Succedunt proximo loco Tunica Vitrea & CrySTALLINA ; utramque exstare certior factus sum , continua exploratione ; suntque membranulæ subtilissimæ , diaphanæ , nullis vasculis sanguineis visibilibus ditatæ , humoremque vitreum & crySTALLINUM coërcentes : hæc expressi Fig. 20. & 21. in formam maculæ ob tenuitatem.

Cæterum quod ad dehortationem tuam attinet , scilicet ne animum meum deterreri patiar adversis & fastidiis , quæ mihi ex laboribus meis oriri possunt : Pro certo habeas velim , Exp. Vir , me , ob nullam ex maligno animo ortam maledicentiam , destitutum à proposito.

Excepi non ita pridem adeo virulentam à J. Rau invasionem , adeoque ab humanitate alienam , ut genium & ingenium hominis satis mirari nequiverim . Non erat in animo eam refutare , utpote omni responsione indignam ; præsertim quod sciam , spreta exolescere ; at verò ratio quædam me ita impulit , instimulavitque , ut planè desistere nequiverim , ea tamen intentione posthac prorsus abstinere decreverim ab omni responsione.

Audivi enim ejus , uti & eorum , qui ei à consiliis , & à manu sunt , propositum esse , me avocare à proposito , scilicet ne ea , quæ ab aliis haud sunt notata , aut saltem non satis perfectæ , multò minus recte delineata , publici juris faciam . Noli interim aegre ferre quod succinctam meam Tibi referam refutationem , quam nuper publice ex parte feci in præsentia J. Rau , cujus auritus & oculatus testis Tu quoque fuisti.

1^o. Auditoribus , qui magno convenerant numero , exhibui hominis **RUDITATEM** , in titulo ejus Epistolæ commissam , ubi ait , scriptum Scroti à me delineatum esse **FICTITIUM** ; quasi verò ego ejusdem furfuris essem , ac ille , qui quidquid in ejus buccam venerit , proferre non erubescit , & **FICTITIA** pro veris hominibus obtrudere non veretur ; exemplum habes Exp. Vir , circa Scrotum humanum , quod duplex esse perhibet , imò depingi curavit , idque in quovis homine , (hoc ex officina ejus propria desumptum esse , facile crediderim) cum contra unicum sit , & simplex : si dixisset Septum Scroti à Ruyschio depictum erroneum esse , nonne fatius fuisset ? Nihil enim humani à me alienum esse fateor , sed verò **FICTITIUM** esse , durum Ruys-

Ruyschio, qui tale quid haud commisit. Septum autem Scroti neque FICTITIUM, neque erroneum esse spectatoribus omnibus luculentissime demonstravi in publica demonstratione Anatomica, nuper habita, ut & ipsi J. Rau, qui, ut dixi, præsens erat.

Pag. 2. ex alio fonte haurire videtur, ubi ait, *Ruyschii genium vario adhuc nomine celebrem & celebrandum*. Quicumque ullum commercium cum illo habuit, non rarò auribus hausit, quod jam Ruyschium, ut & ejus artem sæpius in cœlum usque, imò magnificentius, ultraque merita, extulerit, mox autem pro captu ejusdem Ruyschii artem, summa cum invidia deprimere, imò ceu alter CYCLOPS angulo è saxo Ruyschium obruere conatus fuerit.

In prima ejus Epistola condecorabar titulo Clar. & Doctiss. Viri, de re Anatomica bene meriti; in sequente tanquam indignus Anatomicus perstringor, qui fucata proferat; itaque mihi integrum erit posthac, aut laude extolli, aut deprimi à J. Rau.

Ungue quoque notandum, quod fol. 3°. temere & sine ulla veritate me accusat, scilicet, *quod illi linguæ vernaculæ usum in dissectione sua interdicare haud potuerim*.

Erubescat J. Rau, nisi frontem perfricuerit, nunquam enim tale quid molitus sum: Fateor quidem, cum falcem in meam messem magis magisque immitteret, operationesque Chirurgicas bis publicè instituisset, quibus libertatem suam plus justò amplificare, & sese in meam possessionem insinuare conabatur, quod 3^a. die Amplissimos adierim Consules, ea solummodo intentione, ut rogarem, an J. Rau permissum fuerit tale quid publice peragere; quid sit? Illicò illi interdictum fuit operationes Chirurgicas publice exhibere; nihilominus ausus est in illa Epistola scribere, quod interdictionem impetrare haud potuerim; quantumvis illicò interdictio fuerit subsecuta. ô audaciam inauditam! noli interim, Doctiss. Vir, me eo nomine insimulare invidiæ, ratio enim, quare hoc fecerim, sequens est.

Collegii Chirurgici Præfecti, propositum J. Rau ægre ferentes, arcessiverunt illum in cameram Chirurgicam, interrogaveruntque, an veniam impetrasset à Magistratu operationes Chirurgicas publicè instituendi, respondit, quare mihi hoc minus licitum esset, quam Ruyschio? existimabat, sese omninò esse decoratum Professoris titulo, cum interim nil illi permissum, nisi ut singulis annis tantum liceat Anatomiam instituere publicam per septem dies, cum ea tamen adstipulatione, Ruyschio eo loci neutiquam occupato. Quis mortalium non adiret Ampl. Consules, cui tam enormia contingerent?

Querelas quoque futes fol. 3°. profert, dicens: *Nova alia in me protendit tela, qui nunquam illum lædere in animo habui, & me plagii in suis publicis lectionibus insimulavit, cujus an reus nec ne, penes te lectorem in judicium relinquam, postquam, unde insimulationis suæ causam desumpserit Ruyschius, tibi nude exposuere.*

Hic refert, quid fecerit publicè, tanto cum fastu, ut legenti facile nauseam excitaret, idque non sine mutilata relatione; dicens, me insimulationem sui desumpsisse ex ejus instrumento, ut & operatione: quod ad ejus instrumentum attinet, illud plane ineptum esse, in vero palpebræ prolapsu, vel ad palpebram superiorem decurtandam cum fructu, quis mecum non affirmabit, calculumque adjiciet? modo consideret, quod in palpebræ decurtatione non solum cutis, verum etiam cartilago ex parte esset amputanda, quo factò æger incideret in Scyllam, volens vitare Charybdin, & ex malo in pejorem incideret statum: haud tamen veritus fuit publicè gloriari, sese quatuor curasse, prolapsu palpebræ laborantes, instrumenti illius beneficio; expecto in posterum, ut mihi unicum afferat tantum exemplum, non putem viros Clar. à Jo. Rau citatos, Dortmuntium & Romannum, neque præstantiss. Chirurgos Yle & Roseboom, calculo suo approbaturus esse hanc ostentationem; scilicet quod ullus eorum sit curatus à dicto affectu, per illud instrumentum; contrarium facile probare potero, nempe, quod in pejorem statum sint redacti, quicquid etiam proferat de sua experientia. Veruntamen ne quis autemet omni vii carere hoc instrumentum, iniquum haud erit, Praxeos viam sternere, & quo in affectu cum emolumento adhiberi queat, aperire. Quemadmodum caro, aliæque corporis humani partes, quandoque ad luxum incrementa capiunt, sic etiam cutis, vel sola, vel una cum carne, justæ magnitudinis limites excedit; id dum contingit in palpebra superiore, instrumento illo uti licet, sicque tenaculi species est, quo plurimis annis usus fuit, me præsentè, Magister Petrus Verduyn, Adriani Filius, idque in amputatione præputii elongati, ita ut mirari subeat, quod dicat, me ansam insimulandi sumpsisse ex ejus instrumento; contrarium demonstravi in præcedenti demonstratione Anatomica, in qua usus sum instrumento, diverso ab eo, quod adhibuit J. Rau, uti videre est ex annexis figuris 2 & 3.

Porro, inquit, me dictas demonstrationes peregissem, *solita mea eloquentia, & bene dicendi genere, agilitateque manuum opera;* risum teneatis amici! mea eloquentia, bene dicendi genus, agilesque manus, nunquam mihi laqueo fuere ac fraudi: Linguam
nimis

nimis lubricam ac volubilem habere, sæpe noxium homini; id quod mecum confiteri debet J. Rau; & quod ait, mihi fuisse in animo gloriolam suam delere; quid hoc sibi velit, nescio: de qua gloriola hic loquitur J. Rau? Turpe est doctori cum culpa redarguit ipsum: Omnia ejus scripta eò diriguntur, ut me artemque meam sup-
primat, idque dièteriis & relationibus a vero alienis.

Inter cætera leguntur fol. 6. *in ultima prælectione ejus (tres aut 4 tantum instituebat) placuit ipsi operationem de Phalangosi repetere, verborum ejus summum & sensum intellige; loquens de instrumento Bartischii, varia curva & recta ad imaginem Bartischii fabricata monstrabat, ex cupro tamen, quod pessimum.*

Hic in parenthesi videre est, quot dies occupatus fuerim scilicet, *per 3 aut 4 tantum*; quare, placidus haberi qui vult, non ad-
jecit rationem, utpote cœlo, ob calorem, cæteris demonstrationi-
bus haud favente: *tres aut 4*, quare non 4 aut 5, placidus si audire
cupit, haud enim ignarus est, quod 4 habuerim demonstrationes,
an hoc ut augeret Ruyschii famam? Revocet in memoriam quot
demonstrationes instituere sit solitus, idque non raro diebus alter-
nis, cum ipse tres tantum habuerit demonstrationes (idque semel
tantum uno in anno) ô invidiam inauditam hominis, qui placi-
dus haberi vult.

A Veritate quoque longe alienum est, quod inter instrumenta à
me allata, ullum fuerit rectum, ut ait, omnia enim erant curva, ex
cupro fabricata, quæ si *ex cupro pessima*, ut ait J. Rau, quare ipsemet
sua ex cupro confici curavit? ego autem dico, ex cupro æque apta.

Porro quod dixerim, ut narrat in demonstratione supra citata,
ne ego quoque videar cornicula Æsopica, recedit à veritate: dixi è
contrario, hujus instrumenti auctor non sum, sed Magister Petrus
illud fabricavit ad Bartischii instrumenti imaginem: itaque verbo
quoque omisso, uti omisi, mutat sensum, verbum enim *quoque* re-
ipexisset ad aliquem, & hoc ut dirigeret, ad semet ipsum, ver-
bum *quoque* adjecit totus Echinus & asper.

Quid mali jam commisit Ruyschius? an Ruyschio non esset lici-
tum dicere, ubi Rau adest, ego non sum auctor hujus vel illius in-
ventionis? Nolo audire cornicula Æsopica, & quomodo potuerunt
illa verba ipsum respicere, cum jam profiteatur, sese publice dixisse,
quod non esset habendus dicti instrumenti auctor, sed Barti-
schius, & quod tantum emendaverit foraminibus; & quod adjun-
gat, *me non ausum fuisse dicere, dictum instrumentum à Magistro
Petro esse inventum*, adeò frivolum est, ut nulla indigeat refutatio-
ne;

ne ; nam si hoc neglexerim, jam affirmo, & dico, illud à dicto Magistro Petro esse excogitatum, & non solum longe differre ab illo, quo usus fuit J. Rau, verum etiam J. Rau tale instrumentum nunquam ante meam exhibitionem vidisse; hoc enim patet ex eo, quod ait paulo post: *hærebat enim auditoribus in memoria mei ante bimestre exhibiti figura*, puta illam, ab eo nunquam visam.

Quid videtur Tibi, Exp. Vir, de tam futili, & à veritate aliena accusatione? in totum fere conveniente cum ea, quæ jam sequitur; *finita prælectione*, scribit, *usus libertate, concessa ab Amplissimis Scabinis, Anatomiae spectatoriibus rogabam Ruyschium, &c.* A quibus Scabinis Amplissimis Anatomiae spectatoriibus, illi concessa dicta libertas? cum nullus Scabinorum adfuerit dictæ dissectioni.

Noli tamen mirari, Exp. Vir, nam illi solenne est, ut non vereatur dicere quicquid sibi in mentem venerit, modo conducere illi videatur. Quamvis Scabinorum nemo dissectionem Anatomicam eo tempore condecoraverit, tamen J. Rau (ut ait) concessa libertas à Scabinis, qui spectatores sese stiterunt. O distortam & mancam relationem! Si J. Rau hujus culpæ reus haberi nolit, in proxima Anatomia publica ab eo instituenda, nomina eorum Scabinorum exspecto; & quod dicit *sese descendisse in Cameram Chirurgorum, Ruyschium placide reprehendendi causa*, his nulla fides habenda; ex antecedentibus enim, ut & ex iis, quæ sequuntur, haud apparet.

Intraverat cameram Chirurgorum, ut more solito occasionem captaret me vexandi, meaque verba mutilandi & detorquendi, id quod liquidum esse puto ex sequenti. *Vir Clariss. aiebat, mihi arrisisset, si nomen meum addidisses & dixisses, quod ego cornicula Æsopica sim, de qua loquebaris; attonitus referebam, quare hoc à me exigis, qui de te non cogitavi? hæc autem profert sese dixisse; gratias tibi ago maximas pro labore in te suscepto, in hac dissectione Anatomica, sed mihi displicet mentio plagii, quo me tacite insimulare voluisti.*

Pag. 8. Recenset denuo verba, quæ ex ore meo nunquam exierunt, scilicet, *per 33 annos hanc artem exercui, omnes auctores evolvi, ideo me magis in lectione te versatum, unusquisque facile conjicere potest.*

Quis mortalium fidem habere potest hisce relatis, nonne mente captus jure merito haberetur, qui tam ambitiosa verba proferre non vereretur? Qui me norunt, & quibus J. Rau ignotus non est, ii facile credent fictitia esse, & è diametro sibi opposita, quæ hic exhibet; præterea quis diminueret Annos si vellet gloriari de temporis.

poris diuturnitate, non enim per 33 annos (ut ait) Anatomicam exercui artem, sed per plures, quamvis haud publicè. Ita ut omni ex parte mutilata sint, quæ producuntur à viro, qui me sui similem existimat; nemini enim ignotum est, quanto cum fastu & ostentatione, ubique gloriatur de se, suaque arte & scientia, tam publicè, quam privatim. Ut scias tamen, Exp. Vir, quid huius rei sit, paucis declarare animus est.

Retuli in Epistola 12 Anat. problemat. & jam denuo repetere non gravabor, fermunculum inter J. Rau & me habitum, in eo receperat se mihi ostensurum varios auctores, qui accuratius septum Scroti, quam ego, descripsissent; ad hæc respondi, eris mihi Magnus Apollo, non autem manum illi porrexi, quod quoque inter fictitia numerandum. Verba posteriora scilicet, *accuratius, quam ego*, in sua relatione *more solito*, omittit, cum interim cardo rei in iis versetur. Et quæ addidit verba Pag. 8. metali modo, quali allegat, exegisse, scilicet ut typis mandaret discursum nostrum, à vero quoque alienum. Rogavi tantum, ut mihi patefaceret auctores, qui accuratius (ut ait) quam ego descripsissent Septum Scroti. Ad hæc respondit, hoc tibi dicam præsentibus 10 Medicis; quasi in re tam futili & haud suffecissent: quid fit? Typographum adiit, præloque commisit Epistolam mutilatam & ad genium suum concinnatam. An hoc jure factum, Tibi, Exp. Vir, judicandum relinquo, non iis, qui illi à consilio & manu fuere. Paulo post *dicit 4 Chirurgos interfuisse illi discursui, (quorum nomina non recenset) ut & filium meum Henricum, qui, ut ait, Parentem fideliter in hac sui defensione juvabat, eodem modo, quo fit ab illo aliquando in Theatro Anatomico & Horto Medico, quando hæsitanter prælegit*: cum me publice defenderem contra illa injuriosa verba, dixi, præsentem J. Rau, si ejus Filius aut Filia, ad Filii mei ætatem pervenerit, & tunc tantum auxilii ab eo velea habuerit, eum habiturum quod sibi gratuletur; præterea dixi antea qui linguam nimis habent lubricam, non raro illis laqueo ac fraudi fuisse, id quod expertus fateri debet J. Rau, quantumvis mihi infensissimus.

Pag. 9. loquitur de scommatibus & conviciis à me prolatis in Epistola 12 Problematica, quod certe risu dignum, nihil enim quod scomma redolet posse inveniri in ea profitentur omnes, qui illam legerunt Epistolam.

Paulo post denuò profert, quod cupidissimus fuerim ejus videnti Epistolam, cum nunquam tale quid somniaverim; nulla illi incumberebat scribendi necessitas, verum enim verò sola ejus scri-

bendi lascivia & prurigo illum excitarunt, quibus à longo tempore actus fuerat.

Pag. 10. dissidii primam allegat causam, quæ adeo inutilis, ut relatu vix digna sit. Garrit denuo de Bartischiano instrumento, à se emendato. *Primam hujus dissidii Anatomici causam esse, fideliter retuli; quæ in Epistola mea ad eum scripta erat. Ne devogari viderer, suppressere volui, quandoquidem ad Rhombum illa nihil faciebant, etenim illam ego Epistolam nunquam typis excudi jussissem, nisi Ruyschium ejus vidissem cupidissimum.* An hæc Prima dissidii causa? Scilicet quod dixerim, me non esse inventorem illius instrumenti, sed Magistrum Petrum Verduyn, à quo illud impetraveram. An tam male dictum, ego non sum inventor, nolo audire Cornicula Æsopica? ego enim antea nunquam in hoc casu illo usus fueram, neque tale instrumentum in J. Rau manus venerat unquam, prorsus enim diversum illud est ab eo, quod applicuerat. An hæc prima dissidii causa? ô inauditam futilemque! Porro quod allegat sese voluisse suppressere quæ in sua Epistola exstant, *quandoquidem ad Rhombum nihil faciebant*, præstitisset profectò tam absurda suppressisse, quam orbi literato obtrusisse, quæ, ut bene ait, nihil ad Rhombum faciebant, id quod verius, quam quod cupidissimus fuerim illam videndi, aut quod Scrotum induratum centies publice demonstraverim. Semel videndum exhibueram in publica dissectione Anatomica Scrotum humanum, lapidis instar, artificio nostro induratum, per quod vasa sanguifera egregie visuntur dispersa: hoc in sua Epistola vitio mihi vertere studens, scribit me centies in Theatro publico exhibuisse; quid ergo cogitandum de tali homine, cui semel est centies, forsitan illi quoque centies erit semel, modò sibi videatur conducere; & paulò post denuò, *nonne plus centies in eodem loco, in dictorum confessu, qui in memoriam ejus dicta revocare possunt; Quis unquam Anatomicorum vel Veterum, vel Recentiorum tale Septum vidit? de hoc scripsit? ullam mentionem fecit? somniavit de hoc septo antea nullus.* Antea dixerat me centies Scrotum induratum videndum exhibuisse in Theatro publico, cum semel tantum visui exposuissem; nunc objicit mihi plus centies tali dixisse, quæ nunquam ex ore meo prodire, nec recenfui. Qui me norunt iis judicandum relinquo, utrum ulla cum veritatis specie tale quid à me cogitari possit, qui nunquam illotis manibus publicas celebravi demonstrationes Anatomicas. Illa certe magis competunt J. Rau, qui eo nomine celeberrimus habetur apud omnes, qui illum norunt, & cui solenne est seipsum laudibus in

in cœlum evehere ; satis superque id sua Epistola declarat legenti , in qua gloriatur de dissectionibus suis & cæteris actis , tanto cum fastu , ut omnibus , quos hætenus offendi homines , tædium excitaverit. Videtur in illa Epistola cum Ajace jactitare : mecum confertur Ulysses , fortissimus Ajax ?

Centies , me dicta publice protulisse , mihi objicit , & crediderim toto illo tempore , ex quo J. Rau Parisiis valedixit , Amstelodamumque appulit , me tantum semel atque iterum de genitalibus virorum egisse ; hoc tantum memini me semel dixisse , cum Scrotum exhiberem , nemo hætenus eo ritu Scrotum humanum præparavit , ut tam luculenter ejus Septum , vasis sanguiferis donatum apparuerit : Viden' Exp. Vir denuò differentiam.

Mox rursus de meo linguæ lapsu ; sed an non præstat linguæ lapsus , quam talia committere vitia , quæ contemnenda generi humano ? &c. Sine mutilatione non solum difficillimum J. Rau mea repetere verba dicta , verum etiam scripta , vide Pag. 12. ubi hæc reperiuntur verba : *Fac , dicit ille , tale Septum noverint laudati Anatomici , & pene veram Septi constitutionem , ego tamen illud dilucidavi , & vasa in illo dari , descripsi & delineavi.*

Mea verba ita sonant : *An ideo negabit auctor me bene meritum , quod nonnulla ipsis incognita adjecerim , & quæ illi non delinearunt , delineaverim , quod præterea methodum demonstrandi adjecerim , quod vasa sanguifera exhibuerim ; de methodo demonstrandi nullam facit mentionem , sine qua tamen luculenter nemo demonstraturus est Septum Scroti.*

Videamus nunc quid novi noster Aristarchus orbi literato è proprio sinu depromptum , communicaverit.

Non unum Scrotum habet homo , sed cuti involuta duo , quod mox per figuras , hoc enim amat Ruyschius , dilucidabo , & unicuique demonstrabo in cadaveribus à quadriennio denatis & in Spiritu Vini , Frumenti , vel Sacchari conservatis , melius tamen & naturæ convenientius in recens defunctis.

Hominem duobus Scrotis ditatum esse , inauditum , novumque esse nemo inficias ibit , at verò , nemo quoque Anatomicorum stipulabitur elumbi huic hypothese , & assertioni , ne pilo quidem dignæ. Auctor essem , si J. Rau sæpius novus venire velit , ut alia , & veritati magis consentanea orbi literato communicet , figurasque addat magis consentaneas , quarum vasa naturalem observent repandendi cursum. Amo enim figuras , ut ait , non autem tales quæ ad dilucidationem objectorum ineptæ sunt. Dicat Ironicè me figuras amare ,

amare, ego sine Ironia refero, me neutiquam calculum adjecturum figuris ejus de duplici Scroto, utpote inconvenientibus, erroneis, veritatemque obnubilantibus.

Pag. 12. dixerat, *hominem duo habere Scrota cuti involuta*. Pag. autem 13. *Scrotum ex cuticula, cute & membrana, quæ Dartos, seu carnosæ dicitur, conflatur*.

Scrota ergo (ut ait), homini sunt duo, cuti involuta, & paulo post, Scrotum constat ex cuticula, cute &c. An hæc congruant, Tibi, Exp. Vir, judicandum relinquam.

Scroti enim præcipuum constitutum est cutis, eâque ablata, Scrotum aufertur, dicitur ne testibus, earumque membranis ablatis, Scrotum remansisse? Sicuti præputium cutis & membranæ cellulosæ elongatio est, pro Glandis tegmine inserviens, sic quoque præcipuum constitutum Scroti est cutis, à corpore dependens, ut sit testiculorum bursa seu Scrotum.

Uterius de mea sibi incognita methodo exsiccandi loquitur, quam, dicit, *me extollere in altum, ut lapsu graviore ruam*. Jaculum illud in projicientem recidit. Revocet in memoriam, quid olim de ea dixerit arte, sibi prorsus incognita hilariori animo, idque homini omni fide digno, & adhuc superstiti, JAM INVENIMETHODUM CORDIS VASA REPLENDI, ÆQUE BENE AC RUYSCHIUS, SED ILLA EXSICCARE NEQUEO.

Nonne reponendum est J. Rau, artem non habere Osorem, nisi ignorantem; humani Corporis partes ita indurare & exsiccare, ut pene omnis dimensio superstes maneat, utque color à naturali non multum recedat, laudibus extollere non negligeret J. Rau (cui quotidianum, Anatomica, & Chirurgica sua, & præsertim de sua latinitate gloriari, utrum jure merito an secus, aliis judicandum relinquam) modo illi æque bene ac Ruyschio notum esset, quo ritu illa sint peragenda. Variis dixit, & jam quoque publici juris facere haud veritus est, artem nostram esse fucatam; interim studiosis promittit se eos in illa arte instituturum esse, eamque sibi non minus ac Ruyschio esse notam, cum interim ne quidem à limine eam salutaverit. Non sine ratione dicitur, qui invident, abjecto sunt animo. Itaque si pergat J. Rau artem nostram, cujus plane ignarus est, vituperare, tranquillum æthera remigabit.

Jam denuò, haud sine legentis fastidio de errore, ut ait, meo, in præparatione Scroti commisso, qua visui sese exhibet Septum Scroti. Hæc præparatio illi audit fucata, quamvis plane ignarus sit nostræ artis, qua præparatio instituitur: neque ego solum, verum

rum

rum etiam auctores ab eo allati accusantur, quod tale Septum ex-
 stare scripserint. Qui primò veritatem statuit circa Septi existen-
 tiam, nunc exstare negat; si dixisset, non putem dictos auctores eo
 modo, & tam distincte Septum Scroti vidisse à Ruyschio proposi-
 tum, quia non habuerunt artem præparandi & exsiccandi, non
 fuissẽ alienus ab illius opinione; nam hac arte destitutus, nemo
 luculenter Septum Scroti demonstraturus est. Si autem J. Rau
 existimet hoc à veritate recedere, expectabo, ut proxima Anato-
 mia publica mihi tam luculenter, & tam accurate septum Scroti
 sine exsiccatione demonstret, ac ego nuper feci; Paucis, hic Rho-
 dus, salta quæso, & cum idem non præstiteris, quod ego, tum ex-
 spectabimus an contemptui tibi erit; ego autem hoc impossibile
 esse affirmo, propterea quod omnia in Scroto recens denati, adeo
 sint lubrica, mollia & mobilia, ut tam distincte Septum Scroti
 omnino demonstrari nequeat; & quod plus simplici vice me fefel-
 lerit mea, ut ait, præparandi methodus, lubens fateor, milliesque
 J. Rau decipietur, antequam eo, quo ego, pervenerit in præpa-
 randis partibus corporis humani, ut retineant colorem naturali
 proximum, & parum, ratione omnis dimensionis, amittant. Ne-
 que rarò deceptus fuit in suis demonstrationibus, quas publice ha-
 buit; at, quod dicit Tunicam Ruyschianam me fefellisse, haud
 concedo, ejusque Fig. videre licet Tab. 16. Fig. 7. 10. & 13. imò
 objectum ipsum domi meæ exhibere nunquam detrectabo; sed
 quicquid J. Rau demonstrare non valet, in rerum natura exstare
 negat. Sciat interim J. Rau, quamdiu vulgari methodo partes cor-
 poris humani demonstraturus est, uti facere assolet, sese nunquam
 ejusmodi subtilia exhibiturum esse, qualia quotidie visui expono,
 & revera exstare ab omnibus affirmatur, ita ut non solum meis, ve-
 rum aliorum oculis & meis multo acrioribus fidem habiturus sim,
 donec J. Rau contrarium mihi publicè demonstraverit, quod
 ad Calendas eum Græcas facturum existimo.

Et quod garrit de Anastomosi Arteriæ Bronchialis cum Ar-
 teria Pulmonali, ejusdem est farinae; ut & illud quod profert de
 nomine Art. Bronchialis à me illi imposito, hæc omnia nimiam
 invidiam spirare, quis non videt? ab omnibus, & in omnium Ana-
 tomicorum scriptis retinuit nomen Art. Bronchialis, nec incon-
 grue, quia per Bronchia disseminatur.

Hiscẽ relictis jam de gloria aliorum auctorum, à me, ut ait, at-
 trita, ita loquitur: *jam dudum Auctorum multorum gloriam ab*
Ruyschio, nunc verbis, nunc scriptis, attritam, defendissem, quod
justum

justum esse puto ; uti certe ipse Ruyschium post ejus fata defendissem, si modo relicturus sit gesta, memoria & defensione digna. Quid Tibi videtur, Exp. Vir, de hac relatione; justum esse, inquit, multorum auctorum gloriam ab Ruyschio nunc verbis, nunc scriptis attritam, defendere, cum interim sine ulla, vel ne minima quidem ratione, aut evidenti causa, mihi atrociter insultet; Vide supra si placet, primam, ut ait, diffidii causam, quam tamen haud reperies, etiam si Diogenis lucerna in subsidium veniret. Post fata gloriam Ruyschii defendere suscipiet, ut pollicetur, ea conditione scilicet, *si relicturus sit gesta, memoria & defensione digna.* O Astutiam hominis! qui aliorum gestorum Censor esse vult, cum interim sibi gratularetur si Ruyschii vestigia insequi posset, non dubito interim, quin post fata quoque mea, honesti reperiantur homines, qui Ruyschii scripta pro meritis defensuri sint; sed vinum bonum hedera suspensa non eget, & si parcius in hac Epistola Ruyschium vituperasset, haud dedecori illi fuisset, qui tamen dicit sese tranquillitatem prætulisse semper contentioni; tollat hoc, qui J. Rau haud novit; & judicandum illud relinquam Parisiensibus & Amstelodamenis.

Porrò, inquit, *quare omnes decipiuntur auctores, qui scribunt, Testiculos habere duo involucra communia, cutem nimirum & carnosam membranam, quasi membrana carnosae unicus saccus esset, eodem modo quo cutis, Testiculos involvens.*

Contrarium nuper, præsentè J. Rau, luculenter publice demonstravi, auctoresque haud esse deceptos, scribentes Testiculos habere duo involucra communia, scilicet cutem, membranamque Darton; membrana Dartos vere utrumque Testiculum involvit, per totum enim Scrotum est continua cuti. Hoc si quis accurate demonstrare satagit, substantia ejus cellulosa, artificiosè aura est replenda, exsiccanda, & postea aperienda acutissimo phlebotomo, uti nuper publicè exhibui. Hac solâ methodo, quae immeritò fucata dicitur J. Rau, videndam sese exhibet membrana Dartos, non autem in objecto recens denati, quod temere præfertur à J. Rau. Si quis adhuc anceps hæreat, domi meæ reservantur eadem objecta, publicè exhibita, in quibus distinctissimè ostenditur novum, inauditum atque erroneum systema J. Rau corruere.

Demonstravi quoque eodem tempore à veritate alienissimum esse, quod perhibet; *hi sacculorum parietes, ubi se invicem tangunt, tam leviter connascuntur, ut ea Cutis parte ab illis separata, quæ illorum conjunctionis rimam obtegit, & hac ratione futuram,*
sic.

sic dictam, constituit (quæ ab ano per Scrotum ad extremitatem præputii excu rit) facili negotio, vel digitis, vel cultro divelli possint, & disjungi: cum contra ea firmiter & ab omni parte hæc omnia sint connata, nec leviter unita, ut ait, & quod addit hæc facili negotio vel digitis, vel cultro divelli posse; respondeo, hæc non facilius a sese invicem posse separari, quam cæteræ membranæ corporis humani subcutaneæ.

Inspicias ulterius Spect. V. erroneam ejus hypothesein circa Scroti futuram; *sutura autem hæc, cutis parte media spectabilis, non nisi ex particulari nexu cutis, cum utroque sacculo profertur; hoc si verum sit, rogo, quid Suturam in perinæo, ubi talia prætenfa Scrota seu sacculi non reperiuntur, efficiat? & quod ulterius dicit, cutis enim magis, quam membrana Dartos explicabilis, plane nego, contrariumque evidens est in hydrocele & hernia intestinali, in quibus membrana Dartos cutis molem insequitur, utpote cum sint partes continuæ.*

Jam denuò *Ruyfchius sibi gratulatur, quod nihil potuerim RODERE, præter hoc unicum, de Septo Scroti; verius dixisset me nihil voluisse RODERE, &c.*

Si J. Rau, cum iis, qui illi à manu & consilio sunt, haud firmiora possint afferre argumenta, persisto in iis, quæ dixi, quod mihi gratulor.

Imo si ea, quæ J. Rau sæpius profert, typis mandaret, plurima haberem, quæ rodere possem; & quod addit *me invasisse ejus famam*, nego, & pernego.

De hoc emendatore foraminulorum (cui solummodo competit, ut in ejus scriptis liquet, emendare auctores) & multorum auctorum perverso defensore dicere cogor cum Poëta: Quis tulerit Gracchos de seditione querentes? Quicumque utriusque scripta evolvere dignetur, ei veritatem expiscari haud erit difficile. His finem impono Epistolæ, & J. Rau CUM SUSURRONIBUS SUIIS, qui illi opitulantur, valere jubeo, optans, ut in posterum mentem sanio rem, in corpore sano, adipiscantur.

Hicce, expertissime Vir, pro virili, Tibi satisfacere conatus fui. Deus T. O. Max. ut Te, tanto Parente natum, incolumem fervet in Nestoreos annos, precor.

Explanatio TABULÆ XVI.

IN FIGURA PRIMA Oculi humani portio cernitur, cujus pars anterior à Tunicis communibus liberata, ut humor Vitreus & Crystallinus, propriis Tunicis amicti, conspici possint.

- | | |
|--|---|
| A. Humor Vitreus, cui innatatur humor crystallinus. B. | constantem. |
| C. Pigmenti atrii portiones, quæ recessere à facie posteriore ligamenti, ut & processus ciliaris. Hæ portiones circulum tenuem & striatum in quadrupedibus repræsentant, in homine verò circulum confusioem, ex striis latioribus, & magis inæqualibus | D. Arteriolæ per Tunicam Ruyfchianam dispersæ, & non nihil transparentes per Tunicam Vitream. |
| | E. Nervi optici portio. |
| | F. Scleroticæ Tunicæ portio posterior. |
| | G. Margines Tunicarum. |

FIGURA SECUNDA Instrumentum seu Tenaculum exhibet, ad Bartischii Instrumenti imaginem, à Magistro Petro Verduyn fabricatum, ad amputandas excrescentias cutaneas aptum, nullis foraminibus pertusum, cujus brachia admodum tenuia, ne, si quis acum in usum revocare velit, nimia cutis portio relinquatur post amputationem; acus autem, filo sericeo duplicato munita, pone brachia trajicienda.

- | | |
|----------------------------------|--------------------------------------|
| A. Cochlea. | D. Brachiorum tenuitatem demonstrat. |
| B. Utriusque brachii conjunctio. | |
| C. Brachia. | |


FIGURA TERTIA idem Instrumentum indigitat, foraminibus perforatum. Estque aliquanto majus.

- | | |
|----------------------------|-------------------|
| A. Instrumenti crassities. | B. & C. Foramina. |
|----------------------------|-------------------|

Si quis jam conferat hæc Tenacula hic depicta, & à me in usum revocata, cum eo, quo usus fuit J. Rau, & quod depingi curavit sua in Epistola calumniosa, ei facile erit videre, hæc longe inter se discrepare, quantumvis utrumque fabricatum sit ad Bartischii imaginem. Ita ut J. Rau perperam me accuset, primò quod in usum revocaverim instrumentum suum; Secundo quod inter mea fuerint recta, omnia enim erant curva; & quod notatu dignum, hæc prima dissidii causa!

FIGURA QUARTA offertur portio postica Tunicæ Scleroticæ, cum portione nervi optici, cujus involucrium extimum in duas lamellas separavi; idque è puero. Notandum interim, hæc lamellas inter se convenire, nec proprii quid habere, ea propter novum nomen haud imponendum esse censeo.

A. La-



- | | | |
|----------------------------------|----------------------------------|-----------------------------------|
| A. Lamella exterior. | nus demonstratam fuisse in cada- | |
| B. Lamella interior. | | vere recenti, omnibus in confesso |
| C. Involucrum intimum, quod à | | est. Attamen J. Rau cadavera |
| pia Matre oriri dicitur. | | recentia, sine præcedente præpa- |
| D. Spongiositas, ut ita loquar, | ratione, præferenda esse, mor- | |
| nervi optici, quæ in vulgari se- | dicus defendere vult. | |
| ctione Anatomica demonstrari ne- | E. Scleroticæ portio. | |
| quit, quapropter à nemine hæc- | | |

FIGURA QUINTA Hominis adulti Nervorum Opticorum coalitio designatur, cum eorundem nervorum spongiositate foraminosa, quæ non solum sese videndam exhibet in nervis opticis, ubi orbitas intrarunt, durioresque facti sunt, verum etiam pone, imò & ante eorum unionem.

FIGURA SEXTA Oculum exhibet è juvenis cadavere, cum nervis ocularibus, eum in finem, ut ostenderem locum, ubi dicti nervi Scleroticam adeunt.

- | | | |
|----------------------------------|------------------------|------------------------------------|
| A. Nervi oculares. | C. Tunica, Sclerotica. | |
| B. B. Arteriolæ, per Scleroticam | | D. Uvea, per quam iris transparet. |
| dispersæ. | | E. Pupilla. |

FIGURA SEPTIMA adumbratur Tunica Ruyschiana, è cujus medio Tunicæ Retinæ portio dependet, medullofâ ejus substantiâ ablatâ.

- | | |
|--|---|
| A. Tunicæ Ruyschianæ portio magna. | tatuque diversæ ab iis, quibus gaudet choroidea. Notandum interim hic non repræsentari Tunicam Ruyschianam integram, sed portionem ejus expansam, idque è pueri cadavere. |
| B. Tunicæ retinæ portio dependens, & è fundo Oculi prodiens. | |
| C. Arteriolarum myriades, per Tunicam Ruyschianam disseminatæ, ex Oculi fundo emergentes, rep- | |

Me deridere jam pergat J. Rau, sicuti fecit cum hanc Tunicam Ruyschianam exhiberem in publicis demonstrationibus; ego autem, quantumvis illum deridendi majorem habeam causam, ab eo abstinebo. At verò J. Rau provoco, ut proxima Anatomia publica, siquam impostero habiturus sit, contrarium demonstret, meumque, ut ait, errorem detegat. Ego recipio, præsertim in usum eorum, qui dictæ demonstrationi haud interfutere, me proxima Anatomia publica, non solum dictam Tunicam, verum etiam alia non minus digna circa visus organa exhibiturum esse, quæ nunquam in J. Rau oculos venerunt.

FIGURA OCTAVA ostenditur Tunica Choroidea, Adnatâ, Tendineâ, & Scleroticâ ablatis, idque è Cadavere pueri 6. 7. annos nati. Per hanc Choroideam myriades Arteriarum quoque sunt distributæ, quæ prodeunt ex arteriis ocularibus, Scleroticam binis in locis perforantibus: Nempe 1.º circa medium ubi sæpe sex, septemve ramuli arteriosi Scleroticam perforant, 2.º parte posteriore, circa oculi fundum, idque variis quoque ramulis.

- A. Arteriæ oculares, quarum rami
varii fundo Tunicæ Choroideæ
prospiciunt, varii quoque me-
dium ejus adeunt, vid. lit. B.
- C. Lig. ciliaris facies anterior.
D. Circulus Iridis, seu processus
iliaris facies anterior.
E. Pupilla.

FIGURA NONA reptatum Arteriolarum Tunicarum Ruyschianæ & Choroideæ demonstrat, crucis in modum se invicem interfecantium.

Notandum interim sculptorem studio pauciores hic repræsentasse ramusculos, ut evitaret confusionem.

FIGURA DECIMA Tunica Choroidea sese videndam exhibet laceratam, partim Arteriolis privatam, partim quoque ditatam. Id quod studio quoque factum puta, ut luculentius oculos incurrat particula Tunica Choroideæ, à Ruyschiana avulsa & reflexa.

- A. Tunicæ Choroideæ portio, nul-
lis arteriis ditata.
- B. Portio Tunicæ Choroideæ à
Ruyschiana avulsa & reflexa, ut
subjecta Ruyschiana Lit. C. no-
tata, oculos incurreret.
- D. Arteriolæ per Choroideam dil-
persæ.
- E. Nervi optici portio.

FIGURA UNDECIMA oculi Tunica Choroidea, Scleroticâ ablata, adumbratur, omnibus Arteriolis neglectis, ut eo distinctius nervi, ciliares à me dicti, conspici possint.

*Circa eos considerandum 1º. quod in ambitu numerosiores sint, quam hic repræsentantur. 2º. Hos nervos Scleroticam adeuntes, eandemque fere omnes circa oculi medium perforantes, per superficiem Choroideæ reptare, donec ad ligamentum Ciliare pervenerint, cui præsertim inservire videantur, quandoquidem per illud distribuuntur ramosi facti, & sic ciliarium nervorum nomen iis imposui, præsertim quod observâram, vix ullos ramusculos visibiles horum nervorum in itinere impertiri Tunicæ Choroideæ, aut Ruyschianæ, utpote nulli motui destinatis. Dicti nervi luculenter in conspectum veniunt, postquam Arteriolæ Tunicæ Choroideæ materiâ ceraceâ rubicundâ sunt repletæ; hoc enim neglecto, ut plurimum tantam habent convenientiam cum dictis Arteriolis, ut in defunctis, in quibus rarò oppletæ, facile ab aliis sint neglecti. Usu horum nervorum summo-
pere indigent ligamentum Ciliare, ut & ejus processus ad motum.*

FIGURA DUODECIMA demonstratur portio Tunicæ Scleroticæ, à qua dependent nervi ciliares, qui in aliis numerosiores, in aliis verò pauciores existunt.

FIGURA XIII faciem internam Tunicæ Ruyschianæ expansæ denotat, cum ligamento Ciliari, ut & ejus processu, idque ex homine adulto.

- A. A. Portio Tunicæ Ruyschianæ
facie posteriore visa, tot Arte-
riolis ditata, ut plures recipere
vix, ac ne vix quidem possit.
- B. Liga-

- B. Ligamentum ciliare , plurimis jugis undulatis præditum , per quod lig. dicta Tunica Ruyschiana quoque expansa est.
- C. Processus Ciliaris , per quem fibræ longitudinales reptant , donec ad circulum minorem pervenere , de quo infra plura.
- D. Circulus minor , pupillæ proximè adsitus , Tunicâ Ruyschianâ , neque ejusdem Arterioli privatus.

FIGURA XIV Juga aliquot Ligamenti ciliaris , oculis armatis visa , & per consequens naturali magnitudine multis numeris majora , suntque Arterioli Tunicæ Ruyschianæ instructa , quæ non solum per spatia interjugalia , verum etiam per eorum dorsum jucundo spectaculo repunt.

FIGURA XV Oculum humanum , transversim sectum , demonstrat , cujus facies exterior Scleroticam , interior verò Retinam medullofam repræsentat , idque è pueri cadavere.

- A. Scleroticæ Tunicæ portio posterior.
- B. Tunica Retina cujus arteriolæ totæ non sunt repletæ.

FIGURA XVI portionem Scleroticæ exhibet à qua dependet reticularis textura Arteriolarum Tunicæ retiformis , cujus medullofam substantiam in eo oculo non inveniebam , utrum dissipata fuerit , an verò defecerit aliam ob causam , dicere nequeo ; memini tamen me adhuc semel illud observasse , ea propter quoque dictos reservabo oculos , ut curiosorum oculis satisfaciam.

- A. Scleroticæ portio posterior reflexa.
- B. Reticularis Arteriolarum textura , sibi invicem tam arctè appositæ , & inter se intricatarum , ut peculiarem membranulam tenuissimam repræsentent.

FIGURA XVII, Iridis Arteriolas , oculis armatis visas , exhibet.

NB. Circulus Iridis , quæ membranula est per Corneam transparentis , parte anteriore cum Tunica Choroidea , posteriore verò cum Ruyschiana cohærens. *Hæc non immeritò in duos circulos dividi potest , quorum major desinit ubi Arteriolæ reflectuntur , vel ubi parte ejus posteriore fibræ processus ciliaris terminantur , sicuti Fig. 13. demonstrat. Alter multis numeris minor , ad pupillam desinit. Circulus Iridis major gaudet Arterioli innumerabilibus , quæ mirando reptatu per Iridem sunt dispersæ , sicuti hæc figura 17 ostendit ; ubi autem ad circulum minorem pervenerunt , reflectuntur , è quibus reflexionibus ramuli oriuntur novi , qui eodem modo quoque reflectuntur ad confinium pupillæ , id quod mirum visu ; An hoc , ut sanguis à motu rapidiori inhibeatur , vel minus extravasari possit ?*

Si quis jam consideret tam exiguas membranulas , quales sunt Tunicæ Choroidea , Ruyschiana , Retiformis , &c. superbire myriadibus Arteriolarum , quæ tamen in homine sano sanguine rubicundo non sunt repletæ , nonne dubitandum erit , hæc haud solum esse destinatas calefactioni atque nutritioni tam subtilium

tilium membranarum? Ad me quod attinet, judicium suspendam, donec luce meridiana clarius, ope artis nostræ, ostendero, Arteriarum extremitates in variis corporis partibus longe inter se differre; & sicuti differant qualitate, sic quoque eas differre usu, suspicor.

FIGURA XVIII exhibet Iridis Arteriolas, idque naturali magnitudine.

FIGURA XIX posteriorem Scleroticæ portionem demonstrat, in cujus cavitate videndam sese exhibet Tunica Reticularis undulata: hæc undas aliquoties reperi in dicta Tunica.

A. Tunicæ Scleroticæ pars posterior. | B. Superficies undulata interioris Tunicæ reticularis.

FIGURA XX & XXI in formam maculæ, Tunicarum humoris Vitrei, & CrySTALLINI portiones repræsentant, alioque modo eas exprimere non potui, utpote quæ sunt tenuissimæ, nullisque Vascularibus sanguineis ditatæ.



EPISTOLA

ANATOMICA, PROBLEMATICA,
QUARTA & DECIMA.

Authore

MAURITIO à REVERHORST

Med. Doct. & Anatom. Professore.

Ad Virum Clarissimum

FREDERICUM RUYSCHIUM,

DE

Nova Artuum decurtandorum Methodo.



AMSTELÆDAMI,

Apud JANSSONIO-WAESBERGIOS.

M. DCC. XXXII.

LIST OF

THE LITERATURE OF

THE AMERICAN

REPUBLIC

FROM 1776 TO 1876

IN TWO VOLUMES



NEW YORK: PUBLISHED BY
THE AMERICAN BOOK CONCERN, 1876

Clarissimo Doctissimoque Viro

FREDERICO RUYSCHIO, &c. &c. &c.

S. P. D.

MAURITIUS à REVERHORST.



Iteræ tuæ nuper ad me datæ gratissimæ fuere, præcipuè quum ex adjectis relationibus circa Methodum secandi Fratris *Jacobi de Beaulieux*, vulgò Eremitæ, intelligere licuerit, qualem successum in suis patientibus, vestrâ in civitate, habuerit, quum de illo tam variè apud varios differatur; hi enim

Manum ipsius in secando tanquam optimam, dexterrimam & quasi coelitus datam deprædicant; alii contra ipsam pariter cum famâ ipsius rejiciunt, foedisque proscindunt convitiis, quum nos tamen æque ac illi, quibus Lugduni Batavorum cura illorum patientum mandata fuerat, satis felices in curatione fuerimus; quippe è tredecim diversi sexus & ætatis, tam a Calculo, quam diversâ Herniarum specie sectis, non nisi duo fatis cesserunt, ambo quinquagenariis majores; quorum prior a diuturno Vesicæ ulcere, macie confectus, quin & Calculo ipso satis magno, aspero & inæquali, non nisi cum insigni Hæmorrhagiâ extracto, intra novem hebdomadarum spatium, usque eò pristinæ valetudini fuit restitutus, ut ille, qui antea nimis doloribus, continuisque vigiliis & Vesicæ ulcere attritus, & penè consumptus erat, jam multò obesior appareret, quin etiam jam urinam ad aliquod tempus retineret, & per cubiculum suum obambulare, & mu-

nia sua in ipsâ officinâ (faber enim ferrarius erat) utcunque obiret; adeoque, si in ullo patiente salutis spes affulgeret, hic in nostro fuit, qui tamen ex Incendii alicujus terrore è lecto suo profiliens, variisque in diætâ erroribus commissis, incidit primò in Febrem continuam cum tussi, a qua corporis vehementi agitatione, vulneris labia, jam fere coalita, iterum disrupta fuere, & variæ Calculosæ incrustationes, ab urinâ perfluente sese continuò lateribus apponentes, nostræ curationi remoram injecere, dum interim in urethrâ ipsâ, variis in locis Carunculæ obortæ, liberum urinæ effluxum prohiberent; sic ut reliquis Symptomatibus cum Febri auctis, hic noster patiens vitam cum morte commutaverit: quid autem in corpore ipso latuerit, Cultro Anatomico indagare nobis non licuit: Quid vero notaverimus in altero nostro patiente, itidem ab illo a Calculo secto, cujusque cadaver a nobis inspectum est, a Petro Adriani Verduyn, ejusve Filio absque dubio intellexisti, tam de statu ipsius corporis morbofo, utpotè antea Apoplectico, Mictu cruento, & nonnunquam Urinæ suppressione laborante, nec non Hernia ejus intestinali, operationis tempore prolabente, ut & altero rene ab ulcere consumpto, cæterisque præter naturam in corpore repertis, & observatis, unde hoc infelix omen satis prævisum fuit: hæc & pleraque alia, hunc casum spectantia, & notatu dignissima, non dubito quin intellexeris, quocirca longiori narratione illâ de re hic supersedebo, cum adhuc ex dictis illis tredecim patientibus, D. T. O. M. sit gloria! undecim qui vivunt valentque, satis de illâ secandi Methodo testari possint; interim nullus etiam dubito, quin suo tempore aliquis Gallus, aut alius, qui ipsius secandi Methodum pernoverit, quique politioris styli est ac dictus Eremita, hanc ejus methodum contra sinistros ejus famæ obtrectatores sit defensurus, uti ex nuperis litteris ex Arce Versaillia ab ipso ad nos missis non obscurè colligere potuimus, ubi simul, sed obscurius, loquitur de novâ Hernias (absque Testis jactura) secandi Methodo, quam se jam aliquoties instituisse perhibet, quæque multas ob causas antiquæ præferenda foret, uti
dies

dies docebit: Sed hæc de Eremitâ ejusque litibus, quas uti meas non facio, ita quoque illas componere nolo; progredior ad aliam, & novam quoque, seu nuper propositam in illa arte (videlicet amputandi) Methodum, quam P. A. Verduyn nuper proposuit, variisque experimentis ab illo tempore, ipsi oblatis, confirmavit, quâ de Methodo tanto lubentius tecum agam, quoniam illam nuper Amstelodami, Te presente, a P. A. Verduyn, ejusque Genero & Filio, præclaris illis Rei Chirurgicæ luminibus, ipsam institutam vidi, eademque Amputatio apud nos quoque paulo post, non in Manu, non in Juvene, non novâ illâ Methodo, sed in Pede, in Virgine, idque antiquo modo instituta fuit a Stephano de Rouw, & Adolpho Stukery, juvantibus Abrahamo van Kervel, & Everardo van Ourik, Chirurgis apud nostros in sua arte non parum versatis, spectantibus verò, seu potius patientis curam habentibus, Jacobo de Bye atque me M. D. S.

Casum nostrum prius ego hic exponam, deinde quid a Te, vestro in Casu, desiderem, addam.

Virgo triginta duorum annorum ante hos decem undecimve annos ab ustione dextri pedis circa talum diu malè tractata, & ut in adustis nunc his, nunc illis remediis adhibitis, aluit ab illo tempore, hac in parte, ulcus cum Carie tam Apophysis ipsius ossis Tibiæ, Fibulæque, quam reliquorum adjacentium ossium totius Tarfi, interim jam hac, jam illa in parte, aliqua curationis spes affulgebat, sed quod ad cæteras corporis functiones rectè se habebat, & quamvis usu hujus pedis malè affecti (utpotè plerisque Ligamentis, quæ hæc ossa alias continent, jam ab ulcere consumptis digitisque versus terram omninò & præter naturam protractis) destituta esset, tamen beneficio scipionis satis benè sese movebat, adeò ut Scalas quoque prompte conscenderet, cæterisque suis muneribus alacriter fungeretur; interim nescio quo malo lapsum patitur, ex quo ossa illa, præcipuè Calcis, non tantum fracta, sed & tota corporis mole desuper incidente, omninò comminuta fuerunt, cum tanto Sanguinis profluvio, ut vix evasura videretur, quo tamen sublato, & vulnere pro temporis ratione

tractato, nec ullâ restitutionis spe, nec pedis usu affulgente, unanimi consensu in illud omnes convenêre, ut ille pes paulò infra Genu rescinderetur; quæ operatio quamvis dextrâ pariter atque celeri manu instituta fuerit, quin etiam ipsa Curatio satis feliciter pro tempore succederet, optatumque eventum polliceretur, contrarium tamen videre coacti fuimus; nam præter continuos & ferè intolerandos dolores, tam in parte affectâ, quam jam ablatâ, de quibus continuò conquerebatur, incidebat primò ante justum tempus in Mensium fluxum, cum magnis intestinorum Cruciatibus, & assiduis dejectionibus, qui simul ac componebantur ac sistebantur, statim conquerebatur de Faucium anxietate, & Respirandi difficultate, quod in principio pro Passione Hyſtericâ, utpotè malo ipsi familiari, habebatur; sed Colli dolore, ejusque motu molestiore, & Masticatione æque ac Deglutatione aliquo modo impeditâ, cum aliquâ oris Clausurâ, & Musculorum Faciei distorsione, aliud cogitare cœpêre, præcipuè illi, qui una nobiscum expatientibus, ab Herniâ Intestinali ab Eremitâ sectis, quique jam saluti proximi videbantur, nihilominus lethale ut plurimum extitisse, fuerant comperti, illi, inquam, qui hoc antea nobiscum notarant, non sine ratione utut laudabilia omnia in vulnere apparerent, nihilominus aliquid sinisteri ominabantur, præcipuè cum enarrata Symptomata neque externis, neque internis remediis minuerentur, sed contrà febris magis intenderetur, quinetiam jam quoque de difficultate tam in reddendâ urinâ, quam in excludendis alvi fæcibus conquereretur, quod malum tamen applicatis Clysteribus aliquo modo levâri videbatur; hoc non obstante, doloribus tam in abdomine, quam in parte jam ablatâ (præcipuè ubi Ulcus fuerat; hæc enim pars continuo ipsi in animo versabatur, utpote nervi, nervosæque partes terminum suum jam in vulnere ipso obtinentes, & aëris incommodis aliisque injuriis externis obnoxia, jamque male affectæ, hanc menti ideam obtulêre) his, inquam, cum febre & delirio magis auctis, huic nostræ patienti mors sæpius optata finem dolorum imposuit.

Quid

Quid jam dicemus de dextra in operando manu? Curatione ad tempus satis felici? Si tam tristem eventum obtineant; quare non tantum cum Hippocrate in suis Aphorismis notare debemus. *Experimentum periculosum esse*, atque idcirco alia excogitanda media, quibus tam infelici successui, cæterisque Symptomatibus enarratis obviam eamus; hæc enim omnia quis dicet non provenire ex Nervorum nervosarumque partium consensu atque cohæsione? Quæ in hac extirpatione vel continui Solutionem patiuntur, vel alio modo malè affectæ, disruptæ, dilaceratæ, vel ab aëris injuriis minus sunt vindicatæ; an non illa Methodus, quam P. A. Verduyn nuper proposuit, quamque in Tua præsentia ab ipso satis feliciter institutam vidi, an non illa, & quibus modis, antiquæ præferenda foret, utpotè ubi Curatio non tam diuturna, neque dolor post operationem tantus, nec tum quoque talis Hæmorrhagiæ metus, nec ossis separatio expectanda venit, & Nervi nervosæque partes, Tendines earumque Fibræ & Vasa ipsa jam tecta, & a frigore cæterisque molestiis & incommodis externis ab applicatâ Musculosarum partium mole satis conservata videntur: non quod ego hic novam illam Methodum, solum quia nova est, introducere velim, sed quod in curatione sit minus dolorifica, paucioribusque Symptomatibus stipata, an non ideo amplectenda, veterique præferenda videretur?

Jam nihil est quod avidius expectemus, quam ut tua illa Observatio in lucem prodeat, & quid in Curatione ipsâ acciderit, & quot quibusve modis antiquæ Methodo aut præferenda aut postponenda veniat hæc nova, tam respectu doloris, & moræ in Operatione ipsâ, quam reliquorum Symptomatum post ipsam institutam, nec non intumescentiæ illorum Musculorum, quibus Ossium, & reliquarum partium extremitates tegendæ veniunt; quod ad reliqua non dubito, quin Manum ipsam amputatam dexterrimâ tua Methodo contra omnem interitum defensurus, ærique, uti affoles, incidendam daturus sis, idque si fieri possit, formâ naturali, cum alias Judicium non tam accuratè ferri possit, uti in Severino Lib. de nov. observ. absc.

absc. Similem ferè Casum proponente liquidò apparet: certiores sine dubio nos quoque facies de qualitate illorum tumorum, qui sese in manu offerebant, & an Cartilagineæ, an Ossæ, an verò (uti Cl. Pechlin. Obs. Lib. III. Obs. XLVI. habet) glandulosæ indolis fuerint, nec non quibus cum partibus cohæreant, seu potius, unde primum originem sumpserint, cuique natales debuerint, an propriis vasis ab ipsis primordiis, una cum forti imaginatione tempore Gestationis, his tumoribus a naturâ datis, an ex communibus, an ex tendinibus earumque involucris, an ex perioestio, an vero ex osse ipso, tanquam ex fonte, & primâ Scaturigine principium suum duxerint; uno verbo, quid solita tua solertia in eruendis corporum abstrusissimis mysteriis ulterius detexerit, avidi a Te expectamus; interim ut diu vivas, valeasque, & Artem Anatomicam novis & hæctenus inauditis tuis inventis ulterius ornes, ex animo precor.

Hagæ-Com. xij. Kalendas
Martii, clō 15 cci.

FREDERICI RUYSCHII RESPONSIO

Ad Clarissimum Virum

MAURITIUM à REVERHORST,

Med. Doct. & Anatomiae Professore,

Super Nova Artuum decurtandorum Methodo.



itteræ Tuæ, Vir Clarissime, & longè charissime, ad meas quidem pervenerunt manus; arduum autem mihi erit, nodum, in iis propositum, dissolvere: Si enim ulla in re judicium difficile sit, ut ait magnus

nus ille fenex, certe illa, à Te exhibita, haud exiguam ha-
ctenus crearunt Medicorum filiis molestiam.

Quod ad relationem attinet, de operationibus Lithotomi-
cis, Hagæ-Comitis, à Fratre *Jacobo Beaulieux* institutis, jam-
diu est quod veram hujus rei relationem desideravi. Gratulor
quod inter 13, quos à calculo Vesicæ, Herniaque liberavit,
2 tantum fatis concefferint; quot hic Amstelodami, post cal-
culi sectionem evasere, ex relatione, typis mandata, cer-
nere quoque licuit.

Novam methodum amputandi membra quod spectat, in eo
varia considerata veniunt, quæ, si conferantur cum anti-
quo extirpandi modo, longe inter se differre, palam erit;
Uter horum sit præferendus, Tibi, aliisque in Anatomicis &
Chirurgicis versatissimis, judicandum relinquam; ego interim,
quid sentiam revelare non detrectabo, postquam succincte re-
tulero operationem non solum, in juvenis brachio institu-
tam, in Tua, mea, & aliorum præsentia, verum etiam quic-
quid in curatione sese obtulerit, in qua Te præsentem siste-
re haud potuisti.

Juvenis quidam, cui nomen Christianus Veldmet, 16 an-
nos præter propter natus, nuper ad nostras venit ædes, cor-
reptus non solum tumoribus magnis in dextra, verum etiam
sinistra manu, uti & in utroque pede, eorumque digitis, qui
tumores admodum duri, extrinsecus accurate Radices Cycla-
minis, aut potius Chrysanthemi Americani, radice tuberosa,
æmulabantur, sicuti in annexis figuris repræsentantur.

Hujus mali causam nobis expiscantibus, retulerunt ægrotus,
ut & anus quædam, quæ dicebatur ejus matertera, quod
mater imprægnata impensè appetiverat dictas Radices Chry-
santhemi Americani, quas tamen impetrare haud potuerat;
foetu jam in lucem edito, reperti sunt, uti ajebat anus, exi-
gui tumores in manibus atque pedibus, qui temporis successu
in tantam excreverunt molem, præsertim in sinistra manu,
ut brachium diutius sustinere vix potuerit, imò coactus fue-
rit dextra sinistram suffulcire. Tandem, cum unus ex istis
tumoribus ulcerosus factus, emisisset aliquoties multum san-

guinis, & patiens manus ponderositatem, doloresque immanes diutius perpeti haud posset, totius manus extirpationem nobis proposuit. Nos autem, consideratis considerandis, annuebamus quidem ejus petitioni, ast vero absque Magistratus consensu, variorumque Expertissimorum Medicorum & Chirurgorum adstipulatione, operationem non aggressus est Magister Petrus Verduyn, auxiliantibus ejus Filio, ut & genero Gomaro à Bortel.

Die igitur constituta ad dictæ manus amputationem, præsens fuit Clariss. Vir, præsentes quoque sese sistere Medici expertissimi Vlackveld, Smedingh, Schyn, Valentyn, LaGrue, Smit, nec non exercitatissimi Chirurghi, Aurick, Deutelius, Pothuysen, &c. Patiens brodio confortatus, admodum erat animosus, operationemque perpeffus est fere absque ejulatu, ut omnes, qui operationi interfuere, admirati fuerint.

1. Humeri pars superior circumducebatur splenio quadruplicato, superimposito splenio longitudinali, lateri interiori brachii & quidem secundum longitudinem, ut hujus & funiculi seu cinguli constrictorii ope, vasa tutius & minori cum noxa inter operationem comprimi possent.

2. Hoc facto Dⁿ. Smith Hafniensi injungebatur cingulum constrictorium bacilli ope leniter, & in operatione ipsa, fortius contorquere, partim ad sanguinis profusionem inhibendam, partim ut pro tempore, brachii stupor excitaretur, & dolor arceretur.

3. Ansa gracili arctè circumducebatur cubitus infra juncturam. Hisce peractis, Magister van Bortel, gener Magistri Petri Verduin, partem musculosam sinistrâ arripiens, dextra cultello ancipiti & mucronato eam perfodit, quam proximè fieri potuit, ad ossa cubiti & radii. Hæc initio facta latere interiore Brachii, quem locum quoque occupabat Operator dictus. Perfossa parte musculosa, cultrum ulterius adegit, incisionem continuando donec sufficere videbatur pro vulneris tegmine, & sic ulterius transversim carnem abscindebat. Porro Magister P. Verduyn cæteram partem carnosam

fam circulariter & celeriter incidebat cultro falcato ad ossa usque, & perioftio abrafo, utrumque os ferrâ dividebat: Interim ne caro propendens à cultro aut ferrâ offenderetur, Mag. Adrianus Verduyn prospiciebat.

Manu amputatâ & spongiâ madidâ rasurâ ossium ablatâ, vulnus, & per consequens utriusque ossis extremitas tegebatur quidem à dicto Magistro carne propendente & reservata; ast verò propter carnis contractionem, quæ illicò fit post incisionem, totum vulnus ex voto contegi haud potuit: itaque, quod restabat vulneris, ut & totius membri amputati truncus frusto plano fungi Orbicularis, obducta & contacta fuerunt, superimpositâ Vesica madidâ, & super eam alterâ madefactâ, quæ priori aliquantò major erat: Hæ binæ Vesicæ, ut firmitus cuti adhærerent, comprimebantur & stabiliebantur circulariter frusto Emplastri conglutinantis, cujus latitudo erat unius unciae, longitudo autem Spithamarum duarum.

Hoc facto tertia quoque Vesica madefacta superimposita fuit, hæmorrhagiæ metu. Ist hæc præcedentibus longior & eodem modo stabilita altius brachium coöperuit.

Hisce ita munitis, lamina concava, splenio quadruplicato intus obducta, membri extremo applicata fuit, ea intentione ut deligatione peracta, famuli manu laminâ comprimeretur truncus, hæmorrhagia inhiberetur, & ligaturam laxius applicare liceret; ut autem dicta lamina cava trunco cohæreret, duo frusta Empl. conglutinantis cruciatim adhibita sunt, ejusdem naturæ ac supra citatum. Hisce peractis & cingulo constrictorio (Gallicè *Tournequet*) dissoluto, membri extremo applicatum fuit alterum splenium ex linteo confectum, præcedenti majus & crassius, illudque firmatum fuit fasciâ simplici capite præditâ.

Deligatione ita peracta composuit se patiens in lecto ad quietem, quam ut facilius acquireret, Emulsio ex hordeo ad Crep. cocto, Sem. Cucum. & Amygdal. præscripta fuit, additâ Syr. Diacodii dimidiâ unciâ; sub noctem sese mediocriter habens & alimentum petens parum dicti brodii exhibitum

fuit, & sic sese ad quietem composuit, noctemque transegit satis tranquillam, nullo sanguinis profluvio suborto.

Die insequente brachium bene videbatur constitutum, nullo tumore insigni oblitum, patiens quoque immunis ab omni febre.

Hisce visis consultum duximus, patientem ex ædibus Magistri Verduyn transferre in locum quietiorem ubi illum inviserunt Magister van Bortel & Verduyn, qui deligationis exteriora abstulerunt, vulnusque mitius deligarunt, id quod levamen patienti adferebat. Tertia die sub meridiem integra deligatio simul cum Vesicis ablata fuit, invenimusque separationem Epidermis, seu Hydatidem onustam humore loturæ carnis æmulo, idque parte anteriore juncturæ cubiti, eaque aperta, reperimus sublitam cutim nonnihil quoque infectam & gangrænam ulteriorem mentientem: eodem quoque tempore patiens non immunis erat ab omni febre, & membri extremitas justò magis tumefacta: Vulnus tamen magna ex parte carne, quæ in amputatione conservata fuerat, coopertum invenimus, sine sanguinis profluvio. Quia autem omnis hæmorrhagiæ novæ metus nobis nondum erat ademptus, in deligationis renovatione haud omissus fuit Fungus Orbicularis, munitus Empl. Diapalma dissoluti, splenio quadruplicato & ligatura convenienti.

4. Die pulsus invenimus concitatiorem, & vulnus non minus extumefactum, itaque ablato fungo leniter tantum adducebatur caro in amputatione conservata, idque fasciola Empl. glutinosa oblitata, vulgò futura sicca dicta, porro totum vulnus tegebatur Empl. Diapalma dissol. plumaceolis, ex linteo carpo confectis, haud neglectis. Die insequente quæ erat quinta ab amputatione, res eodem fere modo sese habuit, nec febris quoque mitior facta: itaque eodem ritu remissius deligatum fuit vulnus, ast verò eo loco, ubi Gangrænæ metus fuerat, sc. circa juncturam cubiti, Gangræna jam prodiit levis, quapropter consultum videbatur cautius prospicere huic symptomati, quam trunci integumento carneo: itaque lenissime tantum adductâ carne reservatâ, Cataplasma ad Gangræ-

grænâ sistendam applicatum fuit. Die insequente vulnere prospeximus digestivo Cataplasmate superimposito: die autem 7 truncus non nihil detumuit & vulnus quoque humidius apparebat, interim locus, Gangræna obsessus, magis magisque intumuit, doluitque, nec patiens à febre immunis, ita ut magis metueremus abscessum quam Gangrænâ profundiorē, qui tamen haud supervenit. Altera die, eodem modo res sese habuit, excepto, quod nonnihil mollior pars tumefacta nobis obveniret, die autem 9 haud pejus res sese habuit quoad truncum, Gangræna verò in pejorem statum erat redacta: Itaque post ablutionem cum Sp. Vini calefacto factam, applicati sunt plûmaceoli, tetrapharmaco cum digestivo permixto, illiti, nec non in Sp. Vini humectati, superimposito Cataplasmate, Spirit. Vini asperfo.

10 Autem die febris remissior facta, trunci vulnus pure cocto obfitum, Gangrænæ tumor quoque minus durus: hoc tempore nihil immutatum fuit circa deligationem, patiens verò eodem die, prima vice questus fuit de dolore pollicis membri detruncati, & præsertim quidem, cum inopinatò pollicem extendere conaretur aut mentiretur, non autem cum in animo haberet eum flectere; de cæteris digitis nullæ erant querelæ, illud enim distincte interrogavimus.

Die undécima major spes affulgebat, quando quidem omnia in melius vergebant, pus enim laudabile promanabat de vulnere trunci, tumor diminutus, escaræ periphæria humida cum aliquali separatione: in hac renovatione omissa fuit Cataplasmatidis applicatio supra truncum, non autem supra partem Gangrænâ infectam: Caro autem reservata, quæ ob symptomata supra citata, haud satis erat adducta, & propterea retracta, jam denuò fasciis Emplastro Glutinoso oblinitis reducta & vulnus maxima ex parte coopertum fuit.

Die 12 patientis status non erat quidem deterior, sed verò Gangrænâ profundiores egisse radices, videbamus, utpote separatione partim facta, imò tendines musculorum non fuisse immunes à dicta Gangrænâ, ita ut varii quoque separarentur. Jam à Cataplasmatidis usu destitimus, dicto loco

prospeximus digestivo, & carnem reservatam dictis fasciis, ut antea, adduximus.

Die 13. patiens immunis erat ab omni febre, placidè dormiverat, cibum appetebat, truncus carnis adductione maxima ex parte coopertus erat, & quod restabat vulneris, applicuimus Unguentum, *fac totum*, dictum, ut cicatrice ulterius obduceretur vulnus: quicquid autem emortuum & Gangræna infectum fuerat sub cubiti juncturam, partim forcipe excisum, partim à natura separatum erat, adhibitis plumaceolis Ung. Digestivo, Basilico permixto, oblitis Diebus insequentibus melius atque melius sese habere coepit patiens; imò paucis post diebus prorsus fuerunt curatæ dictæ solutiones continuæ, quin etiam quò magis appropinquarent earum curationes, eò majores erant querelæ de dolore amputati membri, & nunc quidem circa volam manus, nunc verò de dolore totius manus, & quoties quis leviter tantum comprimeret cicatricem infra juncturam, ubi Gangræna fuerat, summis cruciabatur doloribus; interrogatus, qua in parte? regebat in digitis amputatæ manus, compressa autem in parte dictæ cicatricis confinio, nullum sentiebat dolorem.

2. Consideratione dignum esse censeo, nos nullam sensibilem separationem extremitatum ossium cubiti, & radii in curatione offendisse, quia minus aëris injuriis expositæ fuerunt dictæ extremitates ossium.

3. Comprimendo trunci extremum, cicatrice obductum, dolor sursum vergebat versus brachium.

4. Truncum flectendo, sibi imaginabatur, quod simul quoque digiti flecterentur, idque sine ullo dolore: pollex verò videbatur illi rigidus & sine motu.

5. Quum dextrâ fricaret, supra juncturam trunci, idque parte exteriori, dicebat nobis, sese non solum sensum motumque hujus fricationis in digitis membri detruncati percipere, verum etiam cum fricaret sese in latere Thoracis sinistro: id quod (quamvis non obscure nobis arguere videatur consensum membranarum, nervorumque in corpore nostro,) magis mirandum, quam explicandum.

6. Con-

6. Contractionem singularem præstare poterat in trunci cicatrice; quam quasi corrugabat, dicens, jam mihi videor digitos flectere, jam denuò extendere.

Hisce à nobis observatis, imposterum expiscandum, utrum dicti dolores, quos videbatur passus in manu extirpata patiens, & à quibus haud immunes sunt homines, quorum artus vulgari modo extirpati sunt, semper superveniant patientibus, quibus eo, quo retuli modo, extirpata fuit manus, an verò hisce ansam dederit Gangræna, circa cubiti flexuram prognata, an ex alia causa ortum duxerint, occasione data inquirendum esset, quando quidem Magister Petrus Verduyn testatur in Epistolari sua Dissertatione, sese quidem bis hanc operationem in pede instituisse, idque eadem methodo, & quod tales dolores Sympatheticos nondum offenderit. Verba ejus hæc sunt: *Denique silentio præterire non possum aliud quoddam emolumentum, nequaquam pœnitendum; nimirum quod hoc modo restituti non conquerantur, ut quidem alii, de dolore sympathetico in pede cruris ablati, &c.*

Hæc sunt Cl. Vir, quæ nobis in, & post extirpationem, observare licuit. Quid autem de hac extirpationis methodo sentiam, à me scire cupis, in qua, ut recte censes, *curatio non tam diuturna, neque dolor post extirpationem tantus, nec tum quoque talis hæmorrhagiæ metus, nec ossis separatio expectanda venit, & nervi nervosæque partes, tendines, eorumque fibræ, & vasa ipsa jam tecta, & à frigore cæterisque molestiis & incommodis externis ab applicata Musculorum partium mole satis conservata videntur, &c.*

Hisce concessis, ut revera concedenda esse putem, amplectenda videtur hæc nova extirpandi methodus.

Fateor quidem in manus aut brachii amputatione nos semper sollicitos esse, ut tantum membri conservetur, quantum fieri potest, quia ad nonnulla munera obeunda illud inservire potest, & si velimus truncum membri amputati mole carnea tegere, quæ in cubiti extremo nimis exigua, quam ut ea contingi possit, necesse foret in altiore loco membrum decurtare, sicuti, ut fateor, in hoc patiente factum. Verum enimverò in posterum minus sollicitus ero de coöptione trunci carneâ mole;

mole; existimo enim sufficere, si truncus tegatur cute manus, quæ toto dorso vel vola manus separari & conservari posset; Contra in pedis exstirpatione necesse est partem detruncatam carne furali integere, uti olim factum à Magistris Exercitatis. Petro Verduyn, Wilhelmo à Vleuten, & Adriano Coenerdingh; dico *necesse esse*, sc. si per insitionem curari, & parti detruncatæ, non verò genu insiltere atque incedere velint homines: caro enim reservata mutilatæ parti pulvinaris loco est.

Circa hancce hætenus inusitatam amputandi methodum, nonnulla adhuc consideranda veniunt, &

1°. Quidem, si in crure facta operatio, & patienti in animo sit per insitionem ulterius curari, an non obstaculo erunt excreſcentiæ seu exostoses, quæ in homine vegeto observantur aliquando è trunco emergere.

2°. Si in cubiti extremo instituenda sit operatio, an cutis, quæ in manu est, sufficiens est pro vulneris integumento?

3°. An in nova hac methodo major aut minor gangrænæ supervenientis ansa detur.

Quoad 1^{um}, nempe ossium excreſcentiam: Resp. in cubiti aut manus amputatione non est cur de ea solliciti simus, membro enim detruncato non incedit homo: verum enim verò in amputato crure ejusmodi excreſcentiæ admodum nocivæ forent, hæ enim carnem conservatam compungerent incedendo continuè, si nempe per insitionem ulterius incedere vellet patientis. Hoc incommodum si Magister Petrus Verduyn inter curandum inhibere valeat, (sicuti affirmat) idque suo apparatu novo, soluta est isthæc difficultas.

Demonstravit quoque nobis puerum, qui crure amputato, crure artificiali incedit, currit, genu flectit, extenditque pro lubitu. Vide ejus dissertationem Epistolarem de nova Artuum decurtandi ratione Anno 1696. in lucem editam; in qua exhibetur instrumentum retentivum, ut & lamina excavata, quibus facta amputatione in pede aliquot post diebus, cum dicta excreſcentia metuenda sit, trunci extremum ita comprimatur, ut illud incommodum inhibeatur.

Quod ad 2^{dum}. attinet, sc. an cutis manus sufficiens sit pro vul-

vulneris integumento, propter retractionem cutis? Resp. si non sufficiat omnino, saltem magna ex parte truncum coöperiet, id quod de vulgari amputatione dici non potest, & quò magis nervi, tendinesque abscissi proprio tegmine conteguntur, eò remissiora exspectanda symptomata; præterea curatio citius quoque absolvetur; imò Auctor essem, ut in eo casu carnosum & cutaneum volæ manus arriperemus, & in auxilium vocaremus, pro trunci nervorum ac tendinum tegmine. Præterea amputato membro Chirurghi applicare assolent pulv. adstringentes, quos inter varii Pulv: Escarotica recipiunt ad sanguinis hæmorrhagiam inhibendam, id quod plane rejiciendum censeo, propterea quod illi sua acredine nervosis partibus nocere valeant: in hac autem operatione tale quid non adhibetur, sed vulnus tegitur proprio involucro.

Quod ad 3^m. attinet, sc. an in hac nova methodo major aut minor Gangrænæ metus adsit? Resp. si non minùs Gangrænam minatur operatio isthæc nova, saltem haud major erit hujus symptomatis metus, modo deligatio rite peragatur. Fateor quidem illam in supradicta curatione nobis obvenisse, verum illud non in trunci extremo, verum circa cubiti flexuram sedem fixit; forsan à ligatura, justo arctius circumligatâ, id quod multum negotii nobis faceffivit, & hoc præcaveri poterit in posterum, præstabitque laxiorem adhibere ligaturam, & per hoc ut æqualius fieri possit, in auxilium, ut dixi, revocanda lamina excavata, quæ ante compressionem applicanda.

Pergam ulterius ad ea, quæ Cl. Vir me admonet, sc. brachii amputati conservationem, ut & naturali magnitudine delineationem, *cùm alias judicium tam accurate ferrine queat, uti in Marco Aurelio Severino, de Nov. observ. abscess. similem fere casum proponente, liquidò apparet.*

Recte adstruis, objecta naturali magnitudine semper esse delineanda, si quis proposita accurate demonstrare satagit, & hoc quoque in omnibus meis Epistolis Anatomico-Problematice observavi. Est mihi in animo hanc manum amputatam ita sepelire, ut quicquid in figuris expressum fuerit, semper demonstrari possit. Porro unum ex istis tumoribus in manu ex-

stentibus, ut me monuisti, examini subjeci, reperique, illum neutiquam esse Glandulosæ indolis, aut Cartilaginosa, imò & Ossea, eratque quasi ex innumeris minoribus tumoribus partim Cartilaginosis, partim Osseis, compositus; singuli autem eorum denuò ex innumeris minoribus humore succoso, gelatinoso repletis Vid. Tab. xviii. fig. 2. Impossibile autem mihi fuit indagare, an ex ossibus manus, tendinibus, aut perioestio, tanquam ex fonte, & prima scaturigine originem duxerint: Omnia enim ita sunt confusa & connata, ut ulteriori indagini haud fuerit locus; cum illud perscrutarer, sub cute conspicienda sese exhibebant vasa sanguinea, quæ cum ceraceâ materiâ replevissem, distinctè videre licuit eorum cursum, & capacitatem: Venæ per dorsum manus disseminatæ, calami scriptorii capacitatem adæquant: horum ramuli minutissimi à naturali cursu quoque recedunt; quin etiam circa cutem observatu dignum esse censeo, sc. quod cutis in hac ingenti tumorum excrecentia, tenuior facta aliquid visui offert, quod in cute sana non tam accurate occurrit: Imò cutis de sua integritate & compositione aliquid in via amittit, quod cutis incrementum insequi non potest. Id quod jam sese videndum luculenter exhibet, sunt papillæ cutaneæ, extra cutem nonnihil protuberantes: Vid. Tab. xvii. Fig. 4. ut & Fig. 5. Lit. C. ubi ordine naturali dispositæ: illud autem, quod in excrecendo amittit cutis, sunt eadem papillæ cutaneæ, quæ circa basin tumorum, non in apice videri possunt. Plura ob cœli serenitatem non addam, illa enim me invitat, ut hisce diebus æri incidi curem, quæ in stomachi structura ab aliis nondum sunt detecta. Præterea multum molestiæ mihi creavere hisce diebus, quæ in oculo adhuc sunt ostendenda, puta vasa sanguinea per tunicam humoris crystallini disseminata, &c. hæc enim Thesauro secundo inferere mihi in animo est. Hisce Vale, Vir Celeberrime, & ut artem Anatomicam magis magisque nobiscum promoveas, ex animo optat, Celeberrimi Nominis tui.

Cultor

Amstelod:
30. Juny 1701.

FREDERICUS RUYSCHIUS.
TA-





Fig. 1.



Fig. 2.



Fig. 3.



C. Hüberts, ad vivum. Sculpfit.

T A B U L Æ XVII Expositio.

F I G U R A I.

- | | |
|--|----------------------|
| A. Pars Brachii amputati cum manu, in qua pars supina videri potest. | D. Digitus Medius. |
| B. Pollex. | E. Annularis. |
| C. Index. | F. Minimus. |
| | * Arteriolæ cutaneæ. |

F I G U R A II.

Digitum exhibet parte supina, cum suis papillis cutaneis, ordine debito sitis.

F I G U R A III.

Demonstrat digitum parte pronam.

- | | |
|--|--|
| A. Papillæ cutaneæ epidermide destitutæ, & confuso ordine compositæ. | B. Pori cutanei, situ, nullum ordinem servantes. |
| | C. Papillæ cutaneæ naturali ordine sitæ. |

Circa has Papillas considerandum, sc. eas epidermide artificiosè destitutas extra cutem nonnihil prominere.

T A B U L Æ XVIII Explanatio.

F I G U R A I.

Demonstrat partem Brachii supracitati cum annexa manu, parte supina.

- | | |
|--------------------|----------------------|
| A. Pollex. | D. Tumor maximus. |
| B. Digitus medius. | E. Ulcus. |
| C. Index. | * Arteriolæ cutaneæ. |

F I G U R A II.

Repræsentat Tumoris maximi portionem abscissam, ut constitutio intrinseca compareat, quæ partim cartilaginea, partim cartilaginosa substantiæ æmulæ cellulosa, & mucaginosa.

EPISTOLA
ANATOMICA, PROBLEMATICA,
QUINTA & DECIMA.

Auctore

ALBERTO HENRICO GRÆTZ.

Ad Virum Clarissimum

FREDERICUM RUYSCHIUM,

Med. Doct., Anatomiae ac Botanices Professore.

DE

Vasorum Sanguineorum extremitatibus, Placentæ
Uterinæ, Mammarumque Structura, &c.



AMSTELÆDAMI,

Apud JANSONIO WAESBERGIOS.

MDCCXLI.

EPISTOLA

AD DOMINUM RICHARDUM

QUINTAM & DECIMAM

ALBANO HENRICI DE

REVERENDISSIMO PATRI

ALBANO HENRICI DE

ALBANO HENRICI DE



ALBANO HENRICI DE



Celeberrime & Experientissime

Vir, Fautor ætatem colende,

Etsi Harveus primus omnium merito habendus, qui præterito seculo egregium illud inventum, Circulationem sanguinis, omnium retro seculorum, etiam præstantioris notæ Anatomicis incognitam, invenit, & usum cordis, arteriarum & venarum ex parte in vita animalium comprobavit ac demonstravit, usus tamen verus vasorum, & cum primis horum extremitatum in visceribus æque ac in reliquis corporis humani partibus, Anatomicis hætenus non constitit. Nam pauci vel plane nulli medicorum dantur, qui non in eo solum cum Harveo conveniunt, quod per cordis & arteriarum motum continuum deferatur vitæ thesaurus à corde ad omnes corporis partes, ut ex radicali illo humore, singuli in corpore humores originem ducerent, sed circa instrumentum etiam, quo diversa humoris secretio absolvitur, præcipuam hanc fovent opinionem, pororum, glandularum in visceribus existentium cum conformitati, tum partium secernendarum specificæ figuræ acceptum referendum esse, quod Bilis in hepate, Urinæ in renibus, Lactis in mammis fiat secretio.

A 2

Est

Est hæc unanimis Auctorum hypothesis, quam tamen Tibi, Vir Celeberrime, non satisfacere magis magisque summo meo emolumento indies perspicio ac cognosco, cum ex immortalis operis, & humanam propemodum superante laboris & studii assiduitatem & pertinaciam, Thesauro Anatomico, tum etiam ex fideli tua informatione. Satis enim superque oculis nostris exhibuisti, argumentisque comprobasti, omnium viscerum, in quibus solennes contingunt secretiones, fabricam non glandulosam, sed vasculosam esse, vasorumque extremitates (minime autem glandulas) reptatu, consistentia ac structura inter se diversas, separare omne id, quod ex massa sanguinea fecernendum ac separandum esset.

Et certe si venarum & arteriarum officium, uti vulgaris Medicorum est opinio, in eo solum consisteret, ut venæ sanguinem per arterias allatum à visceribus reveherent, haud opus, credo, fuisset providæ Naturæ, diversum ab alioque distinctum arteriarum & venarum cursum ac reptatum unicuique visceri largiri, nisi præstantior arteriarum extremitatum esset usus, quam quidem in hunc usque diem à medicis est creditum.

Ut ut autem tam vera hæc, quam quod verissimum, in hepate, liene, ac renibus deprehendantur, glandularum tamen existentia in *Structura mammarum* externo non modo tractu, sed etiam aspectu, adeo evidenter oculis nostris sese sistit, ut illæ ipsæ in dubium haud vocari possint. Huic etiam accedit omnium fere Celeberrimorum Virorum de illis constans opinio.

Et ex illis primus Vesalius *de Hum. Corp. Lib. V. Cap. XVIII. p. 676.* sequentia de *Structura mammarum* tradit: Porro, inquit, *substantia qua constant, glandulosa, multo adipis abundans & venis utrimque frequentibus, & arteriis, perquam paucis prorsusque gracilibus, & aliquot denique nervis intertextis. Nervi, qui semper iidem, in mamillas pertinent, ac sibi perpetuo similes sunt: venæ autem crassitie & contento humore admodum pro mamillarum mole, & quo tum funguntur munere, differre admodum solent.*

Apud Adrianum autem Sigelium *de Hum. Corpor. Fabrica Lib.*

LIB. XX. Cap. II. p. 267. hæc leguntur: Videamus, loco inquit citato, quanta solertia ipsa clementissima Parens usa sit, & quam opportunam fabricam mammarum largita fuerit. Primo enim ex glandulosa substantia extruxit, qua nihil ad coctionem omnibus numeris absolutam magis idoneum est: nec tamen unam tantum glandulam esse voluit, sed plures, ut tanto perfectius in pluribus conficeretur, imo ne abscessu ex lactis concretionem oborto, mox periculum esset non amplius fruendi beneficio istius mammæ. His intertextit vasa, venas & arterias. Et paulo post, Postquam ergo, ait, venas impleverit, a glandulis, per quas magno numero pluribusque plexibus sparsæ sunt, conficitur: confectus postea transfertur ad canales lactiferos, in quibus ad usum tamquam in promptuario asservatur. Ceterum hi tubuli ad ipsum mammarum centrum desinunt, & in papillam, ex qua lac infans exsugit.

Frustra, opinor, operam sumerem, si aliam, quam modo dixi, ex Veterum monumentis & recentiorum libris opinionem haurire vellem. Quamobrem majorem in modum abs Te, Vir Celeberrime, peto, ut veram structuram Mammarum à Te nuper inventam cum toto Orbe erudito communices. Audivi quoque ex aliis, maxime vero ex Te ipso cognovi, in placenta uterina novi quid Te adinvenisse. Famam itaque Tuam non parum augebis, & eruditorum curiositati quam maxime satisfacies, si illud, quod novum circa illam aut alias corporis partes inveneris, explicatum ac depictum adjunges.

Hicce vale *Anatomicorum Princeps*, & ut Deus ætatem Tuam jam ingravescentem, in perscrutandis tamen Naturæ mysteriis indefessam, novis semper viribus augeat, & in seros usque annos conservet, est quod vehementer exopto. Vale iterum iterumque, & in Tuorum numero habe

Celeberrimi Nominis Tui

Cultorem indefessum

ALBERTUM HENRICUM GRÆTZ.

FREDERICI RUYSCHII RESPONSIO,

Ad Virum Experientissimum


ALBERTUM HENRICUM GRÆTZ,
IN EPISTOLAM ANATOMICAM, PROBLEMATICAM
DECIMAM QUINTAM.

D E

Vasorum Sanguineorum extremitatibus, Placentæ Uterinæ, Mammarumque Structura, &c.

Hisce accedunt nonnulla, circa penem detecta,
Figurisque illustrata.

Experientissime Vir,



Itterae tuæ jussu quidem tempore mihi traditæ sunt, verum anceps hæsi, utrum ad quæsitam responderem, nec ne. Nuda enim responsione, figura non adjecta, me Tibi haud satisfacturum, pro certo habebam, & quantum temporis impendere cogar figurarum exhibitioni, nemo facile credat, cum nullas proferam figuras, quin objecta, ad quæ conficiuntur; domi reservem, illæque tam accuratè debeant respondere objectis ipsis, ut nil mihi videatur deficere. Præterea satis molestiæ mihi creant descriptiones meorum Thesaurorum, ratione figurarum, quibus ornantur;

tur; ne dicam de praxi Medica, quæ me fatis occupatum habet. Cum tamen in memoriam revoco, quanto amore & affectu me profecutus fueris, cum apud nos degeres, vix ac ne vix quidem id declinare potui. Ut igitur Tibi morem geram, en succinctam ad Tuas responsionem.

Quæ à me exigis, Vir Expertissime; sequentia sunt, sc. Mammarum vera structura, ut & ea, quæ nuper circa Placentam Uterinam, aut alias corporis partes, detexi.

Quod ad primam attinet, cum anno præterito publicam haberem dissectionem Anatomicam, Te præsentem, demonstravi veram Mammarum structuram, longe discrepantem ab ea, quam cum ceteris Anatomicis olim credideram; omnes enim, quotquot super hac re consului & evolvi auctores, unanimiter existimarunt Mammarum fabricam ex Glandulis, aut glandosis corporibus esse coagmentatam, integumentis & vasis exceptis.

Si quis autem Mammas rite examinaverit, reperiet earum constitutionem neutiquam esse glandulosam, sed vasculosam.

Hæc autem substantia vasculosa nusquam in glandulas peculiare est subdivisa, sed ubique conjuncta. si autem Mamma sit morbosa facta, & in hac vel illa parte obstructa sint vasa, tunc in glandulas non raro divisa nobis occurrit.

Eadem quoque facie apparet Mammarum pinguedo, si Mamma incidatur. illa enim in cellulis rotundis locata, Glandulas mentitur; substantia autem mammæ nusquam in particulas subdividitur, quæ Glandulæ nuncupari possint.

Quæres forsan, si Mammarum substantia (præter integumenta universalia) constituatur ex meris vasis sanguifluis, ut & lactiferis, ubinam loci lac conficiatur, & quo fonte hauriatur materia in lac convertenda, Respondeo, quamvis propter substantiæ tenacitatem ad oculum nondum demonstrare valeamus inosculationes extremitatum Arteriolarum cum ductibus lactiferis, tamen earum conjunctiones valde consentaneas esse contendendo, lactisque rudimentum in extremis Arteriolis ex ferositate sanguinis confici, & in extremis ductibus lactiferis perfici, & tandem in ramulis capacioribus ad tempus reservari, donec sugendo, comprimendo, aut sua sponte, præ copia exitum sibi quærat.

Sanguis

Sanguis autem refluus à Venis recipitur, idque per Anastomoses fieri existimo, quantumvis eæ quoque videri nequeant. Simili quoque modo semen in Testiculis rudimentum capefit, & tandem in Parastatis, vasis ejaculatoriis, ut & vesiculis feminalibus magis magisque perficitur. tandem in actu Veneris albedinem & majorem crassitudinem acquirit, nullis intercedentibus Glandulis, aut aliis corporibus visibilibus.

Dico idem semen magis magisque perfici in Vesiculis feminalibus, in quibus ad tempus conservatur: peculiare autem contentum, à dicta materia diversum, haud reperies in vesiculis feminalibus, quamvis Clariss. Hornius, Professor, dum viveret, Leydenfis, & Promotor meus æternum colendus, illud velit in suo Microcosmo. si enim vasa excretoria flatu repleas, uti facere solebam Te præsentem, & ante dies aliquot in publico Theatro id demonstravi, semper replentur Vesiculæ dictæ, ita ut semen in cellulis contentum, idem sit semen, quod rudimentum accepit in Testiculis.

Iconismum Mammarum hac vice non addam: plura enim experimenta facere conabor, quæ ad majorem dilucidationem nobis erunt, modo subjectorum copia mihi detur. Super hac re nonnulla reperies in descript. Thes. IV. quem Tibi Vir Exp. jam mitto.

Quod ad secundam petitionem attinet, sc. ut publici juris facere velim, quicquid novi circa Placentam Uterinam invenerim, illud in Thesauro V. quem brevi conabor in lucem edere, exponam, adjectis nonnullis figuris.

Ultimò a me petis, ut si quid novi præterea invenerim in corpore humano, huic Responsioni inferere velim.

Abhinc aliquot annis me convertebam ad perscrutandam Penis Virilis admirandam structuram, admirandam dico, cum in hac parte varia occurrant, quæ si rite intueamur, reperiemus in nulla parte corporis magis elucescere Divini Opificis opera, quam in illa.

In dicta investigatione observabam nonnulla, quæ tunc temporis luci exposui, uti videre est in Observ. meis Anatomico-Chirurgicis. Inter illa haud infimum locum occupabat Glandis structura, quæ ad illud usque tempus in tenebris latuerat. Quotquot enim auctores de hac parte scripserant, unanimiter sentie-

sentiebant, Glandem Penis carnem esse mollem; alii existimabant carnosum corpus esse, aliis audiebat flaccidum & carneum, aliis spongiosum, tamen diversum à cæteris Penis partibus, &c. Clariss. Regnerus de Graaf, quo familiarissime utebar, licet omnes antecelleret in Penis descriptione, in Glandis tamen descriptione rem tantum superficialie egit, & in opinione aliorum acquievit, ceu patet ex tractatu ejus de Virorum Organis Generat. inservientibus. Verba ejus sunt; *Duobus corporibus nervosis & Urethræ jam descriptis, in anteriori quasi parte apponitur substantia quædam, reliquis Penis partibus carnosior apparens.* Ego vero eo tempore detexi Glandis substantiam neutiquam esse carneam: peni appositam, sed continuam cum tribus corporibus nerveo-spongiosis. Vide Observat. meas Anatomico-Chirurg. A°. MDCXCI in lucem editas, fol. 127.

Jam autem cum dies diem doceat, reperio Glandem Penis ubique scatere papillis nervosis, extra Glandem propululantibus, non solum in æstro Veneris percitis, verum etiam post mortem, si Penis flatu aut aqua ita repleatur, ut rigidus fiat, & sic ligetur: ut autem hoc magis elucescat, ante inflationem macerandus Penis in aqua simplici, & post inflationem & ligationem exponendus Radiis solaribus; & sic oculis non solum armatis, verum etiam nudis dictæ papillæ in conspectum venient, & præsertim quidem inter Præputium & Glandem, vel ubi Præputium Glandi est continuum.

Hæc autem Papillas magnum habere commercium cum Papillis cutaneis, & præsertim cum iis, quæ in Papillis Mammarum inveniuntur, & à me in Thesauro I. sunt descriptæ, nullus dubito; ratione formæ enim, imo usu in eo conveniunt, quod, sicuti Papillæ cutaneæ, quæ sunt in Papillis Mammarum perfecte sanis, delectamentum excitant mulieribus tempore suctionis, sic quoque hæ nostræ Papillæ Glandis voluptatem procreant coëuntibus. cum autem malo quodam afficiuntur, sc. excoriatione, ulceratione &c. dolorem intolerabilem æque excitant, ac Papillæ Mammarum; suntque dictæ Papillæ nostræ ea corporis pars, quæ sæpissime afficitur ulcere in coïtu sædo: unde multoties ita excrescunt, ut cristas mentiantur, unde etiam nomen

Cristarum Gallinarum adipiscuntur, postquam in majorem molem excreverint.

Porro me conferam ad alia quæ in Pene virili sunt consideranda.

Penis integumenta universalia sunt, Epidermis, corpus reticulare & Cutis: ast vero præter illa, observandum, Penem obduci integumento, seu involucro nervose externo, crasso, sub eo membrana cellulosa, & involucro seu integumento nervoso interno.

Quod ad primum attinet, sc. involucrum nervosum externum, illud admodum validum esse, nemo negabit, cui volupe erit illud investigare; & hoc necesse erat, ne Penis in erectione validiore justo crassior & ineptus evaderet.

Secundum autem involucrum, seu membrana, mihi cellulosa, inter duo integumenta nervosa sita, tenuis est, nisi cellulæ flatu repleantur, unde calami scriptorii crassitiem non raro longe superat, sicuti ex annexa 4. figura liquet.

Quamvis autem dicta figura repræsentet Lamellam Penis, cujus membrana cellulosa flatu à me est repleta & exsiccata; ut luculenter appareat dictam membranam cellulosam esse; scias tamen velim, Exp. Vir, idem contingere iis, qui ulcere Penis, Gonorrhæa, Phymosi & Paraphymosi sunt correpti; verum enim non est, Penem in tali casu summopere incrassari, cujus incrassationis causa solummodo consistit in repletionem dictarum cellularum, non autem a repletionem corporum nerveo-spongiosorum, Penem maxima parte constituentium. Cellulæ replentur in hisce affectibus aurâ, quæ provenit à pure acriore, quod fermentando halitus calidos procreat; hinc etiam remedio est, si Penis, in hoc affectu, in aqua frigida per horam detineatur, unde sæpe statim detumescit.

Dicta membrana cellulosa, quæ in hac parte magis tenera, quam quidem sub cute abdominis, aut cæteris corporis partibus, continua est cum membrana Dartos, & hæc cum membrana adiposa, sub cute corporis sita; hic autem omni pinguedine est destituta, ita ut cellulæ sint vacuæ (uti vulgo loquimur) & ita sibi invicem impositæ. ut membrana dicta ne utquam cellulosa appareat in dissectione Anatomica, & contra, si flatu repleta sit, myriades cellularum sese videndas exhibeant,

spumæ

spumæ instar, idque non solum in Pene, verum etiam in Glande, cui hæc membrana quoque integumento est. Vide figuram 3.

Hinc etiam fit, ut in dictis affectibus Penis non raro incurvetur, & instar arcus sese contorqueat. Vide figuram. 3.

Tertium autem Penis involucrum nervosum & intimum immediate ambit corpora nerveo-spongiosa, estque non minus validum, quam extimum.

Ope dictorum integumentorum Penis in sua erectione continetur, ne nimis & præter ordinem sese extendat. cum autem nobis aliquando occurrit durities quædam secundum penis longitudinem sitam, unde etiam non raro contorquetur, (tamen sine incrassatione præternaturali) nec recto tramite extendi potest, hoc locum habet in duobus istis integumentis nervosis.

Homines sæpe mihi questi sunt de chorda dura in Penis parte inferiore: hæc autem nil aliud, nisi induratio dictorum integumentorum nervosorum, idque solummodo parte inferiore.

In Glande Penis, dicta tria involucra quoque reperiuntur, Glans enim est Penis continuatio, & per consequens gaudet iisdem integumentis, eo tamen discrimine, quod hæc omnia in Glande sint delicatiora, & teneriora: extimum autem integumentum Epidermidis loco est, secundum cellulosum, forsitan vices gerens corporis reticularis. ex tertio & intimo prodeunt Papillæ Glandis

Hæc ita se habent. Ut quam felicissime valeas, atque in perscrutandis Anatomicis rebus, in quibus plurimum profecisti, perseveres, fratrisque defuncti vestigia sequare, voveo atque opto,

Expertissime Vir,

Virtutum Tuarum cultor inter primos,

FREDERICUS RUYSHIUS.

Dabam Amstelodami
3 Martii, 1740.

B 2

TABU-

TABULA XIX

Varias Penis portiones exhibet, a cute in totum destitutas, aut denudatas.

FIGURA I.

Penis rigidi, in liquore conservati, portionem demonstrat.

- | | |
|--|--|
| A. Papillæ minores, per glandis superficiem disseminatæ. | B. Papillæ majores, inter præputium & glandem confitæ. |
|--|--|

FIGURA II.

Penem, à cute denudatum; prægressa Balsamatione, exsiccatum, & pro-na parte visum, repræsentat; hujus corpora nerveo-spongiosa non solum, verum etiam Tunica cellulosa, inter duo involucra crassa, nervosa, sita, inflata sunt.

- | | |
|---|---|
| A. Superficies Tunicæ cellulosæ, ab involucro exteriori crasso, nervoso, denudatæ | ea quod in exsiccatione abolitæ sunt. |
| B. Unius lateris corpus Nerveo-spongiosum majus. | F. Tunicæ cellulosæ crassities post inflationem. |
| C. Meatus urinarius. | G. Margo interioris involucri crassi. |
| D. Exterioris involucri crassi & nervosi superficies interior, prorsus denudata ab omni tunica cellulosa. | H. Partes Tunicæ cellulosæ, quæ postseparationem relictæ sunt superficiei interiori involucri crassi. |
| E. Glans, per cujus superficiem nullæ visuntur Papillæ, propter- | s. Septum, inter duo corpora nerveo-spongiosa situm. |

FIGURA III.

Penis partem anteriorem incurvatam exhibet, cujus sola Tunica cellulosa est inflata, & exsiccata, neglectis corporibus nerveo-spongiosis.

- | | |
|---|---|
| A. Pars Penis anterior incurvata, & denudata ab integumento crasso ext. | B. Exterioris involucri crassi portio, quæ hic relictæ. |
| | C. C. |

C. C. Tunica cellulosa inflata.

D. Glans.

E. Particula integumenti extimi glandis, separata, ut tunica cellulosa æque bene in conspectum

veniret, ac in Penis parte majore.

F. Tunica cellulosa glandis, denudata ab involucro extimo.

FIGURA IV.

Demonstratur Lamella Penis, cujus tunica cellulosa solum est inflata, neglectis corporibus nerveo-spongiosis majoribus, ut crassities ejus, post inflationem, videri queat.

A. Tunica cellulosa inflata.

B. Corpora Nerveo-spongiosa non

inflata, & per consequens contracta.

FIGURA V.

Exhibetur Lamella Penis Balenæ, artificiosè præparata, ut interiora paterent. Notandum interim me eam partem hic repræsentare, quæ erat in Penis medio, quia longe crassior erat, circa partem abdomini proximam.

A. Involucrum Penis crassissimum. bina, uti in homine, non inveni, neque etiam Tunicam cellulosam, aut peculiare septum.

B. Chordæ nervosæ, Penis partem internam constituentes, quas

inter plurimæ cavernæ, sanguinis transitum in erectione admittentes.

C. Urethræ corpus nerveo-spongiosum minus.

D. Meatus urinaris.

FIGURA VI.

Lamellam Penis humani exhibet, inflatam, & exsiccata, neglecta tunica cellulosa, quæ hic non inflata.

A. Utrumque involucrum crassum, sibi invicem ita adhærens, ut simplex nobis occurrat, propterea quod Tunica cellulosa non est inflata.

B. Sinistri lateris corpus nerveo-spongiosum majus.

C. Septum inter duo corpora nerv. spong. situm.

D. Corpus nerveo-sp. minus urethram ambiens, superiore parte exceptâ.

F. Fibræ nervosæ è septo prodeuntes, & in integumento crasso interiore

teriore desinentes, quarum ope
Penis quoque coercetur, ne ab


æstro Venereo in molem, justo
crassiorem extendi possit.

FIGURA VII.

Penis Virilis Lamellam demonstrat.



- | | |
|--|--|
| A. Utrumque involucrum crassum nervosum exsiccatum. | urethram in totum ambiens, se- cus ac in Lamella supra citata. |
| B. Corpus nerv. spon. maj lateris sinistri. | E. Fibræ nervosæ supra memora- tæ, oblique per Penis corpora nerv. spong. maj. dispersæ. |
| C. Septum Penis. | |
| D. Corpus nerveo-spong. minus, | |





ad vivum. sculp.

C. Külberts.



6

EPISTOLA

ANATOMICA, PROBLEMATICA

DECIMA & SEXTA,

Ad Virum Illustrum

FREDERICUM RUYSCHIUM,

M. Doct. Anatomiae ac Botanices Professore.

D E

Viis absconditis Pulmonum, quibus aër, respirando receptus,
in sanguinem penetrat; nec non de Vasorum secreto-
riorum structura Mechanica, & de fibrillarum
nervearum in Cerebro principiis.

Authore

M. ABRAHAMO VATERO, *Vitemb. Medicin. Studio.*



A M S T E L O D A M I,

Apud J A N S S O N I O - W A E S B E R G I O S.
M D C C X X V I I.

REVISED

AMERICAN

DECEMBER 1871

NEW YORK

WILLIAM L. GAY

Author of "The History of the United States"

1871

Published by the American Book Company

101 Nassau Street, New York

Entered as Second-Class Matter, June 15, 1879

Postpaid

Copyright, 1871, by William L. Gay



Printed by the American Book Company

101 Nassau Street, New York

1871

Vir Illustris atque Celeberrime



Iraberis haud dubie, me, ne per nomen quidem cognitum Tibi, eo procedere audaciæ, ut his literis in tuum conspectum venire audeam. Neque id Tibi immerito videbitur mirum, cum omnes illi, quos antecessores in hoc instituto habeo, Viri Experientissimi, Artis nostrae Doctores Candidatique, privata Tua informatione iam instituti fuerint, ad Quorum ingenii bonaeque indolis famam me haud quaquam accedere, mihi ipsi optime sum conscius. Ignosces tamen, Vir Clarissime, huic tanto meo desiderio, quo incensus, nihil magis in votis habeo, quam ut absens, cum mihi praesenti nondum licuerit, solidissima Tua in Re Anatomica informatione frui queam, eamque his literis in me convertendi nunc est animus.

Annus iam est, & quod excurrit, cum ingenii expoliendi causa, Mechanismum actionum vitalium explicare, secundum optimas, ac rationi maxime consentaneas Philosophorum modernorum hypotheses, una vel altera disputatione in animum induxi. Exhibui proinde iam illo tempore harum disputationum primam, de Principio Vitali, quam ea, qua par est, observantia Tibi hic offero, qua praecipua de Illo Philosophorum dogmata recensui, ac pro virium tenuitate illustravi. Instituti igitur mei ratio iam dudum postulasset, ut promissis meis satisfecissem, & structuram organorum Mechanicam, indeque dependentem Mechanismum actionum vitalium, prout nunc ea omnia per Virorum eruditorum industriam patefacta nobis sunt, brevibus exposuissem. Præterquam autem, quod vario studiorum negotiorumque genere impeditus, animum ad id applicare hæcenus non potuerim, obsteterunt etiam quam maxime dubia quaedam, circa structuram ipsam organorum vitæ interservientium obvia, quæ animum meum hucusque ancipitem detinuerunt.

Et quidem respiratio, licet organis peragatur pro voluntate mobilibus, inter actiones vitales primo mihi loco erit nominanda, cum ea sit prima hominis nati operatio, in Eo nunquam

plane aboleri sine præsentaneo vitæ periculo queat, ac eius præterea integritas ad vitam continuandam multum faciat. De eius autem, quem præstat, usu, uti varie inter Physicos disceptatum fuit; ita imprimis quæstio exorta est, utrum particula æris, per inspirationem intra pulmones recepti, transeat per poros venæ pulmonalis, intra ipsam spectantes, atque adeo impressione atque impetu immediato in liquidum venosum facta, motum ejusdem promoveat; an vero sola laterali vasorum sanguiferorum compressione, idem ær motum sanguinis, per venam pulmonalem ad cor redeuntis color vividior, maiori potius illius divisioni atque comminutioni, quam novæ æris accessioni adscribendus sit. Utrumque autem idonea admodum ratione coniungi posse existimo, cum duæ causæ sociæ, quarum utraque sola ad effectum producendum apta est, inter se consentientes, ac in unum conspirantes, eo fortius agant: modo id sufficientibus experimentis evictum fuerit, dari huiusmodi poros, intra venam pulmonalem hiantes, qui in statu maxime naturali, absque violenta per inflationes iniectionesque distensione, aliquid æris ex pulmonum vesiculis in sanguinem admittere possint. Quicquid sit, siue mediate, siue immediate, siue utroque modo sanguinis divisionem adjuvet ær, hoc ipso tamen non solum circulationi per pulmones, sed universo circulo vitali per totum corpus præesse videtur.

Circuitus deinde sanguinis vitalis, uti æquali prorsus, ac nullatenus interrupta pressione, per universi corporis vasa organaque viget, ita admiratione dignum omnino est, eius, tanquam principii cuiusdam universalis beneficio, varios ac plane heterogeneous in diversis visceribus succos secerni. Cujus rei fundamentum, posthabitis iis, quæ de animabus, spiritibus, facultatibus, suctionibus, fermentationibus, & præcipitationibus proferri solent, unice in determinata, ac liquori secernendo proportionata tubulorum configuratione, ingeniose admodum ab hodiernis Mechanico Physicis collocatur. De eo tamen nondum convenit inter eos, an sola diametri in poris diversitas huic separationi explicandæ sufficiat, ita ut pro huius exiguitate, subtilioribus transitus pateat, crassioribus vero interdicator: an præter hanc concurrat etiam figura osculorum, quoad superficiem interiorem, angulos & latera distincta, qua non nisi ejusdem figuræ particulæ tubulos istos intrare queant. De

Denique cum certum omnino sit, non solo sanguinis motu, sed huius atque liquidi nervorum æquali pressura ac æquilibrio, motiones corporis nostri peragi, ratio reddenda videtur, quamobrem ab his duobus principiis, æqualiter prementibus, actiones tam diversæ oriantur, quarum quædam absque prævia mentis cogitatione, & contra voluntatem, sine omni intervallo durant, quædam autem a nutu nostro pendent, quædam tandem medio quasi loco existunt, ita ut quidem per naturam, nobis cogitantibus, continuentur, a nostra tamen voluntate accelerari quodammodo ac suspendi possit. Clarissimus WILLISIUS (*) distincta distinctis motionibus principia præficit, ita quidem ut cerebrum, per nervos peculiare, affundat succum suum organis, pro voluntate mobilibus, cerebellum autem activas reddat partes continuo movendas: utrumque autem vires suas coniungat in organis, partim voluntariæ, partim involuntariæ motioni inservientibus. Consentiunt cum WILLISIO Viri celeberrimi DU HAMEL, (a) VIEUSSENS, (b) PERRAULT (c) BOHNIUS (d) alique complures, suamque sententiam experimento confirmant, dum canis vivi cranio aperto, & cerebro discisso, actiones voluntarias aboleri, involuntarias vero durare perhibent: cum e contrario cerebello læsa, hæc in momento desinant. De cuius experimenti veritate, cum neque Viro- rum tantorum auctoritas fide dignissima, neque ipsa ratio dubitare permittat; præterea admodum probabile sit, diversas cerebri provincias distinctum quoque usum habere; nec non ipse nervorum e cerebro egressus consentiat, libenter huic sententiæ subscribo: non tamen neglecta organorum ipsorum constructio- ne, cum illa quæ pro voluntate moventur, musculis instructa sint, in distinctas regiones tendentibus, reliqua vero, continuo motu gaudentia hoc musculorum apparatu careant. Quandoquidem autem multæ adhuc difficultates, circa fibrillarum nervos constituentium origines, occurrunt, ex Te, Vir Amplissime, scire cupio, quisnam sit verus nervorum singulorum or-

A 3

tus.

(*) *Anat. Cerebr. C. XV. XVI. XVII. & XVIII.*

(a) *De Corp. animat. L. IV. C. I.*

(b) *Neurograph. Univers. L. I. C. XX.*

(c) *Mechanique des Animaux. P. II. c. 7.*

(d) *In Renuntiatione Vulnerum Sect. II. C. I.*

tus, non tam quoad funiculos ipsos, quam fibras easdem componentes.

Trium horum dubiorum solutionem, utut vel ex viva Præceptorum meorum informatione accipere, vel ex eruditissimis tum quorundam Anatomicorum recentiorum scriptis tum præcipue egregiis Tuis, Vir Celeberrime, inventis ac præparationibus, quas consignatas orbi erudito communicasti, haurire potuissem: Non potui tamen non eorum explicationem his literis abs Te petere, partim ut Tibi quodammodo innotescerem, ac Tuam mihi benevolentiam conciliarem, antequam ipse ad Te venirem: partim ut maiori cum animi certitudine, organorum vitalium constructionem actionemque mechanicam, Tua fretus auctoritate, in rebus Anatomicis præcipua, consignare queam. Tibi enim soli, si ulli unquam, extremitates vasorum, ad minimum quorundam, ac pororum figuræ, propter assiduas liquorum iniectiones, ac curiosissimas viscerum præparationes, intueri concessum fuit, ut adeo Tibi in iis, quæ Te vidisse confiteris, maxima fides adhibenda sit. Neque tamen huic meo singulari desiderio satisfecissem, nisi excitatus admonitione Celeberrimi BERGERI, Collegæ atque Amici Parentis mei conjunctissimi, ac Patroni non minus, quam Præceptoris mei maximopere suspiciendi. Hunc Virum, mihi colendum, Te in sinu admodum fovere, cum me non omnino fugiat, per Illum Tuam me gratiam ac benevolentiam acquisiturum, nullus dubito. Quamobrem vehementer etiam atque etiam abs Te peto atque contendo, meæ cupiditati tantum des, & vel tribus saltem verbis, Tuam de his dubiis sententiam scire me permittas. Facies hoc ipso rem, non solum mihi, sed universo Orbi erudito gratissimam, ac Tanto Viro dignam. Ego vero non solum animo absens, sed occasione data præsens, verbis gratias Tibi agam maximas, & semper permanebo

Amplissimi Tui nominis

cultor assiduus atque perpetuus

Vitembergæ
Die X. Calend. August.
M. DCC. VIII.

M. ABR. VATER, *Vitemb.*
Medicinæ Studiosus.

FRE-

FREDERICI RUYSCHII RESPONSIO,

Ad Virum Doctissimum

M. ABRAHAMUM VATERUM.

Medicinæ Studiosum cruditissimum

IN EPISTOLAM ANATOMICO - PROBLEMATICAM
DECIMAM & SEXTAM

De Viis absconditis Pulmonum, quibus aër, respirando receptus, in sanguinem penetrat; nec non de Vascularum secretoriorum structura Mechanica, & de fibrillarum nervearum in Cerebro principiis.

M. ABRAHAMO VATERO

Viro Doctissimo

FREDERICUS RUYSCHIUS.

S. P. D.



Uæ mihi in Epistola tua Anatomica, Problematica proposuisti, tanti sunt ponderis & tam recondita, ut ne ingenia quidem acutissima hæcenus suffecerint ad illa enucleanda; itaque credere noli, me illos nodos plane soluturum esse, præsertim cum illa oculorum aciem fugiant & autoptice demonstrari non possint, & hinc non inepte abs te abscondita dicantur: tentabo tamen, quantum potero, aliquam his lucem affundere, & quæ mea sit sententia, lubens communicabo.

Itaque

Itaque quod 1^m. Problema attinet, sc: *quæ sint viæ absconditæ per quas aër respirando receptus, in Sanguinem penetret.* Resp. Aërem per Pulmonem sanguini immisceri, in totum negari quidem non posse, sed omnem aërem, quo sanguis impletur, deferri per Pulmonem in sanguinem (salvo aliorum iudicio) affirmare non ausim, cum viæ adsint, quæ non minus aptæ natæ sint, ad illud præstandum, de quibus infra.

Aërem per Bronchiorum extremitates capillares in inspiratione comprimi in membranas & vesiculares cellulas, Pulmonem maxima parte constituentes, vel lippis ac tonsoribus notum.

Omnes membranas corporis nostri latice seroso irrorari certum esse existimo, non autem prætensarum Glandularum *Malpighii* & *Stenonis* ope, quas nemo demonstrare potest: illud autem extremis arteriis, tomenti instar, tenuibus, adscribendum esse censeo.

Aërem facile misceri cum liquore aquoso, quis negabit? præsertim cum nihil notius, quam quod aër in laticem aquosum, & hic denuo à calore in aërem reduci possit.

Vasa lymphatica non solum, verum etiam venularum extremitates porosas esse, illorumque poros esse recipientes & admittentés, ex sanguinis circulatione & artificiosa vasorum mea repletionem, satis superque constare mihi videtur.

Hisce positis, existimo, aërem per Pulmonis Bronchia in dictas membranaceas cellulas vesiculares, compressum, Musculorum thoracis & diaphragmatis ope, illic tandem combinari & misceri, cum latice aquoso aut seroso, per ultimas extremitates roris instar in dictas cellulas effuso.

Serositatem sanguinis cum aëre ita commixtam, tandem ab extremis ramusculis Venarum, ut & Lymphaticorum vasorum absorberi & in sanguinem deferri, puto.

Dixi superius omnes corporis nostri membranas continuo irrorari latice seroso, ex Arteriarum extremis oriundo: illud autem confirmat replendi methodus mea nova, quâ luculentissime in meis præparatis exhibeo & demonstro ceraceam materiam ex ultimis omnino extremitatibus arteriolarum roris instar ita effundi, ut objecta summâ rubedine sint perfusa, idque sine ullâ extravasatione præternaturali.

Si quis ejusmodi objecta domi meæ perlustraverit, sive armatis,

tis, five inermibus oculis, facile in sententiam meam descendet, nam clare videri potest dicta ceracea materia, quæ fumi aut roris instar ex poris emittentibus exitum sibi quæsit, quemadmodum sanguinis chylo-ferositas (ut ita loquar) in homine vivo.

Interim, Vir Solertissime, credere non possum aliquem offensurum esse ad illum lapidem, sc: quod statuerim in ultimis omnino extremitatibus Arteriolarum, loco sanguinis rubri in statu perfectiore & sano, laticem Chylo-ferosum hospitari; illud enim satis superque constat in cute & aliis corporis partibus: sanguis enim rubedinem exuit, antequam viam ad ultimum extremum absolverit.

Cum autem tantum aëris per Pulmonem introducti non sufficiat ad vitam sustentandam, existimo, alias haud minus aptas reperiri vias, pro sanguinis aditu in sanguinem, sc: poros cutaneos admittentes, talesque existere æque ac emittentes.

Hoc luculenter constat ex Mercurio & Cantharidum applicatione super cutem, per hosce, aëris aditus in corpus nostrum non minus denegatur, quam Mercurio aut Cantharidibus: eoque introducto per aëris ambientis compressionem, miscetur cum serositate, qua perfusæ sunt, ut supra dixi, partes interiores, quæ miscela tandem absorbetur ab extremis venulis & Vasis Lymphaticis,

In statu sano & perfectiore, tantum, quantum requiritur aëris, in sanguinem defertur; non raro tamen contingit massam sanguineam obrui à nimia aëris copia, quemadmodum sæpius fit in iis, qui subito è medio tolluntur, sicuti observavi in muliere, quæ subito ultimum diem obierat, ejusque cadaver cultro Anatomico subjeceram; quid sit? aperto Thorace, Cor stupendæ erat magnitudinis, ab aëre, quo plenum erat, absque ullo fere sanguine, id quod palam factum cuspide cultelli; ea enim adaucta tam subito subsidebat Cor, ac Vesica aëre repleta, & cuspide cultelli acta.

Talem affectum lethalem fieri existimo, à nimia aëris copia, quæ in corde locupletata & copulata sanguinis aditum in Cor præpedivit.

Quod ad II^m. Problema attinet, sc: *de Vasorum secretoriorum structura mechanica*: cum illud multum molestiæ hætenus attulerit, & nondum mihi ea in re satisfacere potuerim, sicco

150 RESPONSIO FREDERICI RUYSCHII.

pede transire cogor, donec Mammarum, Paraftatarum &c Vafa luculentius perſcrutatus fuero.

Reliſtis illis, ad Ill^m. me conferam, ſc: *de Fibrillarum nervorum in Cerebro principiis.*

Haſce fibrillas originem habere exiſtimo ex tractibus medullaribus Medullæ oblongatæ, idque principio ſubtiliſſimo, præſertim circa Nucham, membranula Arachnoidea obductæ, è qua membrana tamen non proveniunt, uti Cl. Blaſius, ejusque ſectatores ſtatuerunt; nam hi tractus medullares, antequam Medullam relinquunt, & nondum Nervorum nomine appellantur, non ſine artiſcioſa encheyreſi in conſpectum producuntur, ea propter illos, ne unquam quidem ab aliis vidi demonſtratos in ſubjecto ipſo: imò, quid concludendum ſit ex illorum figuris, aliis judicandum relinquo; quicquid ego hac de re delineandum curavi, demonſtro & objecta ipſa reſervo.

In Fig. Epist. 2. Tab. 15. Anatom. Problem. XII. delineandam portionem Medullæ oblongatæ cum ſuis tractibus longitudinalibus, & hiſce ſubſtratis orbicularibus.

Qui veram notitiam hujus rei ſatagit, monendus eſt, nè coquat Cerebrum, ſed retineat in ſtatu naturali, ſicuti ego facio & reſervo, ita ut vitæ ſpeciem referat, tantum non nihil indurando per liquorem convenientem.

Rejiciendum quoque, quod nonnulli faciunt, qui poſt indurationem in ſegmenta digitis diſtringunt Cerebrum, quo factò, ſtriæ apparent, ſicut in caſeo non admodum indurato, & in partes dilacerato, easque nobis obtrudere conantur pro tractibus Cerebri.

Hiſce Vale, Doctiſſime Vir, meque amare pergito.

Dabam Amſtælodami
in Muſæo, d. 10. Decemb. 1713.

JOANNIS JACOBI RAU RESPONSIO

Ad qualemcunque Defensionem

FREDERICI RUYSCHII,

Quam haud ita pridem edidit, pro

SEPTO SCROTI.

In qua hujus Litis Anatomicæ detegitur Origo:

ET

Septum Scroti, ab ipso descriptum & delineatum, fictitium
esse, clarè demonstratur.

Adjuncta est hujus calci Auctoris Epistola.



AMSTELODAMI,

Apud JANSSONIO-WAESBERGIOS,

M. D. C. C. XXXVII,

LECTORI ÆQUO

S. P. D.

JOANNES JACOBUS RAU.

Quinquennium est, Lector candide, ex quo me primum hanc Urbem ingressum tam Procerum favor, quo peregrinos excipere solent, per omnes terræ plagas decantatus, quam civium allicuit integritas & modesta consuetudo, sic ut Patriæ Urbis ter ab feroci bellantium insultu incendio devastatæ, facile oblitus, sub hujus placidæ gentis præsidio vitam agere apud me constituerim. Ab hoc tempore in eo vigilavi, ut studia mea, præcipuè Anatomica & Chirurgica, hujus Urbis Medicis & Chirurgis probarem: nec caruit res successu, nam postquam in ædibus meis, cerebrum, & organa sensuum exteriora quinque,* in sex prælectionibus in cadaveribus humanis demonstravissem; subsequente hyeme organa soni, vocis, & loquelæ exhibere eodem ordine aggressus fui. Hanc meam demonstrandi Methodum, physicumque ipsi adjunctum sermonem, quum non displicere Medicis & Chirurgis hariolarer, statui singulis hyemis tempestatibus quaedam producere. Sed hoc me cogitante, interrupit meum laborem invidia, pessima plerumque studiorum perniciēs, meorum tamen per singulare in illo tempore fatum conservatrix. Has enim Exercitationes meas Anatomicas domi meae privatim institutas quum impedire conaretur Ruyschius, in hujus Urbis Theatro Anatomico Praelector ordinarius, in ipso conatu impedivit se laqueo, quem mihi paraverat, qui scilicet quaerens studiorum meorum interitum, eorum factus est imprudens Erector & Promotor. Eodem enim adhuc anno

§ AMPLISSIMI CONSULES studiorum Maecenates optimi, receptis

A 2

ptis

* M. DC. XCV. § M. DC. XCVI.

ptis prius ab Collegio Medico aëtorum meorum testimoniis, mihi fecerunt (quem honorem nunquam ambire ausus fuifsem) in Theatro Publico cadavera dissecandi potestatem, hoc clementi adjuncto mandato, ut eodem adhuc anno initium facerem à sensuum organis publicè, quæ privatim proximè elapsa hyeme demonstraveram. Cæteros quos Ruyschius adhibuit cuniculos, ut hoc everteret, jam enarrare superfedebam, ne hujus viri genius vario adhuc nomine celebris & celebrandus, plurimis odiosus fiat. Tertia quæ subsequēbatur hyeme * ab hoc meo labore in Theatro publico non destiti, sed Organa respirationis anatomicè dilucidare aggressus, Veterum mentem cum Recentiorum dogmatibus contuli, sententiam utrorumque probavi, quando nimirum à legitima mechanica non abiret. Præterea ut pulmonis structura & usus ab Auditoribus meis clariùs perciperetur, addidi in singulari demonstratione cordis fabricam in natis & non natis; hæc omnia tractavi verbis placidis, quæ ne minimum contentionis virus in se continerent; quamvis heic loci mihi videbatur oblata occasio tela inimicorum meorum tam protervè in me conjecta in illos retorquendi: sed ab hoc vindiciarum genere abstinui ratione loci, quem præstantia ex Eruditorum confessu commendabiliorem reddit, quam ut ejusmodi apologeticis sermocinationibus repleatur: hæc tamen omnia animum Ruyschii nostri mitigare non potuerunt; procedit eodem ritu quo antea, & me artem meam (quam scit à viris Medicæ peritis non improbari) exercentem, tam inhumanè persequitur, ut alia remedia circumspicere coactus fuerim, quibus irarum ejus procellas compefcerem.

Abstinui nimirum à publica prælectione, quæ mihi A°. M. DC. XCVIII. habenda publicè fuisset, & abstinuissem totus imposterum à prælectionibus publicis, nisi me de novo incitavisset quamplurimorum præstantium virorum candor & humanitas, illorum præprimis, qui me antea tam avidè auditum veniebant, quorum dulcis, & perhumana ad solitum laborem exhortatio, animum meum jam quasi in his curis soporosum adeo expergefecit, ut rursus cogitare inciperem, hujusmodi exercitationes meas reiteratas, plurimis Anatomen & Chirurgiam discentibus non inutiles fore. Quapropter antea incepta reiteravi, ad reiterata, ut antea feceram, plurimos invitavi, inimicos, amicos, sed præprimis rerum

rerum æquos adesse Censores exoptavi; sed quum hâc potissimum parte hoc anno studuerim, ut pro viribus Chirurgis prodessem, cenfui longè Belgicam linguam intentioni meæ accommodatorem fore Latinâ. Musculos igitur in corpore humano secui universos; illorum origines & insertiones accuratè notavi, varium illorum usum diversaque nomina quantum potui succincto docui sermone in triplici lectione; priori verò biduo operationes quasdam Chirurgicas illâ, quâ utor in vivis methodo, in cadavere exercui.

Hoc non feci ut Clarissimum Fredericum Ruyschium læderem, qui hucusque solitus est similes operationes in usum Chirurgorum in cadaveribus exercere, sed ut ego Operatoris & Lithotomi titulo, clementer ab AMPLISSIMIS AC NOBILISSIMIS CONSULIBUS mihi tunc temporis concessio, dignum aliquid & consonum exhiberem.

Quid sit? hoc nomine jus suum Cl. Ruyschius à me violatum putabat, & quum voluerit, nec tamen Belgicæ linguæ usum mihi interdicere potuerit, nec potestatem impetrare valuerit ab VIRIS, à quorum piâ voluntate & justo moderamine salus & fortuna Civium dependet, propositum hoc meum evertendi, quo Chirurgis id à me efflagitantibus difficultates quarundam Operationum Chirurgicarum enucleare decreveram: nova alia in me, qui nunquam illum lædere in animo habui, protendit tela, & me plagii in suis publicis lectionibus insimulavit, cujus an sim reus nec ne, peneste, Lector, relinquam judicium, postquam unde insimulationis suæ causam desumpserit Ruyschius tibi nudè exposuero.

Inter illas itaque, quas superius me exercuisse memoravi, operationes Chirurgicas, erat antiquissima quam Phalangosi, id est relaxationi superioris palpebræ, adhibui.

Hujus affectus Etymologiam variam postquam enarravisssem, causam ejus externam, internam, remotam & proximam exposui, morbumque varium quantum potui accuratè distinxì, triplicem illum feci.

Primum relaxationem cutis palpebræ esse innui, quem affectum Græci distichiasin vel trichiasin aliquando etiam nominant; quamvis apud eosdem Auctores hisce nominibus duplex vel triplex ciliorum ordo ordinariè designetur.

Alterum ubi fibræ musculi palpebram relevantis proprii laxatæ sunt simul, & tonum quasi naturalem amiserunt.

Tertiam omnium infensissimam speciem esse dixi, quando universum musculum paralysis invasit: cæteraſque minoris momenti causas, quæ palpebram suo pondere deprimere & explicare possunt, addidi, ut sunt, tumores, lymphæque in eâ coacervatio; & porro non neglectis, quæ signa diagnostica vel conspiciuntur, vel mentis adminiculo deteguntur, curationis necessitatem expendere cœpi, & tandem duplicis generis arma, medicamentaria scilicet & operaria, quibus industrium Chirurgum instructum esse oportet, attuli, aperui, bona laudavi, mala damnavi, mediocria correxi. Sed quum in animum induxissem respectu cadaveris, quod tum præ manibus haberem, solam operationem exercitare, particularia huic morbo dicata medicamina studio neglexi, & in genere tantum de illis verba feci, ne quoddam Chaos juniorum mentem obrueret; mox me ad ipsam Phalangosin curandam contuli per manuum operam; quod antequam facerem, sic præfabar belgicè:

De genesinge der drie soorten van 't bovenste verlangde Ooglid, door de hand-cuur, bestaat daar in, dat men het geen verlangd is verkort, mits een stukje uit te snyden, ende de einden der wond, daar het stukje uitgesneden is, wederom door een naald en draad aan een te hegten.

Porro de agendi modo sic sermonem continuavi:

*De oude Schryvers dan van de Chirurgie, ik meene die, dewelke selfs de hand aangelegt, ende alsoo door eigene ondervindinge geschreven hebben, hebben, naardien sy beraamt hadden, hoe veel van 't Ooglid uitgesneden moest werden, het beraamde deel tusschen de duim en de twee voorste vingeren gevat, ende het selfde met een welsnydende schar of mes afgesneden, de einden der wonde aan malkander gehegt door een naald en draad, door 1. 2. 3. of meer hegten, naar eisch van de grootte des uitgesnedenen deels: maar om dat dese manier van opereren seer moeilyk waar, wegens het sterke bloeden, aan de Oogleden, gelyk aan de andere wonden des aangesigts gemeen, ook wegens de gedurige beweeginge des Ooglids en Oogbals selfs; al het welke den Operateur in de handeling vermindert, om syn voornemen met spoet en voordeel uit te voeren, soo syn eenige op andere middelen bedagt geweest. Onder deese is * Georg Bartish, welke door een klemmend of nypend instrument, gemaakt van yzer, het*

* Zie syn Boek genoemd Oogen-dienst. Cap. XIV. pag. 300.

beraamde deel des Ooglids, dat men anders, gelyk ik gezegt heb, afsnyd, soo wil toenypen, dat het selve door verloop van de tyd van ontrent vier weken, kwam te versterven, en af te vallen, ende alsoo het Ooglid korter werdende; syn vorig gebruyk wederom verkrygen soude, of ten minsten het hoornvlies door 't verkorten van dit lid mogt wederom ontbloot werden; maar ik meene dat deese wyze van doen gefingcert is, ende nooyt kan in 't gebruyk gebragt werden.

Addidi porro: Om deese ongemakken, nu boven verhaalt, in 't afsnyden van 't Ooglid te vermyden, soo heb ik dit instrument op dusdanigen wyze geappropriëert * tot een gants andere insigt als onsen Bartish; synde het selve van koper gemaakt, en met gaten doorboort.

Utrum hujus instrumenti una opera in cadavere ostendi, qui sic fese habet: § Men haalt soo veel van 't verlangde ooglid door, tusschen de twee bladeren van dit instrument, als men denkt af te snyden: men nypt het matig toe, men set het met het schroefje vast. Men neemt de kromme naalt versien met een draat, en steekt deselve van onderen door soo veel gaten van dit instrument, daar het ooglid reeds tusschen genepen is, als van noden is, t'elkens den draat boven het instrument af te snyden, dog dat hy onder en boven lang blyve ontrent drie vingeren breed: dan snyd men met een scherp incisie-mes het ooglid door 't instrument stekende, glat af: men schroeft het schroefje los, men neemt het instrument voorsigtig af, op dat men niet te gelyk de draden wythale: men bind de enden der draden t'samen, gelyk men gewent is te doen in een knoop-suture: dit gaat veel gemaklyker als op de boven gezegde wyse: want dit geschied zonder pyn, zonder bloetstorten: ook loopt men geen gevaar van wegen de bewegingen des ooglids ongelyke suturen te leggen; welke moeylyker te genesen zyn en sware lidtekens naar sig sleepen; ook heeft den lyder niet te vreesen door de onvoorsigtige hand des Operateurs, met de naald in de bal van zyn oog gekwetst te werden.

Adjungebam & alia, ex quibus recidivam præagire possis, cujus causam nunc plerumque in mala palpebræ constitutione quærendam, non raro tamen etiam in præternaturali globi oculi figura sitam esse statui. Et hæc sunt illa, æque Lector, quæ in Theatro Anatomico die xi. Februarii

* Ziet Fig. I. Tab. I.

bruarii *, ni fallor, dixi verba, quæ in lingua Belgica referre potius fuit, quam in Latina, ut, qui me audiverunt illa dicentem, inde sensum veritatis, quem hic defendo, memoria revolvant. Huic Prælectioni quoque interfuit rogatus abs me Ruyschius, ut in omnibus aliis, quas in eodem Theatro celebravi, dissectionibus Anatomicis.

Finitâ hac prælectione de relaxata palpebra restituenda ei adjungebam modum curandi tres fistularum lachrymalium species & extirpationem uvulæ: ubi de hujus usu & vera constitutione ex professo differebam: nam præcedente die per trihorium ferè de perforatione cranii in ejus fractura & varia modiolorum specie, & quidquid ad hanc operationem bene instituendam conducit, verba feceram, quæ non omnino auditoribus meis displicere videbantur; & ipsi Ruyschio instrumentum quod phalangosi restituendæ adhibui, non displicuisse, eodem ferè momento aliquibus testatus est. Hoc si neget Ruyschius, utpote cui perinde est negare vel affirmare, modo suæ conducat rei negatio vel affirmatio; Lector tamen ex invidia ejus hoc facile conjiciet: nam subsequente mense Majo, ni fallor, XII. concedebatur Theatro Anatomico cadaver virile, cujus gula pridè laqueo fracta fuerat, ab Cl. Ruyschio dissecandum. Hic quum Prælectoris officio in eo fungeretur, eo videbatur prælectiones direxisse ut mihi contradiceret, vel potius ut solitâ suâ eloquentiâ, & bene dicendi genere, agilique manuum operâ, quam inde me gloriolam aucupatum esse crederet, penitus deleret. Perforationem itaque cranii in prælectione sua prima suscepit: in hac contradixit sibi, experientiæ, rationi, tam crebrò, ut si scripta essent, quæ tum dixit Ruyschius, haberem innumerabilia quæ RODERE possem.

In ultima prælectione ejus (tres autem vel quatuor tantum instituebat) placuit ipsi operationem meam in phalangosi repetere; verborum ejus summam & sensum intellige. Loquens de instrumento Bartischii, varia curva & recta ad imaginem Bartischii instrumenti fabrefacta monstrabat, ex cupro tamen, quod pessimum, nam ex ferro ea fabricare jubet Bartisch, ut intentioni suæ satisfiat melius. Ea exhibens Ruyschius adjungit hæc verba: *ne ego quoque Cornicula Æsopica videar, dico vobis hujus instrumenti Auctorem esse Georgium Barts: & probans*

methodum Bartischianam ultrò pergit exhibere instrumentum meo æmulum, foraminibus pertusum, hæc jungens verba: *hoc instrumentum est Petri Hadriani*, non audens dicere ab hoc Petro inventum; hærebat enim auditoribus recenter in memoria, mei vix ante bimestre exhibiti figura; hoc applicabat palpebræ & eodem ritu instituebat operationem, quo illam viderat abs me institutam Cl. Ruyschius. Ego hujus viri consilium advertens, eodem momento, quo finita erat ejus prælectio, usus libertate concessa ab AMPLISSIMIS SCABINIS Anatomiae spectantibus, rogabam Ruyschium quomodo nominaret modo citatum Auctorem. Respondebat: Georg Barts vocatur, ego respondi me Georgium Barts non novisse, sed Georgium Bartisch, quem ego in mea prælectione haud ita pridem habitâ etiam citavisssem. Barts, inquit ille, vel Bartisch quid hoc differt? Ultro citroque nil dictum fuit amplius. Tum descendo in Cameram Chirurgorum causa reprehendendi Ruyschium placide. Venit Ruyschius cum Henrico suo nato unico; mox ipsum sic alloquor: Cl. Ruyschi, gratias ago tibi maximas pro labore in te suscepto in hac dissectione Anatomica: sed displicet mihi mentio plagii, quo me tacitè insimulare voluisti, cujus criminis me reum esse nec tu nec alius quisquam probare poterit: Citavi ego Georgium Bartisch, sed ejus methodum rejeci, meam variâ experienciâ instrumento foraminibus pertuso, abs me factò, adornavi. Tum ille: anne tu habes tale instrumentum? nunquam hoc ego abs te vidi. Ego reponebam: memoria tua non tam labilis mihi videtur, ut nescias illud, quod ante bimestre manibus tuis tractavisti, vidisti, examinasti, & cujus causa has videris instituisse prælectiones. Tu certe ante me tale nunquam exhibuisti totis triginta annis, quibus huic Theatro præfuisi. Ego ante quadriennium præsentibus Cl. viris Dortmuntio & Romanno, Medicinæ Doctoribus, & præstantissimis Chirurgis Christiano Yle & Petro Roseboom hanc operationem illo instrumento institui. In meis Collegiis privatis ante triennium, biennium, & ante annum habitis hoc instrumentum quoque exhibui; quorum hæc fuerunt Membra, Dominus Julius Bötticher Wolfenbuttelenfis, jam Anatomiae Professor in Giesena Academia dignissimus, Dom. Schacher Lipsiensis, Dom. Zimmermann Dresdensis, Dom. Tham Dresdensis, Dom. Quentin, Dom. Ruperti Bartelvelt, Dom. Buslius Dresdensis, Dom. Agricola Ratisbonensis, Dom. Ettmullerus Lipsiensis, Dom. Powels

Londinensis, Dom. Gulleman Augustanus, Dom. Brasch Lube-
 censis, Dom. Albrecht Hildesheimensis Medicinæ Doctores:
 Dom. Christiani Wolfenbuttensis, Dom. Winslow Hafnienfis,
 Dom. Meiboom Helmstadiensis, Dom. Mattheus Fremton Oxo-
 nienfis, Med. Candidati. Hi testari hoc poterunt & alii quamplu-
 rimi, & præterea me ipsis exhibuisse Georgium Bartish, ejusque
 instrumentum & hoc à me emendatum probavisse. Sed quidquid
 sit de hoc instrumento, Ruyschio incumbit ostendere, si me pla-
 gii velit reum; allegare unicum Auctorem, qui tale instrumen-
 tum foraminibus pertusum, ex eodem ære fabricatum, eodem
 modo usui factum, eidem intentioni adhibitum, cui ego usui &
 intentioni illud adhibui, unquam ante me (ut more suo loquar)
 descripserit & adhibuerit. Sed ego ipsi instrumentum Bartischia-
 no instrumento etiam si ratione materiæ absimile, eidem tamen
 intentioni adhibitum demonstrare possum in Auctore quodam
 qui ultra mille annos ante Bartischium scripsit. Itaque, mi Le-
 ctor, jure tunc temporis sic pergebam ad Ruyschium dicere: Pro-
 nus es nimium, mi Ruyschi, in assignando aliis plagio, quum ta-
 men tu hoc vitio præprimis notandus sis. Quid diceres? si te in
 describendo Scroti Septo furtum fecisse dicerem? quid? si pluri-
 mos tibi revelarem Auctores de hoc Septo clare mentionem fa-
 cientes? quibus verbis ille respondebat: *per triginta & tres annos*
hanc artem exercui, omnes Auctores evolvi: ideo me magis in le-
ctura te versatum unusquisque facile conjicere poterit; videris,
 inquebam ego, per totam tuam ætatem legisse & dilectasse, hos
 tamen te non legisse Auctores constare videtur. *Unicum,* repo-
 nebat ille, *si mihi demonstrare poteris Auctorem, qui de hac mem-*
branâ mediastina seu Septo somniavit, nedum scripsit, magnus mi-
hi eris Apollo; porrigens mihi dexteram, & hoc à te exigo ut
facias quamprimum.

Hoc audiverunt quatuor Chirurghi, ejusque filius Henricus,
 qui patrem fideliter in hac sui defensione juvabat; eodem modo,
 quo fit ab illo aliquando in Theatro Anatomico & Horto Medi-
 co; quando publicè hæsitanter prælegit. Ego interim ut promissis
 meis stare, & Ruyschii petito satisfacere, ipsi scripsi Episto-
 lam die xix. Mensis Junii impressam: quam in fine adjunctam
 legere poteris, ubi septem citavi Auctores, tale Septum, cujus se
 inventorem esse gloriatus est, describentes: Carolum Stephanum,
 Nicolaum Massen, Joannem Riolanum, Theophilum Gelée, Pe-
 trum

trum Laurenbergium, Joannem Riolanum Filium, Dionisium. Quorum ipsissima verba, in illa Epistola, quam ideo ad hujus calcem jungi curavi, legi possunt. Nullum exspectaveram responsum in hanc Epistolam: quandoquidem in illa unicè agebatur, utrum aliquis Auctorum, de tali Septo, ceu membrana, quæ cavitatem unicam Scroti in duas distinguit (*ut ait Ruyschius*) mentionem fecisset. Nam de vera hujus Septi constitutione si inter nos actum fuisset; ego tale in rerum natura dari, mox negavissem: inopinato tamen Ruyschius Apologiam suo more facit, in Epistola suâ Problematicâ xii. de cerebri corticali substantiâ, ad Doctiss. Ettmullerum, olim discipulum meum, ad diem xxi. Mensis Augusti, conscriptam, quam Lector æquus legere poterit circa finem. Hanc si refellere aggrederer, de verbo ad verbum, scommata, & convicia reponere deberem viro bono indigna.

Sed hæc defensionis ejus summa esse videtur.

I. Quod me mancum, mutilatum, & distortum (ut loquitur) DISCURSUM proposuisse, in Epistola mea, dicat.

II. Quod neget, se vel dixisse, vel scripsisse, sese primum Inventorem talis membranæ esse.

III. Se verò, veram illius membranæ, seu Septi, constitutionem dedisse, vasaque in illo exhibuisse.

IV. Hanc demonstrationem, & dilucidationem veræ constitutionis hujus Septi, deberi singulari suæ, partes exsiccandi methodo, quâ mediante, se plurima detexisse gloriatur, de quibus NEC VETERES COGITAVERINT UNQUAM, NEC SOMNIAVERIM EGO.

V. Me nihil potuisse ipsi rei opponere, sed me totum fuisse in adducendis Auctoribus.

VI. Sibi gratulatur Ruyschius, me nihil potuisse reperire, quod RODEREM, ex omnibus illis, quæ hætenus publicè demonstraverit, & typis ediderit, nisi hoc UNUM.

Ad partem igitur ejus vindiciarum primam, Ruyschio satisfieri nullus dubito, si meminerit verborum, inter nos habiturum,

in Camera Chirurgica, quæ ego superius, de Bartischiano instrum-
mento, à me emendato, primam hujus dissidii Anatomici causam
esse, fideliter retuli; quæ in Epistola mea ad illum scripta, ne di-
vagari viderer, suppressere volui, quandoquidem ad rhombum
nihil faciebant: etenim illam ego Epistolam nunquam typis excu-
di jussissem, nisi Ruyschium ejus vidissem cupidissimum. Illi e-
tiam, qui nos de hac materia audiverunt confabulantes, si memo-
ria omnia revolvere dignabuntur, me, ne latum quidem unguem,
ab fermocinationis nostræ sensu discessisse, profitebuntur. Inte-
rim si adhuc Ruyschius me mutilata proferre sibi, & aliis, per-
suadere velit, & adhuc mancam, & distortam, verborum hanc
inter nos habitorem repetitionem esse, dicat, nisi, in qua parte
peccaverim, notet: obdurabo in sententia, illum, in obnubilanda
veritate scommatibus, & opprobriis TOTUM ESSE.

In parte ejus Apologiæ secundâ, mirabitur Lector hujus viri
inconstantiam, & in rebus seriis mentem volubilem. Nonne plus
centies hoc Septum in Scroto indurato, *lapidis instar*, in Theatro
publico exhibuit, quod, quodam tam singulari dicit hic noster
fieri, artificio, ut in eo, ultra triginta & quatuor annos, desuda-
verit: ideo rogat Gaubium, discipulum suum, ut ipsi *conniveat*,
quando, hanc scrotum præparandi artem, ipsum docere, recusat:
verendum enim esse ait Ruyschius, ne alii *Corniculæ Æsopicæ
instar*, suo hoc postmodum secreto indurandi partes, superbiant.
* Nonne plus centies dixit, in eodem loco, in doctorum confessu,
qui in memoriam ejus dicta revocare possunt, *quis unquam A-
natomicorum vel veterum, vel recentiorum, tale Septum vidit? de
hoc Septo scripsit? ullam mentionem fecit? Somniavit de hoc Sep-
to ante me certè nullus.* Quæ verba huic viro in publicis suis
Lectionibus familiarissima sunt, quando se suis NON ENTIBUS,
jactantius effert, & in vanis rebus laureolam quaerit. Sed alia, si
haberem nulla, quæ Ruyschium, sese Inventorem hujus Septi
dixisse (quod in rerum natura non datur) convincerent, ante
victoriam triumphum canerem: Nam si lapsus, hoc, linguae suæ
fuisse, clamaret Ruyschius, quis ipsi victoriam non cederet? ut-
pote qui in Lectionibus suis ipsi tam crebrò accidit.

Probemus hanc vanam gloriam ex Epistola ejus potius: nam
litera scripta manet, & quidem exprimâ commercii sui litera-
rii,

* *Vide ejus Epistolam Responsoriam II. sub initium:*

rii, cum discipulis suis, * ubi ille, qui ad Ruyschium scribit, sex adducit Scriptores Anatomicos, nullam de hoc Septo mentionem facientes: hisce jungit, in responsione sua ad hanc Epistolam, Ruyschius duos. Hos ego omnes Auctores citatos esse puto, ut in hunc † MARONEM inventionis gloria resultaret; nam quos ego in Epistola mea citavi Auctores, vel Ruyschius novit, vel non novit, si illos novit, cur non illorum loca adduxit? cur non quae perperam ab ipsis descripta fuerunt, correxit? cur non quae obscura ab ipsis tradita sunt, illustravit, quando dilucidatoris nomen ipsi etiam in minutissimis vasculis delineandis, est valdè acceptum. Si verò non novit, quos septem illi detexi Auctores, gratiosus potius, quam mihi infensus fieri debuisset; hoc enim à me petivit & rogavit, ut adferrem vel unicum Scriptorem de membranâ hac suâ mediastinâ quidquam dicentem.

Sed ultrâ ut tibi Lector declarem, Ruyschium hanc inventionis praerogativam captavisse, lege *Corollarium tertium, transsumptum ex Epistolis responsoriis Viri Clarissimi Frederici Ruyschii, ab Joanne Gaubio, affixum Disputationi Medicae, de Anatomia corporis humani, primæ, sub Præsidio Domini Petri Bernagii, Med. Doct. atque in Illustri Athenæo Amstelodamensi Professoris*, quod sic sonat: *Scrotum, Septi beneficio, in duas dirimi partes, ut laudatus modo Anatomicus (subintelligitur Ruyschius) INVENIT, & figuris expressit, testamur, & defendimus.*

Haec disputata sunt, coram Ruyschio, in Athenæo Amstelodamensi. Et ut magis hujus viri fama claresceret in Doctorum corona, lecta est Epistola ad illum scripta à Cl. Do. Verheyen Professore Lovaniensi, publicè, quae, Ruyschium vel hujus Septi inventorem esse depraedicabat, vel saltem scriptorem illius Epistolae, tale septum antea nunquam vidisse, testabatur. §.

Conjice jam Lector, quid de hujus viri modesto conjiciendum animo, quomodo spernat aliorum superbire gloriâ, quomodo CORNICULAE AEROSOPICAE mores, & INVENTORIS titulum averfatus fuerit.

Sed quod defendere non potest, libenter concedit, ferè his verbis: *Fac, dicit ille, tale Septum, noverint laudati Anatomici, & pene*

B 3

* Ubi quoque inspicere ejus figuram I. & II.

† Hoc enim nomine Ruyschius ipse superbit.

§ Lege praeterea Dom. Verheyen appendicis partem, quae ad Ruyschium spectat, ejus Anatomiae in calce adjunctam.

penè veram Septi constitutionem; Ego tamen illud dilucidavi, & vasa in illo dari, descripsi, & delineavi.

Vide iterum, Lector, hominis inconstantiam, qui, cum se antea inventorem dicere voluit, nec probare potuit, jam dilucidatoris munere contentus, vaniori adhuc gloriâ se efferre, auspicatur. Transiisset hoc, Lector benevole, cum caeteris hujus viri erroribus, ut, qui, cum septem à me citatis Auctoribus in Epistola mea erraverit, id est, descripserit, quod in rerum natura non daretur, modo se illorum Aristarchum jam esse, in Apologia sua de novo non professus fuisset.

Nam non unum Scrotum habet homo, sed cuti involuta duo, quod mox per figuras, hoc amat enim Ruyschius, dilucidabo, & unicuique demonstrabo in cadaveribus, à quadriennio denatis, & in spiritu vini, frumenti, vel sacchari, conservatis: melius tamen & naturae convenientius in recens defunctis. Sed Lector aequè, concede mihi veniam, antequam ejus demonstrationi, & descriptioni incumbam, quaedam reponendi, huic nostri Ruyschii Apologiae parti, quam, paulò ante quartam feci, ne quidquam intactum relinquam, quod tangere mihi proposui, ubi methodum suam exsiccandi, laudibus extollit in altum, ut lapsu graviore ruat. Huic ille adscribit illustrationis hujus Septi causam. Jam dico, praedictos meos Auctores non habuisse hanc exsiccandi & fucandi methodum: nam cadavera recens denatorum dissecuerunt, & tamen eodem modo ac Ruyschius viderunt Septum, ut ajunt. Illorum incuriae adscribendum est id vitii; Ruyschii methodo praeparandi hic error; quae revera per multas vires illum fefellit; testis est, membrana Ruyschiana in oculo, adèò in Theatro publico ab illo decantata, & Anastomosis arteriae (perperam ab ipso dictae Bronchialis) cum arteriâ pulmonali, & plurima alia, de quibus non SOMNIABO, sed vigilanter & nervosè agam, forsan alibi.

Tandem Ruyschius dicit, me nihil contra se potuisse facere, sed aliorum tantum dictis, ad sua refellenda, me contentum fuisse.

Scias velim, Lector, in studiis meis tranquillitatem me praetulisse semper contentioni. Jamdudum Auctorum multorum gloriam ab Ruyschio, nunc verbis, nunc scriptis, attritam defendissem; quod justum esse puto; uti certè ipse, Ruyschium post ejus fata, defenderem; si modo relicturus sit gesta, memoriâ, & defensione digna. Jam ut videas me potuisse ipsum reprehendere:

re:

re: quod citati à me Auctores non attulerunt, me potuisse adducere, & quippiam adferre, observabis ex scroti constitutione vera jam à me describenda.

Scrotum ex cuticulâ, cute, & membranâ, quae *δαρτὸς*, seu carnosâ dicitur, conflatur. Cutis non ab alia differt, nisi, quod hic loci sit tenuior: vide Auctores. Membrana *δαρτὸς* panniculi carnosî propago est: vide Auctores. Quem panniculum si dari negas, in homine, fateberis saltem illam, membranæ adiposæ continuam esse. Cutis investit *δαρτὸν*, ceu membranam carnosam, & ambos, in unicum suum saccum recipit testiculos. Membrana *δαρτὸς* ad utrumque veretri latus, sacculum efformat singularem, unicuique testiculo privatum involucrium; quare omnes decipiuntur Auctores, qui scribunt, testiculos habere duo involucria communia, cutem nimirum, & carnosam membranam, quasi carnosâ membrana unicus sacculus esset §, eodem modo, quo cutis, testiculos involvens. Imposterum dicendum erit testiculos nullum habere, nisi cutem, involucrium commune, membranam vero carnosam, quam communem dixerunt, ab utroque latere penis, in duos sacculos expandi, quorum unusquisque sacculus, unumquemque testiculum singulariter continet: hi sacculorum parietes, ubi se invicem tangunt, tam leviter connascuntur, ut eâ cutis parte ab illis separata, quae illorum conjunctionis rimam obteggit, & hâc ratione futuram, sic dictam, constituit (quae ab ano, per scrotum, ad extremitatem praeputii excurrit) facili negotio vel digitis, vel cultro divelli possit, & disjungi. ¶

Sutura autem hæc, in scroti cutis parte media spectabilis, non nisi ex particulari nexu cutis, cum utroque sacculo, profertur: nam hiatus horum sacculorum ferè sphæroideorum in causa est, quod heic loci cutis utrique sacculo, seu potius utrique Scroto, laxius cohæreat: cutis enim magis quam membrana *δαρτὸς* explicabilis, majorem etiam & magis regularem, & distinctiorem rugam, Suturam dictam, per lineam ad hiatum parietum sacculorum directam, gignit, quam cutis in aliis locis, tenaciter magis hisce sacculis connata. Hæc ut mente facilius concipias, duo corpora ferè sphæroidalia jungito, hæc simul linteo obducito, &


* Vide Tab. I. Fig. II. & Tab. II. Fig. I. § Hunc, in ejus medio in duas cavitates distingui, ope membranæ mediastinæ, dicunt citati à me Auctores, & post illos Ruy-schius. ¶ Vid. Epist. hujus calci adjunctam.

& reperies linteum per sinum triangularem distare plus ab his corporibus, ad totam circumferentiam attactûs parietum. Hoc plus minus de scroti cute, ut de linteo intelligito: scias enim separata cute, eaque leviter expansa, totam deleri in cute antea visam futuram, quare vix veremur dicere, præ alia cute Scroti, nihil habere hanc futuram particulare: sed quare eadem futura in cute penis, quamvis obscurius quoque videatur, non est hujus loci proferre: nam & alia, quæ ad Scroti, & testiculorum dilucidationem facerent, adducere possem, nisi extra arenam descendens, Lectoris benevolentia abuti vererer.

Tandem Ruyschius sibi gratulatur, quod nihil potuerim **RODERE**, præter hoc unicum, de Septo Scroti: verius dixisset me nihil voluisse **RODERE**: nam quamdiu Ruyschius me, meâ in meis studiis tranquillitate frui finet, & per **MUSSITATORES SUOS, ET MALIGNI INGENII HOMINES**, qui illi sunt à consiliis, famam meam invadere desistet; multa de perversis ejus studiis supprimam; sin verò in eadem studiis meis nocendi voluntate perseveret, non desinam, contra ejus nigrum carbonem, quo me apud plurimos vel ipse vel per suos denigrare satagit, Apologiam meam facere, veritatis plenissimam. Et de hoc Correctore & Emdatore aliorum Auctorum, jam amplius nihil dicam: nec enim omnia effundam, ut, si sæpius decertandum sit, ut forte erit, semper novus veniam, quam facultatem mihi multitudo istius vitiorum largietur, nunc ob lecturæ ejus defectum commissorum, nunc ex suæ exsiccatoriæ artis fuco productorum, vel etiam propter ejus incuriam ortorum. Tu verò, Lector benevole, si quid à me acerbè dictum viro, qui canos habet, & rugas, conjicias; cogita, si tu Ruyschium tam severum persecutorem haberes, qualem ego habeo, an tu quidquam lenius scribere potuisses, ut, qui Studiorum meorum, in hac civitate, est infensissimus hostis. Tu vale, & æque judica.

*Scripsi Amstelædami XII. Kal. Novembris
M. DC. XCIX.*

TAB. I



FIGURARUM EXPLICATIO.

T A B. I. F I G. I.

Instrumentum indicat, quo in operatione, quam instituo in phalangosi, u-
tor, ex duabus cupreis lamellis conflatum tenuissimis, sed tamen eo usque
rigidis, ne facilè flectantur. Applicatur palpebræ superiori relaxatæ, adeo
ut excavatio palpebram, cochlea canthum oculi minorem respiciat. Ge-
nuinam habet magnitudinem, ad figuram palpebræ appropriatam: ta-
men debet vel minus, vel majus fieri respectu palpebræ relaxatæ.

- A. B. Duo instrumenti brachia cuprea.
- C. Brachiorum junctura.
- D. D. D. Tria foramina in superiore lamella, quorum circumferentia
spiratim excavata, cochleae spiris respondere debet.
- E. Unum foramen in brachio inferiore, quod nullâ spirali ex-
cavatione indiget.
- F. Cochlea.
- G. G. G. G. G. G. Foramina in utroque brachio sibi invicem ex directo superposita.
- H. H. Filum abscissum, per duo foramina utriusque lamellæ tradu-
ctum, ope acus, quam K. K. indicat.
- I. Filum per acus foramen pendens, quod longius esse debet,
quàm hic repræsentatur.
- K. K. Acus per utriusque lamellæ foramen trajecta, leviter curvata,
ne ossis frontalis eminentia, quæ orbitæ partem superiorem,
& exteriorem, constituit, impedimento sit ejus traductioni.

T A B. I. F I G. II.

Scrotum humanum pubescentis mediocriter inflatum, & ligatum re-
præsentat.

- A. Penis flaccidus, ad posteriora reflexus.
- B. Cutis sursum reflexa, & in illa Scroti parte separata, quæ suturam
in sculptam habet.
- C. C. C. C. Cutis, ab membrana subjacente carnosâ, magis lateraliter separata, & re-
flexa.
- D. D. D. D. Cutis, quæ adhuc membranae carnosæ, duos sacculos efformanti, adhae-
rescit.
- E. Arteriarum & venarum in cute Scroti congeries, quasi rete exhibens, qua-
tenus in hoc Scroto se visui absque ulla praevia praeparatione exhibebat.
- F. Cutis, suturam Scroti oculis subjiciens, quæ à flatu, simul cum sac-
culis paulisper explicata, adeo translucet, ut sacculorum duorum
hiatus, per hanc cutis partem, clarè conspiciatur.
- G. G. Duo Scrota seu sacculi, ex membranâ carnosâ formati, quatenus se,
demptâ cute, offerunt.
- H. Fibrae sinistri sacculi carnosæ, ad penem excurrentes.
- I. Rima seu hiatus, ubi duo sacculorum interni parietes concurrunt,
perperam mediastini nomine descriptus.
- K. Fasciculus vasorum, per interstitium duorum sacculorum pullulans,
quæ variè diffeminata vasa membranae carnosæ & cuti, (nam in-
ter hanc & illam excurrunt) prospiciunt.

C

L. Vas-

- L. Vasculosum rete in sacculo sinistro ex arteriis & venis conflatum, quatenus illud oculis conspici à depictore potuit: nam in aliis praeterea locis, ubi se aequè visui offerebat, non curavi ut depingeretur; quandoquidem non opus esse judicavi.

FIGURARUM EXPLICATIO.

T A B. II. F I G. I.

Duos ferè sphæroïdeos, ex membranâ carnosâ formatos sacculôs ab invicem separatos exhibet, & leviter inflatos.

- A. Penis flaccidus & reflexus sursum, & ad posteriora.
 B. Cutis, ut in praecedente Figura II. Tab. I. Literâ B. notatur.
 C.C.C.C. Cutis, ut in praecedente Figura II. Tab. I. adhuc carnosâ sacculis adhaerescens notatur.
 D. Testiculus dexter in vaginali suo processu adhuc involutus, & per hunc dexterum sacculum quasi per umbram visus.
 E.E. Duo sacculi seu Scrota ex membranâ *dups* formata, ab invicem separati.
 F.F. Cutis separata à sacculis carnosâ, & reflexa, ut in Tab. I. Fig. II. C.C.C.C. notatur.

T A B. II. F I G. II.


Testiculum finistrum in suo adhuc processu Peritonæi, vaginali dicto hærentem demonstrat.


- A. Testiculus ex sinistro Scroto, Fig. I. Tab. II. exemptus, suo adhuc processu vaginali obvolutus.
 B. Idem vaginalis processus inflatus, & ligatus.
 C. Vasa testiculi spermatica, hujus processûs superficiei internae adhaerentia, & per membranam transparentia.

F. I



F. II





7

JOANNIS JACOBI RAU EPISTOLA

D. E

Inventoribus Septi Scroti,

Ad Virum Clarissimum

FREDERICUM RUYSCHIIUM,

ANATOMIÆ ET BOTANICES

PROFESSOREM.



AMSTELODAMI,

Apud JANSSONIO-WAESBERGIOS.

M. D. C. C. XXXVII.

JOHN JACOB RAY
EPISTOLA

D M

In omnibus fidei articulis

et in omni doctrina

CHRISTIANAE RELIGIONIS

ARTICULIS ET DOCTRINA

EXPOSITIO



AD D. D. D. D.

AD D. D. D. D.

AD D. D. D. D.

D O C T I S S I M O

FREDERICO RUISCHIO,

V I R O

De Re Anatomica benè Merito,

S. P. Dicit

JOHANNES JACOBUS RAU.

NE, haud ita pridem, causam meam egisse, tibi videar, futili prætectu, RUISCHI Doctissime, quando finitâ tuâ Prælectione publicâ nuperrime habitâ, de inventione Diaphragmatis Scroti confabularemur, ante triennium in Epistola quadam responsoria, abs te descripti, & delineati; & præcipue num de hoc Scroti Septo, Auctorum aliquis, aliquam fecisset mentionem; Ego in variis variæ ætatis Scriptoribus me id clarè notatum legisse, affirmabam, tu secus, nec illud vel in unico demonstrari posse, acriter tenebas, & ante te nullum unquam de hoc Septo somniavisse, multò minus scripsisse Auctorem, aiebas; atque ideo, me magnum tibi futurum Apollinem, si unius Anatomici, si ve veteris, si ve recentioris, allegare possem verba, hujus Pan-
niculi Mediaſtini notitiam in se continentia. Morem tibi gerendum esse judicavi, ne me malè moratum alii dicant, non vero vanæ illius gloriolæ aucupandæ instinctu, ut tibi fiam Apollo, sed ut veritas de inventionis antiquitate hujus testiculorum Mediatoris & sequestri, per hos Auctores Lectori nostro clarius splendeſcat; quorum hæc sunt ipsissima verba:

CAROLUS STEPHANUS *Libr. II. de Dissectione
Partium Corporis Humani, edita Parisiis
Anno M. D. XLV.*

Cap. XIX. Hæc habet verba: Inter utrumque testem Diaphragma quoddam est, & velut septum, ac membranula quædam tenuis, extensa, permultis venulis intertexta, quæ quidem obstat, quominus se invicem collidant.

NICOLAUS MASSA *in Libro suo Introductorio
Anatomie, impresso Venetiis
Anno M. D. LIX.*

Cap. XX. Hæc dicit: Habet præterea ista bursa panniculum mediastinum, qui panniculus mediastinus est ex oscei substantia, qui dividit testiculum dextrum à sinistro, & sic bursa habet duos sinus, ita, quod quandoque extenditur ab uno latere tantum, ex descensu humorum, vel membrorum intrinsecorum, aut ventositatis, sive repletionem propriarum venarum facientium varicosam dispositionem.

JOHANNES RIOLANUS *in sua Anatome im-
pressa Parisiis Anno M. DC. X.*

Cap. XXIV. Hæc scribit: Prima communis tunica ex cuticula & cute conflata, exterius rugosa, pilis undique conferta in adultis, scrotum dicitur, quod, linea quadam ab ano per perinæum ad glandem usque penis exporrecta, in duas partes videtur diremptum. Altera communis tunica panniculi carnosæ propago est quæ *ἐξ πρὸς* vocatur, ab ejus media parte diaphragma quoddam membraneum exsurgit, testes inter se distinguens, ne mutuo contactu collidantur.

THEOPHILUS GELE'E, in syn Pit der Anatomie, vertaalt door A. V. W. Gedrukt tot Amsterdam Anno 1652.

In 't zevende Boek, aan 't 4^{de}. Hooft-stuk, schryft dese woorden: Door desselfs midden (hy spreekt van de Membrana Dartos) loopt een membraneus afscheidfel, het welke de testiculen van malkander scheid, op dat sy in 't raaken tegens malkanderen niet zouden gestooten werden.

PETRUS LAUREMBERGIUS in sua Anatomia Corporis Humani, impressa Francofurti M. DC. LXV.

De membranis testes involventibus differens, dicit: Ab his est panniculus membraneus à plerisque silentio præteritus, quo mediatore & sequestro, duo testes à se invicem in facculo suo discriminantur.

JOHANNES RIOLANUS FILIUS in Enciridio Anatomico Francofurti impresso Anno M. DC. LXXVII.

Lib. II. Lect. XXXV. de Scroto hæc dicit: In gratiam testiculorum septo membranoso dirimitur in duas Cavitates, quæ recipiunt testiculos.

DIONIS dans son Anatomie de l'Homme, imprimée à Paris, 1690.

Dans la quatrième Demonstration, parlant de la membrane charnuë du Scrotum, dit: Elle n'enveloppe pas seulement les deux testicules, comme le scrotum, mais elle s'avance entre eux, pour les separer l'un de l'autre, & empêcher par ce moyen, qu'ils ne se froissent en s'entre-touchant. Hæc in Latinam Linguam
fic

sic translata sunt: Anno M. DC. XCVI. Non modo ut scrotum duos testiculos obvolvît (Auctor loquitur de membranâ scroti carnosa) sed inter utrumque protenditur, ut eos a invicem dirimat, & hoc pacto impediat, quin se invicem mutuo affrictu lædant.

Hanc itaque, septem Auctorum, Septi revelati notitiam, malè tuleris, dexterrime RUISCHI, hujus me revelationis poenitebit; si benè, nihil mihi contingere poterit optatius. *Val*

*Scripsi Amstelædami die XIX. mensis Junii
Anno M. DC. XCIX.*



FREDERICI RUYSCHII
RESPONSIO

A D

GODEFRIDI BIDLOI
LIBELLUM,

Quem Vindicias inscripsit.



AMSTELÆDAMI,

Apud JANSSONIO-WAESBERGIOS.

MDCCXXXVIII.

THE UNIVERSITY OF CHICAGO
LIBRARY

1000 E. 58th St. Chicago, Ill.

60637-1303



Acquired from the University of Chicago

Candido & Aequo LECTORI

S.



Litibus adhorruui semper, & adhuc abhorreo; magis inquisitioni veritatis & rerum utilium operam dare conatus, quàm litigiosis praebere aures. Jam verò lacesitus ab homine, qui per totum vitae cursum rixas & turbas, quibuscum in societate fuit, perpetuò movere consuevit, magis etiam abhorrerem, nisi officii mei judi-

casssem, cum veritatem, tum meam famam huc usque intactam à malevolorum morflu defendere. Id quod ne aegrè feras, Lector Candide, te serio rogo.

Paucis ut intelligas, qua de re agatur, justumque ferre valeas judicium, quanto possum compendio operam dabo.

Edidi, ut notum, Epistolas responsorias ad quaestiones mihi ab aliis propositas; in quibus officii docentis esse duxi, detegere atque explicare nonnullas veritates Anatomicas, simulque Anatomiae Cultores monere, ut sese contra ea, quae perperam à variis Authoribus notata sunt, muniant. Inter alia indigitavi quoque errores aliquot, ut puto, à Professore Bidloo commissos.

Bidlous reposuit Libellum sub titulo Vindiciarum, in quibus pag. 4.

Primò promittit, conaturum se vindicare ab injuria suas delineationes Corporis humani, ante 13 annos orbi litterato exhibitas; unde colligatur, eas malè à me ut Chimaericas castigari. è contrariò pollicetur, sese porrò probaturum, delineationes suas Oeconomiae Animalis & partium dispositioni, corpus vivens integrantium, esse convenientes, consentaneas, analogas.

Deinde objicit mihi lapsus, à me, ut censer, commissos: dicit enim eodem loco sese exhibiturum, specimen quoddam Ruyschianae artis, doctrinae & industriae, adducitque postea ex scriptis nostris varia loca.

A 2

Tertiò

Tertiò Litteraturam meam Litterator noster carpit; nam dicit, *ipse non neglecturum politioris meae litteraturae exempla in doctiorum deponere sinum.*

Addit porrò, more ipsi consueto, atroces injurias, calumnias, & quae hujus furfuris alia; nempe, *improbum, inhonestum Ruyschium esse, & similia, quae evomit, convitia, & censet, me, hisce sc. positis, esse scandalum Anatomiae, miserrimum Anatomicum, subtilem lanionem, turpem & infamem oratorem, & quae sunt alia, dictu turpissima.*

Accipiamus conditionem, si praestiterit, quae promittit. Si verò contrario modo sese omnia habere probavero; si ostendero, eum non respondere ad controversiam, sed detorquere potius, atque mutila reddere mea divulgata; si docuero, ipsum majores, quàm hactenus notavi, commisisse errores; si eum convicero quos ante monitus est errorum; si detexero dolo malo meas detorqueri ab eo, & ineptè citari Observationes; aperteque Bidloum scribere inania cerebri figmenta, & sophismata, (verius dixerim mendacia), si declaravero ipsius mores inhonestos; an non jure merito rogare licebit aequum Lectorem, si animus mihi esset ipsius verba, vel potius convitia regerere; utrum ille ipse, ipso etiam Bidloo judice si certetur, non habendus tum sit talis, qualem me pronuntiat; utrum de eo ipso non sit statuendum potius, quod sit *homo qui erubescere non potest, flagitiosus, turpis & infamis, improbus & inhonestus, male feriat, obscenus, impudicus, morum carcinoma, tranquillitatis studiorumque insensissimus hostis.*

Id verò plenè perfectèque probare aggredior. Ne autem diutius, quàm par est, Lectorem aequum morer, rogarum eum velim, ut seriò, vel primùm, quod in Bidloi Vindiciis occurrit, audiat, omissis injuriis & calumniis.

Videtur de re Anatomica agere Pag. 5. sc. *de Glandulis cutaneis.* Quaestio fuit, utrum sc. *Glandulae cutaneae sint Pyramidales*, sicuti Bidlous eas delineavit olim, & nunc quoque scribit, an verò *Orbiculares*? totus in fermento est Bidlous, quasi falsò ipsum accusarim, quod *Papillas Pyramidales* delineaverit, adducitque locum, ubi egomet ipse *Papillas Pyramidales* dico & delineo, unde & inconstantiae, inscitiae & imprudentiae me accusat. Utrùm verò rectè, dijudicare facilè poterit, quicumque attentè, sepositâ praeoccupationis larvâ, ad sequentia animum adverterit.

Constat

Constat ex Anatomia, dari

Primò, Papillas cutaneas Pyramidales dictas,

Secundò, manifestum est, dari foramina in corpore reticulari Malpighii;

Tertiò, constat itidem, dari Glandulas Cutaneas.

Notum est porrò, *Papillas eas Pyramidales* detineri in Corporis reticularis perforationibus; eas verò *Glandulas* nequaquam *Papillas illas Pyramidales* esse, agnosco; easque à me Pyramidali figurâ esse depictas, scio; & eas ita delineandas esse, nunc etiam assero & affirmo; praeterèa etiam nunc statuo, omnes illos errare, qui secus hasce *Papillas* delineant. Respondeat autem quis; quid ergò Bidloum accusas? dicam, non eo nomine accuso hominem, quòd *Papillas illas Pyramidales* delineaverit, sed quòd eas *Glandulas Pyramidales* dixerit & delineaverit, quas *Glandulas* neutiquam *Pyramidales* esse, contendo, affirmo, & probo; imò antea distinctè satis demonstravi & ipsâ autopsiâ probavi; & hoc ipsum illud erat, quod repetebam in ultimâ à me habitâ publicâ demonstratione Anatomicâ, obmutescente etiam Bidloo. Neque hîc quicquam ipsi proderit, neque ex hoc ipsum eripiet labyrintho, distinctio *Mathematici Pyramidalis*, eò quòd dicam, & evidenter probem, nullo modo has *Glandulas Pyramidalis* esse figurae, de qua re solummodò quaestio agitur.

Si firmis staret pedibus argumentum Bidloi, quo me inconstantiae convincere conatur, ostendere prius debuisset, me scripsisse, *Glandulas illas* quoque esse *Pyramidales*, sicuti ego, *Papillas Pyramidales* esse, dixi, & demonstravi; sed ipsi hunc nodum solvendum relinquo, ut cautiùs agere discat in posterum.

Quicumque Bidloi verba attentè perlegerit, facilè videbit, hominem confundere, vel ex praecipitantiâ, vel dolo malo, *Glandulas cutaneas* cum *Papillis Pyramidalibus*. In limine namque Vindiciarum suarum ipsemet loquitur de *Glandulis*; ait enim Pag. 5. *Ad nauseam usque me in Glandularum sub primo universali tegmine collocatarum erravisse delineatione: postea verò callidè transit ad Papillas, tradens, me illas Papillas non Pyramidales, sed rotundas in Theatro Anatomico declamavisse.* Iterum repetendum hîc, quòd de illis *Papillis* nulla inter nos dissensio fuerit; confundit inquam, ut liquet, ex ante dictis verbis, duo illa corpora, quae

quae tamen evidenter diversa sunt. Dixi ergò publicè, eo-
que praesente, & nunc scribo, orbique litterato cognitum vo-
lo, Bidloum perperàm & ineptè *Glandulas Cutaneas Pyramida-*
les delineasse.

Sileo, me in publicâ illâ demonstratione Anatomicâ, Bidloo
praesente, tunc temporis non de *Papillis Pyramidalibus*, sed
solummodò de *Glandulis Cutaneis* sermonem habuisse, nemo
enim, qui vel à limine tantùm salutavit Anatomiam, ignorare
potest, distinguendas esse *Glandulas Cutaneas* à *Papillis Py-*
ramidalibus memoratis, cùm diversarum harum partium usum
diversum doceant Anatomici. Haec verò, quae à Bartholino,
& Malpighio notantur, non debuissent latere istum nostrum,
qui auctores continuò in medium producit, citat, & pro iis qua-
si pugnat.

Quis ergo mecum non rideat, cùm animadvertit, hominem
adeò occupatum in se excusando, quòd dixerit *Papillas Py-*
ramidales, quasi in eo peccasset? revera enim *Papillas*, non
verò *Glandulas* ita existere, jam dictum est. Ita excusando
quod excusari non debuit, semet ipsum inscitiae criminis reum
facit.

Ignorantiam suam, impudentiam an falsitatem dicam, prodi-
miserrimè; cum dicit, *Malpighii & mea verba*; cùm tamen
manifestum sit ex scriptis Anatomicis magni illius Viri,
eum

1. *Glandulas*,
2. *Papillas* illas sollicitè distinxisse, & evidenter distin-
ctas proposuisse.

Porrò tum Malpighium, tum Stenonium, illas *Glandulas*
miliares, *Papillas* verò *Pyramidales* dixisse, quis ignorat?
Certè *Pyramidale* idem significare, quod *miliare* significat,
nemo sanus admittet.

En, C. Lector, primum *ingenuae*, & *verae partium demon-*
strationi incumbentis animi, pariter pariterque *doctrinae Bidlo-*
janae specimen!

Rogo itaque, aequè Lector, ut aequam pronuncies senten-
tiam de primâ hîc sese offerente quaestione Anatomicâ. Judi-
ca, si placet, utrùm iniqua sit petitio mea, ut scilicet Bidlous
proximâ publicâ demonstratione, in Academico Theatro Ana-
tomico, spectatoribus exhibeat *Glandulas Cutaneas Pyrami-*
dales

dales esse, sicuti eas delineavit suis in tabulis, & sicuti eas pronunciat suis in Vindiciis. Minus iniqua videbitur nostra postulatio, eò quod egomet ipse conditionem hancce subire non dubitaverim, nec adhuc me huic legi submittere denegem.

Ostendi, quàm parùm candidè, quàm confusè, primam Bidlous tractaverit controversiam; eodem planè modo mutilatas quoque omnes alias proposuit quaestiones, quod apparebit ex singulis, quascumque contemplari velis. Ex. Gr. conferas, si placet, primò propositam cum ea, quae in notis ad ultimam nostram Epistolam à Bidloo traditur, scilicet de *Membrana media, Cerebrum involvente*. Haec quaestio ita sese habet.

Bidlous in Anatomia suâ, illam membranam seu membranæ portionem magnam separatam & dependentem à capite delineavit; addidit dictæ membranæ vasa sanguinea numerosa non modò, sed & evidenter conspicua.

Ego scripsi, dixi, & nunc quoque repeto, illam delineationem Bidloï non esse institutam ad imaginem ipsius subjecti conspici, sed potius ex imaginatione Chimaericâ profluxisse. Respondet ille; *sibi aequè licitum esse hujus membranæ exhibere portionem, ac mihi Pleurae*; concedo, sed quis ei hac in re adversatur? verùm ille verba nostra callidè detorquet, quasi ego eum accusarim, quòd non exhibuerit integram illam membranam, id quod falsissimum; siquidem error ejus major esset, si integram hanc delineasset membranam suis cum vasis sanguineis; quandoquidem in eo cardo rei versatur, quòd tenuis nimis sit haec membranula, & nimis arctè cum Pia Matre plurimis in locis cohaereat, quàm ut Bidlous eam, seu ejus portionem tantam, quantam delineavit, atque adeò separatam, & dependentem cum vasis delineatis, conspicuè ostendere valeat.

Verùm cautio adhibenda, ne, dum hanc solam membranam nudam exhibere se jactat, simul cum ea conjunctam ostendat tenuem Meningem; atque ita per fucum ludat; video enim quantas insidias struat. Ut scilicet probabilia ea reddat, quae de hisce scripsit, supponit, *hanc membranam minùs subtilem esse, quàm Amnios in foetu tri- vel quadrimestri, quàm membrana Nervos in Oculo investiens*, hoc verò suppositum falsum esse, ad oculum, suo tempore, ostendam. Nunc verò scopus non est novas cum Bidloo agitare quaestiones Anatomicas, priusquam, ut decet, responderit ad jam agitas; video enim istum il-
lud

lud artificium meditari, ut nova continue objiciendo, ex angustis elabatur. Quàm tenuis verò haec Arachnoidea membrana sit, & quàm arctè cohaereat cum Pia Matre, ac proinde quàm impossibilis sit talis separatio & vasorum conspectus, in publicâ demonstratione nuper, praesente Bidloo, ipsi etiam Bidloo ostendi. Verùm, ut distinctè magis omnia pateant, proximâ Anatomîâ publicâ Bidlous in subjecto humano ostendat ea, quae hac de re suis in Figuris repraesentari curavit; ego vicissim non solum tantam, quantam delineavi Pleurae portionem in cadavere humano, publicè me exhibiturum polliceor, sed multò majorem. Nonne tibi haec aequa videtur conditio, L. Benevole?

Praemissis, si placet, addas, quae traduntur in Animadversionibus ad Epist. nostram tertiam, pag. ipsi 16. nempe de *distributione Arteriae Magnae*, & videbis iterum Sophistam necere fallacias; *novit scilicet, non semper commodum aut operae pretium esse Lectori repetere*, quae hac de re tradita fuerunt.

Haec verò est quaestio:

Scripsi Epist. tertiâ, in homine naturaliter constituto *non reperiri Aortae divisionem in truncum ascendentem & descendentem*, ita progredientem & talem situm habentem, qualem Bidlous depingit Tab. 23. Anatomiae suae. Addidi insuper, & jam quoque repeto, me ne simplici quidem vice, (licet perplura, neque segniter, quotannis diffecem cadavera humana,) haec observasse: addo quoque, omnia, quae, ut haec innotescant, à me artificiose conservantur, contrarium docere.

Sed videamus, quid Noster Anatomicus respondeat: primò ait, *haec Amstelodami ita publicè ab alio quodam fuisse demonstrata*; at quanta fides habenda Bidloo absenti, cùm ego ipsemet huic demonstrationi, de quâ loquitur, interfuerim, neque tamen talem dictae arteriae situm & progressum demonstratum viderim. malitne suis narrationibus potius quàm meis oculis fidem habeam? fuerit illud, per me licet, luculenter demonstratum; verùm illud ipsum, quod in quaestione est, à Bidloo, vel à quibuscumque ipsi placuerit, me praesente & spectante demonstratum vellem., nempe talem dictae Arteriae situm & progressum, qualem ei assignat Bidlous illis in Tabulis, quas vitiosas esse dixi, & nunc etiam mendosas esse, contendo.

Itaque Bidloi erit in proximâ Anatomîâ in Theatro publico
haec.

haec in homine recte constituto ostendere, sicuti ego vicissim non in uno tantum, ast in pluribus subjectis humanis, me contrarium exhibiturum, promitto. Sed fallendi artibus imbutus noster sensit propè laqueum, quem declinare non valuit; ideoque omni artificio effugere studuit. Adjicit proinde idem illud, nempe vasorum inordinatum cursum, à me fuisse notatum, eo videlicet loco, ubi dico, *Bronchiales & mammarias Arterias inordinato cursu quandoque repere*. Pulchrum sanè iterum argumentum pulchro Bidloo dignum! En autem consequentiam; quia hoc observatum fuit in *Bronchiali & Mammariis*; ergo idem statuendum est de *Aorta*.

O lepidum caput, si cerebrum haberet! Quis, cui sanum sinciput, non videt differentiam? Audi, mi Godefride, in Mammariis aliisve (quod extra omnem controversiam est) frequentem esse naturae lusum, notavi; porrò, ubi hunc lusum de Mammariis noto, eum quoque tanquam lusum, non tanquam consuetum statum naturalem, pono; tu verò id de Aorta pro consueto & naturali exhibes. Sed quis praeterea adeò stupidus est, qui ignoret, lusum frequentiore esse in ramulis minoribus, rarissimum circa ipsum fontem, scilicet in Aorta ipsa? Observationem autem illam nostram de Aorta haud inutilem esse Anatomiam & Chirurgiam colentibus, licet ejus non pateat utilitas homini omnia festinanter agenti, suo loco declarabitur.

Judicet jam L. Aequus de solida Bidlojana responsione. Non audet enim fidere suae causae, ideoque à subjecto, demonstrationibusque Anatomicis & ratione, sese convertit ad auctoritatem aliorum, anxiusque aliud quoddam quaerit effugium, sicuti vulpes, quae novas circumspicit latebras, cum à venatoribus urgetur; dicit enim, *Vesalium &c. idem habere*; quid inde? an non aequè errat, qui cum Vesalio &c. errat? Quantus noster, omnis antiquitatis antea perpetuus hostis, jam illius defensor! *quantum mutatus ab illo Bidloo! qui &c.*

Necdum etiam te dimitto, inepte & audax citator Authorum, quos, ut patet vel planè non legisti, vel non, ut decet, evolvissti. Negamus praeclaros Viros & imprimis Vesalium, quem adducere non veritus es, tam longè aberrasse, quàm te; hujus enim figura multum à tua, quam dedisti, differt; quicumque hasce figuras, & tuam & illius, inspicere dignetur, te hominem perfrietae

frontis esse, facilè judicabit. Et quid proderit, si Bidloi figura propè accedat ad figuras Clarissimorum Virorum? quod tamen falsum. Quid ex inde sequi autumas, mi Sophista? nil credo, nisi quòd ex malis peiores confeceris figuras. Notum quoque est, multa non secundum subjecta ipsa, sed secundum aliorum figuras delineari curavisse Bidloun, quod suo loco plenius aperiàm.

Idem quod de tribus jam dictis quaestionibus statuit Æquus Lector, procul omni dubio quoque statuet de modò proponenda, quae ordine haberi potest quarta controversia; in qua agitur *de Liene humano, ejusque constitutione*. Notavi, Bidloun, corpus Lienis humani Glandulosum, cellulosum fibrisque transversalibus donatum, & nequaquam, uti decet, & in naturali statu in homine reperitur, depinxisse; Sophista noster haec ineptè detorquet, & rem recenset, quasi à nobis fuisset accusatus, quòd depinxerit Lienis portionem tantum, non verò integrum Lienem: cùm tamen haec neque sola neque unica sit quaestio; licet notarim quoque aliquid de delineata portione.

Observavi, quòd sine distinctione scripserit, *se delineasse Lienem*, quae verba ita posita, videntur indicare Lienem integrum humanum fuisse delineatum in Tab. 36. Fig. 4. Cùm tamen eà figurâ Lienis Vitulini portionem tantum exhibeat. Magis necessaria videbatur haec mea censura, quia in Vitulina ea portione, in figurâ ejus repraesentata, apparent fibrae illae transversae, quae nunquam in humano, sed in Vitulino semper conspicuae sunt, quod certè haud exigui momenti. Si enim quaeratur, utrum in Liene reperiantur Cellulae, Fibrae transversales & Glandulae, longè alio modo respondendum, si nempe quaeratur de Vitulino, quàm de Humano Liene. Ast gloriatur Anatomicus noster, se quoque Humanos dissecuisse Lienes. Concedi facilè poterit, eum dissecuisse Lienis humanos, sed quid inde sequitur? cùm & Carnifices colla fecent humana, nec tamen proinde accuratam Corporis humani Anatomiam intelligant. Hic sola controversia inter nos est, utrum rectè delineaverit & descripserit Lienes humanos. Quam manca sit ultima ejus Tab. ipsis etiam in Vindiciis, vel leviter attendenti perspicuum erit. Jure itaque repeto, non omnia viscera, quae in sua Anatomia corporis humani, pro humanis depinxit

pinxit Bidlous, humana esse. Sicuti etiam repeto, perperam à Bidloo in Liene humano effingi glandulas, fibras transversales, & cellulas. Sed forsàn inspectio ocularis, examen Lienis Anatomicum, & artificiales praeparationes nos decipiunt; pulchrè enim argumentatur noster à PRIORE, dicens: *Ergo VIDEATUR mihi constare, necessario exstare Glandulas &c. VIDEATUR*, inquit; interim accedat pictor. Heus tu! delineas glandulas, secedite Philosophi, Novus hic PRIOR. Aperite quaeso mentis oculos, quo videatis, utrùm minus intelligat prius, an posterius? quid dubitatis? patet, opinor illum à PRIORE delineasse figuras suas chimaericas, quae proinde magis dignae videntur posteriore, nam olim me legisse memini:

Tonforis Licini cacationes,

Tergendis natibus dicata charta.

Ita procul dubio cutaneae Glandulae videbantur Pyramidales. Quid tibi videtur, Lector? nonne evidentissimè de figmentis somniavit? nonne iussit Glandulas dictas à PRIORE delineari? etenim necesse est ut figura sit repraesentatio illius, quod in subiecto oculis sese offert; sed exciderat propemodum, Bidloum asseverasse, *Glandulas exstare in Liene humano*, insuper ad oculum eas demonstrari posse, quod si verum, scilicet has Glandulas ad oculum demonstrari posse, supervacanea erunt addita argumenta, quae petit

I. *Ex Malpighianis experimentis.*

II. *Ex levi flatus intrusione in hoc viscus, ejusque exsiccatione.*

III. *Ex partium exsiccatarum prudenti contritione & artificiali inspectione; porro ex injectis prius unius in Lienis Arteriam, alius in venam, tertii tam Arteriam quàm Venam cerâ, atque in Lymphae ductus Mercuriô.*

Si hisce aliisve experimentis in conspectum producere evidenter poterit Glandulas, Cellulas, Fibrasque transversales, quas Lieni adscribit humano, facilè acquiescam. Exspecto itaque, ut proximâ publicâ Anatomîâ distinctè & clarè ostendat in subiecto humano ea, quae de Liene humano notavit, scilicet Cellulas, Fibras transversales, Glandulasque, aut medium illud, quod somniat, inter Venam & Arteriam.

Ego verò promitto, me ad oculum demonstraturum, quantopere decipiantur, qui corpora nonnulla in Lienis Anatomîâ

occurrentia perperam pro Glandulis, Cellulis, & Fibris transversalibus habent, verum ea corpora longè alterius naturae organa esse, ad oculum ostendam.

Sed addidit porrò, *me in Observationibus meis Lienem dixisse Glandulam*. Non ego Bidloinos mores, à quibus semper abhorruì, & adhuc adhorreo, sequar; nec impudente fronte decipiam Lectores. Haud inficias eo, mihi, uti caeteris Anatomicis, viscus illud quondam imposuisse, atque mihi Anatomiam ejus instituenti sese obtulisse, ac si existeret Glandulosum. Illud autem fateri & emendare, Bidloo magnum videtur peccatum; si autem non licebit Bidloum, saltem credidi licitum esse corrigere memetipsum. Candide enarrabo, quid in eam me deduxerit opinionem. Praejudicium haud parùm adjuvit, ut ei opinioni subscriberem; cùm omnes hujus saeculi Anatomici id unanimiter urgere animadverterem. Ab eo verò tempore, quo proposueram opinionum mearum, aliorumque circa Anatomica novum instituere examen, nihilque pro vero admittere, neque notare, nisi quod distinctè verum esse denuo deprehenderem, novam meam (Bidloo incognitam, uti ex ejus Vindiciis patet) adhibui methodum, deprehendique viscus illud, quod aliis ut & mihi antea videbatur Fibris transversalibus, Cellulisque instructum atque Glandulosum, neutiquam ita esse. Hanc insequi methodum laudabilem mihi propositum manet, sicuti Bidloo propositum videtur perpetuò errores suos antiquos novis tueri erroribus; quod commune ipsi sit cum mendacibus, qui commissà mendacia novis perpetuò celare conantur mendaciis; cùm tamen, si quis errorem commiserit, ei sollicite attendendum sit, ne de malo in pejus ruat. Quod si à me audire id nolit, legat à capite ad calcem Juvenalis Satyram xiiij.

Non respondebo ad confusas illas à Bidloo propositas interrogationes, Ex Gr. *quomodo ergo Lymphae ductus hauriant succum? quomodo alia absolvantur?* Videtur enim incumbere in illud, ut multa discat sine labore, quasi ego tenerer perpetuò, ut olim, gratis ingratum docere discipulum. Forsan memoria excidit Nostro, quòd privatum collegium meis in aedibus frequentaverit; & quòd nullum honorarium ab eo acceperim.

Sicuti quarta, ita & quinta sese habet controversia. Ibidem nonnulla videtur movere de *radicibus Vesiculae felleae*, sed si quis

quis aliundè illam non cognosceret, quaestionem, OEdipo opus esset, qui eam ex Bidloi verbis, uti decet, intelligeret; adeò eam detorsit, perpetuus rei Anatomicae veritatisque tortor; dedita opera, ut opinor, quo callidis suis artibus confundat Lectorem. Quaestio verò haec est, *utrum in Vesiculam Biliariam bilis intret per ductus illos, quos Bidlous dicit esse radices è fundo Vesiculae dictae emergentes?* & quos ductus ita delineavit. Distinctè haec ita proponere conor, quia video hominem Sophistam affectare confusionem. Suis enim in Vindiciis supponit me longè aliud quid ponere, quàm posui, & longè aliud quid negare, quàm negavi. Agnosco itaque, Lector, ut de sententia mea constet, *Vesiculae Biliariae varias radices, illas tantùm negamus, quas ille è fundo emergentes delineavit;* & de hisce solis est quaestio; hasce Bidlous probare & ostendere tenetur proxima Anatomia publica, scilicet in homine; sed iterum cogor addere monitum, ne Spectatorem decipiat ille in fallaciis adeò exercitatus; debet enim ostendere, Vasa à se notata, esse *Vasa Biliaria*, nequàquam verò esse *Fibras*, vel *Vasa Sanguifera*, alteriusve naturae; ego vicissim ostendi & ostensurum amplius suscipio, ea non esse *Biliaria Vasa*, sed longe alterius naturae.

Pudore certe suffundor, mihi toties revelandas esse malas artes hominis in publicâ Professione constituti, & tamen ulterius progredienti novas sese mihi passim offerre fallacias. Bidlous egerat de *Pericardio ejusque Vasis*; male de his egisse eum, scripsi. Quid respondet? Sophista responsione sua conatur decipere Lectorem, quasi sufficeret, si probasset suo more, sese delineasse *Vasa Pericardii*. Haecine quaeso nostra est quaestio? non tam quaeritur, utrum delineaverit? quàm utrum recte, & uti in statu naturali sese offerunt? Ideoque pag. 10. addidi: *Arterias illas rudiori Minervâ tantùm esse descriptas*, quod Noster (ut per omnia est fallax) astute omittit, ne semetipsum proprio suo gladio jugulare videatur.

Quò autem minus deprehendat Lector ejus defectum, perpetuò nova, & quae non ad rem faciunt, admiscit callidus impostor. Ex. Gr. Pag. 10. Vind. ait; *Neurologiam scitu Medicis Chirurgisque longè esse digniorem sanguiferorum vasorum cognitione* &c. Quonam in loco, fodes, dixi ego *Neurologiam* esse minus dignam? sicuti ejus verba indicare videntur. Concedatur autem, *Neurologiam* esse digniorem; an eapro-

pter haud necessaria vasorum sanguiferorum cognitio, eorumque distributio? Nervos enim maximâ ex parte Arteriarum comites esse, constat; an non igitur imperfectior ac magis dubia erit Neurologia, quamdiu vasorum Sanguiferorum cursus minus cognoscitur;

Quod dicit, *ex Nervulorum minimorum vulnere discrimen vitae esse timendum*; neque nos, neque hunc locum spectat, haud enim illud negavi, neque id inter nos agitur. Ita ubique per digressionem conatur Lectoribus palpum obtrudere; sed quia Nervorum vulnera periculosa, an proinde Sanguiferorum nulla pericula? callide certe argumentatur exercitatus noster Logicus, cui forsan ignotum est, quantum discriminis metuendum in laesione ramulorum Arteriosorum in Corde, Hepate, Pulmone, Membranis Cerebri, ut & in Intestinis & Glande Penis; sed quia haec & similia tantum adducta videntur, ut nos à via abducatur, iis inhaerere desisto.

Eodem modo in notis ad Epistolam iam agit, *de foraminibus in corpore reticulari Malpighii*. Quorsum haec, dicat aliquis, cum Ruyschius de iis eo loci nihil scripserit, quod Bidloum tangit? dicam, ut scilicet more consueto substituendo ea, quae non ad propositum spectant, mentem Lectoris abducatur à proposita quaestione. Rectius itaque ad haec nihil reponerem, sed non possum non monere studiosos, ne in hisce sese quoque à nostro Anatomico decipi patiantur; scilicet, dicit *foramina haec mutari variis de causis*. Id concedo, ex eo tamen id non sequitur, quod iste exinde elicere videtur, scilicet ea non posse, nec debere delineari ea figura, qua in statu naturali existunt, ubi nulla accedit violentia. Argumentum Bidloi, si procederet, nec Nares nec Os, nec ipsa Vasa Sanguinea, nec Oscula ulla delineari bene possent; eò quod haec omnia multifarie variant pro compressione aut contorsione illius, qui manibus aliove modo haec tractare atque immutare suscipit, nihilominus tamen si quis haec delineare institueret, certè naturalis eorum figura, & nequaquam pro immutatione à compressione inducta, esset exhibenda.

Porro alias adhibet fallacias. Figuram hancce sextam (quam delineari curavit suis in Vindiciis) si quis attentè inspiciat, facile observabit, hanc longè differre ab ea, quae exhibetur in magnâ ejus Anatomia, & quae à nobis fuit accusata. An hoc
boni

boni viri sit, judicent alii. Longe certe plura vasa repraesentantur sub Glandulosa & Papillosa substantia disseminata in libro ejus Anatomico, quàm in hac immutata Figura. Sed ne durus nimis videar; si do, hancce Figuram ita exstare ejus in libro, (quod falsissimum) nequaquam tamen ab eo correctâ Tabula convenit CUM DISPOSITIONE PARTIS EJUS IN CORPORE VIVENTE, aut homine recens denato, de qua re hic tantum agitur. Nam nunquam ostendere poterit Bidlous Glandulas inter Papillas sibi invicem ita confitas, uti eas delineari curavit; multò minus capillamenta vasculorum aquosorum. Glandulis & Papillis interposita, ab eo Tab. 4. Fig. 6. delineata; neque ostendere valebit, vasa sanguinea talem obtinere reptatum sub dictis Papillis, Glandulisque cutaneis, qualem iis affinxit; quae omnia eo modo, uti in ejus Anatomia repraesentantur, ut ostendat proxima Anatomia publica, valdè desiderem,

Extra nostras quoque controversias est, quam exhibet *Cuticula exsiccata* in Tab. 2. Fig. 1. Vindiciarum. Quaeso Lector, vide quam pulchrè stet promissis. Promisit scilicet: *sua convenire cum Dispositione partium corpus vivens constituentium*; interea profert Cuticulam exsiccata & expansam, quae toto coelo differt à recente, à vivente, & tamen prudens noster Mathematicus ex eo duxit consequentiam, ac si ita esset in vivente. Rectè itaque haec quoque inter inania somniantis, delirantis penè dixissem, commenta pono. Praeterea nullo modo probat, Mercurium effluere per Papillas illas apertas, id quod videtur requiri. Proxima Anatomia publica ostendat Mercurius Noster, Mercurium labentem effluxisse per ipsarum Papillarum foramina, sicuti illum effluere concedo per alios poros.

Sed putat, se reperisse viam, quam tuto possit ingredi, atque liberum ipsi esse quaecumque scribere figmenta; difficilis enim probatio Negativi. Dixi, *me vasa à Bidloo delineata non offendisse in superiore parte membranae Arachnoideae*. Vide quàm bellè iterum nostra detorqueat. Sensus noster eo loci hic est; Bidlous delineavit vasa, ac si continuò sese offerrent, ego autem ex professo, inquisitione diligenti instituta plura, & magis subtilia quoque vidi; nunquam autem talia conspicerè potui; quid jam restat? nonne mecum sentis, L.B. ipsum teneri distinctè cuncta haec & probare & ostendere, praecipuè, quando jam abundè constat, plures alias chimaericas ipsum exhibuisse delineationes?

Tan-

Tandem aliquando recenſet hiftoriam, quae contigit in publicâ noſtrâ, quam proxime habuimus, Anatomîâ, ſed ita eam recenſet, ſicuti caetera recenſere ſolet, ſcilicet partim aliqua celando, partim mutilando. Hanc verò hiftoriam ut plenè intelligas L. prout contigit, ab origine narrabo. Tu judica exinde de Bidloi impudentia.

Horis pomeridianis, cùm cadaver publicè diſſecandum mihi conceſſum fuiſſet, diſſecationi interfuit quoque Lambertus Bidlous, Pharmacopaeus, atque Collegii Medici, eo nomine, Inſpector, Profeſſoris frater. Inter caetera demonſtrabam etiam Glandulas quaſdam cutaneas dictas; haec ſubnectens verba: *Glandulae hae, ut videre poſſunt ſpectatores, Orbiculares ſunt, & neſtquam Pyramidales reperiuntur, ſicuti Profeſſor Bidlous eas ſuo in libro perverſè delineavit.* Inſequentie die ipſemet quoque antedictus Profeſſor Leydenſis in Theatrum Anatomicum venit. Paucis repetebam ego praecedente die à me pronuntiata & demonſtrata, adjiciens haec: *ſpectandas praebui heri ſpectatoribus Glandulas cutaneas, atque oſtendi eas Orbicularis eſſe figurae, nequaquam verò Pyramidalis, etiamſi in figuris Profeſſoris Bidloi perverſè delineatae ea facie conſpiciuntur.* Paulo poſt in demonſtratione progrediens, de Cerebri membranis fermonem feci, hiſce additis verbis: *Haec membrana eſt Arachnoidea dicta, multis abhinc annis detecta in Viro- rum Doctorem Collegio, cuius membra fuere Clariffimi Viri, Blaſius, Sladus, Swammerdammius, & hîc etiamnum praefens Vir Celeberrimus D. Doct. Quina, à quibus etiam dictum nomen ſortita eſt membrana haecce: proinde admirari ſatis nequeo audaciam nonnullorum, qui, ſe hujus membranae inventores eſſe, gloriari audent; intuemini quaefo eius tenuitatem. (Hoc dicens illam Bidloo & qui ejus claudebat latus, ad oculum oſtendebam) impoſſibile eſſe judico, quantamcunque etiam impendat quis operam, talem portionem, qualem audaculus quidam in figuris delineavit olim, ſeparare & orbi litterato obtrudere, eamque conſpicuis intertextam vaſis ſanguiferis, quae tamen haecenus à nemine demonſtrari potuerunt. Artis & instrumentorum meorum ſubſidio in variis corporis partibus detecta illa ſunt, in quibus à nemine haecenus viſa; hac autem in parte huius membranae ſcilicet planè impoſſibile opus eſſe, jure merito autumo. Plerique ſpectatorum, Bidloum hanc membranam talem in libro de-*

designasse, non ignorabant, omniumque oculi in illum erant intenti. Ad haec omnia Bidlous altum tenebat silentium; post discessum autem spectatorum, exceptis qui in circulo primo erant, abiens haec protrusit Belgice: *Domine, gratias tibi habeo pro humanitate, par pari referre paratus, ubi Leidam veneris; quibus subjeci hoc responsi: Fieri facile poterit, ut eò excurram aliquando; quibus Bidlous subjunxit: quod si demonstrationem habiturus sum, te certiore facere volo; cui ego, si placet, reposui.* Talis erat rei finis; sed addit noster *me trepidante ore respondisse.* Sit verum, quid exinde conficitur? scilicet me non aequè impudentem esse ac Bidlous est. Concedo, eamque ob causam, si more Bidlojano scriberem, eum non malè dixerim impudentiae Professore; non enim trepidat intrepidus noster, ubi causa cadit; ego, uti ait, trepido, ubi probo Bidloum malè delineasse Glandulas cutaneas, aliosque commississe errores, quos facillimè unicuique ostendere possum. Habes L. narrationem facti fidelem, quam testibus fide dignis probare quacumque hora mihi in manu est.

Non respondeo ad futilem illam exceptionem, qua ait, *se non respondisse, quòd loco honorifico aliquid reverentiae esset tribuendum.* Locus certè non prohibuit, quo minus responderet post discessum auditorum. Nam cum hunc inter nos haberemus sermonem, pauci tantum adfuere Viri Eruditi. Hoc itaque nomine locus erat privatus, subjectum Anatomicum, praeparataque omnia ad manus erant; an tum locus quoque prohibebat quo minus ostenderet meos, quos vocat, fucos, suaque promeret & probaret Achillea argumenta?

Quis non olfacit & manibus quasi tangit subterfugium Bidlojanum? paucos fore credo, qui impotentiam non potius, quàm modestiam obstitisse, credituri sint, nisi quibus innotuit, quam modestus à teneris annis exstiterit iste Godefridus.

Possèm hisce acquiescere & differre responsionem ad eas accusationes, quas in meas observationes, aliave scripta movit Bidlous, donec, ut decet, responderit ad eas admonitiones, quas edidi in ipsius Anatomiam; verùm mei praetereà officii existimavi paucis ostendere, Bidloum tam parum candidum esse accusatorem, quàm prudentem defensorem. Itaque ad ea nunc accedo, quae in mea iste congeffit scripta.

Taxat delineationem Lymphae ductuum in Hepate, 30. ab-
C hinc

hinc annis & ultra à me exhibitam. Scio, L. B. vasa ista majora in figuris fuisse expressa quàm pro proportionem hepatis. Hepar enim illud multis numeris minus est naturali Hepate Equino, quod certe studio factum; cùm impossibile fuerit in exiguâ ejus libelli formâ naturali magnitudine exhibere Hepar Equinum. Lymphae ductus autem naturalem obtinent capacitatem, sicuti in Equo deprehenduntur; sed scias L. me in citatae figurae explicatione monuisse, Hepatis Equini delineati magnitudinem studio justo minorem esse excusam: hoc autem non animadvertit, vel animadvertere noluit festinans, ac proinde coecutiens noster censor. Si quid carpere velit, ostendat ille Lymphae ductus à me exhibitos in corpore Equino, esse quadruplo majores in dictâ figurâ, quam in proposito subjecto, de cujus veritate si quis dubitet, sciat artificio conservatos in museo nostro reperiri in hunc usque diem eosdem illos Lymphae ductus Equinos, ad quorum imaginem tabula fuit expressa. Lymphae ductus cum suis valvulis editis figuris convenientes esse, ostendere promptus ero, quicquid garriat à teneris unguiculis garrere solitus morio.

Sed quaeso, Aequissime Lector, subsistas aliquantisper & conferas Lymphae ductus Lienis Fig. 3. Vindiciar. sub Lit. E. nostri Mathematici tam accurate proportionem (si Diis placet) observantis. Clare deprehendes, illos Lymphae ductus in Liene humano ab illo exhibitos, multis numeris esse capaciores nostris, cùm tamen suos proponat pro humanis, ego meos pro Equinis. O Vindex miselle!

Mirum forsan nonnullis videbitur, qui ignorant, quam parum sibi constans Noster semper fuerit, quod carpat, quae in Tractatu citato proponuntur, cùm tamen iste Godefridus olim hunc ipsum meum tractatum de Lymphae ductibus &c. à me Latine conscriptum in vernaculam nostram vertere magnae sibi gloriae duxerit, quod patet ex ipsius dedicatione, ubi me adulatorum more tantum extollit, quantum nunc deprimere conatur.

Pag. 46. reprehendit delineationem *Venae Cavae* à me in dicto libello exhibitam, & vult in subjectis, *quater illam ad minimum Portae superare latitudinem*, eam autem proportionem in nostra figura non esse observatam. Sed scias, me eo loci non suscepisse ostendere proportionem inter dicta vasa, sed de-

delineare Lymphae ductus ; deinde negatur id , quod Bidlous de proportionem garrit. Hoc vero suo loco in ipsis subjectis & figuris plene ostendam. Detur tamem hoc cavillatori, scilicet me non satis exquisite observasse proportionem, verum id tunc temporis non pertinebat ad scopum nostrum ; quid hoc facit ad excusandos errores , quos Bidlous commisisse ostendi ? an ea propter errores non erunt errores ; licet ego non observassem proportionem requisitam, eo loco ubi illud erat extra propositum ? quid ipsi proderit, si praeterea concedam, sicuti libenter & candidè concedo, nonnulla in istis figuris jam ante 30 annos à me editis, haud accurata atque nitida reperiri, ut nunc ita exhibere possem , modo otium & alia id mihi permitterent ?

Lubens fateor, me tunc temporis non tam profunde penetrasse in Anatomiae penetralia ; nec profiteri erubesco, 30 annorum spatio me multa addidicisse & docuisse. Bidloi similis haud sum, qui vel defectus, vel errores stricto etiam defendere gladio conatur. Operam ego semper dabo, ut meas hallucinationes corrigam, optima spe fretus, magnam me hoc nomine initurum gratiam apud illos, quibus curae cordique est incontaminata Anatomiae veritas. Interim difficile, credo, erit Bidloo, in illius temporis scriptoribus ostendere figuram Hepatis Equini cum Lymphae ductibus eorumque valvulis accuratorem, quam nostra illa est, quam hîc culpat. Rogatum quoque velim Lectorem, ut attendat ad vitiosam & naturae repugnantem Figuram Hepatis, quae reperitur Tab. 37. Anatomiae Bidloi.

Cavillator aliud praeterea adducit. Edidi figuram Hepatis Equini cum Lymphae ductibus, ego ipse picturae non omninò imperitus conatus fui in citata figura exprimere Lymphae ductus Hepatis cum valvulis, eo tempore à nullo tam distinctè Tabulis expressis, quo nimirum magis accuratè hae valvulae cum subjecto convenirent, & sicut in arte illa solent, adjeci nomen. Hoc verò carpit Bidlous ; nomen ergo apposuisse figurae à me delineatae, magnum ipsi videtur flagitium ! Si Bidloi calamus nullo unquam scripsit libellos magis flagitiosos, quam haec est figura, inter faulta id numeret, atque exinde certus sit, se eo nomine non celebratum iri famosum.

Non dubito quin me hucusque vindicaverim à censura, quam

fufceperat Bidlous contra mea hæcenus in medium prolata Anatomica. Experiamur utrum idem præstare valeam de fequentibus. P. 49. carpit *meam Asperae Arteriae & Bronchiorum delineationem* ante 30. annos exhibitam, eo in libello, quem in vernaculam linguam converfum à Bidloo fuiſſe, ante dixi. Nunc verò in Vindiciis ſupponit *Asperam Arteriam à me eſſe exhibitam à poſticâ parte annulis Cartilagineis ornatam*. Huic, ut ait, noſtro errori benigniſſimus ille Godefridus veniam & impunitatem concedit. Verùm tali haud indigemus venia; ipſa enim figura ſatis oſtendit, in poſtica parte non plenè omnino exprimi cartilagineſ annulares, quod ex ipſa figura, quam Bidlous apponit in ſuis Vindiciis, patet. Praeterea *Aspera Arteria Vituli* à paucis diebus nati admodum tenera eſt, unde partes annulares, ubi paululum contrahuntur, ferè integram *Asperam Arteriam* ambire videntur, & è tali Vitulo deſumpta erat hæc *Aspera Arteria*; nec etiam in titulo dicti libelli promiſeram ego, me exhibiturum Anatomiam Corporis humani, ſicuti promiſit ſuo in Libro cenſor; proinde mihi magis licitum fuit, quàm Bidloo, etiam ſine expreſſâ admonitione partes animalium delineare; adde, quod è Vitulo eſſe liquidò admonuerim, ſcilicet pag. 71, ſub. Lit. A. ſed detur, ſculptorum (hanc enim non ipſe ſculpſi) leviter aberraffe, neque accuratè neque ſatis umbroſam in poſticâ parte feciſſe *Asperam Arteriam* ubi Cartilagineſ deſinere debuiffent; quid inde ſequitur? illud puto, haud contemnendum eſſe, ſi ipſe Anatomicus intelligat Ichnographiam, & ubi otium ſuppetit, delineandi artem illam adhibeat, quod tamen ridere, vel objicere mihi voluit Bidlous, uti dictum fuit pag. 21.

Porrò in ea figura ſcopus meus nullo modo fuit, ſicuti ex contextu facilè percipitur, *Asperam Arteriam & Bronchia* accuratè delineata exhibere, ſed tantùm oſtendere novum illud inventum Arteriae Bronchialis, quod, ut faciliùs perciperetur, addita fuit *Aspera Arteria*, licet fatear me magis accuratam figuram ejus exhibere potuiſſe, idque non ſolùm nunc, verùm etiam eo tempore, nempe ante 30. annos. Eſt mihi quoque in animo, ubi ex profeſſo de eâ agam, *Asperam Arteriam* hominis exactè magis delineare; non tamen author ſum Bidloo, ut hanc editionem urgeat. Eâ enim ſimul innotefcet, quàm innumeros errores ille ſua in Anatomia commiſerit in hujus partis de-

delineatione. Quod verò ad Cartilagine Bronchiorum attinet, quas à me omittas notat: sciat Bronchia tunc fuisse exhibita, prout nudis oculis sese offerebant, quo in statu illi ramuli non ita evidenter apparebant ex particulis cartilagineis constitui, si nempe è Vitulo ante paucos dies in lucem edito desumantur, & tale nostrum fuisse subiectum, jam abundè declaratum. Id verò, quod nunc de Cartilaginibus Vituli nuper nati, notavimus, magis peritis Anatomiae, quàm Bidloo notum esse, credo.

Eadem paginâ censoria sua virga dignum judicat, quod dixerim, *summum ramum Asperae Arteriae in solis Vaccis & Vitulis reperiri*, nempe eodem modo quo illum lobum exhibuerim. Scripsi ante 30. annos, quomodo in Vaccis & Vitulis ramus seu lobus ille reperiatur. Eodem verò planè modo lobum illum deprehendi quoque in Ovibus, ostendat Bidlous. Ego recipio publicè me ostensurum differentiam inter illum lobum in Vaccis & Ovibus. Sed quaeso L. ne te decipiat: etenim innumeris in locis conatus fuit mutilare pleraque, quae pro nostris refert, quod facilè patet ex eo, quod in explicatione Fig. IV. Vindiciarum lit. E. posuit, ubi nos F, atque ita omnia confunduntur, imò contra naturam apparent; Lit. E. enim in nostris indicat *Arteriae descendens à Corde posticam partem, è qua Intercostrales* proveniunt, sicuti P. 71. Anno 1665. notavimus. Vide quaeso quid Bidlous. P. 49. Vind. lit. E. *summum ramum (Asperae nempe Arteriae)* designat.

Me porò increpat, quòd scripserim *exortum Arteriae Bronchialis esse curvo oblongum*, cùm ex ipsius sententiâ *rectilineus* esset dicendus. Respondeo, pag. 67. tract. citati; dixi eum *obliquè* progredi, etenim certò deprehendi, eum saepius obliquè sese offerre; & mirandum nostrum non cogitare se, ut errorem suum circa Arteriam magnam excusaret, jam dixisse in hisce Vindiciis diversimodè progredi Arteriam magnam; non tamen negabo quandoque dictum ramum sese offerre ad rectilineam figuram magis accedentem; cui enim ignotum, minora vasa facilè talem instituere lusum? quod non statuendum de vasis maximis, eorumque fonte. Interim gratias ago Celeberrimo D. Bidloo, quod cum suis amanuensibus tam fusè prosequatur Arteriam ante 30. annos à me detectam.

Non sufficit Bidloo semel egisse de iis, quae contigere in publica

blica Anatomia; denuò urget, me figmentum & imposturam commisisse in exhibitione Arteriae cum Pulmonalis, tum aliarum. Quantum ad hoc, quod tunc publicè ostendi, hâc quoque horâ publicè & privatim ostendere idem illud possum, tum Bidloo, tum illis mussitatoribus, qui calumniandi materiam illam ei suppeditarunt. Etenim scias L. Godefridum quartae huic demonstrationi non interfuisse; quis ergo mecum non mirabitur impudentiam istius scriptoris; qui affirmare audet fucum fuisse commissum? an non jure postulare possem, ut vel ab eo, vel ab amanuensibus ejus id ostendatur? an non haec justa causa est Bidloui publicè renunciandi mendacem atque obtrectatorem, donec probarit luto aliove adminiculo me scelus illud commisisse, atque spectatoribus imposuisse? quod ipsi certè frequens sit oportet, cum sine ullâ probationis & veritatis specie haec eructet. Scelestus facilè suspicatur & alios se meliores committere scelera, mendax & alios mentiri, fucum & fallacias exercent & alios fucum & fallacias facere. Belgis est Adagium, Ut hospes est, ita & hospites suos esse credit. Quare fucus & impostura non objiciebatur à mussitatoribus tuis, ubi circulando ipsum illud praeparatum exhibui publicâ in Anatomia? Alterius non respondebo ad longam illam confabulationem, quâ luculenter ostendit peritis, se non intelligere, quae haec sint mysteria; ambabus interim manibus accipio oblatam à Bidloo in Vindictis conditionem; offert enim pag 73, *se digito demonstraturum praesenti praesentem, scilicet ramulum hunc fictitium potius, quàm corpori humano convenientem.*

Nec lubet respondere ad id, quod dixerim *eandem esse sanguinis in Arteria Pulmonali ac Bronchiali constitutionem.* Hoc enim nihil facit ad demonstrationem illius vasis. Questio propriè anatomiam spectat: sed an adeò barbarus es, mi Godefride, ut ignores sanguinis constitutionem dici eandem, secundum certas quasdam relationes, cum tamen discrepet secundum alias? ubinam dixi vel scripsi diversis illis in vasis exquisitè, & per omnia, eundem esse sanguinem, nec ullo modo discrepare liquores dictis in vasis, id quod lippis & tonsoribus, Godefrido etiam, supposui notum? Ast sentio, quid velit, conatur assidue novas effingere quaestiones Quaestionarius noster, quo elaboratur; eo itaque nomine nunc quaerit nostris in scriptis verbum, quod cavillari posset, Caviliator consummatus. Nunc

ex

ex suis emissariis conatur expiscari verba in lectionibus pronuntiata, qui, prout saepius imperiti atque invidi sunt, perversè intelligunt, quae audiverunt, vel mutilata referunt; & ex hoc numero illud est, quod profert; ipse enim non fuit praesens; nec operae pretium videtur hîc instituere ea de re Apologiam, & repetere ea, quae dixi, & quo sensu, priusquam Bidlous, ut virum decet honestum, & in eo, quo iste est, dignitatis ordine constitutum, responderit ad errores, quorum est convictus.

Haëtenus consideravimus, quae protulit contra notata quaedam in exiguo libello illo nostro, de dilucidatione valvularum in Lymphae ductibus, ante 30 annos praelo commisso. Ad Observationes meas nunc transilit, & incusat me, quòd meis observationis addiderim nonnulla, ab aliis quoque notata; esto! notarint alii similes observationes, an non exinde majore fide dignae observationes meae? ex aliis tamen non descripsi; mea observata esse profiteor, & testes, qui interfuere, saepius adduco; nonne igitur mihi licet aequè notare mea, quàm aliis sua? nonne jure merito praeterea à Censore nostro exposcere possum, Aequissime Lector, ut proferat in medium, & ostendat ab aliis haec ita observata atque edita fuisse, adjectis quoque delineationibus & circumstantiis, atque illos apposuisse eadem monita practica utilissima, quae in nostris leguntur? aliquid dicere videretur, si ostendisset omnia illa ab aliis quoque fuisse exhibita; non enim sufficit dicere, Ruyschius habet exemplum Aneurismatis, & inspicere Auctores Medicos, seu potius eorum catalogum, vel indices, atque tum scribere, etiam Aneurisma habet Hildanus, Tulpius &c. Ostendat Noster, illos quoque Auctores addidisse à me additam curationem *per Annulum* quem apposui &c. Quis tam iniquus qui hic non damnet malevolum Bidloi animum? Nuper Magister Petrus, Adriani filius, Verduyn, edidit novam & utilissimam crura amputandi methodum, quid tibi videtur L. si noster Sycophanta rescriberet, atqui alii egerunt de amputando &c. an igitur inutilis ille liber? absurdè ergo Pag. 55. &c. dicit, & *alios historias de Aneurismate, Molâ &c. conscripsisse.*

Quid si petam, ut ostendat de Spina Bifida tales casus, figuras, & alia quae circa eam noto? similes differentias in aliis nostris casibus ostendere, esset repetere Observationes, & detinere Lectorem, ipsiusque abuti benivolentia. Ex. Gr. de Scabie

bie Vesicae, Tumore piloso in Omento reperto; de Uteri inversione à Partu; Utero Scirrholoso in magnam molem aucto, & extra corpus propendente cum Figura, Uteri polyposis excrescentiis; verâ structurâ Glandis Penis eo tempore incognitâ, Herniâ Cysticâ, cui ex terrore juncta Bubonocèle, prodigiosâ Ureteris integram pintam puris continentis dilatatione, susceptione Intestinorum, Vesicae incrassatione, Spinâ dorsî in circum recurvatâ; monstrosis Aneurismatibus; degeneratione Placentae Uterinae in Hydatides &c. unâ cum cautionibus & monitis practicis, quae suo loco adjeci.

Sed quorsum impudentia, vel furor abripit hominem, quod alios verè laudabiles cum suis observationibus adducat, ipsorumque diligentiam laudet, me autem vituperet, cum tamen non minùs frequentes in nostris occurrant delineationes, quàm in eorum; insuper nostrae non sunt observationes ab aliis mecum communicatae, sed à me ipso institutae,

Observatione tertiâ scripseram *de fracturâ Patellae, ex causa extraordinaria*. Noster ait, *tres vidi ego*: an itaque adeò obvium dicendum, quod Magnus ille & Excel-cel-cel-cel-cel-cel-lentissimus Godefridus Bidlous in vasta sua Praxi ter tantum vidit? sed heus tu, praeceptus D. Bidloe! audi, aliquantulum cohibe tuam consuetam praecipitantiam, & perlege eum casum, videbis aliquid, quod rarò, si unquam, in vastâ tuâ praxi vidisti, & apud Authores haud frequenter occurrit, scilicet *Patellam sine lapsu in humum fractam, dum descenderet ponte* &c. & tres tales vidisti Patellis dicto modo fractis laborantes. Nomina vel testes desidero, sine dubio quoque Argus noster vidit calculorum sectionem in Octogenaria; quae feliciter fuit curata: Ovarii eruptionem post abscessum Hypogastrii nimis profundè perforatum: parum mirabilem, in quo insolita viae clausura, arte tamen reſerata: Uteri lateralem portionem in partu procidentem: Os Uteri in partu prolabens: Hydropem è congerie Hydatidum sacco inclusum: Lienem in pelvim prolapsum: Vulnus Orbitae Oculi lethale: Viscerum profusionem à Cutis defectu circa Umbilicum: Polypos in antro Higmorei haerentes: tam enormem intestini Coli dilatationem: tam miram contractionem & incrassationem Intestini Recti &c. quae exstant in Observationibus meis, quas malitiosè tractat? hasce quoque si te vidisse affirmas, aut nomen aegrorum, aut qui tecum

tecum interfuere, addas: fide enim Bidloianâ nihil accipio, toties cum aliis ab eo deceptus.

Alto supercilio despicit superciliosus Sycophanta Observationem *Placentae Uterinae in Hydatides mutatae*. Quia D. Cossionius & Bidlous exemplum habent, an proinde mihi prohibitum mea delineare & edere observata? porrò eo tempore, quo edidi Observationes, Bidlous necdum Leidam fuit vocatus. & certe detur, quòd alicubi in musaeo privato, eo quoque tempore haeserit observatum per omnia simile, unde mihi hoc innotuit? praeterea non scripsi meas observationes Viris adeò exercitatis, & in omni studiorum genere ita consummatis, & ab ipsis cunabulis enutritis, ut est Nobilis ille D. Bedlauw.

Quòd notarim, *Canis Splenem me exsecuisse, animalque superstes mansisse*, vituperat; satis indicans suam incitiam in Anatomicis. Si perlegisset totam Observationem; forsan invenisset, quare notatu dignam illam aestimaverim: siquidem in ea observatione nonnulla enarrantur, quae nusquam facilè occurrunt. Sed scopus jam non est ingratum docere Sophistam.

Deesse partes Embryonibus, &c. Obstetrices sexcenties observasse, ait. Citatas duas observationes, continentes Cutis & Cuti substratorum Musculorum defectum, ita ut viscera, & motus Intestinorum peristalticus distinctè conspici potuerint, raras esse puto, & dignas ut non solum notaverim, verum etiam ut figuram inde fecerim; neque crassum nostrum lanionem tale quid unquam observasse, credo.

Quo nomine putas L. B. quòd hic quoque non adjecerit catalogum Auctorum, sicuti fecit, ubi de Aneurismate, mola &c. agitur? crederesne illum jam benigniorem redditum mihi parcere velle? ego potius credo & scio, id ex defectu contigisse. Saltem ex sexcentis unum addidisset. Sed porrò, sit verum, quod ramen falsum: sint eae observationes obstetricibus frequentes: sed haëtenus Medici eas nondum notaverant neque depinxerant; an itaque de Republica Medica laudem potius an vituperium meretur is, qui eum in se suscepit laborem, quem ego adhibui in hac parte. Quod adjicit *de lucro*, id optimè novit Bidlous, qui ipsemet obstetricem agere voluit, artemque illam olim Uxorem docuit, quod pluribus notum, scilicet ut LUCRUM inde corraderet,

D

Mihi

Mibi cum obstetricibus magnam intercedere familiaritatem ait, quod lubens agnosco, cum publice eas docere, & ipsis adesse ex officio teneat; at de lucro turpi nemo me unquam accusavit, nisi Bidloius dudum eo nomine famosus, quod scilicet apprimè calleat artes, quibus lucrum turpe quaeritur.

In Observationibus egi quoque *de sterilitate ex Tubarum Fallopianarum clausura*, & addidi postea consequentias verosimiles duas; quod noster carpit, ubi ait, *de his ergo nihil veri statuendum.* Ut hæc intelligat Lector, in genere dixi plures frequenter occurrere; observationes duas prae caeteris descripsi; nec observationes illae à me dictae fuere aut dici possunt verisimiles; sunt enim evidentes, perspicuae, atque certae, verum ex certis observatis deduxi consequentiam, quam consequentiam verosimilem pronunciavi, quod noster ille notus jam Sophista dolosè pervertit. Potuissem quidem more Bidloiano scribere, esse illud Mathematicè certum; verum animus fuit, & manet, certa notare pro certis, dubia pro dubiis, probabilia pro probabilibus; nec video, quid carpendum in eo sit, quod duos tantum ex pluribus addiderim casus; sed adspice perversos perversi hominis mores. Si de qua materia in libro nostro plures occurrunt observationes, multitudinem accusat, si paucas eligo, paucitatem accusat, accusator perpetuus.

Objicit porrò, quod, describens quandam observationem, scilicet *de Hydatibus in funiculo Umbilicali*, rogem, unde hoc? reliqui explicationem multas ob causas suo loco reddendas, quibus causis adde tu Archiexplicator hanc, ne tibi praeiperem ansam sapientiam tuam ostendendi, te enim versatum credis, & paratum ad omnia abstrusa explicanda; qui gloriaris & inter tuos tibi similes; tumens inani superbia, jactas, te experimenta de Aëre, Antliis, Mercurio &c. magis dextrè instituere posse, quam alii, qui tanto cum applausu & incomparabili successu hæc per plures annos administrarunt.

Ubi Magnus ille Godefridus loquitur *de 47. Auctoribus &c.* à risu temperare vix mihi potui. Facile patet, nostrum Merclinum aliorumque librorum Indices de scriptis Medicis vel evolvisse, vel curasse, ut alii, qui ei à consiliis, Latinitate, manibusque fuere, evolverent; siquidem hi Auctores varia scriptorum nomina, qui de quaque re scripserunt, recensent,

ex

ex quibus ille integrum catalogum adducit. Auctorum nomina tantum, non autem accuratas observationes ipsas legisse videtur. Placuit verò ista methodus Bidloo, qui voluit catalogum Auctorum adjicere, ut hac occasione rumorem de se cognitum aliquomodo sopiat. Nam omnes, qui Godefridi vitæ genus, & profunda ejus studia norunt, ore rotundo affirmant, eum esse indoctum rabulam, atque Academiæ ordinisque Professorii dedecus & scandalum.

Verum, unde tam subita conversio? noster ait, se velle jam *brevitati studere*. Non amplius scilicet ipsi vacat notare errores Anatomicos: quid si omisisset convitia, & eo loco veritates Anatomicas inseruisset? nonne, si brevitati studuisset in calumniis eructandis, meliora præstitisset? sed multifariâ arte laqueum efugere, noster jam dudum edoctus est.

Notavit quoque nonnulla, quæ extant in Epistolis nostris, potens ille Anatomista. Impossibile enim credit *Arterias Cordis ita delineari posse, uti eas exhibui*. Ipsi hoc impossibile esse ego quoque credo, mihi autem possibile hæc fuisse, demonstravi; sed audi, mi Corydon! tantisne negotiis implicitus es, ut tibi jam labilis reddatur memoria? an ipse non delineasti Vasa Cerebri & innumera alia, quæ hic prætereo? Ex. Gr. integræ Arteriae Magnæ truncum cum suis præcipuis distributionibus &c. cum tamen constet, quales difficultates occurrant, quas hîc non recensebo. Si quis hæc, uti decet, exhibere vellet, majora quam in Corde reperiret obstacula; sed video, te pristinos nondum deponere velle mores, Sophista scilicet ut sis; addis enim, quasi dixerim, me plenè, & perfectè exhibuisse aut exhibiturum omnia proposita vasa, cum addiderim sollicitè, ut in ipso textu videre potes, FERE; satis enim agnoscebam vel difficillimum vel impossibile esse, OMNIA exhibere. si ex calumnia, cujus te hoc quoque loco accuso, extricare te velis, ostendas locum, quo scripsi OMNIA; quæ citato loco scribis, applices quaeso figurae tuæ, in qua exhibetur Arteria Aorta; & in qua apparent præterea Arteriae per Cerebrum dispersæ; semotis membranis, Cerebri substantiâ &c. & me tum nequaquam culpabis, quòd talem confecerim Arteriarum Cordis figuram. Sed uti L. videat, utrum Godefridus rectè magis delineaverit Vasa Cerebri, quam ego Cordis, exspecto, ut ille proxima Anatomia publica in subjecto humano distinctè con-

fpicienda praebeat Cerebri Vasa, caeteraque cum figuris suis convenientia, sicuti ego vicissim de Cordis vasis, id me praestitutum, promitto.

Non etiam nunc disputo, utrùm mea figura sit *manca*, ut urget, id est, utrum plenè & perfectè omnes ramulos etiam minimos exhibuerim, illud enim non jactavi. Sufficere existimavi, quòd plures exhibuerim, quam ullus ante me, imò plures, quàm Bidlous hac quoque hora exhibere, ut opinor, poterit; porrò sufficere credidi specimen exhibuisse, ex quo tamen satis patet, quàm malè haec vasa depinxerit Godefridus; nec minus tamen laudanda dicta tabula, etsi in ea delineatione ramuli nonnulli deficiunt; nam ut ii deficerent, reptatumque caeterorum haud obnubilarent, studio repraesentantur à nobis, abscissi; quod arcanum non percepit censor.

Praeter consuetudinem modestè, Modestus ille rogat Pag. 15. quare in observationibus meis & alibi, *Uteros, Vesicas felleas, Intestina, aliaque viscera sine ullo vasorum Sanguiferorum vestigio exhibuerim*. Respondeo, in conscribendis observationibus meis scopum frequenter respexi eo loco propositum, quod in hac quoque observatione feci, & quod vel decennis puer facilè viderit. Animus hìc non fuit, nec esse potuit, Intestina delineare Anatomicè, sed tantùm exhibere illud, quod in eo subjecto sese praecipuè praeter consuetam constitutionem offerebat. Eo ergo nomine vasa non duxi addenda, utpote nihil ad scopum nostrum facientia. Hoc si in tabulis tuis observasses mi homo, tam turpem & honesto viro indignum, imò scurrilem non commisisses errorem, nec genitalia petulanter & obscœnè adeò delineari curasses; sicuti inferiùs fusius quoque notabo.

Haftenus, Lector, quæ consideravimus, Anatomica sunt, aut saltem videntur; caetera minus sollicitè ad examen revocabo, cum contineant plaustrum calumniarum atque injuriarum, quas injuriosus, rectius dixissem rabiosus, evomit: pag. enim 1, 2, 3. gladiatorio modo ad me affectat viam, omnemque flagitiosae iracundiae suae bilem plenis in me buccis eructat; atque in convitiis alios lacerando se turpem magistrum & auctorem non modò olim fuisse, sed & jam lupinam hanc nondum exuisse pellem, prolixè ostendit. Perfricet itaque frontem Noster, si quam habet, qui aliis se honestioribus obtrudere vult.

ea,

ea, quibus jam ante multos annos fuit conspurcatissimus. Ne autem in convitiis ex tam impuro ore in me effusorum narratione longior sim, in limine exhibui specimina nonnulla, quae ut candido & sincero animo dijudicare velis, rogo L. Candide. Quis risum teneat, ubi ait, *se calumniis reponendis mihi non esse parem*? & pacificus ille interea Godefredus me *tranquillitatis censet infensissimum hostem*, & conqueritur de injuria sibi illata. Haec si ferre poteris L., aequè feres *Gracchos de seditio- ne querentes*. In memoriam quaeso revoca mi Bidloe, quo furore in me debacchatus fueris ante mearum Epistolarum divulgationem, cum in Collegiis privatis, tum in Cathedra, & alibi. Sed quorsum ulterius rabies hunc pellit, quòd scribat *me obtrectatorem, neminemque me honestum suspicaturum* &c. quid hoc sibi vult Bidloe? an unquam talis rumor de me vagatus est, quòd corruerim juventutem? an unquam à Parentibus hac in re de me institutae sunt querelae? an unquam ego, ut mutatis vestibus, meretriciis artibus indulgerent juvenes, impulsor exstiti? an unquam ego ministrum me prae- bui negotii illiciti? an unquam ego dissidii semen jeci & fovi inter Conjuges, aut consanguineos? certe me hoc nomine nemo salutavit unquam. Nunquam quoque suspectus fui de meretriciis artibus, licet ille, pag. 14. *me meretricium adhibere fucum*, dicat. Haud illibenter palmam cedo meretriciis in artibus experto Nostro, utpote qui ad unguem callet Corinnam tunicâ spoliata loquentem, seu ejus versiculum non ineptè hîc loci, sed satis impudenter in scenam producit.

Naturam expellas furcâ, tamen usque recurret.

Mene *infensissimum hostem studiorum* vocabis, tu? erras in persona, tangit hoc alium quempiam, qui infensissimus est omnium ordinum studiis, & qui nec Ecclesiasticis parcere solet, sed gesticulationibus suis, quantum in se est, reverendum illum ordinem prostituit; erubescat igitur, qui expalescere nefcit?

Addit jam relatis, me *dictariis proscindere Viros moribus & industriâ me meliores*; ô candidum, pacificum, & immaculatum pectus! judices inter te & me sint Amstelodamenses, Leiden- ses, Hagien- ses, quibus cogniti tui mores, cognita tua eruditio.

Nec responsione dignum existimo, quòd *Praelectorem* me voces; quid, si te quoque *Lectoris* ornarem titulo? qui interim dubitat, utrum titulum, quem praefixi Epistolis caeterisque scriptis, jure an injuriâ adhibeam, conscendat Curiam, & videat Amplissimos Consules me Professore creasse.

Nolui quoque respondere ad ea, quae pag. 14. de *Balsamatione mea* garrit, ubi supponit, *balsamata mea cadavera, si aëri exponantur, cum dedecore obducta iri faedâ nigredine*. An ego unquam affirmavi omnis generis praeparata aëris aequè ferre posse injurias? sunt, quae aërem ferunt, & à 34. & pluribus annis tulerunt, & tamen nullâ faedâ nigredine obducta sunt; sunt etiam alia, quae, ni servarentur arte alia, minus nitida manerent. Sed an hoc in quaestione? attamen expertus testor & demonstrare ausim singulis horis, nostra haud in nigredinem abiisse; ringente etiam Bidloo, suis cum mussitatoribus, hujus artis imperitis. Sed cum adeò crocites de expositione in aërem, optaresne Tu, quem fama adeò celebrem reddidit, ut quis aëri exponeret artes tuas?

Minio, Cerussâ, Cocco adulterari cadavera mea, porrò clamat. Nonne perinde est, quo artificio conservem? quo ritu id succedat? modò inviolata maneant; certè, dum sua in medium proferre vult, luculenter ostendit, sese eâ in arte planè esse rudem; sed erro forsan: gloriatur enim *nostras artes sibi esse cognitâs*, & loquitur de suo *Spiritu Balsamico*. Detur, ipsi esse cognitum, quid refert? quis invidet? non ego equidem invidéo, miror magis; verùm contrarium ostendi in Epistolis, plenisque parasangis rem sese aliter habere edocebo, ubi commodum erit. Ignoscat igitur Bidlous, quòd fidem non habeam hisce jactationibus: abundè enim scio, pleraque, quae in *Musaeo ejus pauperculo* inveniuntur, non esse ab ipso praeparata, sed aliunde arcessita. Sed *studiosis suis tradidit Spiritum Balsamicum*, credo; nam & Ol. Terebinthinae est suo modò Sp. Balsamicus; an haec est quaestio nostra? an hoc probat, Sp. ab eo traditum eundem esse, quem nos adhibemus? id quod requireretur, si inde pateret, nostras artes ipsi esse cognitâs. Sed quis non satis apertè vider, quàm fallax haec sit ipsius propositio: Docuit *studiosos Sp. Balsamicum*, sed qualem, qui à faeda nigredine subiecta conservare nequit. Nostra verò ars id potest praestare; viden ergo differentiam? Ast licet rectè conserven-
tur

tur à me subiecta, *Cadaverum decora menta ipsi displicent*. Addero tamen ipsi placuit per Ironicam locutionem, *haud injucundum tamen oculis* &c. Nihilominus accusator in promotione publica politissime, scenae instar, Auditorium Academiae ita ornari curavit, ut potius Musicorum atque Histrionum pegma, in quo ludi solet Bidloi Phaëton, quàm Auditorium Academiae, videri posset; sed hoc forsan & alia solum Bidloun decent.

Verùm longe gravior est accusatio, quàm profert, ubi scribit, *me petulanter egisse de Genitalibus muliebribus* &c. Certè quis mecum non miratur, Bidloun me petulantiae accusare? me forsan sui similem credit. Qui autem Bidloi & mea acta norunt, iis judicandum relinquo, uter nostrum damnosae petulantiae exhibuerit specimina? quod si in illum telum hoc jure merito esse convertendum, ipsi domonstrem; quibusnam, obsecro, diverticulis & flexionibus semet ipsum purgare sustinebit? Sed ecce, temetipsum, petulantissime Bidloe, hujus criminis accusandum, ostendam. Dic mihi quaeso? quid sibi volunt pudenda in Fig. tuis obscenè adeò delineata, eoque loco, ubi ne verbulum quidem de iis partibus proferas? nonne ut œstro venereo ipsemet percitus, calcar adderes sociis & familiaribus tuis voluptuariis? Vide in Bidloi Anatomia, Tab. 31, 33, 41, 54. &c.

Parùm verò proderit dixisse de Bidloo id, quod omnes dudum norunt; praestat ut removeam à me crimen, quod virulentus ille accusator cum quadam specie veri evomere conatur. Scias igitur L. jussu AMPLISS. CONSULUM hujus Urbis, mihi quoque in usum obstetricum (ut ante dictum) impositum esse, ut Anatomicis perfungar dissectionibus, & obstetriciis artibus illas instruam, quibus nulli admittuntur viri, nisi Collegii Medici Inspectores, atque Collegii Chirurgici Curatores, inter quos Inspectores quoque Godefridi frater numeratur. In ejusmodi demonstrationibus alio modo agi debet, quam in Anatomia, quae instituitur in gratiam studiosorum: & in hoc obstetricum conventu non eas perpetua adhibendas esse circumlocutiones, quas in aliis adhibemus dissectionibus, quis dubitat? quis aegrè feret, quòd in conventu annosarum illarum mulierum, quò rem distinctè magis intelligant, ubi res exigit, Scapham Scapham interdum dicam? In caeteris meis, quas publicè peregi, dissectionibus nullis nisi verecundis, quan-

quantum locus & tempus jussit, usum me fuisse verbis memini, nec quicquam pronunciavi, quod carpere posset noster modestus atque castus, castitatisque fautor atque defensor nunc acerrimus. Brevi forsan novam pro obstetricibus celebrabo Anatomiam. Denuò tum scribere poterit, me non satis modeste egisse, silendo scilicet, demonstrationem fuisse pro obstetricibus.

Nec tantum me petulanter agere, sed & ineptias obtrudere notat *Tyronibus Anatomiae*; illum contra solida, incomparabilia tractare; testantur ejus frequentia collegia, magnus numerus studiosorum, ipsius profundam efflagitantium scientiam & fideliem institutionem. Ita enim nobis referunt studiosi, eruditiores tali praeceptore, tum Germani, tum alii Leidam, Musarum sedem, ob Godefridi negligentiam & imperitiam relinquentes; sed haud vacat exiguis illis adesse exercitiis Archianatomico nostro.

Gravis penè exciderat observatio, quam ille pag. 18. Vind. proponit. *Experientiâ inquit, constat, Arterias ab majoribus in minores ramificari, hac verò in delineatione ramuli quidam ab minoribus in majores abeunt.* Patet Bidloun cum suis adjutoribus nec intellexisse, nec observasse, quid fiat, ubi notabilis contingit Anastomosis Arteriarum cum Arteriis, quod ostendere possum ad oculum. Sed quid haec culpo in homine, cui jam, ut ante quoque monui, labilis redditur memoria? secus meminisset idem existare plurimis in locis suis in tabulis Anatomicis, Tab. sc: 36. Fig. 1. in Arteriae Magnae systemate, ut & in vasis per duram matrem dispersis, ne dicam de vasis sanguineis per chimaericas & nunquam visas Glandulas Corticalis Cerebri substantiae disseminatis. Vide praeterea Tab. 4. Fig. 4, 5 & 13. Tab. 5. Fig. 6. Tab. 7. Fig. 1. Tab. 8. Fig. 1 & 2. Tab. 9. Fig. 1, 3, 4 & 5. Tab. 10. Fig. 2. Tab. 45. Fig. 2. &c. Sed quid huc voco figuras in tabulis ejus exhibitas? adeamus Figuram 1^{am}. Tab. 3. Vindic. ubi idem observabis in Arteria Splenica non solum humanâ, verum etiam vitulinâ.

Magno boatu etiam multa nugatur de Cerebro brevi temporis spatio subsidente, ejusque circumvolutionibus; de defectu vestigiorum Durae Meningis, & quae nugarum plena alia. Nempe his omnibus ostendit, se non subtilem, sed valdè crassum esse latronem, cum ea exhibuerim publicè, & porrò exhibere paratus

tus sim in ipsis subjectis eadem illa, quae in figuris meis repraesentavi, licet haec in subjectis offendere atque demonstrare non valuit Bidlous, quod non miror; siquidem non Thraſonicae, ipsi familiares, sed Anatomicae, ipsi incognitae, ad id requiruntur artes.

Non respondeo ad captionem, quam instituit in nostra verba, ubi scribo, *nulli hoc notum* &c. quis enim mecum non miretur crassissimi lanionis Bidloi intemperiem? Aut cui ignotum esse potest, illum loquendi modum non determinare, utrum alicubi quis haereat, illud qui cognoscat; impossibile enim reor in hominum animos penetrare, ut ex iis certi simus; sed usus invaluit, ut dicamus, ignotum est, ubi id nondum est delineatum, aut scriptum, vel potius typis promulgatum. In eam quoque sententiam id expressi. Bidloi idcirco partes erunt recensere eos, qui id notarunt; quod ipsi, ut & iis, qui à consiliis ipsi fuere, haud difficile esse, reor, si adeò notum id sit. Vide L. B. quantillum criminis iterum ego commiserim in oculis inepti & insulsi istius cavillatoris.

De Professoribus multa promittentibus, pauca praestantibus, in epistolis quaedam in genere dixi, nullo adjecto nomine. Noster conscientia convictus, de se fabulam narrari intelligit. Sit hoc in eum dictum. Quomodo respondet? ait, *se plura cadavera secuisse*, &c. an hoc in quaestione? quaeritur, quot secuerit publice in Theatro Anatomico? enumeret, si placet, proxima Anatomia, quot publicas instituerit sectiones. Me ergo non tangit, ubi ait, *plura se disseccuisse*.

Pag. 42. ait, *me iterum strinxisse sicam, & decimam parare injuriosissimam epistolam*. Res levis videtur Bidloo, sicam stringere. Quis autem tibi, monitor dexterrime, suggessit de epistola decima? prodeat, accusabo eum, sicuti te dudum accusavi, mendacii; & aequè difficilè erit ipsi, ac olim tibi, eam remove infamiae notam.

Prudentissimus ille, qui per totum vitae decursum ubique tam pulchra vitae suae exhibuit specimina, me per Ironiam vocat *prudentem*. Adeò saltem prudentem me hactenus gessisse mihi conscius sum, ut à scurrilibus & sceleribus abstinerim manus. Candidam hîc meam tibi habeas confessionem, huic fidem habere poteris tutò; vicissim non denegabo ego tuam admittere confessionem, ubi *te ferreum non esse fateris*; nec facilè inducar, ut te fer-

reum credam. Quod si talis esses factus, in immensum esses immutatus, cum ab omnibus semper accusatus potius fueris levitatis secundum omnia praedicabilia. Simili modo persuadeor a Bidloo, ubi scribit, *se posse pati invidiam*. Quae enim ratio dubitandi restat, cum innumeri mecum experti sint, quod hospitem illam diu in sinu foverit, & secum ubique circumduxerit sibi adhaerentem comitem.

Ultimò, ubi sentit in Anatomicis se cecidisse causa, rursus diverticulum quaerit, atque *litteraturam meam carpit* Bidlous, litterator eximius qui videri vult. Me accusat *infamis Barbariei*. Hoc loco repetat, & secundum artem canat noster Phaëton elegium

*Tonsoris Licini cacationes,
Tergendis natibus dicata charta:*

Quis, haec qui legerit, & Godefredum aliunde non norit, non credat, illum longè distare, imò & abhorrere à Barbarie? sententias enim loquitur; novit Afranium; familiaris ipsi Cato: repetat itaque ex Catonis distichis, hanc ubi legerit meam responsionem,

*Quod meritò pateris, patienter ferre memento:
Quumque reus tibi sis, ipsum te iudice damna.*

Scias mi Godefride, quòd temporibus peccata lateant, & pateant tempore.

Sed seriò ut agatur de rebus seriis, fateor L. me plus temporis impendisse Anatomiae, quàm castae Latinitati, nec me tam sollicitum fuisse de Latino sermone, quàm de rebus, quas proposui in conscribendis Epistolis & Observationibus. Non quod laudem haec mihi ducam, sed spero omnes, qui sciunt quam exiguum nobis detur otium, benignè hoc excusaturos, & optaturos potius, ut res Medicis & Chirurgis utilissimas verbis minus politis tradam, quàm ut in totum hunc ob defectum eas supprimam. Scias tamen, etiam in hisce, sicuti in aliis Bidlous virulentiam & fallaciam adhibuisse, more ipsi consueto. Quapropter ad singula respondere supersedebo. Satis fore credo, si in uno atque altero

altero exemplo eum falsitatis atque malitiae convincam. Hoc verò ut pateat, confer quaeso, quae citat ex Epist. 3. lin. 20. quasi scripsissem *conservandi cadavera*, quarum &c. cum in Epist. loco citato ab eo Pag. 9. lin. 20. legatur, *conservandi cadavera, gnarum* &c. scilicet Bidlous se gnarum jactaverat, &c. Pag. 55. lin. 25. malè citat observationem, scribit enim *Pag. observ. 84. & est observatio 33. pag. 43*, &c. occasione me scripsisse affirmat, *brutotum, facile, professor* &c. quis non videt, quàm futilia haec sint; cum facilè pateat, vitia haec esse Typographica, quod frequentissime contingit, & in primo exemplo pro *f esse s* ponendum, tum erit *occasione*, in secundo pro *t, r*, tum erit *bruterum*, in tertio pro *s, f*, tum erit *facile*, in quarto pro *s, f*, tum erit *Professor*; quid videtur, L., hoc-cine est MILIUM PERTEREBRARE ET TORNOSCULPERE? ut ait, pag. 22. Quod si hoc modo cavillari animus esset, quid responderet Bidlous, si dicerem in ipsius Vindiciis occurrere innumeros tales errores & multò graviores, V. Gr. Pag. 3. lin. 8. *me malle ab Ruyschio audire Leno quàm ab Viro honesto maledicus*, pro *me malle audire Lenonem, quàm à Viro honesto maledicum*: non omnino male Vernacula nostra lingua dicerent aliqui, *die Kaerel is mal.* Pag. 12. lin. 2. *posteritati dignissima*, pro *posteritate*. Credo tibi adject. *dignus & indignus* regere Dativ. ex Nova tua Grammatica. Pag. 3. lin. 25. *Sed lubet nec licet*, pro *, nec lubet, nec licet*. Pag. 14. lin. 25. *Rumpere ilia* pro *rumpi ilia*, rumpantur ut ilia Codro. Pag. 15. lin. 13. *secundum me*, verus Bidloo dignus Barbarismus. Pag. 17. lin. 16. *Credo quod sic*, egregia locutio! solo Bidloo digna Pag. 3. lin. 10. *Ganionem* pro *Ganeonem* Pag. 10. lin. 8. *narraverim*, quod sum professus, pro *quod sim professus*. Pag. 17. lin. 8. *nondum censorem demitto incautum*, pro *censorem incautum dimitto*. Hisce addere possem seriem sesquipedalem, sed sufficiant pro specimine haec pauca. Pag. 32. lin. 21. *deessum* pro *decessum*. Pag. 30. lin. 12. *benivole* pro *benevole*. Pag. 49. lin. 6. *OEsophagnum* pro *æsophagum*. Pag. 49. lin. 16. *Brochia* pro *Bronchia*. Pag. 55. lin. 6. *hii* pro *hi*. Pag. 55. lin. 17. *ab* Pag. 720. ad 336. &c. quis talem numerationem audivit? Scaterent ipsius inauguralis oratio, aliaque scripta pluribus mendis, nisi à prudentioribus fuissent castigata, *aan de Bennebroeker Laen*. Sed postremò deprecari veniam necesse est, quam non denegabit, ut spero, clementissimus & mansuetissimus ab incunabulis. D. Godefridus, quòd in hoc quoque scripto non satis Latinè pro de-

licatis ipsius auribus scripserim, & praeterea errores Typographus commiserit, qui postea enumerabuntur. Si qui alii occurrunt, pro consueta benignitate corrigas, rogo.

SUCCINCTA REPETITIO

eorum, quae in hac responsione continentur.

In praegressâ defensione contra BIDLOI ineptas animadversiones & insulas detorsiones, amplè satis declaravi & exposui illius in me & mea scripta livorem. Cùm autem sciam, Lectorum fortè dari nonnullos, quibus tam larga eristica lectio fastidium parere facile possit, hunc annectere placuit Elenchum, ex quo succinctè & uno quasi intuitu controversiae nostrae seriem perlustrare potest Benevolus Lector.

Pag. 4, 5. & seqq. agitur de *Glandulis cutaneis*, quas BIDLOUS *pyramidales* delineat,

& idem de illis Malpighium statuisse affirmat. Ego autem clarè demonstro

1. BIDLOUS integram quaestionem dolose immutare, astutè vel negligenter declinando scilicet à *Glandulis*, de quibus tantùm quaestio fuit, ad *Papillas*, & malitiosè confundendo suis in vindiciis duo haec corpora, ac si unum idemque essent; cum tamen vel pueris notum sit, *Glandulas* & *Papillas dictas* duo distincta esse organa.

2. Me in publica Anatomia, neque de *Papillis pyramidalibus* egisse, neque in Epistolis de illis *Glandulis* sermonem fecisse: praeterea ostendi Malpighium nunquam illas *Glandulas* dixisse *pyramidales*.

Pag. 7. Agitur de *membrana Cerebri media*, *Arachnoidea dicta*; atque ostenditur BIDLOUM callidè immutasse quaestionem; illam enim refert, ac si in eo reprehendissem, quòd aliquam tantùm *portionem* illius membranae exhibuisset. Clarè autem contrarium comprobatur; non enim eum insimulavi, quòd *exiguam tantùm portionem*, sed quòd *tam magnam hujus membranae portionem*, & quidem cum *conspicuis suis vasis sanguiferis*, delinearit, quod fieri posse negavi, quia tenuis nimis sit, arctiusque cohaereat cum Meninge tenui, quàm ut *ingens adeò portio* separari possit; cujus

cujus tenuitatem & cohaesionem praesente etiam BIDLOO Professore publicè ostendi.

Respondi deinde ad objectionem, quam apposuit, sibi nimirum aequè licitum esse portionem Membranae Arachnoideae, ac mihi licet portionem Membranae Pleurae, delineare. Sed notavi differentiam; cum nemo, nisi in arte Anatomicâ Barbarus, ignoret, Pleuram esse Membranam densam & facilè separabilem; Arachnoideam contrà tenuissimam, & piae matri adhaerentem, & per consequens non ita separabilem, ut tantam nimirum portionem exhibere quis valeat eà facie, quâ BIDLOUS eam delineavit.

Non multum respondere hoc loco libuit ad ea, quae fabulatur de Membrana Amnio &c. cum BIDLOI acutus fallendi animus eo solummodo intentus videatur, ut impunè agitatione novarum quaestionum ex angustiis elabatur.

Pag. 8. Actum postea de distributione Arteriae magnae. Conquerbatur BIDLOUS, quòd dixissem, malè eum delineasse Arteriam Aortam. Dissolvere hanc accusationem fludivit hac ratione, dicens

I. Amstelaedami illam ab alio quodam tali divisione &c. quali à BIDLOO delineata exstat, fuisse demonstratam; quam declarationem falsissimam & fictam esse, ostendi hisce;

Quod alii, mecum praesentes ea in Anatomia, de qua loquitur, Amstelaedami habita, id demonstratum non viderint; nec ego id viderim; licet BIDLOUS absens id demonstratum fuisse testetur. Cui potius fidem habendam credis, Candide Lector? testibusne oculatis pluribus, an aurito uni & absenti? Sed detur hoc ipsi; eà tamen lege, ut BIDLOUS hujus erroris accusatus, ipsemet talem Aortae divisionem, ita progredientem, & talem situm habentem, qualem fuis in Figuris repraesentavit, quoque ostendat publica in Anatomia.

Respondi quoque ad effugium, ubi sagax iste homo notat inconstantem & inaequalem distributionem de Mammariis &c. tanquam naturae lusum, BIDLOUM autem ea, quae de Aorta habet, pro naturali statu posuisse: addidit praeterea in minoribus vasis lusum occurrere frequentiore, in radicibus, & praecipuè Aortae, rarissimum.

Nec ipsi praesidio esse posse, quòd excusationem hanc adducat, scilicet quòd Vesalius & alii illud secum testentur. Ete-

nim licet concedatur , Vesalium & caeteros idem illud habere , tamen , quo modo ille sese ex hoc labyrintho extricet , non video , siquidem adjecerim , meâ sententia etiam errare eum , qui cum Vesalio , qui cum caeteris errat. Negavi tamen Auctores jam dictos tam crasse & putide errasse , quàm BIDLOUS erravit ; & dixi , eo etiam concessio , tantummodo sequi , quod BIDLOUS ex malis peiores confecerit figuras ; quandoquidem in aperto est , illum multa ab aliorum potius figuris quàm è subiecto humano desumfisse & delineasse.

P. 10. & seqq. Agitur de Liene humano ejusque constitutione. BIDLOUS illum cellulosum , fibrisque transversalibus instructum delineavit , desumens figuram è Liene vitulino , & ejus portionem , ac si integer humanus esset Lien , orbi literato obtrusit. Adducit porro nonnulla ex Malpighio , quae solvuntur. Praeterea carpit Vitilitigator , quod ego olim quoque scripserim Lienem Glandulosum &c.

Respondeo , me olim quoque aliorum vestigia secutum , corpora nonnulla perperam pro Glandulis habuisse , quae postmodum examine pro novâ meâ methodo instituto , deprehendi , non esse dicenda Glandulas , fibras transversales , & cellulas.

Pag. 13. & seqq. Loquimur de Vesiculae Felleae radicibus ; & ostendimus illum hanc quaestionem pro causa sua confuse proposuisse , ut occoecaret Lectorem.

Quo haec conspicuè pateant , desideravi unicum illud , nempe ut BIDLOUS in publica Anatomica demonstratione in subiecto humano exhibeat ea corpora , quae delineavit , tanquam radices è fundo Felleae Vesiculae emergentes , esse veras Vesiculae Felleae radices , non verò fibras , vasa sanguifera , vel alterius alicujus naturae ;

Ostendat praeterea ea vasa revera effundere contentam Bilem in Vesiculae cavitatem. Ego demonstrare suscepi , ea non esse biliaria vasa , sed longe alterius naturae , quod jam dudum quoque probavi.

Pag. 14. De Vasis Pericardii à BIDLOO delineatis egi ;

Urget ille , se vasa haec delineasse.

Cui respondeo , haud illud in quaestione esse : & hanc proprie esse controversiam patet ex meis verbis , scilicet utrum recte , & uti in statu naturali sese offerunt , illa delineaverit , quod negavimus ; & nunc etiam negamus.

Notatur praeterea, quàm callide BIDLOUS à proposita quaestione recedens, novas perpetuo moliatur & excitet controversias, de quibus inter nos quaestio non fuit.

Pag. 15. Producitur quaestio *de foraminibus in Corpore reticulari Malpighii*; & ostenditur extra quaestionem id esse; Nihilominus tamen BIDLOUS crasse errare, ubi putat haec delineari non posse, quod facile figura earum immutetur, à *compressione*, *contorsione*, aliisque causis. Monetur insuper, si BIDLOI argumentum procederet, nec Os, nec Nares, imò nec ipsa Vasa sanguifera delineari posse, quia eodem plane modo immutantur.

Eadem Pag. demonstratur ejus fallacia, quod immutarit *figuram in sua Anatomia exhibitam*, qua repraesentantur Papillae &c. & ostenditur praeterea hanc quoque figuram in Vindiciis esse fallacem, doloque confictam.

Pag. 16. Exponitur, extra controversias nostras esse, quae *de Cuticula exsiccata* garrit, & tamen censetur, quod innuat *Mercurium fluere per Papillarum Pyramidalium foramina*, cujus rei probatio desideratur.

Pag. 17. & 18. Fidelis exhibetur narratio earum rerum, quae contigere hinc Amstelædami in publica demonstratione Anatomica, praesente BIDLOO.

Pag. 19. Agitur de *Lymphaeductibus ante 30. annos à me delineatis*: ubi insulsa intemperie carpit, quod majora illa vasa in Hepate equino delineaverim, quàm pro proportionem delineari debuerint.

Cui respondeo, me expressis verbis eodem in Libello Lectores praemonuisse; Hepar illud esse equinum, minorique forma, quàm naturalis aliàs Hepatis illius moles est, in figura illud delineari; & id varias ob causas, quod scilicet respexerim exigui illius libelli formam, quae non videbatur admittere justam naturalis Hepatis equini delineationem; attamen Lymphae ductus cum Valvulis me exhibuisse suo in statu naturali, quia id libelli forma non prohibebat.

Deinde scopum meum non fuisse, delineationem Hepatis proponere, sed Hepatis Lymphaeductus tantum. Addidi, me eos adhuc eodem in statu conservasse, & unicuique videndi cupido illos ostendere posse.

Notatur praeterea ingens hallucinatio BIDLOI, in nova figura Vindiciarum commissa.

Pag.

Pag. 20. Respondetur eodem modo ad ea, quae garrit *de proportionem Venae Cavae à nobis delineatae*; simul etiam proponitur *vitiosa Hepatis delineatio*, quae habetur in magni BIDLOI magna Anatomia.

Pag. 21. Respondetur ad fugillationem delineationis meae *Asperae Arteriae*; quòd scilicet *in postica quoque parte annulis eam delineaverim*: nempe

1. Negando, quòd plenè sic repraesentetur.
2. Demonstro, sculptorem eam aliquantulum latiorè & non fatis umbratilem expressisse.
3. Eam è vitulo juniori desumptam fuisse, dico; in quo subiecto integram ferè Asperam Arteriam ambire videntur annuli, ejusque apparentiae causam contractionem fuisse, declaro, eamque ita delineare mihi licuisse; cùm non ex humano corpore desumptam illam Asperam Arteriam fuisse addiderim; BIDLOUM verò, quae brutorum sunt, pro humanis hic illic in figuris contra datam fidem delineasse, notavi.

Pag. 22. Respondeo ad objurgationem, quam mihi objecit, *de omissione Cartilaginum Bronchiorum & prava Asperae Arteriae delineatione*: explicans nimirum, scopum meum non fuisse Asperae Arteriae caeterarumque partium eo in libello accuratam sistere Anatomiam; & insuper in subiecto proposito Cartilagines bronchiorum in statu naturali non apparuisse oculis nudis & in tali subiecto memorato.

Eadem Pag. Respondeo ad ea, quae dirà vociferatur voce, quòd nimis temere dixerim *summum ramum Arteriae Asperae solis in Vaccis & Vitulis reperiri*; cùm ille contrà, in Ovibus eum quoque reperiri affirmet. Videlicet

In Ovibus lobum non planè convenire cum aliis; quod, me proximâ Anatomia ostensurum, promitto.

Pag. 23. Respondeo ad correctionem, quam objurgatorio sono in me effundit, quod dixerim *exortum Arteriae Bronchialis esse curvo-obliquum*, quem RECTUS ille semper rectilineum existimat. Dico nempe me saepius observasse à me notatum curvum; me proinde tamen non affirmare, eum semper aequali modo progredientem inveniri; etenim in his minoribus vasis certè frequentiorè saepius esse naturae lusum, quàm in Arteria Magna, facile concedi posse, neminem esse negaturum.

Pag. 24. Respondetur ad reprehensionem, quam exagitat, quod

quod dixerim in publica demonstratione, eandem esse sanguinis constitutionem in Bronchiali & Pulmonali Arteria.

Scilicet falsum id esse, quod adsolutè id dixerim; & quod id à mussitatoribus ipsi tunc absenti mutilatum & detortum fuerit relatum; praeterea me ea verba, quae protuli, non esse repetiturum, donec ille responderit ad errores, quorum apertè convictus est, me enim videre, eum perpetuò novis suis fictionibus id agere, ut ex angustiis, in quibus haeret, facilius elabi possit.

Censoria sua virga dignum judicat, quòd etiam ego de *Aneurismate* & aliis scripserim; quia jam multi auctores ante me similia notarunt. Quam censuram sequenti responsione removeo pag. scilicet 25. Verum si scribit Bidlous, sequitur exinde.

1. Aliorum observatis confirmari nostra.

2. Demonstro, licet alii eadem tractaverint, illos tamen non eodem modo id fecisse; me enim aliis usum fuisse admonitionibus, remediis, & instrumentis; neminemque ante me *Aneurisma curasse per annulum*.

3. Ob oculos pono, quomodo BIDLOUS maligno animo alios, qui observata, ab aliis secum communicata, collegerunt, laudibus evehat, me autem deprimat, & culpatione dignum censeat, licet ego propria mea observata, eaque figuris & monitis magis ditata, exhibuerim.

Pag. 27. notare placuit, eum praecipitanter nostras pervolvisse observationes, nec ad praecipua attendisse.

Praeterea, BIDLOUS paucis tantum in locis citare observationes ex auctoribus, plerisque autem locis ejus apparere penuriam.

Pag. 28, & 29. Ubi agitur de sterilitate & vasis Cordis, notatur illum, pro more BIDLOIANO consueto, callidè & dolosè nostra detorsisse verba, quod quacumque in pagina notari deberet.

Notatur porrò ipsum integros auctorum indices perquisivisse, vel potius evolvi curasse, non verò ipsas perlegisse observationes.

Pag. 30. Redditur ratio, quare vasa sanguifera non addiderim, ubi noto observat. de *Intestinis*, *utero*, &c. malè affectis. Nimirum me solummodo tradere voluisse in illis partibus p. n. in propositis subjectis occurrentia.

Pag. 31. & seq. removentur calumniae, quas BIDLOUS

largiter in me effundit; & respondetur simul ad ea, quae congestit contra nostra praeparata.

Ostenditur simul BIDLOI effrenis petulantia.

Pag. 34. Ad ea, quae de *Arteriis* notat, quod sc. *semper à majoribus in minores ramificentur*, respondeo, contrarium apparere ex figuris BIDLOIANIS, atque eum hisce in Vindiciis non cogitasse, quid contingat, ubi notabilis occurrit Arteriarum cum Arteriis Anastomosis.

Judicet jam L. num Bidlous steterit promissis.

Promiserat enim, se vindicaturum, de quibus à me fuit notatus, & praeterea fidem dederat, se notaturum errores, in Anatomicis à me commissos. Interim patuit, Candide L., quam perpetuò studuerit BIDLOUS recedere à controversiis Anatomicis, quae cum fructu agitari potuissent inter Anatomicos. Excusabis itaque facile, si imposterum praescindam omnem occasionem nostro convicto cavillatori, horas Anatomicae inquisitioni destinatas, nobis praeripiendi, non tamen detrectaturus plenius respondere, simulac in Anat. publ. in subjecto humano ostenderit:

1. Glandulas cutaneas pyramidales esse, uti eas pronuntiavit, & delineavit.

2. Quae de Membrana Cerebri media s. Arachnoidea, ejusque vasis sanguiferis in Figuris suis repraesentari curavit.

3. Aortae distributionem, & divisionem, Figuris suis convenientem.

4. In Liene humano, cellulas, fibras transversales, Glandulas, aut medium illud, de quo somniat, inter Venam & Arteriam.

5. Radices Vesiculae Felleae è fundo emergentes, sicuti eas delineavit; scil. ea organa, quae pro radicibus delineavit, revera esse radices Vesiculae Felleae, è fundo emergentes, & contentam bilem in Vesiculae cavitatem effundentes.

6. Vasa sanguinea talem obtinere reptatum sub Papillis pyramidalibus, Glandulisque cutaneis, qualem iis affinxit; Glandulasque inter Papillas sibi invicem ita confitas, uti eas delineari curavit, una & capillamenta vasculorum aquosorum Glandulis interposita.

7. Mercurium fluere per ipsa Papillarum pyramidalium foramina.

8. Arterias per Cerebrum dispersas, semotis membranis, Cere-

Cerebri substantiâ, caeteraque cum figuris suis convenientia, &c.

Magis magisque confirmor in proposita mea sententia, nihil in posterum reponere B I D L O O, priusquam haec praestiterit & ea, quae jure ab eo praeterea exegi; eò quod magis magisque video, id ab eo agitari, ut à negotiis ad cavillationes & scurrilia me abripiat.

Etenim postquam eousque progressus essem, hac in responsione; ut de imponendo fine cogitare inciperem; ex latebris denuò me adoritur quidam scurra, alterumque quendam in me conjicit libellum, in quo quid ille moliatur, facile video. B. L. iniquo ne feras animo, rogo, quod illius auctorem in numerum scurrarum collocandum censeam: illorum enim proprium est, nullâ rei habitâ ratione, in jocum & risum convertere res, per se serias atque utiles. Eodem modo noster prodit, atque id agit, non ut aperto Marte rem defendat (scit enim, id praestare se non posse) sed ut praestigiatorum more oculis Lectorum caliginem offundat, risu propter quisquilias ejus in medium effusas excitato; quominus elucèret, quàm turpiter causa cadat Godefridus. Ordine, succinctè tamen rem proponam.

Haud ignorat Lector Candidus, me olim interjecta annorum serie observationes Anatomico-Chirurgicas meas conscripsisse & postmodum edidisse. Variæ quoque à diversis tempore & loco vario ad me fuere conscriptae Epistolae de rebus Anatomicis, quibus ego responsionem subjeci, illasque postea typis mandavi, parum attentus, (quippe de styli elegantia minus sollicitus, quàm de rei essentia,) an una eademque vox occurreret saepius, & à scriptoribus subinde plus semel adhiberentur vocabula, *mirum, mirabile, miratu dignum &c.* Ex Gr. Observatione prima, exstat *mirabilis calculorum sectio in Octogenaria.* Observat 35. *mirari subit, os uteri internum in partu prolabi;* & paulo post, *mirum dictu, quanta monstrositate sese obtulerit eo tempore dictum os uteri.* Observ. 28. *dolores aegrotus tam viriliter pertulit* (sc. in amputatione Penis cancrofi) *ut omnibus admirationi fuerit.* Observ. 95. *post dysuriam scirrhusa Intestini recti incrassatio, & mira coarctatio, & similia.*

Hoc aegrè fert altoque supercilio despicit mirus & mirandus noster scurra; quinimò vitio id mihi vertit. Sed quid quaeso hac in re mali? an haec depuratas ejus aures laedunt? verùm ut morem ipsi geram, curabo in posterum, ne unum idemque vocabulum saepius occurrat secunda in editione.

Caeterum non plenè intelligo, quid sibi velit illud *de Mennonista* vel *non Mennonista & Petro*. Id forsan ipsi bilem movet, quod in *Observat.* meis nomen Petri occurrat. Inposterum, ut omnem cavillandi ansam ipsi praescindam, de LAMBERTO loquar; vel NICOLAO, & si Mennonista non sit PETRUS, sit igitur LAMBERTUS, sit NICOLAUS, quod si autem posterior Mennonistae titulus non sufficiat, sit porro ingratus. Haec si non sufficiant, plura & magis celebranda addiscat ab iis, quorum sapientiae admirator existit. Quod si autem plura admiranda desiderat, curet ut edatur historia vitae mirandi Godefridi, in qua mirabilia innumera occurrent; utpote miranda & in admirationem usque cognita ejus modestia; mirabilis vitae ratio, admiranda literarum & eloquentiae scientia; mirabilis ejus Anatomiae & Physices cognitio; imò miranda & consummata in arte Medica ejus imperitia.

Plura proculdubio errata Typographica vel Latinitatis per festinationem irrepserunt, quae L. non malevolus facile corrigit; auctor tamen sim Bidloo, ut distinctum magis examen instituat, antequam seriem errorum conscribat, ne iterum talia, quae facile ex auctoribus probari possunt, pro erratis recenseat, quod vitium admisit in praecedentibus ubi Ex. G.

Pag. 10. l. 19. quod quartam propositionem attinet, lege Valer. Maxim. l. 1. c. 1. de religionè exemplo 14. *Sed in his quae custodiam religionis attinent.* &c. Visuntur, pro Videntur. Terent. Eunuch. act. III. scen. 4. v. 7. *Visam, si domi sit.* Epist. 4. pag. 8. lin. 15. *Glandulis obsitae, omnes membranae, praecessit, dicuntur.* Sed cedamus, utrumque dici, probabo, ut in Corn. Nep. in vita Paus. cap. ult. *dicitur eo tempore matrem Pausaniae vixisse.* Epist. 3. pag. 4. lin. 2. *sciebat sciebam,* corrigit, non vidit vocabulum *animum* praecessisse, quam vocem respicit verbum *sciebat* lin 15. & pag. 9. lin. 9. *admirari in me illam:* non id, ut noster, passivè concipio, sed tanquam deponens. *Honore consecuto:* non legit Varronem, qui habet verbum *consequor* passivè. Ex. Gr. *consecuta ansa.* Vide Vossium de arte Grammat. l. 5. cap. 6. toto & infinita alia.

E I N I S.

9
FREDERICI RUYSCHII

*Anatomes & Botanices Professoris, Academiae Cæsareæ
Curiosorum Collegæ, nec non Regiæ Societatis
Anglicanæ membri,*

ADVERSARIORUM

ANATOMICO-MEDICO-
CHIRURGICORUM

DECAS PRIMA.

In quâ varia notatu digna recensentur.

CUM FIGURIS ÆNEIS,

CUI ADJUNCTA EST

MICHAELIS ERNESTI ET MULLERI

EPISTOLA PROBLEMATICA

Ad V. C. FRED. RUYSCHIUM

DE

OVARIO NOVO.



AMSTELODAMI,

Apud JANSSONIO-WAESBERGIOS.
MDCCXXIX.

ADVERSARIA ANATOMICA.



Itam mihi, sanitatem, animum, atque vires benignissimè largitus est Deus Ter Optimus Maximus, ut cum gaudio absolverim jam pridem Thesauri mei Anatomici decimum. Constitueram opus illud continuatâ porrò serie producere; sed re penitissimè expensâ mutavi sententiam: quia longè magis me prodesse pòsse Lectoribus credidi, si omnem deinceps facultatem, quâ Deus me ditabit, impendero conscribendis iis, quæ puto à me vel primo fuisse inventa, aut si forte Alii me prius derexerunt, clariorem tamen in lucem per me protracta, jure quodam mihi fas sit asserere.

Quum verò super hoc negotio cum animo meo seriò, & diu deliberarem, auspiciò in memoriam venit propositum egregii Johannis Baptistæ Morgagni, quod in Medicinæ eximia commoda profecutus fuit, dum titulo Adversariorum Anatomicorum evulgavit ea, quæ eleganti industria repererat, aut revocaverat ab interitu, olim tamen cognita. Quoniam enim ita instituenti animum opus haud est, ut de concinnando rerum ordine multum sit sollicitus, parcit tempori, rerum observata auget, effugit repetitionem, longeque magis incumbit gravi materiæ, quam inanibus ornamentorum. Imitari conabor id ipsum, ut oportunitatem nanciscar, quâ emendem errata mea Anatomica, quæ ipse fortè in aliis meis olim scriptis commisi: Quis enim mortalium omnibus se horis sapere jactet? Quis ab errore immunis? de me, id vel cogitet, absit! Satis superque vidi, atque dolui, hinc inde excidisse festinè, quæ maturescentis senii prudentia aliter dictata vellet, multumque referre, an juvenili impetu efferantur quædam, an verò ab Octogenario multos pressa in annos prodeant. Sed & simul utar lege, quæ cunctis præscripta est naturæ

Cultoribus: scilicet, si erroris quid perspexero in operibus alienis, monebo audacter; neque tamen hac ego gratiâ Eosdem aspernabor: quia homini impossibile puto, ita benè subductâ ad scripturam ratione esse, ut nihil postea vel ipse corrigendum æstimet.

Ipse gaudebo sane, si quis in meis deprehensa vitia in melius commutet: *Damus hanc veniam, petimusque vicissim.*

I.

*De Conceptu foecundo, Seminisque recepti
hospitio & viâ.*

AD conscribendam naturæ ipsius pulchrè intellectæ historiam observata per sensus prius requiri, id satis superque constat; atqui in illa nihil cognitu difficilius, usuve prætantius, legitur, quam enarratio sincera eorum, quæ in animalibus, maximè autem in homine ipso, spectari queunt; cuius interim descriptio nusquam minus certa vel clara habetur, quam ubi occupatur in contemplatione ortus ipsius: quare Alexander, ut præclari quid in hisce addisceret, immensos adeò Thesauros effudit, quibus utens Aristoteles indagavit hanc Physices particulam, quæ circa generationem animalium versatur. Et profecto maximus inter veros Philosophos habendus Guilielmus Harvæus, qui ut orbis eruditi lux, ita Brittanniæ intaminatus honor, plus promovit hanc historiam solus, quam cæteri unitis laboribus; huic quippe Serenissimus Magnæ Brittanniæ Rex, Carolus primus, animo verè Regio, quam generosissimè largitus est, quæ vota Harvæana tantum opus molientis petebant.

Mihi ergò sensa hujus consulenti mirum semper visum fuit, quod velit, statim à coitu atque foecundo conceptu incisus foemellis nihil Seminis Masculini in Utero, ac in cavis Tubarum Fallopii, apparere. Asserti quidem hujus veritatem auctoritas Viri asseruit quam plurimis, mihi reliquit semper dubium. Circumspexi ideò à multis abhinc annis ad omnia, quorum indicio scire possem, quid in hac re doceret ipsa rei speculatio. Rarum est, quærenti eventum respondere in hisce:

ce: rarissimum omnium, in ipso corpore humano cernere, quid hujus rei contingat: quare mihi, bis jam hac contemplatione fruente, visum est vobis, Viri Nobilissimi, explicare rem utut reperi.

Juvenis ætate atque vigore corporis, utpote trigesimo vitæ anno nondum perfunctus, formosâ meretricis pulcherri-
mæ facie plectus, eò rem deduxit denique, ut complexu venereo illius, suis ex votis frueretur. Simul ac verò suam voluptatem expleverat, detestabili facinore scorti jugulum ita discidit, ut extemplò moreretur: statim nos duo poliatri, si-
mul cum chirurgis, jussu Magistratus eò missi, ut cognosce-
remus conditionem vulneris, atque de eâ Judicibus renuncia-
remus scripto.

Deprehenduntur à nobis Vasa sanguifera Colli ita abscissa, ut illicò inevitabilis mors subsequuta fuerit: cum verò scirem, quæ contigerant, incidi abdomen cupidissimus videndi ea, quæ in Utero atque partibus conceptui propriis forte occur-
sura essent.

Quam prudentissime ergò Uterum, Ovariorum ductus, & annexa, Cadaveri exemi: vidi Os Uteri clausum, lenissimè digito pressum se aperire, atque seminis guttulam dimittere, statim suspicatus, quid rei futurum esset, coram Viris Erudi-
tissimis atque faciundo Medicinam claris, Henrico à Bronck-
horst, Hermanno Schyn, & Justo Freder. Ritmeyero, Me-
dicinæ Doctoribus, Uterum secundum longitudinem suspensâ manu, ne quid turbaretur, aperui; vidimusque cavum Uteri albo, naturali, atque bono semine masculino repletum, u-
tramque etiam Tubam Fallopianam eodem semine plenam: quare miro hoc phænomeno bene ab omnibus perspecto, illicò cuncta hæc immisi liquori meobalsamico, ubi sicuti illis Clar-
viris prædixeram, induruit semen locis iisdem atque adhæsit, ut vel jam adhuc luculentissimè videri queat, nullâ omninò re mutatâ, nisi quod cuncta jam vi liquoris obduruerunt. Idem olim vidi in cadavere mulieris cum adultero deprehen-
tæ in adulterio, statimque à marito deprehensore interfectæ, ut descripsi in Thesauro Anatomico, quem ordine vto. evulgavi. Hinc suspicor ad foecundum conceptum, ipsum crassum se-
men in interiora Uteri, & Tubarum Fallopianarum recipi, non tantum id, quod spirituum exhalantium specie eò per-

vadere quacunq̃ue demùm viâ Harvæani autumant. Testatur Fallopius sæpenumero se in Tubis hisce verum Semen deprehensum plurimis Spectatoribus observandum præbuisse. In Observ. Anatomicis. Vid. & de Graaf, de generat. mulier. Cap. xiv.

I L

*De Ovario, ut habetur, novo, & de
Hydatidibus plura.*

QUum verò Genitales in foeminâ partes adeò compositæ sint, mirisque intricatæ involucris, simul rara adeò ipsis oculis spectaculorum circa fabricam tempore foecundationis occasio, quis miretur varias hinc exoriri scrutantibus sententias super iisdem rebus! Ideo post binas, quas modo descripsi, observationes, commode dabo responsum Epistolæ, quâ me decoravit publicis excusâ typis Vir Clariss. Mich. Ernestus Etmullerus, anno jam elapso; fatius quidem fuisset respondendo obsequio citius defunctum me fuisse, fateor, at varia, neque temerè effugienda negotia, votis sæpe meis obstant, occupato autem homini, longè magis seni, familiaris nimium agendorum procrastinatio atque tarditas quædam singularis.

Scripserat quidem in illa Vir præclarus, Dexterrimum artis Anatomicæ cultorem Martinum Naboth existimare, inventum sibi novum, fortè unicum, Tertium saltem Ovarium, rejicere ideò illa pervulgata duo, quæ omnes hætenus pro veris admiscere post Harvæum Ovariis muliebribus, neque agnoscere nisi unicum hocce novum pro vero. Quum verò Celeberrimus & præclarus Professor Etmullerus meam super novo hoc dogmate sententiam pariter requirat, tamen responsum haud festinavi, quia innumeris occupabar scrutationibus structuræ Viscerum aliorum, tum etiam, quia prius necesse habui in cadaveribus muliebribus omniaperquirere, denique, quoniam ea jam argumentorum pondera Etmullerus attulerat, quibus multa addenda me habiturum esse vix sperabam. Profitetur igitur palam, plurima me cadavera foeminina, eaque variæ valde ætatis, incidisse, atque intento perlustravisse animo & oculo, neque tamen unquam in cavo Uteri vidisse aliquid.

aliquid, quod ullâ omninò specie Ovarium verum referret. Deprehendi quidem interius in Utero circa ejus Collum Fabricam talem, qualem Eruditissimus, atque Elegantissimus Morgagni descripsit operis sui Pag. 11. §. 14. Depinxit verò quàm exactissimè Tab. 3. supra literam K. rugis, fibris, valvulis contextam. Ibidem loci frequens sic satis est cernere Hydatides vario ut numero & situ, ita & magnitudine. Videtur autem harum quasdam tum forte occurrentes Laudatissimus modò Auctor citato eodem depingendas curavisse loco.

Nunquam verò cogitandum erit, has ipsas vel Ovarium, vel aliquam illius partem, constituere. Neque certè Perspicacissimus Regnerus de Graaf in aureo de Genitalibus Mulierum libro, capite septimo, postquam descripserat has Valvulas, nec minus nitidè Tab. ix. sub literis D. C. E. & Tab. x. Lit. H. K. L. depinxerat, unquam somniavit de statuenda hic Ovarii sede. Videtur tamen Clarissimus Naboth contemplatione eorum, quæ jam descripta dedi, in sententiam hanc nimis profectò præceps incidisse. Quæ autem Egregius Vir argumenta allegat, ut paradoxum suum firmet, diluit Insignis Etmullerus. Profectò audacter nimis auctor ille asserit, *Conceptum fieri potuisse absque subsidio ullius Vesiculæ ex Testiculis Foemineis oriundæ, & mulieres concepisse, imo peperisse, quæ tamen omnibus Testiculorum Vesiculis caruerant.* Undenam, quæso, id perspectum fuit? quibusnam documentis evincitur? quonam modo probari unquam poterit, his Foeminis tempore conceptus nullas adfuisse Vesiculas? an quia post gestationem, partum, mortemque, nullæ inventæ fuerunt? nemo certè facile patietur debili adeò ratiocinio eripi sententiam, quæ Accuratissimorum Virorum sagacissimâ indagine tanto annorum successu plusquam probata fuit, & accepta. Neque multum proficit exemplo, quod ad asserendam opinioni suæ fidem citat ex auctoritate Clarissimi Professoris Christiani Schambergii, quum ait: *In incidendo cadavere puerperæ ilicò post partum difficilem mortuæ invenisse molem Testium solitâ magnitudine quadruplo majorem, intra eos verò nec Vesiculas, nec Glandulas; sed abundantis pinguedinis, cum pilis intermixtis, copiam.* Namque morbi nativam partium fabricam subito mutant, sæpeque constitit novem mensium gestationis

tempore ipsa Ovaria omnium minimè Vesiculas suas offerre, sed toto hocce decursu in officio suo, quasi otando, feriari: imò verò ne tunc etiam, ut & ilicò à partu haud apparet illa interior Colli Uterini structura. Ipse ego sæpenumero Steatomata ejusmodi reperi in Testibus; quin & à longo tempore inter Musæi mei rariora asservavi Ovaria, in quibus Atheromata inveni pultaceà plena materiâ, neque id modò, verum Dentes veros, atque ex amussim factos, dispositos autem racematim ibidem repertos figurâ dudum expressi in Thesaur. Anatom. 10. ut & alium dentem humanum in Atheromate Ovarii stabulantem reperi, qui nunc à capillo pendens, tenetur pede anteriore sceleti nitidissimi murini in eodem meo armario.

Quam improbabilis, ne gravius apponam quid, est enunciatio Nabothii, qui statuit Tubas Fallopii, neque virile semen ex Utero ad Testes, neque ab his in Uterum Ovula contenta deferre?

Utinam ponderasset Vir Egregius paulò majori cum curâ, quæ Viri Clarissimi, Graafius, Hornius, Drelincourtius, Swammerdammius, Cyprianus, Nuckius, Malpigijs, tota in Britanniis & Galliis eruditissima Societas, tot experimentis, Embryonum, Abortuum, Partuum, Monstrorum, in hominibus brutisque observarunt, atque conscripserunt! utinam trutinasset sollicitus quæ in recentioribus Academiæ Regiæ Parisiensis monumentis habentur de Foetibus in ipso Ovario, in omni parte Tubæ Fallopiæ, æquè ac in cavo Uteri repertis! haud crediderim ob unam, aliamve levem satis ratiunculam deserturum fuisse systema, cui statuendo tot, tamque Egregii Viri operam navaverant; haud quaquam porò dubito, quin optimus opinionis hujus Auctor, prælectâ Observationum præmissarum utrâque, cessurus sit veritatis viribus.

Denique video D. Naboth proferre contra vulgarem Medicorum Doctrinam, quod Tubæ Fallopiæ sæpe circa Fimbrias suas laceras ita constrictæ fuerint, ut coaluerint omnino. Vera quidem hæc agnosco expertus. Sed quid inde infertur! profectò id unum, per morbos hæc contingere scilicet. Nunquam tamen exemplo vero constitit mulieres, diu postquam utraque Tubarum concreverat penitus, concepisse, sciant

sciant hac occasione Anatomes studiosi verissima esse, quæ dudum evulgavi scribendo: aliquoties me observasse Fimbrias Fallopiæ Tubarum in unum coaluisse cum Ovariis ipsis. Ut enim Anatomicorum decus, amicusque mihi, dum fata sinebant, integerrimus, Regnerus de Graaf, id ipsum haud tantum observavit Lib. de Genital. mulier. Cap. 1. sed & icone vivâ expressit Tab. XIX. fig. 5. & fig. 1. literis C. F. atque Fallopius id toties viderat, ut in Institut. Anatom. id fere semper putaret, sed errorem correxit in Observ. Anatom. ita ego ipse specimina talia in Musæo meo adservo. Quia tamen Insignis inter Anatomicos Morgagni, posteaquam id in Observationibus meis Anatomico-chirurgicis legerat, dubitavit an sæpe fieret, nec videtur ipse illud unquam oculis spectasse suis, promptus sum profectò, qui Eximio atque Meritissimo Professori, si id modò velle rescivero, transmittam ipse specimen ritè paratum, ut conservari queat, in quo rem ipsam contemplabitur; quum plura exempla præsto mihi sint. Neque diffitebar interim, quum res ipsa ita se habeat, longè frequentius me illud fuisse expertum in vetulis, decrepitis, effoetis, quàm in corporibus juvenilibus.

Quæ quidem omnia, ut ad propositum revertar denique, id efficiunt, ut firmus credam certusque, quod tamen tanti Viri pace dictum velim, Ovarium illud fictum Nabothianum fuisse modò Hydatidum, inter rugas Valvulosas Os Uteri internum obsidentes natarum, congeriem. Hydatides autem hujusmodi, ut in omni morbo lento partes quascumque occupant, ita viscera præprimis infestare interiora observantur frequentissimè. Ego verò censeo Hydatidas esse extremitates Vasorum sanguiferorum, quæ priorem suam mutaverunt naturam, atque in vitiosam degeneraverunt fabricam. Id didici maximè ex eo, quod Placentas, in quibus nulli Lymphæ ductus inveniuntur, aliquoties spectaverim Uterinas, imò & inter mea asservem hucusque quæ unam partem omninò in Hydatides conversæ sunt, aliam verò partem sanæ, quin imò habeo alias, quarum tota fere in Hydatidas hæc permutata cernitur, quæ alii habuerunt pro falsa conceptione. Jecinora quondam inveneram, quæ etiam penes me recondita servo, quorum tota moles abierat penitus in Hydatides. Demonstrare quoque possum in Musæo meo Peritonæum Hydropicæ foeminæ

foeminæ integrè conversum in Hydatidum texturam. Videre etiam mihi quondam contigit in ipso plexu Choroide Hydatidum quam plurimas. Neque tamen usquam frequentius reperias id genus mali, quàm in Abdominali regione; ita tamen ut longe plus, & acerbius foeminas infestet, quam viros. In ipso autem corpore foeminino magis ovaria, quam alias partes, occupat. Quam mirabile est, licet sit adeò frequens, videre ampullulas aquâ turgentes ab ipso pendere tam Utero, quam ab annexis illi partibus, quæ Uniones sanè referunt hærentes à pedunculis varietate longitudinis admodum diversis? huc autem advertas, quæso, animum: nascuntur aliquando ex Hydatide parvâ utres ingentes profectò, dum exiguo ab inchoamento crescit assiduo novi humoris appulsu in terribilem molis immanitatem, quâ totum abdominis cavum ad crepaturam usque repletum visum quandoque fuit. Malum sanè frequentius multò, quàm creditur. Fit eâ re morbus, quem Hydropem clausum vulgus appellat. Qui absque undulatione est, uniformi, durissimèque tenso tumore manifestatur, neque patitur prementi cedere partes, nec sonum edit ullum oscillante corpore. Memor equidem pulchrè sum casus, dum in cadavere muliebri, aperto abdomine inveni saccum aquâ turgidum, adeò certè magnum, ut serosi liquoris copiam contineret, quam novem vulgares urnæ (quas *water-emmers* Batavi appellant) tantum capere poterant. Mirum verò, extrâ membranaceum huncce saccum nihil in Abdomine præterea inveniebatur laticis.

Ipsæ autem capax hicce saccus ex Hydatide expansâ, in molem hanc vix imaginabilem increverat, interimque pro rato, quo increfcebat, pellis ejus incrassescebat simul. Quod etiam in omni ferè simili tumore fieri solet. Quid enim? in Ganglione, Atheromate, Meliceride, Talpâ, aliisque id genus Tumoribus, quæ in principio tenues erant pelliculæ, ubi multum increvit Tumor, instar crassioris, lentique corii spissantur. Ipsa quoque Vesica urinaria diu à magno extensa calculo se ipsâ multis vicibus crassior reddi toties conspicitur; quod qui ignorant, infelicissimè sæpe hâc de causâ in Lithotomiâ errant Artifices.

Omnia nunc hæc observata nos docent, haudquaquam absolum esse, si dixero, ut jam ante, Hydatides hæc circa
Uteri

Uteri internum Os in cavo ejusdem sæpe natas mirabilia quam plurima efficere.

Manum ergò subducerem de tabulâ; nisi unum alterumve adhuc Viro Celebri memoratum vellem: dissecuisse me scilicet ante quadraginta & sex abhinc annos in demonstratione publica Cadaver mulieris, atque invenisse in cavitate Uteri ejusdem Embryonem, qui corpore suo toto æquabat Hordei mundati granum, simulque quam clarissimè deprehendisse in ipso Ovario cavitatem quandam hærere, quæ manifestò habebat Ciceris magnitudinem, cujus concava facies sanguinolenta spectabatur atque rugosa, planè eodem apparatu, quo concava Uteri superficies ilicò à partu semper videtur. Forte quoque fidem receptæ asserit sententiæ pulchri exempli speculatio; etenim Uterum muliebrem conditum habeo, cujus Ovarium multa continebat Ova, ex quibus crepantibus, festisve, exsiliit lymphaticus humor, verum inter plurima horum unum spectatur Ovario adhuc adhærescens, interim tamen imprægnatum fœcundatione genitali, ut Tibi cernere datur contemplanti annexam hic figuram. Ad Te se convertit mea scriptura Clarissime Etmullere, qui occasionem fecisti huic dissertationi, quam locupletissimo augmento amplificare datum esset, nisi actum non agendum scirem.

III.

*De Glandulis Cutis humanæ, atque de
Papillis nervosis.*

AGite jam, experiamur quid sensus de hisce doceat? utraque Cuti adesse asseruere Steno, Swammerdam, Malpighius, magna illa & clara in Anatome lumina. Utque fieri natum, audaciâ asserendi hosce Auctores multum adhuc superaverunt cæteri, licet minus instructi fuerint experimentorum supellectile, sed fœcundiores figmentis. Vidi ita quondam Iconibus has ita delineatas, ut obstupuerim merito ad infrænata adeò licentiam fingendo, spectâ Tabulas, quibus Celeberrimus Prof. Bidlous hasce depictas evulgavit in magno suo opere Anatomico, confer deinde accuratam rei ipsius

B

con-

considerationem, ut videas quam sibi indulgeant sæpe Auctores, quantâque sit circumspeditione opus, antequam tuto iis fidat Philosophus. Fateor interim, post tot molimina nunquam Glandulas hasce detegere me ita valuissè, ut eas describere possèm, imò ne videre quidem licuit. Devinctum itaque me profiteor Illi, qui eas ibidem existentes oculis exhiberit meis. Interea loci unicuique spectatori harum deliciarum idoneo demonstrare jam possum, & quidem jam tantum, Organum nervosum cutaneum tactui exercendo proprium dictum. Quum enim haud ita dudum Vasa sanguifera in binis Cruribus humanis materiâ meâ replerem in alios usus, aliudque prosequerer eo ipso propositum, bonâ fortunâ & auspiciatò evenit, ut ita replerentur ambo, ut undique penitus ruberent præ innumerabili Vasculorum multitudine. Hoc ipsum quum lætabundis perlustrarem oculis, ilicò liquidò advertèbam toto Cutis tractu plurima loca esse albicantia, turgidula tamen, atque in obtusum elevata apicem, denique Pilis enatis originem clarè præbentia. Quæ contemplatus facilè censui Nervosas hasce extra minima Vasa repleta Papillas esse habendas. Facit imprimis eò mira simul observatio, dum toto Cruris, Pedisque ambitu evidenter ubique cernerentur, neque tamen ulla inveniretur in convexâ parte Pedis, quam dorsum ejus vocant vulgò. Quid inde? an tactui minus est apta nata hæcce pars? omnino. Experire, & invenies. An ibidem igitur nullæ adsint? id haud dixero. Forte minores, aut profundius sitæ, minus apparent. Fateri tamen cogor, me ipsum olim, & sæpe, credidissè non modò, sed & scriptis asseruisse Glandulas hasce cutaneas adesse. Sed magis id egi præceptis, & abreptis auctoritate omnium fere Anatomicorum, quam veris experimentorum documentis. Scire tamen est, inter cuncta argumenta nullum plausibilius esse, quod Glandulas hasce doceat adesse, quam mira illa in morbis tubercula, quæ toties sub Cuticulâ ex ipsa se Cute elevant, atque protuberant.

Ipse utique in armario meo plura talia spectanda servo. Verum, ubi cum curâ hæc examinavi, putavi Glandulas non esse, sed Epidermidis quasdam elevationes.

Neque alienum me fateor à sententiâ, quam Amicus meus Clarissimus Hermannus Boerhave, Botanices, Medicinæ,
&

& Collegii Practici Professor publicus in Academia Lugduno-Batavâ ore, & literis, mihi explicuit.

Ille scilicet reperit sub Epidermide in ipsâ Cute, aut quandoque infrâ ipsam, hærere parva quædam receptacula, rotundula, ambitu tenuis membranulæ confecta. Hæc quidem superiori, quâ Epidermidem spectant, parte aperta observat ita, ut angustato tamen orificio conniveant, neque facile nimis contentum humorem erucent. Vidit quoque evidenter Epidermidem ipsam pertusam ibi, ubi hæc folliculorum emissaria adsunt, ut ex specu cavo cum folliculo cavo in orificia eorum angusta, ex his per apertam super eâ Epidermidem iter sit quandoque patulum. Membrana constituens Vascula hæc undique pertunditur per extremas fistulas adferentes humorem blandè pinguem, dum recens omninò huc allabitur, est enim tunc tenuis, limpidus, inodorus, insipidus. Ubi verò receptus hic loci quâcunque inertia diutius hæret, exhalante ejus parte liquidissimâ inspissatur, tenax redditur, utque oleis ferè proprium ceræ tenacis indolem adipiscitur, stagnat, vix perspirat, augetur, tubercula creat, & morborum cutaneorum frequentissimam, licet prætervisam, causam præbet. Putat autem humorem hunc unctuosum, in sanitate incolumi, emolliendis, laxandis, à rigiditate & ariditate præservandis, in flexilitate requisitâ conservandis extremis inservire; defectu verò ejusdem diros excitare morbos. Hunc esse asserit oleosum liquorem, quem recentissimis inventis oculis spectabilem reddit Leeuwenhoekius, ut ipsi mihi per comitatem ejus insignem videre licuit. Hunc esse eundem, quo inuncta cernitur largissimè facies sanorum, simul ac blando ad saturitatem somno refectioni splendentem quasi ex inunctione olei vultum exhibent.

Hanc ipsam pinguedinem Capillos inungere, juxta eosdem defluere, atque flexilitatem iisdem conciliare unctuosam, ne ariditate findantur, qui aliter unus est inter morbos capillorum. Deprehendi imprimis hæc organa iis corporis locis, ubi partes magis exponuntur aëri, sibi mutuò magis contiguæ sunt, aut attritu quodam maximè agitantur. Unde ad palpebras, faciem, nasum, axillas, inguina, præputium, nates, pedum inferiora, imprimis apparent. Quando liquor hic spissatur, facit illas exiguas papillas albas, quæ glandes valde parvas refe-

runt, in facie frequentes, inprimis in naso: hæ pressæ fortiter eructant lentam materiem, albam, ceraceam. Si folliculi magis replentur fiunt tubercula parva, quæ partes contiguas leniter inflammando, rubedinem, pruritum, pustulas faciunt varii coloris, adspectus ingrati. Quando deinde turgent magis, crassamentum incipit per meatum folliculi usque ad superficiem Epidermidis per meatum illius exire, & quâ parte aërem experitur cærulescere, vel nigrescere, in apice; si tum fortiter premitur intra binos oppositos digitos, tum ex ampullato receptaculi ventre lenta materies per angustatum collum pressa, in ipso hoc transitu formatur in cylindrum contortum, qui apice nigro, longo, albo, intorto, corpore, tam exquisitè vermiculum refert, ut Medici pariter & idiotæ decepti hâc imagine putent se vermes cutaneas oculis vidisse.

Verum quando magis increscens magisque, turget aggesta materies, tum Atheromati, Meliceridi originem dat veram & unicam, prout materies pulti, vel cerato melli magis afflulatur. Quin etiam, quando tubera talia maligna evadunt Lepram, & Cancrum cutis; nec non Elephantiasin, excitari autumat. Atque huc usque animi sui sententiam super his mihi explicatam paucis dedit, poscentique evulgare hac occasione concessit: posset verò eam locupletissimis rerum documentis amplificare, atque hinc docere veriozem methodum affectus cutaneos curandi. Neque ego ipse hisce magis investigandis deëro: interim tamen nemo corpora hæc potius Glandulas, quam receptacula humoris pinguis vocabit. Tu interim vides, mi Lector, haud ita insulsum me esse, ut esse negem, quidquid propriis non usurpo oculis.

Abfit talis à me vanitas. Id assero verus, mihi nondum visas esse, ideoque devinctissimum me fore illi, qui luculenter easdem indicaverit. Neque est quod putet quis sudoris excretionem absolvi per subcutaneas Glandulas, licet plerique ita assentiantur præeunti Excellentissimo Anatomicorum Marcello Malpigio, nihil minus: nam ultimæ Arteriolarum extremitates, quæ tomentosæ Gossypii tenuitatem plurimum exsuperant, canales sunt ipsi, quibus sudoris transmittitur materies. Eadem autem fistulæ exhalant etiam specie invisibilis fumi emeritos humores ex corpore & superfluos. En verò
ex.

expansum mihi campum hîc latissimum exspatiandi per varias Aliorum super his, quæ modò exposui, sententias. Sed abriperent me hæc à proposito meo, ut scilicet manifestos errores, quos in Anatomicis Ipse commiserim, vel alii, absque ullo odio, solo veri amore, exponam.

I V.

*De Glandulis aliarum partium
membranosarum.*

INteriora Cerebri cava, Ventriculos vocant Magistri, Pleuræ ambitum interiorem, Pericardium, Peritonæi cavitatem, Tunicamque Testium vaginalem dictam, semper madere, lubricari, vaporoso humore allui, omnes norunt. Neque minus evidens habetur laticem hunc in cava illa pulsum liberè fursum inde emanare retrogrediendo. An verò opus illud efficeretur Stenonianis, & Malpighianis Glandulis, quas egregii hi viri ponunt hos in usus membranas illas ubique obsidere? diu dubitavi. Verum, postquam arte singulari usus detexi nunquam satis admirandam Arteriarum extremarum tenuitatem, facile perspexi ad scopum hunc nec opus esse Glandulis, imò verò neque easdem ibidem reperiri. Fatetur id sanè magnus Malpighius asserendo Glandulas hasce in statu sano conspectas haud fuisse, sed in morbis, ubi dilatatae sunt, & auctae, demum conspicuas fieri. Fateor in hoc argumentandi genere speciem subesse persuasionis. Sed tamen putem corpuscula, quæ apparent in membranis dictis, non esse, nec fuisse, Glandulas. Contrà verò clarum mihi quidem videtur, extremitates Arteriarum obstructas abire in tumores præternaturales, mutatâ penitus nativâ formâ. Nonne Aneurisma, Varix, Phlyctæna, atque alii similes morbi, exempla clara exhibent? Qui itaque asserit Glandulas esse ibidem locorum, in sanitate demonstret oportet: id enim Anatomici est, de non exploratis silere potius, quam luxuriosè excogitare.

V.

*Rursum de Glandulis aliarum partium, & de
Papillis tactus quam plurima.*

QUO magis sedulò, & diu perscrutor corpuscula, quæ in corpore nostro ab Anatomicis Glandulæ appellari solent, eò magis certus fio, Glandulas haud esse, quæ vulgato sermone ubique pro talibus recenseri solent. Neque ullo modo video, corpuscula, quæ sita sunt in averfâ parte coronæ Glandis Penis virilis, Glandulas esse; licet subtilissimus Morgagni cum aliis pro Glandulis agnoverit in adversariis. Mihi interim, salvâ Viri Egregii auctoritate, apparent istæ eminentiæ habendæ esse pro Papillis Nervosis ultra superficiem in limbo coronæ Glandis assurgentibus, quæ, ubi orgasmo venero tensæ, atque molli frictu pressæ sunt, summam in hoc opere delectationem excitant. Verùm quoties tabo virulento impuri scorti inquinantur, fœdo sanè spectaculo intumescunt, atque deglubente acrimoniâ concepti veneni tenuem, quâ tegebantur, pelliculam, nudatæ atque erosæ atrocitatem intolerabilis doloris sævissimam experiuntur: quod summo est argumento Nervorum magis, quam Glandium, naturæ affines esse. Novi equidem Pilis hisce locis Papillas carere; sed neque id in pulposo digitorum apice fit, ut etiam non in volâ manus aut pedis plantâ, quibus tamen locis omnia Papillarum plena. Notavi jam dudum extrema Vasorum sanguiferorum singulis fere plagis corporis quam maximè differre in structurâ, quâ constant. Verùm etiam didici deinde id ipsum quoque in Nervorum obtinere extremis: alias quippe in superficie interiori Palpebrarum deprehendi, rursus in Papillis Mammarum mirè differentes eas, quæ in eminentiori harum parte adsunt; in Linguâ autem mirificè iterum diversas ab iis omnibus, dum & in Cute locatæ iterum longè recedant à specie, quâ præcedentes prodeunt. Observavi namque quibusdam locis corporis tantâ has copiâ haberi, tanquam propinquâ necti vicinitate, atque concinno adeò disponi ordine, ut inter illas spatii vix aliquid intersit, imò ut & extra superficiem

ficiem Cutis emineant, ut jamjam in toto observavi Pene, unde tantæ voluptatis capax, tantoque obnoxia dolori, pars hæc deprehenditur. Illæ autem, quæ profundius immerfæ sunt Cuti, videntur infervire huic proposito, ut basin præbeant nascituris Pilis; atque hæ quidem ipsæ numero habentur longè pauciores, neque etiam in conspectum se produnt oculis nostris, nisi prius pilosæ alicujus partis Vascula cuncta materiâ meâ rubrâ omninò repleta sint, ita ut nullus ramulus illorum absque hacce cerâ sit. Id verò jam pridem modò reperi, atque præstiti in Crure humano, quod coram ostendi Viro in Medicis & Botanicis incomparabili Boerhavio. Etenim id mirabile, in hac præparatione omnia extrema Vascula exceperunt hanc materiem, atque rubescunt, solæ autem illæ Papillæ, ex quibus Pili nascuntur, intactæ remanserunt, atque singulari suo colore nativo albo quam distinctissimè se interstinguunt ab omnibus vicinis ruberrimisque partibus. Quid verò sentiendum sit de Papillis his in Pene, Linguâ, Palpebris, aliisque partibus, postea dicam, quum in hisce investigandis omne locum subcissivum tempus.

VI.

De Corde.

JUre sibi proprio Cor principatum inter cætera viscera sibi vindicare omnes fere autumant; id omninò certum habetur, multa in fabricâ ejusdem necdum satis extricata prostare; meretur itaque ex hac excellentiâ simulque obscuriore structurâ, & proprietatibus aliqua de ipso notari. Haud ita bene Anatomici situm illius, atque naturalem locum Nobis descripserunt. Licet enim in Thorace locatum illud universi asserant, quem tamen ibi obtineat situm, id verò haud ita verè depingunt. Godefridus Bidlo in magno opere Anatomico ita expressit, ac si penderet, apice coni Diaphragma, basi verò Jugulum spectante. Id animalibus, quæ natura prona finxit, commune, nunquam in corpore humano. Scilicet in eo Cor Diaphragmati ita incumbit, ut illa ejus pars, quâ id attingit, quasi incumbentis suo pondere compressa esset, quod nusquam in quadrupedibus pronis obtinet.

Con-

Contra verò in hisce conî speciem figura Cordis æmulatur, quod tamen Cordi humano haud ita verè adscribere fas sit: quum forma hujus multum inde recedat, utpote curtius, atque longè compressius. Princeps inter auctores Andreas Vesalius ita hæc excudenda ut in tabulis suis curavit, ut res ipsa in homine vivente se habet. Si autem te ceperit desiderium cognoscendæ structuræ Cordis, adeas, nec pigebit, quæ, lumen clarum artis, Steno expedit. Quum enim ante Eum substantiam visceris hujus existimarent Parenchymate quodam confici, industriâ accuratissimæ indaginis detexit veram Musculi naturam ibidem adesse; demonstravit autem id ipsum adeò evidenter, ut Hippocratis sententiam firmans Musculorum quidem artificiosissimum pronunciaverit: utique finem habet ubi initium, utrumque ad basin assertum deinde fuerat omnibus receptum, omnem omninò sanguinem, qui per Coronarias Arterias fuerat ipsi Cordi datus, nullâ guttulâ exceptâ, per solam Coronariam Venam Venæ Cavæ reddi, imò & illum, qui lege circulationis ab utrâque Cordis Auriculâ redibat, unicâ etiam hacce reverti viâ. Verum ego postea clarè detexi, atque demonstravi publico, ramos quosdam Venosos ita in Auriculas patere, ut partem Venosi sanguinis exceptum ab Arteriis directo itinere instillarent Auriculæ dextræ, nunquam attactâ Venâ Cavâ, ejusve magno sinu. Sed neque novum minus fuit inventum Clarissimi Vieussens, posteaque Thebesius Eruditissimus, quum invenerant ex ipsâ Cordis substantiâ Venulas aliquas oriri, quæ sanguinem Cordis ab Arteriæ Coronariæ ramis suppeditatum patulis orificiis infunderent ipsi Cordis cavo, absque ullo in sinu Cavæ, Auriculæve cavo, diverticulo. Id ipsum sæpenumero etiam demonstravi. Ipseque Egregius Thebesius satis apertè fatetur, dum dicit: hoc Ruyschius videtur omninò olfecisse. Verum si quem cupido trahit spectandi Vasorum Cordis sanguiferorum decursum, mirabilemque texturam, me visat, exhibebo libens non modò Arterias, quæ per exteriorem Cordis superficiem se expandunt, quantoque illæ numero se exhibeant, sed & eas, quæ per interiorem ejusdem plagam distribuuntur. Aliquot elapsi sunt jam anni, quando impense lætabar, visâ mihi exili Arteriolâ, quæ interiorem occupabat Cordis superficiem: erat quippe novi quid, quo reperto delectamur omnes.

Jam

Jam verò, postquam magis hanc artem exercui, magisque demonstro cuilibet avido harum rerum spectabilem interiorum Cordis cavitatem, tot ornatam vasculis ceraceâ repletis materiâ, ut tota ejusdem fabrica merè contexta appareat ex sanguiferis ubique fistulis.

Id verò longè adhuc pulchrius est, quod Lacerti carnei; horumque tendines ipsi præ multitudine vasorum toti rube-
scant: imò verò, quod minus forte suspicari quis vellet, ipsæ illæ Valvulæ, quas dirigendo sanguinis per Cor itineri sagacissima natura dicavit, eâdem hâc arte pulchrâ vasculorum distentorum hâcce materiâ specie splendent, fulgentque.

Observes autem, Clarissime Lector, me ita injectu materiæ hujus ceraceæ replevisse Cordis vasa, ut, ubi illa pervenit ad extremitates omnium ultimas, tomento, aranearumque filamentis, tenuiores, vasculis egressa quasi effundatur, atque roris instar se expandat super molliusculas carneæ Cordis substantiæ fibras, easque rubicundissimo sanguinis colore tingat. Certusque crediderim id negotii eodem planè modo ita in vivo perfici homine, ut arte meâ in cadavere efficio: si enim sanguis suis ubique vasis coërcitus, rectoque ex Arteriis in Venas itinere transfunderetur, absque ullâ sui effusione, non posset tum nutrimentum partibus corporis nostri adferre. Denique in hisce, quæ ita præparavi, Cordibus humanis, oculis liquidò objicere queo, Vasa sanguinis, quæ transeunt per ipsa vasa sanguinea alia, ita ut & hæc ipsa per priora nutririque queant: quin etiam diversas directiones, quibus distincta hæc vasa porriguntur, dum per interiorem, exterioremque Cordis superficiem transeunt.

VII.

De Vomitu insolito.

ANimalia quam plurima nasci, vivere, vegere, generare
rursus prolem, inter alia quædam viventia animantia à
seculis prioribus jam observatum fuit; dum interim sapientis-
simi Philosophorum vix audeant de modo oriundi certi quid
proponere vel hodie. Neque est, ut quis putet solos Vermes,
C Lum-

Lumbricosve, intra homines gigni: vix credas quot species diversas casus quandoque obtulerit, vel sedula indagatio invenerit. Cupisne cognoscere, adeas, nec poenitebit laboris, quæ Diaria Eruditorum Gallica, Acta Philosophica Britannica, Lipsiensia Commentaria, Academia Leopoldina Ephemerides, exhibent, legas Diligentissimum observatorum collectorum Schenkium.

Vah quam mira reperies, quam incredibilia spectabis! dignissima interim est, & hæc historiae naturalis pars, quæ excolatur, perficiaturque. Ut symbolam dem, revoco huc, rarissimum sanè animal, quod jam in Thesauro meo Anatomico ix. icone ad vivum ductâ expressi. Ad quadrupedum pertinet genus ob numerum pedum, caudamque gerit, imò caput, & os, maximè autem Umbilicalis Funiculus ei coherens raritatem rei augent præ cæteris; integrum sic condivi, ut in plurimos durare annos porrò queat, atque spectari ab iis, quos trahit voluptas talis contemplationis. Aliud interim planè jam demum oblatum mihi possideo, quod certè limacem satis scitè refert: nonne oculi bini, forma, & magnitudo, ejusdem id docent? ut judicare queas ipse, en, sic Tibi afferro, ut peritus pictor naturam ipsam ejus figurâ exhibuit. Illud verò ipsum puella quatuordecim nata annos, una cum copioso evomuit cruore hisce ipsis diebus. Vegetum quum adhuc esset dono mihi dedit puellæ Parens, simulque adseveravit, aliquo illud à tempore vomitus supervixisse spatio, veroque aliquandiu motu semet exercuisse.

Id autem facile credes imprimis esse commemorandum, quod in corpore humano Vermes generentur tam diversâ formâ discrepantes inter se, ita tamen differentes ab omnibus aliis in naturâ rerum unquam repertis, ut nusquam iis similem illum conspiciere detur extra corpus hominis, interim horum nonnulli in plurimarum exporriguntur ulnarum longitudinem. Hos igitur natos fuisse in eodem corpore valdè proclive est cogitare. Neque nimis probabilis videri posset forte sententia Eorum, qui ex deglutitis talium animantium ovulis productos fuisse putant, de quibus sermo fuit, vermes.

Ille interim, quem rejectum à puellâ modò descripsi, prodiit demum ex illâ, postquam longo temporis spatio fuerat valetudinaria, semper de gravitate Ventriculi conquesta prius, nunquam sanitate fruens perfectâ.

Et

Et equidem verum credulitate multorum absurdissima quæque pro veris obtrusa sæpenumerò haberi & ficta, sed tamen pariter certâ fide constat prodigiis quam simillima quotidie observari, inter quæ & animalculum illud recensendum existimo, quod colore & albo & nigro variegatum vitali motu se cognoscendum præbuit.

Magis adhuc admirationem excitat contemplatio illius animalis in homine geniti, quod in Thesauro Anatom. ix. delineatum in meo Gazophylacio spectandum prostat: quia præditum est Funiculo simili ac est Umbilicalis, quin etiam latuerat in quodam corpore non admodum dissimili à naturâ Athetomatis, quod vice Placentæ fungi videbatur, inspectio veritatem rei docet, atque testimonia ibidem annexa confirmant.

Neque interim sentiendum erit, animal illud, de quo ut prius dixeram, à puellâ deglutitum intravisse in corpus, ut forte quis arbitraretur: erat enim vivens atque vegetum, neque reptatu instar limacis se movebat, sed conatu sursum, deorsumque, exercito: evomuerat etiam cruorem prius atque simul, præterea adversâ dudum cum valetudine fuerat conflictata. Neque videtur vivens in Ventriculo permanere potuisse, sed dudum mortuum, ut in plerisque advertimus animalculis, pisciculisve, qui, vivi ubi deglutiuntur, brevi moriuntur postea in hospitio vitæ sustinendæ inepto.

Cerno quidem, objici hic posse dogma hodie cunctis inconcussum habitum, de ortu omnium animalium ex ovo: verum hoc tempore id non attingo, nimis enim à meo me averteret proposito. Tu, quisquis hæc amas utilissimum tractatum perlege, quem de Vermibus conscriptum nobis dedit Expertissimus Dr. Nicolaus Andrii gallico sermone. Invenies ibi Pag. 19. Sententiam Viri esse, Vermes morbum esse corpori nostro congenitum, ipsaque, unde tandem prodeunt Vermes, Ova in nobis generari simul cum reliquis corporis nostri partibus, quæ tandem præfinito tempore fota excludant suos foetus ita, ut aliæ corporis partes humores producant quosdam ante non apparentes, aut & partes quasdam solidas. Ego etenim opinioni huic meum facile apponerem calculum, quia hætenus nullam invenio, quæ ita sit ipsi veritati consentanea. Quod si probabilem magis quis norit, rogandus erit, eam ut communicare velit.

VIII.

De Monstris.

UT prodigiosa est naturæ foetura in gignendis animalculis tam variis, ita quoque varia sæpenumero deprehenditur in mutandâ partium fabricâ, dum abire videtur à fine suo, quem ipsa sibi præscripsisse visa fuit.

I^o. Inter illa primo quidem loco ordinandos puto tres diversos foetus humanos, qui nati sunt sine Cerebro, neque ullâ gaudent cavitate in Capite penitus osseo. Horum ego binos in sceleta construxi (tertium autem in liquore meo balsamico conservo integrum) ita, ut Nobilissimus Kerkringius in suâ eum Osteogeniâ Pag. 59. icone exactè ad vivum depinxit.

II^o. Deinde satis & mirabile est, hisce adflare sceleton, cujus dextra manus atque pes dexter, digitis numerosioribus more naturæ consueto donantur: sinistri verò lateris manus atque pes iisdem abundant quoque, etenim dextra manus septem digitos, pes dexter octo possidet; sex habet sinistra cum duabus appendiculis, novem integris superbit digitis pes lævus. Vid. Pag. 55. Osteogeniæ Kerkringii, qui & ejus picturam verè dedit, itaque

*Est modus in rebus, nec semper copia didat:
Prodiga naturæ dona vel ipsa nocent.*

III^o. Foetum etiam humanum cum binis natum capitibus inter mea reposita conservo. emi illum, sed dolui, quod qui primi eum possederant minus periti eorum, quæ ad conservanda hujusmodi rara requiruntur, male eundem condiverint, unde durus jam & omninò niger apparet.

IV^o. In ove duos deprehensos Lienes, vario sitos loco, ostendo conditos.

V^o. In eodem animali quondam Hepar inventum est, in quo quinque prostabant Vesiculæ fellis. Examinaui oblatum, atque repudiavi tum, quum enormis pretii exactione deterrerer.

VI^o.

- VI^o. Clarissimus Johannes Jacobus Rau, Professor in Academia Lugduno-Batavâ Celeberrimus in Osteologicis, Myologiâ, & Lithotomiâ versatissimus, quondam demonstravit nobis Arteriam ex arcuato flexu Aortæ oriundam; quem postea & ipse casum reperi, atque adhuc unicuique exhibere videndum possum.
- VII^o. Frequentissimè maximâ cum diligentia perscrutanti mirabilem membri masculi fabricam, contigit semel mihi invenire duo diversa, satis fortia involucra, totum corpus Penis humani ambientia atque coërcentia. Illud ego ipsum descripsi in Thesauro Anatom. tanquam consuetum naturæ, sed quum de industriâ in plurimis perlustratis postea non ita invenerim, petit veritatis sincerus amor, ut jam moneam plerumque unum modò tale integumentum, rarissimè duplex, adesse.
- VIII^o. Binos foetus humanos à multis jam annis asservo in balsamo, qui per abdomen inter se concreverunt.
- IX^o. Suillos etiam binos in Uterino hospitio concretos possideo.
- X^o. Quin & alium, fere bimestrem habeo foetum humanum, cujus tam superiores, quam inferiores artus, mirè tortuosi conspiciuntur.
- XI^o. In alio itidem bimestri foetu Labium superius fissum miraris.
- XII^o. Sed horrebis fere, si videris alium in musæo meo foetum humanum, cui supra Nasum appendicula est adnata instar Colis masculi.
- XIII^o. Ovis autem Caput exhibeo conditum, cui os deest, dum Oculi situm perversum obtinent.
- XIV^o. Sed vitulum Capite privatum toto, dum una modò Auricula supra Truncum, loco Capitis promineret.
- XV^o. Multâ sedulitate perscrutabar sæpe oves quam plurimas, quibus dederat natura Pedes ultra consuetum númerum, eminentes ex nucha. Nihil verò in omnibus his magis mihi visum mirabile, quam pedes hi omni semper essent Musculo destituti, illorum verò deficientium vice pinguedine erant obfiti quam plurimâ.
- XVI^o. In alio mei Armarii angulo specto portionem Placentæ Uterinæ humanæ, instructam suo Umbilicali fune; sed, mi-

rum! pendet ab eâ foetus humani crus, cum Pede extremo, tribusque digitis.

XVII^o. Plurimos etiam ibidem adspicio foetus humanos, quorum Genitalia mirifice deformia, ut & quibus hoc vel illud abest membrum aut superest.

XVIII^o. Interim tam varios perscrutatus toties nunquam inveni Hermaphroditum verum: tamen plurimos fabulosa quæque de eo referre ubique experior. Quoscumque de hoc genere explorare mihi contigit, deprehendi Pseudo-hermaphroditos appellandos, semper enim in his Clitoridis caput, extra pudenda propendens, mentiebatur Glandem virilis membri, id verò quoties & in brutis adverti? certè dudum ex Genitalibus ovinis exemplum exhibui tale in Thesauro Anatom.

IX.

De raro Renum vitio.

Renes mirè variatâ figurâ conspiciuntur ab iis, qui attento lustrant oculo animalium diversorum corpora; rem cum fide descripserunt plurimi, quos inter in Zoötomia peritissimi eminent *Severinus* & *Duvernejus*, ille in Zoötomiâ suâ, hic in descriptione Anatomica brutorum. Boves, Ursi, Glires, Erinacei, Testudines, Aves, Renes possident superficie inæquali constructos, ut Malpighius in Tractatu de Renibus dudum accuratione illi propriâ optimè docuit, idemque in posthumis evidentius probavit. Neque ignorarunt Veteres idem illud inveniri etiam in Renibus humanorum foetuum, quibus semper Renes ita fabrefactos observaverunt. Sed in adulto hominis corpore semper fere sunt politâ superficie, æquabili, & glabrâ. Attamen in his quoque interdum, licet ætatis jam adeptis apicem, talis inæqualis, atque ex variis quasi partibus coalescens, Renum facies videtur. Vid. Malpigh. in posthum. pag. 35. Epistol. ad Spon. r. memorabile autem est id, quod bis jam mihi fas fuit observare: scilicet Renes adultorum, ubi facti sunt ut in foetibus, non modò exhibere ludentis quasi naturæ errorem, imò verò morbos excitare quam
atro-

atrocissimos, atque post cruciatus sævos tandem & lethales. Primum rei autem mihi inauditæ exemplum dedit matura Virgo, quæ in Amstelodamensi degebat Orphanotrophio. Misera hæc à longo jam tempore exquisitis adeò, & intolerabilibus torquebatur doloribus circa regionem Renum, ut ineffabile sit. Accedebant ad accessiones crudelissimorum paroxysmorum mictus sanguinei sæpe redeunt. Offerebatur quidem in levamen, quid ars invenire poterat consilii & remedii. Sed proderat nihil! Igitur omni destituta ope, penitusque confecta excruciationibus in solâ morte lenimen reperit, avidoque causæ mihi cadaver inspiciendum exhibuit. Quid verò hic expectares mi Lector? credo id ipsum, quod nos omnes lapidem scilicet in Renibus asperum atque hispidum. Nos verò inciso cadavere hujus nihil, ne arenulas quidem, invenimus: sed erat huic utriusque Renis superficies inæqualis omninò, & repræsentabat faciem ex multis particulis durioribus coagmentatum. Postea, quum semper mecum mirari casum hunc pergeret animus, alium novi Virum adultum, luctabatur miserimus hic cum dolore lumbari intolerabili, sæpenumerò redeunte: semperque acutius infestante, unâ cum copiosissimi sanguinis mictu. Medici ad arduum casum implorabantur plurimi, omnes hi tractare morbum ut à calculo Renes obsidente aspero, omnes sic censuere, hos inter & ego ipse fui cum filio meo. Neque juverunt interim ægrum omnia, quæ Medicorum ex præscripto promptus hausit, remedia. Sed pari fato victus moritur. Inspeximus simul cadaver, atque invenimus exquisitè eandem Renum structuram, ut in illâ puellâ, sine calculo ullo vel sabulo. Genuino hoc miserandi morbi exemplo didici calamitosam humani generis conditionem, causasque malorum imperscrutabiles sæpe & omninò insanabiles, licet cognoscerentur. Quæ verò in hac re sit causa symptomatum Physica, Tu inquire, Medice! forte reperiēs, licet lateat, neque Te forsitan medendi fugiet methodus, si modò miri accidentis ratio Te non fefellerit. Felix, si inveneris! Laudandus, si inquisiveris!

X.

*De pulchrâ curatione morbi Oesophagici semper
pro incurabili habiti.*

INter omnes corporis partes, quæ infestantur morbis difficillimæ curationis, haud infimum locum occupant, imò familiam ducunt illæ, per quas necessaria corpori ingeruntur, aut superflua foras eliminantur. Inter illas ad incudem revocabo Oesophagi affectum, quo deglutitio depravatur, & tandem non rarò aboletur, ita ut in tali statu moriendum sit ægro. Deglutitio frequentissimè quidem impeditur propter Tonsillas inflammatas, & tumefactas; enim verò de hoc affectu hic non loquor, qui curatu facilis, neque etiam de Angina, multò minus, de rebus deglutitis, puta aciculis &c. quibus adde Atoniam vel Paralyfin fibrarum musculosarum Oesophagi, sed verò de Oesophagi angustatione profundius sitâ, forsan à tumore quodam, vel contractione orta, cujus discretio facilis est à cæteris supradictis, nam spongiâ balænæ affixâ, oleoque saturatâ, introductionem in Stomachum prorsus impedit: si autem affectus consistat in Paralyfi fibrarum musculosarum Oesophagi, spongia facile admittetur, à tumore in vel à latere Gulæ suborto, illud digitis extrinsecus sentiri, & explorari potest. Præterea in Angina affectus cito oritur, & brevi cursum absolvit, respirandi difficultas summa, febris, lingua sicca in propatulo sunt, & si paucis post horis non curantur, & morbus remediis sit superior, homines subito è medio tolluntur.

Ut de hâc parte corporis pauca hæc inter mea animadversaria inferere voluerim, occasionem mihi dedit Vir Amplissimus, & in arte Medicâ, & Chirurgicâ Expertissimus D. Johannes Mennes, Physicus & Consul Civitatis Hulsti, qui me in consilium vocavit super hâc re, & quid faciendum in hoc affectu, an ptialismus instituendus esset, nec ne? cum autem calculum apposuissem, nec alienus essem ab hoc auxilio tentando, convenit quoque Industriissimum, & in Arte Medicâ Versatissimum Professore Boerhaviu, & alios, quibus in consilium vocatis, instituit curam, felicissimo cum successu;

ita-

itaque ab illo petii, ut mihi communicare vellet, quid singulis diebus exhibuerat, quidque de die in diem observaverat, id quod fecit, & hoc L. B. in commune bonum communicare volui, vide sis relationem integram, & sinceram, ita se habet ut Ipse ad me conscriptam dedit, ne verbulo mutato.

*Clarissime Vir, Decus Batavorum in Anatomicis
Excellentissimum.*

FAvente summo Numinis Flamine, multa ex alto Democritatis puteo eruta sunt abscondita, tum rariora, tum inaudita, in quibus eruendis indefessus sexagenarius tuus labor, benedictâ manu, palmam omnibus, Clarissime Vir, me iudice, in palæstrâ hujus studii militantibus præripuit laureatam; Quo per omnes Germaniæ, Italiæque oras, laurea indefessi & exantlati laboris ac perennis encomii suspensa est, quo omnes è Galliâ advenæ, quo ex Angliâ novitatis cupidi, quasi ad aram vestræ scientiæ, à die in diem catervatim, summâ cum admiratione sollicitantur. Quo novitatis ac desiderii pruritu, diu anxie correpto, occasio ad scopum monstravit viam, cum literis repetitis vocarer, desiderio flagranti, à Domino quodam Groningæ Thesaurario, ut manus medelasque adhiberem statui ejus morbosico deplorato. Casus positivus morbi cum videretur mihi rarissimus, cum appuërim Amstelodamum, Consilium institui medicum, Celebriorumque Chirurgorum, aperui Tibi quoque Clarissimo casum, detexi susceptam methodi Curam, interrogando, an aliam nosceres eripiendi ac salvandi viam, in salutem proximi, in ipsam artis communis laudem mihi benignè ac candidè patefaceres, agnovisti notatâ manu casum rarissimum, chyrographâ obsignasti conamen instituti mei respectu partis affectæ, respectu causæ procatharticæ, ac curæ ipsius absolvendæ. Quâ medendi methodo noster præpositus æger non tantum à morbo, sed etiam à symptomatibus est liberatus, summo Triunius adjutorio; Qualem medendi successum in itinere redux Vestro patefeci desiderio, ulterius debitor promissi sum factus dati, ut totam vobis quasi stylo delinearem institutam ac peractam Curam,

D

dia-

diariumque explicarem notatum, fortunatosque exhibitæ medicinæ successus, tum ut enodarem symptomata, tempore Curæ incidentia. Fateor me ad hunc usque diem fuisse debitorem promissi dati; verum fonticæ rationes locum cum faciant excusationis; impeditus tum fui curâ multorum sub manu decumbentium, tum officio Consulatus hujus urbis, usque ad hunc diem, ubi remissio obruti laboris me suadet persolvere debitum. Casus igitur vestræ observantiæ propositus fuit sequens.

Casus.

Vir triginta annorum natus, genere & profapiâ clarus ante tres corripiebatur annos, tum obstructione Glandularum, quæ Tonsillæ dictæ, tum relaxatione Uvulæ, tum inflammatione faucium, tum hæmorrhoidum cæcarum doloribus, tum earum fluxu notabili, quæ symptomata quidem diligentia Medicorum, medelisque appropriatis depellebantur; Verum continua renovantium caterva symptomatum, uti Tussis ferina, Hæmorrhoides, Catharri suffocativi natales non tantum producebant prodigiosiores, verum secum ducentes summam æsophagi coarctationem circa quintam & sextam Colli vertebra, à die in diem accrescendo deglutitionem impedientem, usque eò, ut nisi summâ cum molestiâ, summo deglutitionis conamine, solum modo fluida, attamen anxie, assumere potuerit nutrimenta, continuò in pejus vergentem; Ob metum diurnum suffocationis, esurino ac jejuno ventriculo, promptas ac auxiliatrices lachrymabundus petit manus medicas.

Pars Affecta.

Partem affectam existimabam & ponebam latitare in tunica glandulosâ æsophagi aliisque faucium gutturisque glandulis, præprimis circa quintam aut sextam colli vertebra, ubi tres illæ notabiles glandulæ, mecum à Domino Verheyen observatæ, ac destinatæ ad humectandam in deglutitione gulam; ad hæc quoque symptomaticè tunica musculosa fore affectata.

Diagnos.

Diagnosin enodare non necessariò judicabam, cum signa partem affectam denotantia in propatulo essent.

Pro-

Prognosis.

Ex praxi notum, hic casus non tantum in curatione gravissimus, sed omnino desperatus ac conclamatus, propter viam ad sumendum debitum nutrimentum, medicaminave occlusam, ad hæc, ubi omnis Chirurgiæ operatio hic nimis curta, vana ac planè manca.

Causa.

Causam procatharticam, examinatis examinandis, ponebam in dispositione scorbuticâ, (sapienti sat est,) in sero acri, quale serum scimus à sanguine sequestrari per glandulas totius corporis machinæ, ut quoque hisce supra nominatis ac in gulâ sive æsophago, fungositate ad molem & coarctationem excretis.

Cura.

Curam ore pleno statuebam, examinatis examinandis periculosa planeque ancipitem; verùm quoniam melius est adhibere dubiosam quam patientem deplorandum inevitabiliter & miserrimè committere sepulchro ac dimittere cymbæ Charontis frangiferæ, & ultimum remedium cùm sit tutissimum; Tùm ponebam à praxi doctus multiplici, unam eripiendi ac salvandi methodum, consistentem in debito & accurato ptyalismo in principio, & postea levi lentâ salivatione; Hâc peractâ sudoriferis ex mineralibus propinatis, balneisque associatis; Et post hæc internè instrumentis debitis ad partem affectam applicatis; ad quæ conducunt deobturantia, consumentia & consolidantia.

Approbatio.

Nos infra scripti artis scientiæque periti, ad casum propositum in Consilium vocati, examinis lance casum supra propositum trutinavimus, methodum à peritissimo Viro Johanne Mennes, Doctore Celeberrimo, curandi unicam propositam hisce agnoscimus, institutum tanquam unicum ac salutare pronuntiamus remedium.

Hæc inter nonnullos Vestra, Excellentissime Vir, fuit appro-

probatio. Itinere absoluto suscepto, visitavi Groningæ nostrum ægrum, qui desiderio adventus mei emaciatus, extensis brachiis lachrymabundus excipiebat me sospitorem, die Aprilis secundo, illicò tentavi æsophagum spinâ balenæ, cujus extremitas exornata fuit spongiâ, oleo oblimitâ, quo tentamine persentiebam circa quintam aut sextam colli vertebra, obstaculum tale impermeabile, ut descendere nequirem ad ulteriorem descensum, quo scrutinio talem circularem percepi coarctationem, ut ne quidem apice spongiæ permeare possem. Post duas horas propinavi jusculum limpidius, quod sumere, etiam si cochleatim, non poterat, nisi summo deglutitionis conamine, imò ut sex vel septem deglutitionis probamina ac tentamina facere necesse esset, summâ cum tumefactione ac rubore faciei. Circa guttura, faucesque omnes inveni partes solidas, naturales, nisi ut Tonsor quidam relaxatam decurtaverat forfice Uvulam, quam inveni nunc nodosam, Tonsillæ erant inflammatae, neque notabiliter tumefactæ, sed induratae; inveni ægrum melancholicum, emaciatum, colore pallidior ac planè lurido, quo non tantum turbabatur facies, sed rugæ faciei incrementum turpitudinis ac deformositatis majus dabant. Examinaui sedulò vitæ ante actæ genus ac diætæ an unquam inciderit in Veneris lascivæ scyllam, aut Bacchi Charibdim, sanctè mihi confessionem dabat, nunquam aliqua Veneris notâ aut stigmate correptum fuisse, imò nunquam in palæstrâ Veneris luisse, nisi cum sanâ ante annum nunc nupta. Hisce pro Medici necessitate examinatis, gressum ulterius examinis extendi, quæ & quanta adhibita fuerint pro diversa Medicorum intentione medicamina, percepi nostrum ægrum omnibus Medicorum & Chirurgorum conatibus instar mactandæ Ovis placidè se submisisse; inter qualia curandi ac applicati conamina, aliquod junioris Medici inveni inauditum, quod narratum spero Vobis non fore ingratum. Noster æger instar desperabundi relictus, tum à Medicis, tum à Chirurgis, omnia ab agyrtis & anilibus consiliis venalia proposita, ac verborum popinâ prolata, applicabat, sine ullo reconvalescentiæ successu, contigit ut Novelletus in medicina Tyro, jam jam Doctorandus, ac Academicis studiis tumidus, rumorem civitatis spargeret, sese infallibiliter nostrum ægrum curaturum, si modo patiens huic fidem daret. Qua promissionis

fionis securitate datâ accessit ægro nostro, fecit ac appaïcavit turundam grandiore latitudine aperturæ æsophagi, longitudine spithami, quam oblitam intrudebat unguento quodam, quæ turunda fræno alligata erat auribus, ne descenderet in ventriculum, in qua tristi positurâ noster æger, noster patiens instar omnium patientissimus, per quatuordecim dies ac noctes gemebundus instar summi captivi detentus, sine ullâ de hâc poenâ, requie aut remissione, nisi ut sumeret summâ cum anxietate jusculum limpidum; per nares respirationi tantum via erat patula, interim vana hujus Academici Candidati erant instituta risu ac cachinno persolvenda. Ad hæc legi omnes ab ægro nostro sollicitas Doctorum expertorumque consultationes, inveni, perlegi ac percepi, unam à Domino Boerhaven Lugduni Professore transmissam, ad scopum curationis nostrum tendentem ac collimantem; hac Consultatione, cum vestra conjunctâ stipatâ, divino destinatam ac propositam adjutorio incepti curam, nempe primò correctis corrigendis, per ptyalismum hoc peracto, per plenam salivationem: Quâ absolutâ, gulæ coarctatio non tantum deleta, sed totum æsophagi obstaculum depulsum est, ut ante nominato ac dicto instrumento non tantum liberrimè, sed sine minimo incommodo aut obstaculo ad ipsum descendere poturim Ventriculi Orificium. Quamvis omnia secundum veras medicinæ regulas instituta, quamvis ex voto & probamine omnia successerint, ut nullum in deglutitione amplius obstaculum, attamen noster æger consuetudine mali ac susceptis præjudiciis ita obsessus, ut nollet credere absolutam esse curam, obstaculum, ac remoram esse planè remotam, quare à die in diem spinâ Balenæ, spongiâ exornatâ, usque ad orificium ventriculi plenarium tentamen interim confessorium dedi, tam ad tollendâ mali relictæ præjudicia, quam ut conceptas ac meticulosas deponeret cogitationes, undè quidem certior factus, verum solida in principio non ausus sumere nutrimenta præ metu suffocationis imaginariæ. Quare præscripsi illius loci commune aliquod pulmentum, quod præparatur è farinâ secalinâ & aquâ fontana diu concoquendo, vulgò *røggen doljes*, illic dicitur optimi nutrimenti, facilisque concoctionis, de quo pulmento, bis, tum ter de die, cum lacte sumebat non tantum scutellam unius pintæ plenam, verum, ut dicitur, *een goede Spoel-comme volen*

een Spoel-comme melk. Quibus deglutitis, gavissus ille non tantum, sed ego summopere, usque dum, ut fumeret solida cujusunque generis nutrimenta infarcienda, donec malo depulso, præjudiciis deletis se curatum esse affirmabat. Quam perfectam curam; vestro non tantum dignam ingenio, judicavi transmittendam; verum ut solverem promissi mei pensum, in tesseram nostræ amicitiae noviter contractæ, adjungo accuratum tractatæ curæ Diarium, conditione petitoriâ, si qua vobis talia in Curâ medicâ sint rariora occurrentia, æquali manu benignâ mihi velitis concedere, tum ad stabilimentum nostræ communis scientiæ, quam in salutem pretiosam proximorum. In quam fidem & amicitiae spem permanfurus, qui sum indefessus, Clarissime Vir,

Vestræ Observantiæ

Addictissimus

Hulst die 19. Octob.
1716.

JOHANNES MENNES
Physicus & Consul Urbis.

Diarium

Diarium Curæ habitæ.

ANte meum adventum, transmissi præscriptionem alicujus decocti, quo usu, humorum correctio, pro intentione absoluta est, præparatis præparandis, quoad patientem, quoad locum: Incepi curam adjuvatrice Dei dextra, summoque Numinis flamine.

1716.

April.

6. Exhibui Mercuriale purgans, quo sex levissimas pro mea intentione habuit sedes, levamine desiderato.

Circa vesperam propinavi sudoriferum ex mineralibus, id est, Antimoniatis & mercurialibus propinatum, effectum desiderato, ut per totam maduerit noctem sudore debito.

7. Exhibui alicujus præparati gr. V. E. connubio mercurii & antimonii, effectum, ut multum viscidæ per vomitum ejecerit materiæ, & duas habuerit sedes, sine aliquo turbido conamine aut dolore.

Circa Vesperam repetitam prædicti compositi exhibui Dosis, quâ tres habuit sedes.

8. Exhibui gr. V. quibus secutæ sunt quatuor sedes dolore ac ardore aliquo intestini recti, æque in collo vesicæ.

Circa Vesperam repetitâ exhibitâ dosi, subsecutus est tenesmus, verum ejectione viscidæ materiæ perquam acerrimæ.

9. Manè non tantum rei speculator fui, quoniam persentiebam oris foetorem fragrantissimum. Verum

Circa Vesperam exhibui gr. V. sine ullâ materiæ ejectione, aut per sedes, aut per vomitum, sed patiens totam urinæ plenam reddidit matulam particulis acrioribus salinosis scintillantibus, foetore fragrantissimo ac hircino, colore rubicundo, quibus ejectis circa noctem subsecutus est ptyalismus.

10. Dedi gr. V. subsecutus est vomitus ejectione multum viscidæ materiæ, sine sede, sed odore fragrantissimo, cum magnâ Urinæ quantitate ut antea.

II. Exhi-

11. Exhibui gr. X. quoniam salivatio in æquilibrio quasi staret, cum summâ circa partem affectam coarctatione, suffocationis metu, propter viscidam materiam ad motum difficiliorem illic stagnantem, quoniam limpida tantum eliminabatur materia.
12. Omni metu depulso, salivatio incipiebat, omisi igitur internè medicamina: Externè applicabam quæ erant conducibilia, ad attenuanda viscida incidenda, dissolvenda, ac aperienda. Interim patiens in loco detinebatur admodum calido, ut semper sudores sentiret debitos. Quo die inconceptibilem viscidam ac tenacissimam per salivationem ejecit materiam, odore fragrantissimam, apud artis filios pituitam albam dictam, interim sine ullo incidente symptomate aut sede.
13. Tantum speculator fui, quoniam omnia ex voto succedebant.
14. Remanente viscida materiâ, coactus fui exhibere gr. V. pro incitamento, sine vomitu, sine sede, sine urinâ, sed cum sudore & viscidæ materiæ debitâ salivatione.
15. Repetitam exhibui dosin gr. VI, cum successu debitæ salivationis, sine sede, sine vomitu, sed cum sudore ac urinâ turbulentâ.
16. Speculator fui, sine vomitu, sine sede, sed cum sudore & urinâ turbidâ.
17. Speculator fui, nulla fuit sedes, nullus vomitus, aut urina, sed sudor fuit debitus, salivatio ex voto.
18. Speculator fui, salivatio ex voto, sudor debitus, urina nulla, sine sede & vomitu.
19. Speculator fui, quoniam omnia ex voto uti antea, odor autem qui fragrantissimus nunc mutabatur, factus depuratus ac limpidior totâ materiâ eliminatâ.
20. Speculator fui, sine vomitu, sine sede, sine ullo symptomate; salivatio non tantum ex voto; verùm urina, quæ aut antea turbida, nunc clarior, ac odore violaceo induta reddebatur, boni ominis.
21. Ad majorem intentionis securitatem instar Canis Venatici exhibui gr. IV. ad ruspandum an aliquid in his aut illis latibulis latitaret] mali. Effectu mirabundo; nam subsecuta est urina clara, debito ac naturali odore ac colore

colore per salivationem emissa tantum limpidissima materia sine foetore ullo aut odore, nunc, ubi per totum salivationis curriculum nullum habuerit somnum, placidè dormivit, quasi somno sepultus per totam noctem: manè expergefactus hilari refocillatoque animo, esurino stomacho salutavit accedentes.

22. Speculator fui omnium ad melius.
23. Iterum pro Indagatore dedi gr. III; undè certior factus omne malum planè esse eliminatum, saliva limpida, urina debita, sine ullo odore manifesto, quare
24. Exhibui præscriptum Emollientis Enematis, quoniam per totum salivationis curriculum, nihil excrementi per alvum deposuerat, interim sine successu prospero. Quare
25. Infusionem dedi laxantem, quâ laxam accepit alvum satisfactoriam, sine ullo dolore aut gravamine.
26. Ad maiorem securitatem iterum dedi gr. IV, sine ullo alio effectû, nisi ut excitaret sudorem debitum, quo gavissus malam eliminatam esse materiam.
27. Per totam benè dormivit noctem, juscûla jejuno cepit ventriculo; igitur pro illiniendo collo præscripsi sequens Linimentum. \mathfrak{z} . Ung. pomati \mathfrak{z} iss. ol. succini albi \mathfrak{z} ij. Lavendulæ \mathfrak{z} iss Nuc. Mosch. exp. \mathfrak{z} j. ol. spicæ Nard. Indic. \mathfrak{z} j. F. Linimentum. Externè ad focum collum obliniendum.
28. Exhibui purgans debito successu.
29. Exhibui Laxativum cum successu ad restituendum pedetentim motum peristalticum.
30. Præscripsi pulmentum antea nominatum.

Mayo.

1. Quoniam alvus constricta, iterum præscripsi purgans ut antea, nullo cum successu, quare enema cum successu institutum est.
2. Institui Curam Lacteam per octiduum.
Tum porrò per decocta, ac balnea sicca appuli ad scopum curæ præpositum.
12. Spongiâ, spinâ Balenæ exornatâ tentamen circa æsophagi obstaculum institui, descensum sine ullâ remorâ feci ad ipsum ventriculi orificium, quotidie oleo quodam

illinitâ repetitionem peregi ; Undè certior factus curam Dei gratiâ absolutam esse, quare sanus ad hoc usque tempus noster antea deplorabundus à me relictus est patiens ; de Quo, literis heri acceptis, certior factus sum.



Fig. I.




Fig. II.



EXPLICATIO FIGURARUM.

TABULA I.

Fig. I.

- A. *Ren Humanus.*
- B. *Pelvis.*
- C. *Vena Renalis.*
- D. D. *Superficies Renis inæqualis.*
- E. *Ramus Arteriæ Renalis.*

Fig. II.

- A. *Uterus mulieris gravidæ.*
- B. *Os Uteri.*
- C. *Apertura cultro facta.*
- D. D. *Ligamenta teretia, rotunda vulgò dicta.*
- E. *Ova non fœcundata.*
- F. F. *Ovarium cultro apertum, ut Ovum fœcundatum in conspectum veniret: hujus facies exterior albicans, Calyx nuncupatur Graafio, interior verò, seu contentum coloris est cinerei, id quod sculptor studio nigrum fecit, ut à calyce diversum esset colore.*
- G. G. *Ductus Ovarii fimbriæ.*
- H. H. *Ductus Ovarii, seu Tubæ Fallopiæ.*

TABULA II.

Fig. I.

- A. A. *Dextri Ventriculi Cordis in planum expansi facies interior, ex juvene.*
- B. *Vascula sanguinea tenuissima repleta ceraceâ materiâ rubrâ, quæ tanto sunt numero, uti dicta facies videatur ex meris Vasculis sanguineis constituta.*

Fig. II.

- A. *Sinistri Ventriculi Cordis in planum expansi facies interior.*
- B. B. *Vascula sanguinea, quæ non solum per carneam substantiam, verum etiam Chordas, Valvulas, & Lacertarum tendines numerosissime sunt disseminata, ita ut Cor rubicundissimo colore undique superbiat.*

Fig. III. *Uterus humanus semine virili saturatus. vid. Histor. Fol. 2.*

- A. *Portio Vaginae.*
- B. *Ejus cavitas.*
- C. *Uteri fundus.*
- D. D. *Ovi ductus semine virili quoque repletus, idque in utroque latere.*
- E. *Apertio uteri cultro facta, uti ejus cavitas, ut & semen jam à liquore induratum, in conspectum veniant.*
- F. *Fimbriae Ductus Ovarii.*

Fig. IV.

- A. *Animalculum vomitu rejectum. Limaci æmulum. vid. Fol. 18.*
- B. *Tuberculum in later e situm.*
- C. *Capitulo analogum.*

Fig. I.



Fig. II.






Fig. III.



Fig. IV.





MICHAELIS ERNESTI
ETT MULLERI,

*Phil. & Med. Doct. in Academia Lipsiensi Anat.
& Chir. P. P. Extraord. Facult. Med. Adsefforis,
& Naturæ Curiosorum Collegæ*

EPISTOLA
PROBLEMATICA,

Ad Virum Clarissimum

FREDERICUM RUYSCHIUM

M. D. Anatomiae & Botanices Professore,

D E

OVARIO NOVO.



AMSTELÆDAMI,

Apud JANSONIO-WAESBERGIOS, 1729.

THE
FIFTH
EDITION
OF
THE
HISTORY
OF THE
CITY OF
LONDON
BY
JOHN STOW

1687
LONDON
PRINTED
BY
J. STONE
AT THE
SIGN OF THE
CROWN
IN
ST. MARTIN'S LANE



THE
PROPERTY
OF
THE
MUSEUM
OF
NATURAL
HISTORY
LONDON

Clarissime & Experientissime

V I R.



Uas denuo pulso fores, cujus cognita fatis atque perspecta est in admittendis non minus quàm benevolè excipiendis quibusvis discere cupientibus promptitudo. De Cortice Cerebri Tecum ante hos 14 annos agere, benignè permisisti; jam a Coelo ad Terram Microcosmi, a summa ad imam corporis partem me confero. Uterus scilicet in scenam jam producendus est, ad quem serenum, ut soles, *Vir Clarissime*, vultum convertere ne dedigneris, obnixè rogo.

In generationis negotio, utut summo adhuc mysterio, à Recentioribus tantum non omnibus creditum hætenus fuisse, nosti, sub foecundo coitu sive ipsum semen virile, sive auram solummodo ejus genitalem per vaginam in uterum immissam ex hoc vel mediante sanguinis circulo, vel immediatè per tubas Fallopianas ad ovarium seu testiculos muliebres penetrare, ibidemque unum alterumque ovulum actuare seu imprægnare. Ante 7 annos vero Dissertationem conscripsit hic loci Dominus D. MARTINUS NABOTH, Vir in secandi arte peritissimus; in qua commune hoc assertum non solum labefactare, quin & novum illudque verum se invenisse ovarium dicit. Ut igitur distinctè rem proponam, quomodo Medici suum hætenus invenerint ovarium, primum narrabo; hinc quomodo Dominus Dr. NABOTH hoc ipsum destruere, novumque ei substituere conatus sit, exponam; tum pro quo Veteres æque ac Recentiores ovulum hoc Nabothianum habuerint, edisseram; ac denique quo applausu hætenus novum hoc ovarium fuerit exceptum, palam faciam.

Communis Veterum erat distinctio inter animalia Ovipara & Vivipara: quibus ultimis quoniam genus humanum accensebatur, non solliciti erant Medici de ovis humanis investigandis. Ex quo vero HARVEUS ductu FABRICII ab AQUAPENDENTE, hanc distinctionem ad exclusionem tantum, non vero ad primam formationem foetuum esse restringendam, docuerat, omnia omnino

animalia ex ovo nasci adstruxerat, atque analogiam inter pennatorum aliorumque animalium ova ostenderat, nullus non humana ova investigandi omnes animi nervos intendebat. Primus tamen omnium JOHANNES van HORNE in *Epistola de Genitalibus* Anno 1668. quod est ovarium in oviparis, testes esse muliebres, disertè enuntiabat, utpote qui perfectæ ova intra se contineant, humore scatentia, & pellicula propria circumcincta. Quem sequebatur NICOLAUS STENO in *Elementorum Myologiae Specimine*, & JOHANNES SWAMMERDAMMIUS in *Miraculo Naturæ*, atque REGNERUS de GRAAF de *Mulierum organis generationi inservientibus*, alique successu temporis plures. Quanquam primam hujus inventionis gloriam CAROLUS DRELINCURTIUS in *Lucubrationibus Historicis & Physicis de Fæminarum ovis* sibi tribuere maluerit. In qua sententia eo magis confirmabantur, cum THEODORUS KERCKRINGIUS Anno 1671. in *Anthropogeniæ Ichnographia* foetus humani rudimenta in illis ovulis inveniri demonstraret, & foetus trium aut quatuor dierum, quindecim dierum, trium septimanarum, unius mensis, & sex hebdomadum ex illis ante oculos posuisset. Ex quo denique Dominus de S. MAURICE in *Epistola ad Dominum de la Closure* Anno 1682. Parisiis perfectum foetum in dextro ovario post matris mortem se vidisse testabatur, testiculos muliebres genuina continere ovula, a nullo Medicorum negatum iri, omnes confidebant.

Negavit tamen id ipsum Dominus D. NABOTH, cujus mentem ut plenius assequaris, *Vir Clarissime*, haud ægrè feres, spero, quod ipsissima ejus verba ex supra laudatæ Disputationis §. XI. XII. & XIV. allegem. Sunt autem ista hujus valoris: §. XI.
 „ Quoniam varia obstant, cur in testium vesiculis, veluti ovulis
 „ veris, conceptionem haud fieri mihi persuadeam, è diverso al-
 „ liud ovarium genuinius in utero ipso vidisse visus mihi fuerim,
 „ veniam merebor, si morbos tubarum & testiculorum, non ve-
 „ rò ovarii novi, sterilitatis inter causas neglexero. Conceptio-
 „ nem namque fieri posse absque ullius in testiculis foemineis vesti-
 „ culæ subsidio, docent eæ mulieres, quæ conceperunt atque pe-
 „ pererunt, vesiculis tamen omnibus in testibus caruerunt. Pro-
 „ voco primum ad puerperam à Domino D. JOHANNES CHRIS-
 „ TIANO SCHAMBERGIO, Professore in hac Academia su-
 „ perioribus annis celeberrimo Anno 1703. Mense Decembri dis-
 „ sectam

„ ſectam, cum mox a partu difficili vitam cum morte commutaſ-
 „ ſet, In hac, abdomine incifo, ingens ſtatim in oculos incurre-
 „ bat teſtium moles, ordinarium quadruplo exſuperans, atque
 „ intra ſe non veſiculas & glandulas, ſed multam pinguedinem
 „ cum pilis intermixtis comprehendens: pilorum alii erant longio-
 „ res, longitudinem digiti adæquantes, alii breviores, in extre-
 „ mitate una radicem, in altera cuſpidem inſtar perfectorum pi-
 „ lorum obtinentes, nulli tamen tunicæ, ſed ſoli pinguedini in-
 „ hærentes. Provoco dein ad ſcœminas, quæ liberorum extite-
 „ runt matres, etiamſi teſtes habuerint ſcirrhofos & omnibus ve-
 „ ſiculis vacuos. Sic Anno 1701. multis Medicinæ ſtudioſis præ-
 „ ſentibus, ſcœminam 34. annorum diſſecui, cujus uterque teſtis,
 „ magnitudine fere pugni, totus cernebatur ſcirrhofus, nequicquam
 „ veſicularum vel glandularum exhibens, ſed inſtar cartilaginis
 „ fere ſe habens. Sic in ſcœmina honeſta, 36. ætatis annum a-
 „ gente d. 29. Jul. Anno 1704. incifa, uterque pariter teſtis pomi
 „ majoris magnitudine ſuperficiem ſatis inæqualem, & ex viginti
 „ quali nucibus avellanis coagmentatum ostendebat, nec alia cor-
 „ puſcula ſubſtantiæ perquam duræ ac fermè cartilagineæ internam
 „ eorum molem conſtituebant.

§. XII. „ Tubas vero Fallopianas nec ſemini virili ad teſtes, nec
 „ ovulo etiam ab hiſce ad uterum transferendo inſervire, facile
 „ comprobabunt ſcœminæ omnes, quarum poſt partum & obitum,
 „ tum ab aliis, tum à me apertarum, tubas cum teſtibus ſtriſtiſ-
 „ ſime coaluiſſe, aliquoties obſervavi. Comprobabunt idem non
 „ minus canes ſcœmellæ, quæ feliciter foetus conceperunt, con-
 „ ceptosque ediderunt, poſtquam tubæ Fallopianæ juxta ornamen-
 „ ta foliacea utrinque ante congreſſum ita conſtriſtæ eſſent, ut
 „ ſic latera ipſarum ſucceſſive potuerint coaleſcere. De novo au-
 „ tem ovario cogitando anſam præbuit Anatomia publica, quam
 „ ex ſpeciali mandato Electorali Experientiſſimus JOHANNES
 „ FRIDERICUS ORTLOB, Anat. & Chir. Prof. Extraord.
 „ (nunc beatus) Anno 1694. Menſe Januario adminiſtrabat. Etenim
 „ cum viſcerum præparatio mihi concrederetur, inter reliquas par-
 „ tes corporis cervicem uteri teretem, craſſum atque exterius con-
 „ tactu durum & turgidum, interius vero, cum eum inciderem,
 „ veſicularum ſive ovulorum plenum ita obſervare contigit, ut
 „ ovula ipſa multum pariter turgerent, atque duritiem externam
 „ cervicis formarent, humorem continentes, qui coſtione levi

„ concrefceret. Quales veficulas, pro ovulis genuinis a me re-
 „ putatas, etiam postmodum in quamplurimis fexus fequioris ca-
 „ daveribus tum publicè, tum privatim & hic & Halæ Magde-
 „ burgicæ difsectis non folum annotavi, fed & Domino D. FRI-
 „ DERICO HOFMANNO, Confiliario & Archiatro Regio
 „ Pruffico ac Prof. Publ. Medicinæ Primario in Academia Fri-
 „ dericiana celeberrimo, Domino D. JOHANNI WILHELMO
 „ PAULI, Anat. & Chirurg. Prof. Publ. in Academia Lipfienfi
 „ celeberrimo, Domino D. JOHANNI CHRISTIANO
 „ SCHAMBERGIO, Lipfiæ quondam Anat. & Chirurg. Prof.
 „ Publ. celeberrimo, multisque Medicinæ alumnis demonftravi.
 „ Ovarii fi quidem muliebris novi nomine nihil aliud intelligo,
 „ quam veficularum, ceu verorum ovulorum, in cervice cum pri-
 „ mis uteri, conceptioni quam maximè deftinatorum conge-
 „ riem.

§. XIV. „ Ovarium fi quidem novum in commodo deprehen-
 „ ditur loco, in ipfa videlicet, prout jam indigitatum, cervicis
 „ uteri fuperficie interna, quam omnem fere ad infimam ufque
 „ cavitatis fundi uterini partem occupat, egregiè imprimis veficu-
 „ lis in foemellis viro maturis turgens. Aliquando tamen veficu-
 „ læ etiam nonnullæ limbum five circum orificii interni, quo
 „ cum vaginam refpicit, excurrunt interdum, licet rarius in cavi-
 „ tate quoque fundi uterini una vel altera occurrit. Et licet ova-
 „ rium tale fit fimplex, fubinde nihilominus in circumferentia cer-
 „ vicis interna fere inftar binarum arbufcularum cum ramulis ex-
 „ panfarum atque fructibus confpicitur. Cujuslibet veficulæ figu-
 „ ram rotundam feu ovalem quodammodo præ fe ferentis, pars
 „ tertia circiter extra internam cervicis uterinæ fuperficiem promi-
 „ net, duæ vero partes fubftantiæ cervicis immerguntur, cum
 „ eadem veluti continuatæ. Magnitudine non minus ac numero
 „ veficulæ dictæ fatis variant, dum earum aliæ pifum majus, aliæ
 „ minus, nonnullæ femen cannabis, plures grana milii, magnitu-
 „ dine æmulantur; in fubjectis junioribus veficulas plures & mi-
 „ nores, in natu majoribus majores & germen promptius, in fenio-
 „ ribus eafdem pauciores videre licuit. Propter veficularum au-
 „ tem protuberantiam æque ac propter fibrofam five cellulosam
 „ cervicis figuram non poteft non ovarium integrum apparere in-
 „ æquale.

Omnem

Omnem interim Anatomicorum conspectum non effugerunt hactenus hæc corpuscula Nabothiana, modo ipsis tam felicibus esse licuerit, ut pro ovulis illa habuerint. Sic primo loco REGNERUS de GRAAF loc. cit. cap. 8. Notandum, inquit, hic in uteri collo inter rugas seu fibras potius sæpenumero hydatides diversæ magnitudinis reperiri. Post eum audiendus est Dominus des NOUES, qui in ZODIACI MEDICO-GALLICI ANNO III. pag. 20. sqq. hæc habet verba: *A me observatum est, uteri illam partem, quæ in vaginam desinit, vocaturque orificium internum, non modo structuram obtinere eo modo conformatam, ut masculino semini introitum facilem concedat conceptionis tempore, concepto fœtui tempore partus exitum permissura, ac præterea, si ita lubet, sanguini menstruo, id quod ab Anatomicis omnibus est proditum; sed & etiamnum ideo constitutam esse, ut conceptaculi vicem præbeat speciei singulari materiei spermaticæ, quam necessitatis tempore eundem in locum effundat, in quem effunditur coitus tempore semen masculinum.*

Observationem hanc consecutus sum mediantibus tribus ex ordine dissectionibus trium cadaverum muliebrium, rei veritatem confirmantibus, atque has ideo exhibeo circumstantias:

I. Mediocri facta expressione prædicti orificii illius membrana exterior variis in locis inæqualiter turgebat, effugens quosdam tumores subrotundos.

II. Fortiori adhibita compressione materia prædicta guttatim prodibat per foraminula quædam ex prædictis protuberantiis vel tuberibus propemodum magnitudine & forma illa referentia, quæ conspiciuntur in parte virili, Veromontanum dicta.

III. Leviter scarificata parte illa cuspide scalpelli falcati, adhibitaque vebementissima expressione, illico exiliere insignes flocci ejusdem materiei supra unamquamque scarificationem.

IV. Paucis, nequaquam dissidebat ab illa, quæ se in virilibus testibus exhibet, colore, consistentia, ac proinde omnino alia erat ab humore oleoso, quem in libidinis stimulis profundunt mulieres, cujus originem vulgo deducunt a quibusdam glandulis infra glandulam vaginalem sitis.

Denique in scenam produco JOHANNEM BAPTISTAM MORGAGNUM, qui in *Adversariis Anatomicis* primis Anno 1706. publicatis §. 32. ita dicit: *Sive ego mulierum, seu vaccarum uteros secem, eadem mihi quæ innumeris quoque prosectoribus,*

bus, lenti muci & limpidi, nisi quod ad flavum nonnihil vergit in summa vagina, itemque in cervice copia occurrit. Qui autem succus in suprema cervicis parte est, reliquoque utero, quique est in tubis Fallopiæ, is vero mihi satis dissimilis videri solet, ut illius propterea descripti muci scaturigines & fontes in ipsa cervice, osculoque uteri quarendos credam. Quos dum assidue perquiro, ecce quasdam vesiculas animadverto, varia magnitudine, omnes vero subrotundas, aut ovales, internam prope totam cervicis faciem confertis agminibus obtinentes. Hæ non mihi primo observatæ sunt; namque eas ibidem sæpenumero comperiri, auctor olim fuit GRAFIUS de Mulierum organis cap. 8. quas postea BARLIUS, vid. les Nouvelles decouvertes &c. Tom. III. Lib. II. c. 2. atque ORTLOBIUS Histor. Part. & Oecon. &c. Dissert. 34. confirmavere, & Præstantissimus quoque LITRIUS Memoires de l'Acad. Royal. des Scienc. 1701. pag. 294. observavit. Attamen suspicatus interdum sum, easdemne isti, quas ego, vesiculas consideraverint, cum plerique eorum hydatides esse, judicent, addatque ORTLOBIUS, eum, qui inerat, humorem ab inflicto iisdem vulnere non sine saltu prorupisse. Utut est, certè ego, lentum semper istum humorem, seu potius mucum esse, observavi, quem ex iis vesiculis multum exprimo, quemque sicuti cum liquore hydatidum, quæ circa testes, tubasque occurrebant, aliquando comparatum, magnopere inveni dissimilem, ita ejus muci, qui in cervice, & summa vagina est, nunquam non simillimum animadverti. Porro eæ vesiculæ nunc plures, alias pauciores intimæ cervicis tunica sunt intertextæ, ita ut ex altera parte in cervicis cavitate promineant, ex altera intra ejus substantiam sese recondant; Et vesiculæ quidem in plurimis hæ sunt. Minus sæpe autem in suprema cervice, circumque uteri orificium inveni, etsi aliquando hoc ipsum vidi confertissimis agminibus exornatum. An autem in hisce partibus, inque tota etiam cervice, quando nempe in hac quoque desiderantur, multo eæ vesiculæ sint minores, anne potius altè intus conditæ sint, merito aliquis suspicetur. Ego quidem ex uteri osculo, nullis apparentibus exterius vesiculis, multos circumquaque globulos descripti muci aliquando expressi, vidique præterea vesiculas aliquot intra cervicis ipsius substantiam penitus latentes; quas & Clarissimum MERGUM Histoire de l'Academie Royale des Sciences 1701. pag. 40. intra osculi uterini substantiam comperisse, non ignoro: suntque eadem facile

facile ea seminis conceptacula, quæ nempe Mr. DES NOUES observatione paulo ante referebam. Quæ cum ita sint, vestra est peritiæ, Academici, utrum eæ vesiculæ sint veræ hydatides, judicare. Ego sane non multum ab eo absum, ut esse glandulas concipiam, unde is lentus & glutinosus mucus destillet, qui præter cæteras, quas supra attigimus, utilitates, hanc etiam præstet, ut in prægnantibus, sive ea concepti seminis vis sit, sive primo contractum, ut multi volunt, ipsius uteri orificium morari cogat, atque concreescere; certe longe densior & spissior factus, cum postea ulterioribus gestationis mensibus orificium id diducatur, subeuntis aëris injurias oportunissime defendat. Cæterum an ad muci ejusdem separationem is quoque glandulosus plexus conducatur, quem aliqui infra uteri orificium statuunt, me vero nunquam animadvertisse, confiteor; imprimis autem, an eæ vesiculæ sint hydatides, ane sint glandulæ, vestrum, ut dixi, judicium facio; ego in re hac nihil certi propono.

Et meam si allegare experientiam fas est, hæc corpuscula frequentius circa cervicem uteri, imo aliquando unum alterumque in ipsa Tuba Fallopiana, quotiescunque hætenus cadaver foemininum secandi copia in nosocomio nostro concedebatur, vidi, meisque Auditoribus demonstravi.

Ad applausum denique ordo me ducit, quo ovula Nabothiana hætenus fuerunt excepta. Primum igitur sisto Dominum Dr. BENJAMINUM BENEDICTUM PETERMANNUM, qui in Decadis II Observatione IX. ita loquitur: „ Duo reperiri in „ sexu sequiori ovaria, communis est Anatomicorum sententia. „ His autem tertium adhuc addere nonnullis placet, de quo Disputatio de sterilitate, sub Domini D. NABOTH, Exercitativissimi alias Anatomici, præsidio habita, consulenda. Utrum autem „ experientia & ratione hoc ipsum confirmari possit, impræsentiarum non disputabo. Nihilominus ex principiis Anatomico-Pathologicis demonstrari posse confido, in affectibus cachecticis, „ hydropicis, & tumoribus œdematosis internorum viscerum glandulas statum quendam præternaturalem induere: siquidem has „ in non paucis cadaveribus dissectis quam maxime scirrhusas, & „ ad hydatides Galeni referendas, observare nobis licuit. Memorabile jam referre lubet exemplum in cadavere meretricis hydrope extinctæ, in nosocomio annotatum. In hoc enim ab extra „ deprehendimus glandulas circa cervicem uteri, ovariorum ma-

„ xime similes. Illis autem dissectis nihil aliud se offerebat, quam
 „ lymphæ, uti alias in glandulis hydropicorum, viscida, rugæque
 „ simul vaginæ uterinæ partim excrefcentiis carnosæ, partim glandu-
 „ lis scirrhis instar globorum minorum refertæ conspicieban-
 „ tur. Orificium uteri internum satis erat amplum, ut digiti cras-
 „ sioris cuspidem excipere posset. Ovarium dextrum lapillis non-
 „ nullis instar granorum milii turgidum conspiciebatur. Quibus
 „ circumstantiis rite perpensis ex principiis Anatomico-Physiolo-
 „ gicis concludimus, glandulas jam dictas scirrhisas neutiquam
 „ pro ovario illo novo ac tertio haberi posse. Interim dissteri
 „ haud vereor, interdum ovulum, aut fœcundatum aut sterile
 „ sede sua naturali delapsum, per tubam Fallopianam in mulieri-
 „ bus, fluore albo laborantibus, partim propter lubricitatem fi-
 „ brarum motricium ad cervicem uteri usque deferri, partim hu-
 „ jus peripheriæ propter visciditatem annecti, imo fœtum ipsum
 „ in tuba Fallopiana concipi posse: uti talis tubaria conceptio non
 „ solum ordinario fit in brutis, cornibus nempe horum uterinis, sed
 „ etiam extraordinario modo in hominibus præter experientiam
 „ ELSHOLZII in eleganti Tract. de Conceptione Tubaria,
 „ RIOLANI, ISBRANDI DIEMERBROEKII in A-
 „ natomia, MATTHIÆ TILINGII, aliorumque, mihi
 „ ipsi sub B. Parentis directorio in aliquot cadaveribus dissectis,
 „ sine ullo novi ovarii conceptu animadvertere licuit.

Cui adjungo Dominum *CHRISTIANUM FRIDERICUM BUTTIGER*, Medicinæ Doctorem, qui in *Disputatione*, in qua
fœtum non ante conceptionem in ovulo præexistere, sed post eandem
 formari docet, anno 1708. hic loci publice defensa hæc habet verba:

§. VII. „ Quæ cum ita sint, liceat mihi modeste dissentire à
 „ sententia negante, testes vera ovaria esse. Neque enim, quæ
 „ objicitur, observatio, qua puerperæ alicujus cadavere inciso, tes-
 „ tes omnibus vesiculis privati, e contrario autem multa pingue-
 „ dine cum intermixtis pilis referti animadversi sunt, mulieres abs-
 „ que testium ope concipere posse, probat ideo quod fœminæ il-
 „ lius testes intra illius temporis spatium, quo in utero gessit, ve-
 „ siculis orbari, aut antea jam ex parte quidem morboſi, unam
 „ tamen alteramque vesiculam adhuc integram comprehendere
 „ potuerunt, indeque non mirum, quod fœmina illa, etsi puer-
 „ pera fuerit, nullas tamen in testibus post obitum ostenderit ve-
 „ siculas; nec illico efficitur; quod ideo sine testium ope conce-
 „ perit.

perit. Multo autem minus inde asserto robur accedit, quod non paucae foeminae post fata scirrhosos habere testes observatae fuerint, cum tamen, ipsas complurium antea liberorum matres fuisse, constiterit. Potest enim hoc facile usu venire, nec tamen ulla nos urget necessitas inferendi, quod ideo conceperit foemina sine vesiculis. Nam, si aliquem hepatis, lienis, aut alius cujusdam visceris scirrhus laborare, possibile est, qui tamen ante unum alterumve annum prospera valetudine usus fuit; quidni etiam foeminae, liberorum antea matres factae, intra illud temporis spatium, uno nempe alteroque ante obitum anno, scirrhum contrahere possint. Quamobrem nullum mihi relinquitur dubium, quin haec omnes foeminae utero conceperint, dum adhuc vesiculas in testibus inclusas continuerunt, postquam autem omnis illorum substantia scirrhus occupata est, parere etiam desierunt. Idque eo lubentius mihi persuadeo, quo certius constat, quod pleraeque foeminae, quas scirrhosos aliove morbo vitiatos testes habere, in vivis conjectura, in demortuis autem anatomia detexit, steriles semper repertae sint, eamque ob causam testium morbi non immerito ab omnibus recentioribus aequae ac veteribus Medicis inter veras sterilitatis causas numerentur.

§. VIII., Quare haud equidem magis nobis verisimile fit, congeriem illarum vesicularum, quae interdum in cervice uteri reperitur, verum ac genuinum ovarium esse, cum rationes, quibus hoc ipsum stabilitur, ad accuratioris judicii lancem appensa, non debitum habere pondus momentumque deprehendantur. Sic enim non, ut dicitur, interna cervicis uteri superficies locus ovarii commodus est, sed incommodissimus, ovulorumque conservationi plane adversus. Siquidem inter omnes constat, quod partus tempore nulla fere pars uteri magis injuria afficiatur, quam ipsa ejusdem cervix; quippe cui egressum moliens foetus vehementer capite innititur, eandemque mirum in modum distendit, ut facilis sit conjecturae locus, quod vix aliter fieri possit, quam ut hac ratione ovula ibi haerentia multum laedantur, penitusque intereant. Quod ipsum quoque dicendum foret de iis ovulis, quae superioris orificii uterini limbum, vaginam respicientem, occupant. Haec profecto ovula, cum jam extra cavitatem uteri constituta sint, a semine virili fecundata non sursum ad uterum adscenderent, ob arctissimam uteri constrictionem, sed proprio potius pondere in vaginam delapsa

„ inutiliter excernerentur. Quin si viris fide dignis credere fas.
 „ est, talis novi ovarii locus matri quoque perniciosus esset. Di-
 „ citur enim Clarissimus Dominus FASCHIUS aliquando ob-
 „ servasse, quod honesta quædam & nobilis foemina propter ovu-
 „ lum, nimis profundè ad uteri cervicem demissum, ibique in-
 „ crementum capiens, vita privata sit, idque ideo, quoniam tan-
 „ tæ extensioni insueta pars hæcce ac crescente foetu tandem ru-
 „ pta est, foetusque in abdomen transmissus, quem post cada-
 „ veris incisionem intestinis quasi instratum invenerunt. vid. BER-
 „ TUCHII Dissert. de sterilitate, sub præsidio Dn. FASCHII ha-
 „ bita. Quomobrem si natura præter solennem legem, quam in
 „ reliquis omnibus animalibus perpetuo servat, in solo homine o-
 „ varium cavitati uteri includere voluisset, existimaverim, quod
 „ potius fundum uteri, ubi naturaliter ovula accrescere solent,
 „ tanquam sedem aptiorem delegisset, nec ovula in eo posuisset.
 „ loco, unde post foecundationem iterum divelli, ac sursum ab-
 „ lata fundo demum uteri adfigi necessario debeant. Quod si igi-
 „ tur inter præcipua genuini ovarii requisita aptitudo loci non ul-
 „ timas tenet, multo potiori jure, testes mulierum vera ovaria
 „ esse, contendere possumus, utpote qui ejusmodi aliquem locum
 „ nacti sunt, quem sive tuendorum ovulorum ratione, sive alio quo-
 „ cunque respectu consideres, aptissimus semper est, atque miran-
 „ dam Summi Numinis providentiam non obscure prodit. Quæ
 „ de conceptione canis, cujus tubæ in fimbriatis extremitatibus li-
 „ gatae fuerunt, referuntur, fidem pene superant, & quoniam
 „ alia exempla in contrarium adduci possunt, nihil evincunt.
 „ §. IX. „ Sicut autem novi ovarii locus parum congruus est;
 „ ita etiam vesiculæ, è quibus constat, non, ut perhibetur, pla-
 „ centæ uterinæ, chorii ac amnii, nec non vasorum umbili-
 „ calium rudimenta habent. Quod si enim à vasorum sanguifero-
 „ rum præsentia ad placentæ rudimentum argumentari liceret,
 „ eodem jure perhibere possemus, quod & hydatides & vesiculæ
 „ in testibus contentæ, quas supra cum Clarissimo MALPI-
 „ GHIO principium glandulosi corporis appellavimus, placen-
 „ tæ primordiis gaudeant, utpote quas copiosa vasa subire ac per-
 „ reptare laudatissimus Auctor, alique docent. Quinimo cum
 „ placenta uteri nunquam in adultis duas tertias; sed vix tertiam
 „ occupet partem, rudimentum quoque istud valde dubium at-
 „ que incertum redditur, siquidem magnam res veritatis speciem
 „ „ habet.

„ habet, quod, si pars illa vesiculæ verum esset placentæ prin-
 „ cipium, eandem quoque in recentioribus pariter ac adultis ovis
 „ proportionem servaret, neque in his tertiam duntaxat, in illis
 „ autem tres omnino occuparet partes. Simili ratione tertia illarum
 „ vesicularum pars, quæ à connexione libera prominet, & mem-
 „ branosa est, neutiquam ideo pro chorii & amnii rudimentis ha-
 „ beri potest, quoniam in ovis præsertim majoribus non difficul-
 „ ter in duas lamellas discerpi observatur. Nam & vesicularum,
 „ in testibus comprehensarum, tunicæ adhibito studio in lamellas
 „ dividuntur, neque tamen ideo in verorum ovulorum numerum,
 „ ut ipsi contrariæ sententiæ Authores fatentur, sunt referendæ;
 „ & hydatides docente Domino de GRAAF de Mulier. Ovar. du-
 „ plici ordinarie tunica constant, quarum interior, licet tenuissima
 „ sit, ab exteriori haud difficulter separatur, cum tamen nemo fa-
 „ cile, has veris ovulis esse annumerandas, adfirmare audebit. Quin,
 „ si expertis credere fas est, eam ipsam ob causam, quoniam facile
 „ in lamellas dividuntur vesicularum illarum tunicæ, vera ovula non
 „ sunt, & consequenter nullum habent chorii & amnii rudimen-
 „ tum, siquidem laudatissimus de GRAAF hoc ipsum intercedere
 „ discriminis inter vera ova atque hydatides, quod harum mem-
 „ branæ facile, illorum autem difficulter in lamellas discescan-
 „ tur, ibidem adfirmat.

§. X., Eodem fere modo comparatum est funiculi umbilicalis
 „ rudimentum, quod ovulorum suorum liquori innatare atque fi-
 „ brillæ speciem præ se ferre dicitur. Non enim aliam invenio hu-
 „ jus rei probationem, nisi hanc; fibrilla innatat vesiculæ, ergo
 „ fibrilla illa est funiculi umbilicalis rudimentum. Certe etiam hy-
 „ datidibus interdum aliquid fibrilloso aut heterogenei innatat,
 „ quod tamen æque minus pro funiculi aut foetus rudimento ha-
 „ beri potest, ac fibrillæ sanguini innatantes. Accedit, quod fi-
 „ brilla illa, in ovuli colliquamento observata, adeo subtilis fue-
 „ rit, ut oculis usurpari vix potuerit, adeoque utrum ejus stru-
 „ ctura cum funiculo umbilicali conveniat, nec ne, penitus igno-
 „ remus. Ad contrarium itaque potius amplectendum, partim
 „ præsens dissertatio, qua nullam foetus ante conceptionem præ-
 „ existere delineationem, probaturi sumus, hortatur, partim quo-
 „ que observationes, primordium foetus funiculi rudimento prius
 „ in conspectum venire, testantes, suadent. Nullum enim est
 „ dubium, quin, si fibrilla, quam se observasse contendunt, ve-
 „ rum fuisset funiculi umbilicalis rudimentum, non prius, quam

„ ipsum corporis primordium in oculos incurriſſet, quod ta-
 „ men factum ipſi referunt, dicentes, ſe illud duntaxat ocu-
 „ lis detexiſſe, hoc autem non difficulter mente concipere po-
 „ tuiſſe. Neque vero eſt cur aliquis ſibi perſuaderi patiatur,
 „ majoris momenti eſſe, quod veſiculæ illæ inſtar albuminis
 „ ovi coctione inſpiſſari dicantur. Tametſi enim mihi non-
 „ dum occaſio obtigerit, in rem hancce inquirendi, libenter
 „ tamen illud largiar, probe gnarus, quod non omnis vero-
 „ rum ovulorum formalitas in inſpiſſatione conſiſtat, ſed alia
 „ præterea requirantur. Id quod contrariæ ſententiæ defen-
 „ ſores nolentes quaſi fateri coguntur, utpote qui negant, te-
 „ ſtes muliebres vera ovaria eſſe, aut genuina complecti ovu-
 „ la, cum tamen, illa coctione inſpiſſari, certiffimum ſit, &
 „ quotidiana experientia confirmetur. Quodſi autem teſtium
 „ veſiculæ, quæ tamen igne inſpiſſantur, vera ovula non ſunt;
 „ firmiſſima quadam conſequentia efficitur, quod & novi o-
 „ varii veſiculæ neutiquam ideo vera ovula appellari queant,
 „ quoniam illarum liquor inſtar albuminis ad ignem conden-
 „ ſatur, adeoque hoc etiam argumento nil probant. Quo-
 „ rum de novo ovario, in cervice uteri poſito, ſententiam pe-
 „ nitus evertit elegans NUCKII experimentum, qui referen-
 „ te excellentiſſimo Domino BERGERO Lib. de Natura
 „ humana p. 457. in cane foemina tertio poſt congreſſum die
 „ extraxit per vulnus, abdomini inſlictum, ſiniſtri lateris cor-
 „ nu, cujus ovarium jam duobus ovulis majusculis notabiliter
 „ conſpicuum vidit, idemque deinde inter ovarium & vagi-
 „ nam medio loco ligatura arctiori conſtrictum, reſoſuit, ac
 „ vulnus obligatum intra octiduum ad cicatricem perduxit.
 „ Vigefimo primo ab injecta ligatura die canem ſecuit, & cor-
 „ nu ſiniſtri partem ligaturam inter & vaginam vacuum & ina-
 „ nem deprehendit. Quo proſecto experimento nil clarius
 „ eſſe poteſt, ſiquidem nemo non inde intelligit, quod, ſi ova-
 „ rium in cervice eſſet poſitum, foetus quoque neceſſario intra
 „ ligaturam & cervicem inveniri debuerint, ſpatio, quod teſtes
 „ reſpicit, inani relictio.

Hunc excipit Dominus ANDREAS OTTOMARUS
 GOELICKE Med. Doct̃or ejuſdemque antehac in Frideri-
 ciana P. P. Extraordinarius, nunc vero in Academia Regia, quæ
 eſt Duisburgi Clivorum Medicinæ Profeſſor ordinarius, qui
 Anno

Anno 1708. Halæ Magdeburgicæ Disputationem habuit Medico-Forensem, qua demonstratur, *Partum octimestrem vitalem esse & legitimum*, & inter alia his usus est verbis.

§. XI. „ Tria imprimis sunt, quæ pro confirmatione sententiæ suæ urgere videtur Dominus D. NABOTH. Primum est, quod novum istud ovarium in omnibus foemellis semper & sine discrimine temporis reperiatur. Multum sane negotii sibi facisset Author, si propositionem hanc maxime universalem in omnibus subjectis semper & sine discrimine temporis ipsa autopsia comprobare deberet. Fuerunt per totidem secula & adhuc sunt multi perspicacissimi, & si ita loqui fas est, ipso Argo oculatiores Anatomici, qui in totidem uteris cultro suo subjectis procul dubio vesiculas illas, utpote quarum aliæ pisi majoris, aliæ minoris, nonnullæ seminis cannabini, plures granorum milii magnitudinem secundum ejus observationem æmulantur, observaturi fuissent. Profundissimum vero eorundem de his rebus silentium propositionis hujus universalitatem maxime dubiam & suspectam reddit, potissimum cum ad corpuscula tantæ capacitatis videndum non requiratur oculus microscopio Lewenhoeckiano aut Muschenbroekiano demum munitus, sed vel semicæco, etiam invito & tale quid non quærenti, manifeste sese palpanda obtrudant. Et ne quid dissimulem, contigit etiam mihi ante biennium, puellam quandam decem annorum in suburbio Hallensi exa-
mini Anatomico subicere, & cum jam tum temporis de novo ovario Lipsiæ invento muscitarent Studiosi Medicinæ, cupiditas incescit animo, negotium istud rimandi curatius, adeoque non difficulter a matre puellæ obtinui, ut uterum cum annexis tubis domum mecum deferrem; sed ingenue confiteor, me totam internam ejus superficiem glabram, nullis tuberculis aut vesiculis asperam aut inæqualem deprehendisse, etiamsi vel microscopiis accuratissimis, quibus non destituor, uterum undiquaque lustrarem: an oculorum hebetudo, an ovulorum parvitas, an vero, quod probabilius, eorundem absentia in causa fuerit, ex his facillimum est dicere.

§. XII. „ Alterum, quod ipsum ad novam hanc hypothesin statuminandam commovisse videtur, est ovarii hujus simplici-

„ plicitas, five, quod solitarium sit seu unicum, licet paulo post
 „ non obscure sibi contradicere videatur, dum asserit, quod
 „ licet sit simplex, subinde nihilominus in circumferentia cer-
 „ vicis interna fere instar binarum arbuscularum cum ramulis
 „ expansarum atque fructibus conspiciatur. Quod tamen hac
 „ vice non admodum urgebo, illud tantum breviter monitu-
 „ rus, istam organorum corporeorum simplicitatem providam
 „ ac solertem naturam sedulo semper ac studiosè ubivis evi-
 „ tasse, adeoque homini binos oculos, binas aures, duas na-
 „ rium pinnas, duos renes, totidemque vasa spermatica, duos
 „ testiculos, duo ovaria, plures lobos pulmonum ac hepatis,
 „ paria semper nervorum tam ex cerebro, quam ex medulla
 „ spinali prodeuntia liberaliter indulgisse, idque eandem non
 „ nisi summa providentia fecisse, ut altero horum organo-
 „ rum læso vel corrupto, alterum nihilominus salvum esset ac
 „ superstes. Tantum igitur abest, ut imaginaria illa ovarii sic
 „ dicti simplicitas aliquam foemellis prærogativam sit allatura, ut
 „ potius iisdem in procreatione sobolis summè noxia futura
 „ sit. Tali enim ovario simplici semel destructo nulla ampli-
 „ us generationis actui medicina superest: cum econtra in du-
 „ plici ovario antiquo, altero læso, alterum adhuc integrum
 „ sit, & talis foemella felix adhuc multorum liberorum possit
 „ esse mater, uti mulier apud Cyprianum, evidenter pro-
 „ bat.

§. XIII. „ Sed tertium, idque princeps argumentum impri-
 „ mis suppeditat commodus situs seu locus, in quo ovarium
 „ novum deprehenditur, occupans quippe omnem internam
 „ cervicis uteri superficiem, ad infimam usque cavitatis fundi
 „ uterini partem, licet etiam nonnullæ istarum vesicularum
 „ limbum orificii interni excurrant, & nonnunquam in cir-
 „ cumferentia cervicis interna instar binarum arbuscularum
 „ cum ramulis expansarum atque fructibus eleganter conspi-
 „ ciantur. Ecce quam pulcrum ovarium, in quo pusiones
 „ crescunt, non aliter ac pira & poma in arbusculis. Lubens
 „ tamen agnosco commodum istum situm ad immediatum se-
 „ minis masculini contactum vividius suscipiendum multum
 „ conferre. Sed quis non videt, ex tali foecundo congressu
 „ non unum vel alterum pusionem, sed integram eorum co-
 „ loniam esse prodituram, sicuti non sine singulari delectatio-
 „ ne

ne ab bombycibus sæpenumero multas oculorum series centuriam semine illorum profico conspersas & foecundas redditas fuisse, observavi. Sed mulieres tamen ordinario non sunt multiparæ.

§. XII. „ Aft duriora adhuc fata miserorum pusionum cervicibus imminent, quia patria illorum, hoc est, vesiculæ ulterius describuntur, tanquam duabus partibus substantiæ cervicis immersæ, & cum eadem veluti continuatæ, parte circiter tertia extra internam cervicis uterinæ superficiem prominente. Doleo merito illorum sortem: quis enim ipsos ex foveis istis profundissimis, quibus immerguntur, liberabit? Quis credet, hoc pacto ullum partum naturalem esse futurum, qui non bipalio effodiendus, aut cultris incisoriis ex uteri cervice, cum qua non tantum continua, sed etiam ad duas tertias partes immersa sunt ovula, excindendus sit? Et unde constat tantum placentæ uterinæ vicem explere, quantum ultra duas tertias substantiæ cervicis est immersum? Annon hinc sequeretur, placentam uterinam ut plurimum cervici uteri debere esse agglutinatam, adeoque non leve foetui exituro objicere obstaculum, quod tamen est contra inspectionem ocularem? cum placenta uterina fundo uteri constanter adhæreat, licet in eo varius observetur naturæ lusus, dum interdum in sinistra, nonnunquam in posteriore fundi uterini parte hæsisse deprehensa est, quemadmodum in nuperriima sectione, quam in muliere quadam rustica, præsentibus quibusdam auditorum meorum administravimus, eandem parti uteri dextræ adhæsisse, clare conspeximus. Unde vero porro probabit D. Author, in vesiculis uterinis contineri germen, id est, totum foetus corpusculum, cum ipsemet fateatur, singulas foetus partes nullum oculum, optimis licet vitris armatum, discernere posse? Iisdem difficultatibus premuntur, quæ de amnio & chorio tanquam membranis foetum involventibus & funiculo umbilicali profert. Hæc vero omnia si dubia sunt, incerta & ex rationis tantum speculantis conceptibus profecta, uti ipsemet non negat, nemo nobis vitio vertet, si quæ juxta leges hujus hypotheseos adhuc restarent dubia circa conceptionem, & inchoandam & perficiendam, exponenda, in aliud tempus remittamus

Atque hanc suam sententiam de ovario Nabothiano iterum reperit

perit Clarissimus GOELIKE in *Historia Anatomia* superiori anno in lucem divulgata, tandemque concludit pag. 183. *Versatur autem in eo totius rei cardo & vesicularum istarum, quas nonnullis abusive seminales vocare placet, certitudo & universalis existentia, in quibuscunque subjectis fœmineis Anatomice demonstratur, qua demonstratione hætenus deficiente, ritum sane est, quicquid de usibus & consecrariis in Physiologiam & Pathologiam inde resultantibus differitur. Stabunt sane diæ illæ observationes sapius iteratas & experientiam magis universalem non ostenditur, vesiculas istas semper & in omnibus promiscue fœmellis, tam brutis quam humanis, & id quidem secundo non in statu extraordinario seu morbofo, sed quam maxime secundum naturam.*

Hæc duo quamdiu solide non præstantur, non poterunt, qui talia sero objiciunt, accusari, frustra esse, quod veritatem rei Anatomicam sollicitent, vel penitus universalem istarum vesicularum existentiam negando, vel earundem naturalitatem, (ut sic barbare cum aliis loquar), infringendo.

Habes hic, Vir Clarissime, Historiam Ovuli Nabothiani: superest, ut pro ea, qua polles Authoritate, Judicem Te nunc præstes, nec in ambiguo ulterius relinquas ordinem Medicum. De cætero ex animo opto, ut Supremum Numen sufficientes corpori animoque vires largiri velit clementissime, quo in perpetuum Artis salutaris ornamentum & emolumentum, quicquid Curiosi adhuc condunt pretiosi Tui Thesauri, cum orbe Literato communicare valeas, quod animitus optat

Clarissimi Tui Nominis

Cultor indefessus,

*Dabam Lipsiæ,
die 6. Maji 1714.*

D. MICHAEL ERNESTUS ETMULLERUS.

FREDERICI RUYSCHII,

*Anatomes & Botanices Professoris, Academiae Cæsareae
Curiosorum Collegæ, nec non Regiæ Societatis
Anglicanæ Membri,*

ADVERSARIORUM
ANATOMICO- MEDICO-
CHIRURGICORUM

DECAS SECUNDA;

In quâ varia notatu digna recensentur.

CUM FIGURIS ÆNEIS.



AMSTELÆDAMI,

Apud JANSSONIO - WAESBERGIOS.

M. DC. C. XXXVI.

ILLUSTRISSIMIS, NOBILISSIMIS,
ERUDITISSIMIS,
VIRIS,

Societatis Philosophicæ

BRITANNICÆ

Membris florentissimis,

Sub auspiciis:

Serenissimi Regis:

GEORGII

Opusculum hoc

OBSERVANTIÆ, ET REVERENTIÆ, TESTANDÆ ERGO

Offert:

FREDERICUS RUYSCHIUS.

THE UNIVERSITY OF CHICAGO
PRESS

1911

THE UNIVERSITY OF CHICAGO

BRITISH MUSEUM

NATURAL HISTORY

1911

THE UNIVERSITY OF CHICAGO

GEORGE

1911

THE UNIVERSITY OF CHICAGO

1911

THE UNIVERSITY OF CHICAGO

ADVERSARIORUM ANATOMICORUM

DECAS SECUNDA.



N, Amice lector, en iterum me prodeuntem in scenam ! nonne foret satius virum octuaginta & tres annos natum filere, atque farcinas in magnum illud, brevi suscipiendum, iter colligere ? Ita Sane ! oportet enim inter actiosa vitæ & supremum diem otii quid habere, quo vera Philosophia, quæ mortis meditatio, ab animo excolatur. Sic ago profecto, idque mihi præstat benignitatis DEUS præter tot bona, quibus me grandævum largissimè beavit, ut maximum senii tempus in his locem. interim tamen vivo, noctesque adhuc & dies impendo alacer contemplando, atque investigando humani corporis abdita, & puto me novi quid discendo quotidie senescere feliciter. Id verò, quod industriæ meæ aperit Creator, non mihi servandum credo; sed ita censeo, velle Adorandum Numen per me servum suum hæc in gloriæ suæ celebrationem mortalibus manifestare, ut sensim Medicina perfici queat. Si has meas causas æqui fers bonique, gaudebo; nec incolumis desinam monere sodales meos audacter & fideliter, si quid invenerim boni. Cedant conatus nostri in Gloriam DEI, & Salutem hominum !

I.

De Membrana, & vasis sanguiferis in Acetabulo Coxæ.

OMnia ossa ambiri membranâ, scripserant Anatomici, solos Dentes Periostio dicebant carere. Illi vero qui

A

ac-

accuratâ indagine mirabilia in Conchâ Auris Officula deinde detexerant, & hæc, Dentium instar, omni proprio vestimento nuda tam severè docent, ut insanire viderer Principi in Anatomicis viro, quando olim & hæc ipsa arête investiri verâ membranâ, vero Perioftio, scripseram, addideramque simul vasa sanguifera excipi, ordinatim distribui, perque membranâ hanc in meatus horum Officulorum intröire, humores eö deferre, imo vero & inde iterum recipere vascula, quæ perfunctos munere suo humores ex ipsis horum officulorum meditullis reducant.

Neque minus incredibilia proferre censebar, quando scribebam publicè inventum mihi Corticem Cerebri solo fabrefactum vasculorum sanguiferorum contextu. Quid itaque censebunt, qui me legunt scribentem, cavitatem Acetabuli in ossibus innominatis ex partē obducta esse membranulâ tenuissimâ, quæ ita contexitur mirabili vasculorum sanguiferorum apparatu, ut arte meâ repleta hæc totam membranulam nitenti undique pingant rubedine: eminus enim lustrata oculo membrana hæc absolute rubra apparet.

Neque est, ut quis putet, membranosas partes ex tenerrimis contextas vasis ilico in locis illis perire debere, utpote quæ sustinent molem superioris corporis, atque attritu perpetuo in se invicem actæ facile destruerent tenella hæcce vascula, unde inflammationes, dolores, suppurationes, atque alia mala perpetuo sequerentur. Ut enim hæc caveret incommoda Creator, cavitatem hanc ita construxit, ut impossibile sit, capiti Ossis Femoris membranam hanc, vel vascula ejus, attingere. Locus namque in quo tuta reconditur, est extra hemisphæricam superficiem cavam Acetabuli, unde globosum ossis Femoris caput, mobile intra descriptam cavitatem: eique fere congruens, nullâ parte suæ superficiei unquam possit tangere membranulam, ejusque vascula, ut manifestum erit unicuique qui inspicit Figuram.

Nemo miretur latuisse tamdiu atque effugisse omnem perspicacium Anatomicorum industriam hujus membranæ apparatus: quis etenim artificum hæctenus potuit ceraceam materiem ita impellere, ita dirigere, ut in intima hæc eo penetret impetu, ut abditissima hæc, & remota ab Arteriis majoribus,

vas-

vascula tam perfecte repleat? Attamen absque hâc felicitate successus frustra erit, quicumque vel membranulam hanc subtilissimam spectare cupit, longe minus possibile erit ulli vascula in hac tenuissimâ aliter detegere. Dolor coxarius ægrotantibus cruciatum, medicis verò opprobrium esse, tristis sæpe clamat experientia. Est ille sæpenumero incurabilis, nec levatur medicamentis, vesicantibus non auscultat, ferro resistit ipsi & igni. Conquestus jam de hisce Divus Hippocrates, nec mirum videtur sedem tum fixisse in vasculis profundissimê sitis in diverticulo Acetabuli intra cavitatem ejus posito. Nonne igitur difficillimum est eô intactis viribus illibata medicamenta afferre?

In icone cernis reptatus, & numerum, vasculorum sanguiferorum per hanc membranam. Monendus tamen es pictorem, artis suæ peritissimum licet, mirabilem naturæ ornatum haud satis feliciter affecutum fuisse: quia tam numerosa, tam implicita, hæc sunt, ut imitari fere sit impossibile. Ideoque partem hanc ita præparatam, atque balsamo conditam, ita aservo in novo, quod jam iterum paro, gazophylacio Anatomico, ut unicuique idoneo spectatori lubens illud contemplandum exhibere promptus sim.

II.

De Vasis, quæ per Patellam ipsam distribuuntur, atque per Cartilaginem mobilem in genu.

HUc, amabo Te, ades, qui desideras artem discere, quâ corpus Tibi exstruxit Deus! nova nec prius descripta contemplaberis. Non ita diu est, quando replendo cadaveris vasa in mirum incidi inventum. An verò observavit quis, vasa sanguifera sese penetrare per Patellæ corpus, atque immenso numero in una ejus meditullia se abdere? certe quum non meminerim id contigisse, rei nunc speciem dabo in Tabulâ conspiciendam, postea verò & Cartilaginis tibi vasa sistam. Sed oleum perdet & operam, qui vasa hæc invenire annititur, & demonstrare, in patellâ adulti jam hominis; sed qui imitari

valet, quod præstiti, in cadavere juvenili, ubi Cartilagineâ adhuc pelluciditate transparet, poterit illa distincta videre, atque advertere mirabiles eorum distributiones. Ne verò felici laboris rarus pereat successus, necesse est, partem ita arte paratam sic conservare, ut nec pereat, nec evadat opaca: utrumque sanè artificio singulari effeci: atque ita pulchrum hocce spectaculum inter mea, incorruptum asservo.

Cogitat forte, hæc quisquis legit; an ergò mihi frangenti toties Patellas, ut inspicerem in indolem earum, nunquam apparuit vel unustalium vasculorum, vel truncus, vel ramus? Ego candidè huic dixerim, nec mihi unquam illa fuisse spectata licet indaganti: etenim fractæ Patellæ ut inspiciantur vasa illic contracta suoque hinc expulso liquido orbata, omnem effugiunt sequentis aciem. Ubi verò injectâ cerâ, antequam frangatur Patella, vasa hæc distenta sunt, atque indurescente dein eadem materia manent repleta, tum demum datur speculari omnia. Inspice, quæso, figuram hic positam, quâ conatus sum exprimere Patellam de juvenili ablatam corpore; videsne eam tot abundare vasculis, ut tota fere rubescat? Senilia utem ossa sensim arctius compacta vasorum plurima abolent, inque firmiorem compagem densant, unde per ætatem firmiora quidem; at aridiora simul, ossa evadunt; quod quidem liquidius nunquam, quam in dentibus, spectatur, quos vasis contextos pueri in tenellâ ætate recondunt, senes verò, aut ætate proveciores, vasis conspicuis destitutos possident.

Quod si quis minuta me sectari objicit, atque in rebus haud magni momenti inquirendis occupatum deridet; imò verò si ait, satis esse notum, vasa ferri sanguinea per omnes corporis humani partes, perque ipsa adeo ossa. Huic ego reponam; mirari me licentiam hanc, quâ quis audet atleverare se scire vasa existere, quae nec ipse vidit, nec alius unquam. Undenam ergo illa nosti? quis eorum decursus? ubi haerent? quae diversitas in senio, ætate virili, adolescentiâ, pueritiâ? omnia hæc bene nosse, atque oculis spectanda dare, pluris facio, quam omnia conjecturandi atque effingendi effecta, nihil licet Anatomico adsumere, quod non videt, nihil eorum, quae videt, negligere, aut vilipendere. Nihil in corpore humano frustra conditum, cognoscitur & in eo frustrâ nihil.

Si

Si ægrè haud feret Lector, monebo eum, me vidisse jam bis; nec sine admiratione, casus vix credibiles nisi ipse interfuissem. Vocabar, ut opitularer, ad homines, qui suas caligas supra genu arcto vinculo constrinxerant ita, ut impediretur velox & facilis partium harum motus; his dein per plateas obambulantibus contigit, ut cespitarent, unde verò flexu genu prolaberentur humi, sine allisione Patellæ, aut Tendinum; interim diffracti his erant ipso hoc flexu subitaneo, Tendines validissimi Musculorum, qui Tibiam extendunt. Quis credidisset id fieri posse, qui novit & consideravit crassitiem horum ingentem? Rem tamen expertus sum adeò evidenter, ut hiatus inter partes Tendinum horum abruptas tam magnus esset, qui concederet digitum adulti transversum imponi. Neque surgere hi, nec se erigere poterant, imò verò ne pedibus quidem insistere absque adminiculo hominum ipsos fulcientium. coacti autem per multorum mensium spatium in lecto decumbere, tandem toto reliquæ vitæ decursu baculo corpus inter ambulandum fulcire, atque sustinere, impellebantur.

Multa equidem inducunt me, ut crediderim, esse quandoque talem in membranis, tendinibus, imò & in ipsis ossibus, conditionem, unde facilius, quam naturaliter, suis naturalibus locis exire, aliorsum cedere, quin & rumpi, possint. Quæ quidem mala haud accidissent tam facile, si abfuisset aegra hæc diathesis. Sane simile quid cernimus in Herniis, quæ natas admiramur levissimis aliquando ex causis, quum iidem homines alio quidem tempore impunè sustinuerint nixus, motusque maximos. Quis nescit sæpe terrore, animi perturbatione, levi nisu corporis, has in robustis, & exercitatis, natas? Dudum est, quod scripsi in observationibus meis historiam, quæ huc facit. Viro per publica incedenti, in declivitate pontis, lubricitate viæ subducti pedes casum minitantur, ille tamen corporis agilitate lapsum evitat, nec alliditur stratis viarum, in ipso tamen hoc nixu frangitur illi Patella transversa absque ullo allisu. Commisus ille curæ famosissimi Chirurgi, qui in pago *Jisp* dicto artem summâ cum famâ, eâ tempestate colebat, nihil adjumenti accepit. Quod tamen haud contigit culpâ adeò boni magistri: sed fragmenta Patellæ fractæ sæpe non coeunt iterum, quia unita haud possunt retineri, tam diu do-

nec coaluerint. Sæpe & impeditur hæc concretio inde, quod vasa fragmentorum quandoque non satis suppeditant materiem ossibus ad uncandis propriam. Enimverò homines vidi, quibus fracti ossis frustra, omni arte ritè tractata, tamen nunquam concredebant horum humeris, brachiisve circumducti & applicati, tubi ex bractea ferri multum præstabant commodi; partes in situ satis commode ita retinebantur, ut motus requisiti exercere utcunque possent.

III.

*De lubrica materie, quæ in articulo genu,
pone Patellam reperitur.*

Mirificum corpus, quod hic loci observatum Anatomicis, glandularum fabrica constare apud omnes fere auctores recentes pro certo quidem habetur; imprimis verò, postquam suam super his sententiam, observationibus subnixam, edidit subtilissimus inter Britannos Anatomicus *Clopton Havers*. Addit quippe egregius hic vir delineationem, quæ glandis structuram omninò exhibet. Ego tamen, qui partes has, arte meâ præparatas, cum curâ examinavi, glandulosi quid nihil invenisse cogor fateri: postquam enim eventu felicissimo vasa hujus partis materie replevi ceraceâ, atque deinde dexteritate singulari expedivi ab intricatione sua mirabili, videor mihi liquidò spectare, totum hunc apparatus merè glandulosum habitum, esse ex meris conflatum vasculis, quæ sanguinea sunt, sed quam tenuia? quam diverso ab omnibus aliis reptatu incedentia? Sane est in his singulare quid, quod frustra aliis in partibus quæsieris. Sed præ cæteris notabile mihi videtur in hoc opere, quod glomen horum vasculorum undequaque obsitum sit materie quadam lubrica valde, & quæ pinguedinem aemulatur satis bene.

Ipsa itaque materies lubrici hujus linimenti, quæ hic apprehenditur, non secernitur certè à sanguine, ope structuræ glandulosæ, ut quidem id volunt auctorum Celeberrimi, sed perfectò separatur extremis illis Arteriolarum finibus, qui ideò tam subtiles, multiplices, & tam singulari penitus apparatu in-

instructi sunt, ut efficiundo huic operi aptissimi sint: vascula enim arteriosa serosa hic ita construuntur, ita ordinantur in suo decursu, ut simile alibi non spectemus. Cur autem hæc subtilitas, figura, reptatus, situs, non sufficerent producendæ singulari indoli hujus humoris? quare esset opus accedere glandulae naturam praeterea, ut idem fieret. Nonne demonstravi jam dudum alibi in Hepate, Liene, Testibus, extremitates vasculorum arteriosorum solas esse, & sufficere, ut peculiares illi humores, suis singuli locis, conficiantur, sine ulla glandulae cujuscunque accedentis ope. Si porro objicere quis vellet, omnes humores simul confusos in sanguine arterioso contineri, ideoque tantum esse opus, ut ab hac universali, omnesque humorum species continente, humore, singulares illi separentur, ita quidem, ut Fel, Lac, Oleum, Semen, Saliva, jam haerentia verè in ipso sanguine tantummodo, inde rursus separentur: non habeo aliud quod dicam, nisi me credere, veram quidem materiem horum omnium jam adesse in sanguine, interim tamen liquores hos peculiares, antequam tales evadant, omninò adhuc peculiariter debere elaborari, & in singularem suam naturam acquirendam ulterius perfici: haec autem omnia perfici videntur & absolvi per mirabilem apparatus extremorum vasculorum, quae propterea tanta diversitate fabricae deprehenduntur in qualibet parte, ut conficiendis tot diversis humoribus pares evadant. Causa tandem, quae opinioni de glandulosa hîc loci fabrica originem dedit, haec imprimis est; in vasculoso illo apparatu locantur, ubique exigua membranacea receptacula, similia iis, quae in intestino recto imprimis, ut & intestinis tenuibus observantur, quaeque versatissimus in Anatomicis *Listerus* donat nomine agminis glandularum, de quibus postea dicam. Circa receptacula haecce innumeralia vascula sanguifera; telâ araneorum subtiliora, atque decursu omninò singulari disposita videmus. Neque apparere haec vascula possunt, nisi prius cerâ rubra bene repleta fuerint, dein radiis solaribus recta allapsis in coelo sereno, observentur per oculos boni microscopii adjumento usos: ubi enim omnibus his beneficiis simul adhibitis, non uteris frustra, haec inquisiveris. Atque inde sane fit, ut pauci futuri sint, qui haec conspiciere valebunt, vel in ipsis praeparatis ritè partibus. Ego autem

tem, qui tot annorum experimentis sensim, omnia tentando, bona saepe fortunâ adjutus, haec inveni, soleo quotidie fere variis illa hominibus ostendere, atque inde audeo asserere, extremitates harum arteriolarum aptas natas lubricum hunc humorem ex serosa sanguinis materia secernere, atque in cavitates illorum receptaculorum lentè, sed perpetuò, infundere. Quas postea lacunas *Boerhavianas* appellabo: quia singularis ille meus Amicus, in Academiâ Lugduno-Batavâ Professor Botanices, Chemiae & Medicinae, primo de his mihi locutus est. Licet autem vascula haec tam subtilia sint, tamen humor inde secretus potest spisso lentore lubricitatem hic requisitam adipisci, dum in recessibus harum lacunarum remoram passus inspissari facile potest. Ubi autem medii articuli effusus inter articulos attritus, subtilior hinc redditus, maneat, postea inquiram: suffecerit hodie ostendisse, Arteriolas solas esse unum organum secernendae huic materiae.

IV.

De Mesenterio.

Nimis innotuit Anatomicis, Mesenterium subtili membranaceâ fabricâ constare, quæ intestina tenuia annexa in hemisphaerii speciem retinentur: verum non diu est, quod intentiore animo & oculis contemplerer fabricam ipsam hujus membranae, tumque nova fatis nonnulla mihi se conspiciunda obtulerunt. Evolvi itaque, quae alii super his commentati fuerant, atque expresserant figuris. Sed apparuit, quaedam effugisse tamen illorum aciem. Sane recordabar, saepe mihi observatum, & olim fuisse; homines, quibus vulnera inflicta utque in cavum abdominis ita, ut etiam perforassent hanc mesenterii membranam, lethalia fuisse intra duos tresve dies, interim re accuratissimè, ut oportet, pro renunciatione coram Judicibus examinata, nec vulnerans instrumentum, ulterius penetravisse apparebat, neque ulla praeterea pars alicujus momenti fuerat laesa, ut accurato & sollicito examinatori liquidò constabat. Sed gravissimis hi homines, & assiduis doloribus fuerant afflicti, qui abdomen intolerabili cruciatu exagitaverant. Quis
tamen

tamen auderethæc vulnera lethalia pronunciare? Profecto nondum id auctoribus placuit, qui super his scripserunt. Intellexi dein ab Ornithotrophis, quod, cum Gallos castrant, eosdem illicô jugulent, si animadvertunt in hoc opere mesenterium vel minimum læsum fuisse: sunt enim per experimenta certissima edocti, hos brevi morituros esse ab hoc vulnere, nec arte ullâ servari posse. Quæ quidem docent Mesenterium, licet neglectum, quam frequentissimè, maximitamen esse momenti in vulneribus abdominalibus. Si autem semel tantum, vel forte bis id mihi observasse contigisset, certè non ita haberem animadversione, vel commemoratione, dignum. Sed elapsi jam sunt anni quadraginta & octo à quo auctor state Magistratus Amplissimi urbani præpositus sum officio examinandi cadavera occisorum in Amplissimâ hâc Urbe, ubi, proh dolor! nimis hujusmodi malefactorum hominum culpâ, homicidia accidunt, ut deinde ad Judices referam de conditione vulnorum: atque in multiplici hac occasione testari mihi fas est, jam sæpenumero me expertum esse, quæ modo dixi.

Dum verò sedulò Mesenterii structuram oculis perlustro vigilibus, manifestò deprehendo plurimos subtiles nervos per illud distribui. Quin & evidenter cerno, extremitates Vasculorum sanguiferorum non ita terminari, ut icones Anatomicorum docent, sed habent se hi fines sic, uti ego hic in figura depinxi: Ne autem dubitare quis jure queat de picturæ veritate, servavi partes, juxta quas hæ delineationes factæ sunt. Sunt enim extrema hæ vascula tomenti instar subtilissimi tenuia, atque tam innumerabilia, ut totum Mesenterium rubescat penitus, postquam ejus vasa materie ceraceâ rubra injecta repleta sunt: quum interim absque hac præparatione ne oculos penitus effugiant. Equidem fateor, me non potuisse olim ita præparare Mesenterium: neque enim aliud difficilius, hac in arte, habetur, quam materiam ceraceam urgere eousque, ut usque in hæc vascula penetret, & tamen simul cavere, ne eadem propellatur ulterius. Si enim urgetur plus, postquam huc pervenit, tum Tunica cellulosa Mesenterii penitus eadem materie repletur; ubi autem tum & adhuc ultra premitur, oritur extravasatio præternaturalis materiae ceraceae in forma globulorum rubrorum. Quamdiu tamen ceracea materia tan-

B.

tum

tum transit in tunicam cellulofam, tamdiu nondum puto extravasationem præternaturalem esse, etenim replet tantum cellulas hujus membranæ, veluti extremitates Arteriolarum idem efficiebant in vitâ pro nutritione. Atqui eò non oportet materiem propellere, quia tunc obscurantur & confunduntur fines extremi repletarum Arteriarum.

Quin etiam videmus in Mesenterio glandulas plurimas, tam majores, quam minores; sed in humano Mesenterio nunquam Pancreas Aselli apparet, ut in ovibus, licet error hic magnus committitur à multis. Si autem Mesenterii vasa sunt repleta prius, tum hæ Glandulæ vagæ in humano Mesenterio deprehenduntur effici ex subtilissimis vasculis sanguiferis, pulposâ tamen substantiâ simul appositâ. Vascula hæc mirabilia valde sunt, sive eorum spectaveris structuram, sive decursum consideres: neque ullo modo exprimere hæc possum, longe minus in figurâ depingere; sed in novâ meâ collectione Anatomicâ ostendere possum, & volo, dignis quibusque spectatoribus.

Sed & puto maximè notandum esse circa Vasa lactea; quod Venæ lacteæ primi generis, transeuntes per has Glandulas, se uniant cum Vasis lacteis generis secundi: Id enim mihi patuit, quando tubulum exilissimum introduxeram in vas lacteum primi generis, perque illum deinde flatum immiseram, statim enim tum flatus lacteas secundi generis quoque distendebat, ventusque in thoracicum ductum usque transit. Præstabam id tubulis adeò subtilibus, ut setam tenuem vix admitterent, quosque mihi hos in usus parabat dexteritas incomparabilis eximii Mechanici Lugdunensis, *Musschenbroek*, ante quinquaginta jam & sex annos.

Quin imò cum gaudio reminiscor veterum laborum, quando vasa lactea sic inflata ex ipso Mesenterio separata eruebam, atque exsiccabam in aëre, ut arefacta oculis exhiberem. Sed jam damnosa quid non imminuit dies! Nihil simile efficere non possum! Hebetata enim acies oculi, nec perspicilla defectum supplere possunt. Venæ autem lacteæ primi generis oriuntur ex Intestinis, tam subtili principio, ut ineffabile id, & incre-

D E C A S S E C U N D A.

11

incredibile sit, ita quidem ut tomentosa horum exilitas absolutè non possit ullâ figurâ depingi: ideo solebam ego infigere tubulos meos ad propositum modò enarratum in vas lacteum, quod pollicis lati crassitie distaret ab ortu ejus ex Intestinis. Si verò subtilis adeo est horum ortu, quis ergò credat pressione aëris, alteriusve corporis, Chylum adigi posse in oscula horum? Certè potius crediderim innatâ hæc, & insitâ à DEO, facultate peragi, quam forte non omnino ineptè attractionem posses vocare. Neque improbabile mihi, sed demonstrabile, videtur, singulas quasque corporis humani, imò verò & universi, partes à Creatore præditas esse virtute quâdam singulari, nec communi ita aliis, per quam potestatem infusam valeant commodè & certò id præstare, cui efficiendo creatæ sunt. Et opinor Chylum, ad Glandulas Mesenterii vagas delatum, ibidem quodammodo perfici, limpidiorem & puriorem reddi, ope Arteriolarum pulposis extremitatibus suis, forte subtilissimos illi humores affundentium; atque ita perfectiorem hunc Chylum porro deferri in ductum Thoracicum: receptaculum enim Chyli naturaliter in homine non reperitur.

Sed & pinguedinem per Mesenterium distributam reperio tam numerosis ornatam vasculis sanguineis subtilissimis, ut integrè rubescat, postquam materiâ ceraceâ illa replevi: deinde verò arte non vili reddere possum eadem tamen vascula distinctè visibilia: quod quidem artificium inter cætera eximium est. Non ita dudum est, à quo id efficere didici, nunc verò certò id præsto, ut in Icone hic depingendum curavi, cujus prototypon in Thesauris meis asservo.

Quin & id memorabile narro, Venas Meseräicas in equis, Valvulis veris hinc inde præditas à me observari, quod nunquam in corpore humano mihi, forte nec aliis, observatum novi.

Vidi semel in toto vitæ meæ Medicæ decursu, Mesenterium humanum apostemate purulento computruisse, atque inde ipsa quoque intestina, soluta suis Meseräicis vinculis, libera & confusa in abdomine fluctuasce, dum interim sic affecto homini vita nihilominus, licet brevi quidem tempore, fuit superstes: propriis ego manibus cadaver hoc incidi, rem-

que verissimè sic se habere expertus sum. Neque memini tale quid aliis unquam visum, vel descriptum fuisse: quamvis de Omento talia observari satis frequenter occurrat.

Aliud quondam mirabile, scrutanti mihi visum fuit, unde dubitabam an forte, præter sanguinea, chyliifera, lymphatica, pinguedinosa, nervosa vasa, alia adhuc darentur in Mesenterio nec descripta huc usque, nec nota. Id certò Tibi, & sincere dixerim, olim mihi contigisse, dum brutorum corpora aperiēbam præinopiā cadaverum humanorum, ut in Mesenterio ovis invenerim partem culmi graminis, quæ locata erat inter intestina, & inter Glandulas Mesenterii, neque hærebat tamen in venis, nec in ullo genere vasorum notorum, tamen in Mesenterio. An ergæ latent ibi in vivis vasa adhuc ignota nobis, & post mortem fugientia? ut *Aselliana* olim & *Pecquetiana* nemini innotuerant. Certe contigit mihi videre in cadavere foeminò, quæ Amstelædami vitam egerat, atque ingentem habebat calculum in altero Ureterum, cujus obstaculo impediēbatur transitus materiæ purulentæ ex Rene illius lateris in Vesicam; inde autem intumuerat ureter usque ad cò, ut speciem referret Vesicæ Urinariæ: quum intento hæc scrutarer animo, miri quid observabam: nam ex prætumido illo ureteris loco ortos vidi plurimos exiles tubulos, qui, inde progressi versus partem Abdominis sinistram pleni erant purulentâ illâ materie. Me stimulabat quidem hæc ulterius prosequendi cupido, sed pietas amicorum prohibebat majorem cadaveris lacerationem.

Quis verò omninò definivit hætenus, an & viæ, quibus fertur in Vesicam urina, aliæ haud sint præter eas, quas agnoscimus hodie?

Id quoque hæc opportunitate commemorare fas esto: me inter rarissima quæque asservare mihi binas acus ex ære confectas, quas anno elapso *Samuel Lion de Bonaventure*, Chirurgus expertissimus apud Judæos, me præsentē eduxit ex digito extremo puellæ Octo annorum, quæ ibidem ultra annum hæserant, dum nemo sciret, quando & quâ viâ eò penetrassent. Vide Figuram 4 Tab. 1. Equidem satis novi aciculas acutas quandoque intra corpus fuisse reconditas, sed binas aciculas cupreas, capitulo globoso instructas, sibi invicem accumbentes ex anteriore parte digiti eductas alicui fuisse, quis vel fan-

do audivit ? Certè vel factu videtur impossibile ? Vidimus olim, & sæpius fallacias astutorum, quibus miræ artis lucri causâ imponebant ignaris : illæ verò facillimè poterant detegi. Quis autem ullo conductus pretio patiebatur, duo talia corpora sibi infigi in apicem digiti. Hæc certè longo annorum spatio quam miserabilissimè fuerat conquesta de immanitate intolerabilis doloris, quo excruciabatur : imploraverat opem variorum Chirurgorum, qui incassum plurima tentaverant : nec reperiebatur, qui vel divinando assequeretur, quod hoc esset mali. Nec mirum : Si enim in pingui valde, vel carnosa parte corporis id contigisset, licet mirabile & tunc fuisset, tamen forte visum fuisset possibile ? has verò aciculas quis quæreretur reconditas intra gracilem partem quæ, tenui forte parcâque pinguedine tecta, cæterum tota tendinibus constat, vel ligamentis, & ossibus.

An tamen minus Tibi mirum videtur, hominem ore suo evomere perfectum animalculum, quadrupes, cani simile ; Id autem in Thesauris meis Anatomicis jamdudum edidi. Sed jam servatur in thesauro illo incomparabili, quem jam possidet *Serenissimus Russorum Imperator*, qui voluit mea hæc tot annorum spatio, tantâ sollicitudine, tantâ industriâ, à me collecta, sua fieri. Sed gaudeo hæc nacta esse hospitium in Aulâ *Principis*, cui vix alius inter Principes Europæ comparari potest, si spectes indefessam diligentiam, qua Historiam Naturalem indagat. Vix credibile unquam fuisse tam excelsum Monarcham, qui tantâ cum mansuetudine, lenitate, patientiâ, humanitate, interrogare, audire, & admirari, vellet artifices bonos in suâ arte narrantes, respondentes, docentes ! quam docilem, imò verò quam affabilem se præbebat non auditorem modò, sed & Discipulum Clarissimo cuique in omni artium genere Magistro : Voluit utique doceri à me fabricam humani corporis ante XX annos, tumque intentissimo animo me audivit, super omnibus rogitabat sedulò, atque habebat in memoriâ semper, quod viderat semel.

Quum autem ante triennium huc reversus me primum domi meæ inviseret, porrectâ salutans dextra exclamavit, O ! mi Præceptor senex, tantoque affecit honore, quem privatus nemo à tanto Monarchâ exspectare potuisset unquam.

V.

De Saliva.

Salivam sanitati tuendae non utilem modò, at verò maximè necessariam esse, historia, quæ sequitur rara satis demonstrat. Puella Amstelaedamensis annos jam nata XII. passa fuerat ulcus serpens nomodes, quod ita affecerat inferius Labium, ut magna ejus pars exesa, ingentem plagam ibidem ostenderet. Turpe fuit spectare faciem inhonesto vulnere laesam, sed longè tamen deterius erat stillicidium perpetuum salivæ, quæ ingenti copiâ, assiduò, per hiulcum patensque manabat vulnus: coacta inde misera erat gestare manu semper admotum labio muccinium, quo compesceret defluentem humorem, eumque simul linteo admoto absorberet. Obtulit bona fortuna obviam forte illi Celebratissimum illum Chirur- gum Amstelaedamensem, nobilem certe felicissimo artis exercitio, *Petrum Adrianum Verduyn*, qui spectans miseriam, humanissime rogavit, undenam ipsa, quibusque nata parentibus? Postquam ex responsis intellexit, parente orbam utroque, ali jam in publico Amstelaedamensium Orphanotrophio Men- nonitarum, percussit illicò commiseratio animum: quid ver- bis opus? adit ultro Curatores istius ædis, & obtulit se, ut tantæ calamitatis onere pressam levaret, nec aliam mercedem petere velle, nisi afflictae solatium. Committitur actutum aegra viri curae; qui margines induratas utrimque sic abscidit, ut cruda manarent sanguine, ut in labii Leporini curatione fit, dein trajectis binis per labium acubus vulneris crepedines ad se invicem apposuit, filamentisque firmavit secundum artis praescripta, coaluit intra diès VI vulnus ipsaque aegra fuit perfectè sanata, ut omnem jam salivam commode in ore re- tineret, idque in hodiernum usque diem feliciter sanatum per- mansit.

Quod verò hac in historiâ prae caeteris maximè est memora- bile; aegra illa, dum patiebatnr assiduam hanc Salivæ jacturam,
ante

ante curationem, corpus habebat tenellum & pro ætate suâ admodum exile; sed & proceritatem neutiquam nacta fuerat annis suis convenientem; verum simulac arte hac sanata fuit, statim increfcere cœpit, ut justam brevi corporis magnitudinem adepta fit, fueritque summæ admirationi omnibus, qui eam prius noverant, ob insignem hanc, citamque mutationem. Quam errant igitur, qui salivam pro recremento noxio habentes, eam abjiciunt, eoque pulchrius valere putant hominem, quô frequentius eâ corpus exonerat, eum in finem Siagogæ adhibentes, & offas tenaces manducandas. Ego contra sæpe vidi ex defectu hujus humoris, cibi fastidia oriri: quare & soleo suadere iis, qui ab acutis convalescunt, quibusque frequentius salivâ os affluit, hanc deglutire velint, quin etiam in diuturnis sæpe affectionibus incidit. Salivæ affluxus ingens, quam ubi exspuunt, labuntur in deteriora ægroti, qui si tridui spatio patienter hanc absorbuere, sanantur felicissimè.

Accidit, me vocari ad Matronam Amstelædamensem, querentem de macie extremâ consumpti fere corporis. Deprehendi foeminam adeo debilitatam, ut vix ægros traheret spiritus. Deseruerant hanc desperantes omnino de sanitate medici; dum circumspicio ad omnia, ut inquirerem in causas mali, video forte omni eam temporis momento exspuere in vas à latere appositum salivam, sicque totum profectò exhaurire jam ferme aridum corpus. Dixi illicò, temperaret sibi, degluteret, non ejiceret, hunc benignum humorem. Mirum videbatur, adeoque repudiabat primò consilium, asserens omnino id fore & impossibile sibi & noxium. Instantiâ orationis meæ mox fecit & obedivit. Quæ rerum mutatio? brevi sanata fuit absque ope, sine necessitate, alterius auxilii. Nec semel id evenisse vidi, imò verò sæpenumerò. In fine quippe morborum malum id commune est. Si negligitur, sæpe tum lethale evadit.

VI.

De Valgis.

O Berrat hominum genus obtortis ita incedens cruribus, ut genua ambo fere se mutuò tangant, dum pedes plus distant in-

infra. Dubitabam olim pro quo habendum esset malo: an ex mollitie oriretur ossium, ut in Rachiticis infantibus, antribuendum potius ligamentorum laxationi eorum, quibusnectuntur Femoris & Tibiæ epiphyses? Ambigenti super hac re occurrit Valgi & adulti quidem, cadaver. Pericrutabar ilicò, statimque intellexi rationem morbi. In utroque scilicet crure, cavum interius summitatis erat longè magis depressum, quam cavum ejus Tibiæ externum. Id quomodo factum fuerit monstrat Figura 2. Tab 2. unde debuit necessariò pars interna hujus articuli vergere in contactum, atque inclinare. Qui igitur curandos hosce homines suscipiunt, postquam adoleverunt, atque instrumentis, vel ligamentis rem aggrediuntur, peccant; est enim impossibile adultiori ætate unquam efficere, ut cavitas assurgat, vel elongetur tuber Femoris illi cavo respondens. In tenerâ autem adhuc ætate, idonea instrumenta multum præstare; malumque hoc præcavere valent. Sed & illa Medicamenta, quæ aciditatem humorum ad ossa delatorum mitigant, atque natam inde mollitiem ossium firman.

Quamvis enim pauci rem absolverint experimentis, certus tamen sum, ossa humana ab acido quodam liquore penetrata ita emolliri, ut obsequiosa reddita, tenacitatemque adepta vimineam, flecti queant, ut in Rachiticis, Scorbuticisque, fieri videmus. Ita quidem puerorum ossa, macerata diu in liquore acido factò, sic emollita inveni.

An non & inde ratio liquet memorabilis morbi, quo affecta virgo in Galliis, omnia habuit corporis ossa pastæ adinstar mollia? Cogito autem nihil posse accidere pejus infantibus, quibus sic affecta sunt ossa, quam quod cogantur insistere suis pedibus, aut, quod priori adhuc majus malum, ambulare. Pressæ enim incumbentis molis pondere juncturæ molles dilatantur, itaque pariunt omnia mala, quæ Rachiticis evenire dolemus quotidie. Inspice modò figuram appictam, ubi curvatura ossis Femoris. Vides ibidem quatuor digitos pedum adulti hominis, in quibus extra cutis superficiem spectabiles occurrunt Papillæ cutaneæ, Epidermide & Reticulari corpore nudatæ: certè ita prominent, ut luculentissime appareant,

si exposito radiis solaribus objecto per Microscopium bonum inspiciuntur: quia autem Papillæ hæ ex Nervorum prodeunt extremitatibus, non rarò inde oriuntur clavi, dum pressis nimium per arctos calceos pedibus adunantur, Papillae plures inde in callosam, cartilagineam aliquando, vel & in corneam, aut ungui similem materiem indurescentes. Neque mirum etiam tam periculosos saepe, imo & lethales, evasisse hos clavos, ubi incautus magister male hos fuerit aggressus.

VII.

De Glandulâ Thymo.

Nulla fere humani pars corporis uberiores præbuit materiem altercationibus, litibusque, quam Glandulae fabrica: dum ambigitur interim hætenus quænam sit singularis hujus structura, quibusnam constet partibus, quomodo in veras differentias distribuendae ex lege naturae Glandulae sint, quis denique harum verus sit usus? Si itaque meum hic institutum foret, ut accuratè recenserem auctores, qui bene de his commentati sunt, & quænam sint illa, quae scripserunt de hisce, id sanè argumentum magnum satis volumen posset implere, & forte multum sic boni temporis periret incassum. Igitur hac vice solum aperiam, quid sentiam de Thymo Glandulâ, & quidem breviter; obnixè interim flagitans, ut meliora edoctus mihi impertire dedignari haud velit. Olim juvenis sedulam assiduò operam navavi in excolendâ comparativâ Anatome, tumque equos saepenumero, multoties & boum corpora, incidebam investigandi ergò; accidit semel, ut, Thymum scrutatus in bove, visus mihi sim detexisse singularem in eo ductum, quo secretus illius fabricâ humor abduceretur. Persarum mihi videbar Rege beatior! Vena apparebat liquidò, quae per Thymum distribuitur, tam pellucidae fabricae & tenuitatis, ac si foret vas lymphaticum sine valvulis, in unam ex venis mammariis se exonerabat, ilicò commisi pictori, ut exararet ejus icona, cum ipse eo quidem tempore necdum dextrè satis pingere possem, feliciter rem expressit figurâ pictor: quum tamen postea consideratius hoc expenderem negotium, eru-

dito orbi impertire nolui rem. Sed quid eo fecissem mali? Manifestò ramus hic ex Thymo ortus, inde decurrens in Venam Mammariam se exonerabat; quum interim canalis hic non esset ulli alteri similis, utpote pellucidus, tenuisque perfectè instar Lymphatici vasis: si usus hujus erat, reducem ab hac Glandulâ sanguinem Venis inferre, undenam igitur huic unita ab omni aliâ venâ sanguiferâ diversitas? Profectò Venae lacteae primi generis sunt crassioribus constantes tunicis fortioribusque, quam lacteis generis secundi; Chylus per lacteas Venas primi generis fertur in Glandulas Vagas Mesenterii per superiora harum, atque per inferiora earundem iterum ex iis exit, deinde autem lacteae secundi generis latiores sunt, atque fabricae aequè tenuis & subtilis quam est vasorum Lymphaticorum, habentque etiam valvulas pauciores. Nonne est in naturâ ratio, cur haec ita se habeant? Si ita censes: erit itaque & causa certa singularis hujus in hoc ramo Thymi structurae.

Interea tamen, quid hujus sit rei in homine, cujus tam parva est respectu bovis magnitudo, nondum detexi: nam olim contentus fui vasa haec aëre inflato replere, ut & hic feceram. Quidquid id est, apparebat certè in Thymo ille pellucens, tenuis ramus; quem pro excretorio ductu habui, sique ille ita semper, ubique eò loci reperiretur, ambiguum restaret adhuc, an meritò agnosci deberet pro excretoria fistulâ? Id dabitur, opinor, hanc ejus tenuitatem haud frustra talem dari. Neque credere queo Venas corporis solum reducere sanguinem. Cur enim Venae Meseraicae sanguinem modò veherent in finem Venae Portarum; Quare non aequè in se sorberent potum; Chylique tenuiora? ut cruori hic misceant. Si autem negas ductum illum Thymi, credas interim mecum, paratum Thymo humorem venis in Cor deferri. Neque alienum Tibi videatur à vero, dum paratum dico in Thymo humorem: neque enim credibile id solâ absolvi percolatione ut in cribro. Sed singularis ultimarum Arteriarum compages sola apta nata est, quæ humorum delatorum exceptas partes in novas formas mutet, subigat, pinsat. Thymus itaque, quum Glandula sit, solis igitur constabit vasculis, non Glandulis minoribus. Id enim si foret, singulae tum hæ particularibus membranulis distinctæ

stinctæ esse deberent, quod nemo demonstravit hætenus, ideòque juxta Anatomicas leges non licet illa fingere.

Videtur utique simplicior, ideoque propior vero, mea sententia. Nonne enim ex meis constat abunde demonstratis, extrema vasa longè aliter formata esse, ubicumque aliis præparatur & separatur humor. Si quis dubitat super his, potest in omnibus visceribus à me præparatis id perspicuè videre. Habet enim Invictissimus Russorum Imperator in suo Thesauro omnium specimina. Quin & domi meæ labore improbo recentia ita iterum adaptavi, ut & ibi cernere liceat. Sunt quippe aliæ in ventriculo pro cibi attritu & coctione; aliæ in Hepate, quibus fit bilis, absque ullo Glandularum apparatu: in Renibus penitus rursus diversæ ad separanda putrida de sanguine olea & sales. Tu verò, qui hæc aliter censes se habere, quæso tua Tu, & mea ego, oculis subjiciat fidelibus!

VIII.

De Sterno.

Inter ea, quæ accuratius definienda erant in vera partium corporis humani fabricâ & illud meritò quæras, quid sentiendum sit de cavitate, quam sub Sterno, inter separatas mediastini pectoris membranas, adesse imaginantur plurimi, & quam solent considerare, ac si habenda foret tertia, vel quarta, Thoracis camera. Ajo hanc nunquam in homine dari, quamvis celebres Anatomici eam descripserint, atque figuris etiam simulaverint. Novi & Chirurgorum celeberrimos hanc posuisse, atque etiam asseruisse sæpe prægressa inflammatione hanc repleri pure, quod dein Sterni perforatione per trepanum educere aggrediuntur. Inquisivi in hanc rem eâ quidem, quam veri amor requirit, sedulitate, & reperi constanter, nullam omnino talem cavitationem hic unquam adesse. Si enim in cadavere humano incideris accuratè interstitia extremitatum ossearum in Costis, & Cartilaginum, quæ Costas Sterno committunt, sique tunc prudenter porrò & lentè, Sternum leniter separas ab anteriore parte, spectabis certò, nullam ibi cavitationem reperiri. Sed, quando deinde libratum ita Sternum à Me-

diafragma & Pericardio elevas, tunc Mediastinum utrimque à pleurâ recedens speciem cavitatis efficit; inter geminatas Mediastini membranas: quæ tamen cavitas prius à naturâ non erat efformata. Quin imò, quoties Pleuram membranam deducò à subjacente membranâ cellulosa, etiam & tum efficitur cavitas, quæ semper quoque factitia modò est. ut de priori dixi. Nec apparet ullus cavitatis illius fictitiæ usus, nulla necessitas,

Attamen, ut rem hanc quam certissimè oculis exhiberem, ita rem aggressus sum: Infantis cadaver in Trunco descendente aperui, tum materiâ replevi ceraceâ, sic quidem, ut Cor & Pulmo integrè replerentur affluente materiâ; id postquam effectum, totum hunc Thoracem transversim discidi, tam infra Cor, quam supra illud, ut solent piscium majorum corpora in segmenta, vel tomos discindi. Quid tum? ne minima sanè cavitas sub Sterno apparuit, quæ profectò debuisset inveniri, si naturali ibi formaretur lege. Sed nihil minus. Haeret ubique contiguus Pleuræ Pulmo, jacet in medio Cor, ut in homine vivo, ita positum, ut apice suo spectet laevam. Posteaquam igitur ita clarè hæc videram, deinde segmentum illud pectoris balsamo condivi, locumque sic parato dedi inter sicca mea recentia præparata: simulque ibi apposui Sternum, unâ cum adhærentibus Costarum cartilaginibus parvuli infantis; quæ quidem felici adeò artis successu præparata, ut non modò Mammaria & Intercostalia, vasa sanguifera, sed & illa, quæ musculos perreptant Intercostales, penitus & distinctè sint repleta, ut totum hoc præparatum distinctissime & nitidissimè in conspectum veniat, absque ullâ, vel minimâ, evasatione præternaturali materiae; sed pulcherrimè videtur ceracea materies instar roris tenuissimè diffundi, quemadmodum & humor noster Chylo-ferosus viventibus nobis in alimentum ita dispergitur. Sed & Cartilagines Costarum præcipuae pellucide hîc remanserunt. Puto autem nihil reverâ in hac arte difficilius, quam hoc ipsum efficere; quod pulchrè noscent illi, qui per has incedere salebras animosè conati sunt. Servandum igitur cum curâ hoc ipsum, & inter rarissima mea reponendum, censui, ne mihi auferant fures, qui pro amicis in conclavia mea admissi, infanda audacia rapiunt, exque aedibus meis auferunt, quæ ipsis monstraveram, ut votis eorum satisfac-

facerem. Neque his contenti rapinis, in alias deinde regiones & regna, furto hæc ablata mea circumferunt, pro suis ostentant, suæque se arte & manu talia jactant separare posse. Elapsi sunt aliquot menses, quando Penem humanum, incredibili labore, summa cura, & eventu felicissimo, ita præparaveram, ut nunquam tam pulchrè, luculentissimè & quam distinctissimè, in oculos se offerebat corpus Nerveo-spongiosum utrumque totum, tum & ipsum integrè hic expansum corpus Nerveo-spongiosum minus, ejusque supra Glandem expansa fabrica, sed etiam apparebat Paraphymosis Tunicæ cellulosæ, atque vera Urethræ fabrica, una cum ambiente undique spongioso corpore. Pulcherrimum hoc sanè omnium eorum, quæ unquam mihi contigit parare potuisse, liberaliter ostenderam homini indignissimo, omniaque ipsi explicueram, quem honestum putabam. Quid verò mercedis ab eo retuli? Avulsit à suo, quo sustentabatur pedunculo, atque furtim secum abstulit. Alii similiter in Anglia & Galliis similes rapinas ostentant pro suis, dum costas ita à me summo labore præparatas cum musculosâ appendice conspiciendas circumtulere: sed cautiorem inde factum me cogunt, minus liberaliter deinceps mea roganti cuique conspicienda offerre. Si quis unquam viderit humanum Penem ita ut descripsi præparatum, certus esto hunc mihi ablatum esse, & quidem furto: nam hætenus similem nemo vidit, nec ipse unquam potui sic efficere. Vir egregius & Nobilis *Dassel*, qui habitat Lunenburgi, possidet etiam paratum à me, & missum per me ipsi ex ejus votis, sed longe distat ab eo, quem commemoravi.

IX.

De Circosele, Herniis variis & Vesica Urinaria.

Utinam, qui inventis nova imponunt nomina morbis, curam semper gererent, ut in his formandis observaretur sedulò convenientia vera nominis cum ipsâ rei, cui datur, naturâ, ut ita vox exprimeret rem eâ designandam. Quænam, quæso, causa suadet, Venas Testium dilatatas dominare appellatione Herniæ Varicosæ? Nonne aptius Varices Venarum Spermaticarum appellasse oportuerat? Revera non est alia hujus

mali indoles, nisi tantum, quod sit congeries Venarum, quæ ultra nativam suam magnitudinem dilatatæ, atque spissiores redditæ, apparent. Hernia autem, quum alterius longè ingeni sit, nequaquam confundi debet cum illo malo. Est nimirum hæc dilatatio, nunquam ruptura, Peritonæi, in quam dein extra suum naturalem situm se immittit, Omentum, Intestina, Splen, Vesica, Uterus, imò aliquando integer foetus, ita quidem ut hæc omnia sic emineant, ut externo tactui palpanda se præbeant. Quid autem id est, quod Varices venosæ commune habent ulli horum? Certè nunquam circa has Peritonæi dilatatus faccus invenitur.

Neque mireris interim, me inter corpora Hernias facientia Vesicam, Lienem, Matricem, & Foetus integros enumeravisse: id enim in praxi meâ medicâ observavi, sed non licet jam describere: quia à proposito me averteret meo. Varices Spermaticarum facilè detegunt exploratores digiti in Scroto, dum attrectando partes lumbricos se attingere quis putet.

Sed, qui hoc morbo laborant, dum nihil inde percipiunt mali, parum admodum id ipsum curant; plerumque autem validiori partium pressioni, aut contusioni, malum id debetur. Deprehendi tamen multoties provectioris ætatis hominibus inde natum Hydropem Scroti, quam iterum malè Herniam aquosam, vel Hydrocelen, vocant. Sanari quidem valet id mali, pertuso scroto ope instrumenti Trocart dicto, vel & lanceolâ phlebôtomicâ, ut aqua vulnere exeat, sed citò plerumque recrescit malum. Si autem curationem aggredieris aperiendo scrotum à parte superiore ad latus, tumque vulnus turundâ oblongâ, unguento rosaceo, mercurio præcipitato rubro permixto, inunctâ oppleveris, donec lenis inflammatio, eique succedens suppuratio parva, membranulas stillantes putrefecerit, Tuque eas tenaculo eduxeris, sæpe dein perfectè sanatas observavi. Sed & aliquando Venæ politæ in Membranâ Dartos dictâ, quam ex proprietate suâ cellulosam tunicam appellare oportet, ita Varicosæ evadere possunt: sunt enim hæc tam numerosæ, ut postquam illas ceraceâ materia rubrâ repleverim, membrana hæc tota sanguinis rubicundissimi instar ruberrima evadat; Denique jam liceat mihi addere, suoque hic ordine inferere, quæ modò dixeram inter Hernias debere annumerari, etiam Hernias Vesicæ

Vesicæ, Lienis, Uteri, totiusque Fœtus. In primo enim casu; de Herniâ Vesicæ fas est asserere, hanc veram Herniam habendam esse: quoniam hæc quoque est dilatatio Peritonæi, in quam elapsa vesica urinaria, naturali suo excussa loco, Scrotum occupat. Videtur id quidem mirum, atque ab ipsa veritate alienum, imò ferme impossibile: tamen id contigisse bis animadvertere mihi datum fuit. Quodque evidenter rem ita se habere demonstrat, id est, homines scilicet illi lotium reddere nequeunt, nisi scrotum utraque susceptum manu premendo aquam lotii ita expresserint.

Utque rei essem certissimus, unius aperui cadaver præsentem Clarissimo Amstelædamensi Medico *Petro Guenellon*, & *Petro Adriani* Chirurgo, qui una mecum conpexerunt, rem ita se habuisse. Sed & Herniam semel vidi, ubi reverâ Lien replebat eo delapsus dilatatum Peritonæum. Casus mihi observatus in Nosocomio Amstelædamensi: Mulier fuerat annosa, cui lævo inguine ingens tumor, qui habebatur pro Placentâ uterinâ in Utero relictâ post partum, atque ibi accretâ; alii putabant frigidum esse apostema. Sed in cadavere certò vidi Lienem eò secessisse, atque hanc produxisse Herniam. Quis autem crederet, uterum unâ cum Fœtu in illo hærente veram Herniam posse producere? Attamen & hoc accidisse semel quam optimè, quam distinctissimè, vidi. Non hic ita me capias, ac si intelligerem prolapsum uteri extra vaginam.

Imò longè aliud. Erat scilicet Nobilis Domina, cui dudum ingens tumor hæserat circa inferiora abdominis, quamproximè inguini, atque procedebat hic directè ex cavo Abdominis, brevi autem suppuratus tumor bene sanabatur. Haud ita diu hæc imprægnata fuit; sed quid fit? Novisti, mi Lector, sæpe-numerò post Apostema Peritonæi & abdominis, ut & post curata ritè vulnera, in cavitatem abdominis penetrantia, manere in loco cicatricis obductæ debiliorem Peritonæi concreti rursus fabricam, unde post molimina magna, & impetus validos, dilatatur ibi læsus ante locus, præ debilitate acquisitâ impos hunc sustinere pressum, unde ingens tumor fit, & Hernia periculosa. Omnino idem & hic contigit: uterus enim fœtu crescente tumens dilatabat hunc Peritonæi locum, seque in saccum hunc dilatatum insinuabat eoque, ut fœtus tandem cum utero

ad

ad genua usque penderet antrorsum; instantibus deinde parturientis laboribus, elevabatur ab obstetrice uterus cum foetu, ut in abdomine hæreret tamdiu loco debito, sicque felix evasit puerpera, edito per vias naturales bene nato foetu. Nonne igitur hæc vera est Hernia in dilatato Peritonæo vero? Ut tandem in viam, unde egressa fuit, redeat oratio, in eâ sum sententiâ, quod Varices Scroti, quae in juventute natae fuerant, transeant in senio in Hydropem scroti: quia deficere incipiunt spiritus, atque hinc pendentes vires: quando venulae absorbentes non amplius reſorbent tam avidè, quam olim effusos arteriolarum extremitatibus humores halituosos, unde hic collecti partes magis magisque debilitant, atque ita tandem scroti Hydropem verum generant. Novi plurimos omne hoc negotium adscribere Vasis Lymphaticis; sed cur Venosa inde excluduntur? certè mihi videntur hæc præcipui esse in his momenti, & fere credo Ascitis, atque Hydropis ἀνὰ σάκκα causam, ut & omnis Hydropis, imprimis haerere in debilitate, & malâ affectione, extremitatum venosarum. Meministi, jam enim antea descripsi, totam Placentam, in quâ naturaliter non insunt Lymphatica, si retinetur corpore foeminino totam quantam mutari posse in Hydatides, vel ampullulas aquosas, idemque visum in integro Hepate, ut vidi, & in Thesauro Caesaris Russiae apparet. Quid ni & idem in aliis posset obtinere? gaudent hos morbos ruptis adscribere Lymphaticis, idque fieri haud negavero; interim crediderim saepius à recensitis hæc accidere causis.

Pauca jam superaddo de interiore membranâ, quæ vesicæ Urinariae cavitatem urinae contiguam facit. De quâ imprimis notasse juvet, portionem ejus à reliquâ separatam posse per vias urinae excerni absque vitæ discrimine. Quis mortalium id fuisset unquam suspicatus? ego sanè nunquam. Sed fidelis observatio rem ipsam docuit. Utique erat puerpera, quæ acerbissimis excruciatâ & enectâ fere doloribus in Ventre, me vocari tandem jussit. Pressus animique indagans ingenium, rogitò, an ritè quidem per lochiorum fluxum expurgata esset, liberata à secundinis, & num facilis illi fieret lotii excretio? Ad quae quidem omnia posteaquam respondisset, quam prosperrimè se hæc habere, interim tamen audiivi intolerabiles esse prorsus ventris, quos ferebat, dolores, praescribebam itaque

itaque clyfma , quod leniendo , fopiendo dolori, effet idoneum, exhibito fimul ad mitigandam torturæ hujus sævitiem medicamento foporato; totum fimul jubebam obvolvi abdomen unguento, quod eft de Althaea, ficque receffi. Reverfus iterum reperiēbam nihil horum profuiſſe, pertinacem ſubſiſtere hætenus, nec leniri ullâ ratione, dolorem: ſciſcitantī denuò, an ſatis commodè urinam ſecerneret, reſponſum quam maxime, idque teſtari plurima quotidie lintea, quæ illi appoſita bene ſemper humectata inde auferantur. Requievi itaque ſupra his.

Quid ergo? redeo, ut viſam, tertiâ quoque vice; obſtupui autem nihil me quidquam promovere, licet uterer optimis remediis lenientibus, carminantibus, anodynīs denique: quumque puderet nihil levaminis à me præſtari ejulanti ægræ; exploravi tandem attrectando, totumque pererro digitis ſcrutantibus abdomen, quod incredibili turgens tumore, atque prædurum inveni. Miratus Catheterem immiſi in Veſicam; profiliit extemplo immenſa lotii vis, ſimulque doloris lenimen ſibi gratulata fuit miſerrima aegrotans. Geminatum deinde quotidie multis ſucceſſivis diebus idem id auxilii, cum levamine ingenti. Interim advertēbatur, nigreſcere catheteris argentei ſuperficiem, unde & mali quid latere in Veſicâ haud obſcurè patebat: neque certè abſque ratione id ſuſpicabamur. Ecce, poſt paucos dies elapſos membrana occupat meatum urinarium, quæ apprehenſa, trahentiſque obſequioſa manui, facile educebatur, educta ſatis apparuit magna; curavi portionem ejus abſciſſam in figurâ depingendam: puto enim id quam rariffimum eſſe. Certe mihi nunquam, niſi hæc ſemel vice, obſervatum. Ipſa hæc mulier poſtea ſana, felixque concepit dein, peperitque. Veſicam huic inflammatione incenſam fuiſſe ſuſpicor, quam in Gangraenam ſuperficiariam exiſſe deinde credo, ut conſtat exemplorum plurimis, villoſam inteſtinorum Tunicam, quæ Papillis nervoſis ſcatet, ſeparatam à reliquâ Intestinali fiſtula ano exiſſe: poſteaquam Inteftina acri prius inflammatione, eamque inſequutâ Gangraenâ, affecta fuerant. Voco autem hanc Inteftinorum Tunicam Villo-papilloſam, quia animadverti villoſam iſtam ſuperficiem penitus ſimul eſſe papilloſam, quemadmodum ſe habent interiora noſtrarum Genarum

narum in suo integumento, ut & Labia Oris, Oesophagus, Ventriculus, omniaque Intestina, quum sit in his omnibus ejusdem apparatus continuata productio. Verum quidem est, in unoquoque non aeque clarum id apparere; quum in Labiis, Genis internis, & in Intestinis multorum hominum tunica hæc Papillas hæc nimis manifestas non possideat, attamen in aliis satis conspicua datur. In buccis interioribus, & Lingua bouum, inque Oesophago testudinum, inprimis magnum valde apparet, hoc papillosum corpus; ita quidem ut in bobus coctione integrè separari possit totum hoc papillosum tegumentum, ut Papillæ sub hoc eminentes appareant. Quoties verò contingit in homine post violentas nimis alvi purgationes tegumentum hoc ipsarum Papillarum deglubi à Papillis suppositis, tum verò cruciatuum infestissimi corpus aggrediuntur.

Quantusque dolor nascitur in Papillis Labiorum & Linguae, quoties tenui suo involucro nudatae sunt? Si in ea memet jam diffunderem, quæ alii de hac tunica scripsere, quam Villopapillosam appellavi, quantus meae scripturae pateret campus; sed propositum mihi fixum est, parcissimus ut sim in recensendis alienis, totus in enarrandis, quæ ipsemet quotidie observo. Interim monitus esto, care Lector, me quandoque forte inter hæc exarare nonnulla, quæ aliis jam ante me descripta fuerunt: id ægrè non feras. Confirmo meâ tum fide observationes priorum, si repeto, si novi quid adfero, pretium tui laboris, dum aliquâ in re profui. Novi quidem allegatorum auctorum citatione spissari volumina, ostentari eruditionem, debitam cuilibet assignari laudem. Sed has ego talium laborum laudes aliis non equidem invideo, mihi otium hisce rite excolendis omninò deest: neque enim unquam nimis mihi mane lucet surgens Sol, semper vesperscit ocyus quam vellem. ita submergor quotidianis in Anatomè & praxi medicâ occupationibus.

X.

De Embryonibus, Placentâ, Ano imperforato, &c.

JAm antea, aliâ occasione, dixi, haud ita facile esse definitu, quamdiu mater gravida possit mortuum in utero foetum gerere. Quin etiam enarravi jam prius, mortuum in matrice infantem non putrescere in pus, neque in ichorem resolvi, sed flaccescere modò, & evadere laxum, quamdiu os uteri probe obturatum manet; eo verò aperto, admissoque in cavum Uteri aëre, tum demum illicò in putredinem abire. Jam verò consideremus, quam arduum sit cum veritatis evidentiâ asserere, si mortuum ediderit mulier foetum, quamdiu mortuum gestaverit mater, adeoque quo tempore ille in matrice ante partum mortuus fuerit, accuratè designare: sæpe enim mihi accidit, ut foetus abortivos ferant, quos ajunt duobus, tribus, quatuorve à conceptu mensibus gestatos esse, neque tamen tunc sunt, quos ostentant, grano hordei majores: quum tamen hoc tempore jam digitum vel sesquidigitum longi esse deberent. Sed non temerè credendum mulieri enarranti exquisitum suæ imprægnationis tempus: quia defectus menstruum, quem referunt, non ita certò indicat id, quod quaeritur. Nunquid plurimæ mulierum his quidem destituuntur, licet imprægnatæ non sint? Aliæ mane vomituriunt quandoque, nequè tamen ideò sunt gravidæ, imò multis matutinus vomitus quotidianus, absque graviditate: ita quidem, ut signa hæc potius incerta sint, nec verè pathognomonica haberi queant. Igitur, quando reperio foetum, utcumque parvum, collapsum esse, & præditum colore cineritio, quum aliter colore sit candido, semper tunc certus sum, mortuum jam fuisse aliquamdiu in utero materno: nec dubito, quin sæpe tempus à morte fatis sit magnum, id enim adscendit aliquando ad unum binosve menses; si consideremus diem, quo mater gravida terrore, motu violento, distractione corporis, fluxu uterino, vel similibus fuerat affecta, & conferamus diem, quo abortum enititur. Neque enim toto hoc temporis spatio vel minimum incrementi unquam capit foetus. Si verò abortus fuerit, foetus trium vel

quatuor mensium, qui post mortem retentus erat aliquamdiu in utero, ille deinde in lucem editus habebit ex flacciditate partium collapsum caput, & truncum, apparebitque speciem gerens horridi monstri. Memini, sæpe me vocatum ad huiusmodi casus, atque invenisse afflictissimos parentes horum abortuum, quoniam falsò putabant se monstra generasse. Ego tum soleo consolari eos, atque asserere bene genitos hos foetus post obitum ita degenerasse in corpore materno diu retentos. Nec dubitabant amplius; quum viderent me inflando parum per fistulam hæc corpora ita rursus extendere, ut pristinam ilicò formam recuperarent, qualem ante mortem habuerant prius: caput enim globosum iterum figuram adeptum foedam turpis monstri imaginem amittebat penitus, collapsusque turgebat denuo in torosam venter speciem; laetati hæc specie parentes summas agebant gratias. Nec immeritò; quid enim magis horrificum parentibus evenire queat, quam si loco humanæ sobolis terribilia progenerent monstra? Imò etiam decepti falsâ rerum imagine in ipso congressu aliquandò memores horrendi atque informis monstri, ipso forte generationis momento deturparent propriam prolem.

Vidistis imagines embryonum, quas excudendas curavi in meis Thesauris Anatomicis; & facile est ibi notare, quânam ratione successu temporis suam figuram quotidie mutant. Apparent quippe nulli omninò artus in primo embryonis statu, postea verò in locis, ubi humeri & femora deinceps apparebunt, tubercula modo exigua prominent, ex quibus post longam diem humeri, brachia, manus, femora, crura, pedes, explicantur & prodeunt. Consulatis, quæso, Thesauros illos Anatomicos, illa namque, quæ ibi depingenda curavi, reverâ omnia ita se habere, manifestò videre est in Gazophylacio Majestatis *Cæsareæ Russiæ*, ubi prototypa servantur. Quam immaniter autem differunt illa mea, ab iis, quæ iconibus suis impressis alii ostenderunt orbi literato? Sanè obstupui mirabundus, ubi conspexi picturam embryonis humani vix æquantis granum hordei, in quâ tamen manuum pedumque exhibebantur species: quum tamen tunc instar chrysalidum, absque ullâ apparitione artuum conspiciantur.

Itaque,

Itaque, si hi embryones, quando adhuc tam tenelli sunt, in utero materno moriuntur, inque eo post mortem adhuc aliquamdiu manent, tum semperprehendo, illos colore cinereo tinctos, & collapsos penitus; contrâ verò, si statim à morte suâ utero excluduntur, albo donantur colore, atque undique torosi sunt & teretes. En tibi hic ejusmodi embryonem, qui molem grani hordei vix excedit, hunc accepi à paucotempore à matre, quæ referebat se tres menses gravidam fuisse, idque audire sæpe mihi contigit, examinans reperi compressum, tam parvum, non verò teretem, unde conjiciebam à longo jam tempore fuisse mortuum, & quidem forte binis mensibus antequam abortum hunc enixa fuisset mater: eo enim tempore quam maximè fuerat ipsi percussus ingenti terrore animus. Sed an animadvertis funem umbilicalem? Certe is longè spissior ipso embryone. Nec id infrequens. Utique sæpe sic vidi. Sed & alio casu filamentum instar subtilem inveni: forte causa tantæ crassitie est appressio adducti pabuli ad corpus Embryonis, quod in illud penetrare impos ita expandit vasa in Umbilico. Opus est proprium errorem corrigere me, quem admisisse me confiteor, in Thesauro Anatomico, ubi embryones depictos dedi. Est ibi embryo tritici semen æquans, à secundinis pendulus, cujus ibi placenta admodum videtur magna; sed ibi tum fui oblitus dixisse, quod ingens illa moles, quæ ibidem placentam repræsentat, non solum constaret corpore placentæ, sed maximam certè partem confletur ex grumoso cruore, qui illi arctè accrevit. Maximèque oportet considerare, placentulas eo tempore fere semper ita nasci, rarissimè autem accidit ita puras excerni ex utero. Quando autem solæ prodeunt & separatæ, tum sæpe instar chartæ sunt tenues, aut dorsum cultri forte crassitie suâ æquant. In *Gazophylacio Imperatoris Russiæ* est hujus rei exemplum unum. Quam pulchrum verò! quam rarum! mihi sanè in tantâ observatorum copîa semel tantum id videre contigit. Accuratissimè ibi natura modum suum expressit, cui ars solum præstitit conservandi modum. Est ibi placenta nuda, pura, sola, absque ullo adhærescente cruore, pendet in liquore ab embryone, qui articulum digiti magnus est, si me non fallit, memoria.

Liceat porrò hac oblata mihi occasione pauca differere de rebus, quæ à præsentibus haud ita alienæ censerì possunt. Abundans nimis rerum copia paupertatem sæpe facere, obesse autem contra, inopiam, vetus est proverbium. Mihi fas esto addidisse, & nimis anxiam diligentiam aliquoties damnosam evadere. Nusquam verò effati hujus certior visa mihi veritas, quam ubi animadverti in illa, quæ fieri solent; & exerceri in adjuvandis parturientibus, neque vel ibi inanis perdi opera, quam in educendâ post partum Placentâ. Hanc partem fœtus esse habendam, neque ad corpus maternum pertinere, ideoque ex utero matris posteductum fœtum debere abduci nimis certò constat omnibus. Interim contingit illam fundo matricis cavo convexitate sui corporis adeò accretam adhærescere, ut in unum fere corpus miris coaluisse modis fere videatur: quo quidem casu ambigi potest, quid salutare magis puerperæ habendum sit, hanc aliquantulum ibi relinquere, an verò omni ope obnixè moliri, omniaque vel vitentare, eam avulsam inde educere? Est certè gravis ratio, quæ suadet deliberato ad hæc animo esse, nec temerariâ præcipitantiâ perdere, quam prudens forte servavisset tarditas. Non me fugit clarorum sententia scriptorum, qui ita animum inducunt suum, relictam in utero placentam conjicere in præsens mortis discrimen puerperam. Satis exploratè cognovi, obstetrices ideo omnem adhibere conatum, ut arte, vel vi, hanceductam ostentare queant amicis præsentibus. Sed dolui acerbè casum miserarum mulierum, quibus haud rarò læditur sic uterus à festinante nimis, & nimis imprudenter sæpe agente, obstetrice. Extemplo tunc abdomen prædurum tumet, febris incenditur continua, quam properata sæpe mors insequitur. Docuere satis *Paræus*, *Portal*, *Mauriceau*, & alii, quonam artificio placentam auferre de corpore tutò oporteat, quid autem agendum, quando præter consuetudinem nimis fortiter adhæserit, nimis parcè explicuere.

Obtulerunt mihi se casus, in quibus omnino erat impossibile, absque imminente mortis periculo Placentâ liberare matricem. Horum censeatur unus, quando, edito jam infante, contractio spasmodica, fortisque sit uteri in eo locò, qui est inter placentam & illam uteri partem, in quâ os matricis inter-

internum iterum se formare deberet postea. Scire enim est, post natum infantem, in utero nullum reperiri tale os, ut olim fuerat: sed ita omninò se res habet, ut in bursâ nummariâ, quæ loris transmissis constricta rugosum os format, laxatis autem hisce vinculis, ubique æquè lata est & expansa. Hæc itaque memorata jam constrictio uteri sæpe tam altè posita est, ut digitis, manu, carpo, & brachio, profundè in corpus immissis, demum percipiatur: quin & arctationem hanc ibi adeò strictam quandoque detexi, ut digitum vix, imò vix admitteret, dum tamen pone hancce, placenta retenta hæreret. Quonam, quæso, pacto ulli possibile erit artifici inde eruere vastum illud placenta corpus, nisi lethalem sustineat inferre vim matrici? Utique morietur subitò puerpera. Vidi namque hanc præ cæteris causam dari, cur nec opinantes improvise moriantur post partum foeminæ: dum interea rerum suarum satagens obstetrix, quasi re pulcherrimè gestâ, ostentat placentam, hancque integram, atque illibatam manu suâ educatam jaçtat. Quin & obtinet aliquando, ut, licet apertus satis uterus hiet hætenus, placenta tamen ita teneat uterum, ac si illi concrevisset, expertus loquor: atque propterea, si artificiosâ tusli, aut nisu quasi parturientis facto, placenta non faciliè sequitur, tumque digito juxta funem umbilicalem prudentissimè immisso, eoque prudenter placentam perterebrando ut separetur, & ne sic quidem succedit: satius mihi videtur omne ulterius, periculosum semper, molimen omittere, relinquere placentam, donec ipsa natura hanc, ut sæpe feliciter fit, expediverit. Attamen, post natum partum, mater liberata non est, quamdiu placenta necdum excussa. fateor. Sed, an non præstat ex binis malis minus eligere? Prudentius ergò relinquere placentam, donec natura hanc separet, aut donec laxata, magisque libera, manu evellere hanc detur, quam lethali festinatione occidere ægram. Putatne quis, boni quid contigisse trucidatæ mulieri, quod mortua sit sine placenta, quæ cum illa poterat vixisse? Vera dixi. Placenta infantis, non matris, pars habenda. Natura incredibili conatu, & solertiâ, intenta semper suæ liberationi, atque relegationi omnismolestæ sarcinæ: rarò inde fit, restare in utero placentam, licet ibi viginti, imò & viginti quinque dies, post partum hæserit. Credite verissima asserenti, ex sede.

sedecim, quibus relicta placenta, quindecim à naturâ liberatâ salutavi. Licet autem, quod quamrarissimè accidit, placenta remanserit; non tamen inde tantum mali, quantum olim creditum. Conclamata erat salus, relicta placenta! Fateor optandum, hanc tutòeductam: sed salvâ tamen vitâ. Si autem tota remanet tandem, quid illi contigit? Profectò uterus assiduò arctior redditur, atque perpetuâ suâ contractione affectans pristinam parvitatem, & figuram, ita comprimit remanentis placenta corpus, ut in globosam arctéque compressam massam formet, quæ nihil de formâ placenta retinens, tota fere in duram, carnosam, molem degenerat; Vidi attamen foeminas has imprægnatas iterum, bene natum idoneo tempore foetum enixas, atque postquam satis feliciter erant liberatæ ab onere suo, tam foetu scilicet, quam secundinis, denique & hæc placenta olim retentæ frustra jam demum excrevisse, quæ ignarum vulgus, Molas, falsos conceptus, vel & monstra alimenti foetus per suctum rapacia appellitare falsò solet. Verum aliter tota hæc retentæ moles placenta penitus amittens genuinam suam indolem, quia est merus vasorum sanguiferorum contextus, integro suo corpore permutatur in congeriem hydatidum, atque postrema hæc mutatio frequentior longè priori observatur.

Tandem hæc Hydatidum massa, incredibili augmento crescens, vasorumque horum adaugens numerum, atque ita evadit, ut matulâ vulgari vix capi queat; imò, post excretam tantam massam, sæpe postea novas adhuc similesque massas deponit.

Mirabiles has excretiones, nuper est annotatum, quod bis viderim intra duodecim dierum spatium. Praebet enim populosissima Amstelædamensium urbs observationibus, alibi rarioribus inter pauciores homines, uberrimam materiem. Quantis figmentis, quibus fabulis, occasionem dedere prius hæc moleos excretae?

Pleni auctorum horum libri. Certe cunctæ meræ sunt placenta degenerantis soboles. Itaque ingemino hoc meum monitum in salutem mulierum, inque correctionem erroris in arte obstetricia; scilicet placenta de corpore puerperæ, nullâ tutae artis efficaciam secure potest educi; salutare erit illam

illam ibi relinquere. Ipse ego meis manibus parturientes, ut obstetriciæ artis magister, liberavi, & deprehendi certò ita, firmiter saepe haerere utero placentam, ut, nisi expertus ipse, nemo crediturus sit, quae tamen ope naturae, post injectum clyσμα incitatae, sequenti die feliciter torminosà contractione abdominis exhibat.

Alii persuadere voluerunt Medicis, placentam utero retentam putrefieri, inde autem ipsum quoque uterum citò corrumpi, inflammari, gangraenescere, inde mortem necessariò sequi; sed longè aliter, quam quidem hi censent, res ipsa se habet: quia non corporis materni haec, sed infantis, vera pars est, ut jam supra liquidò patuit. Exempla quotidiana, & utique quam creberrima me reddidere certum, edoctumque, placentam relictam, si non citò solvatur à cohaesione suà cum superficie uterinà, nunquam autem in pus, ichoremve, abire, sicque in putridum liquamen redigi. Frustra quoque est ille metus quorundam, qui à retento placentæ corpore foetorem exhalare scribunt, qui purum humorem sanguinis ita queat inficere, ut hecticae feбри, inflammationi, similibusque malis, inevitabilem præbeat causam.

Quid enim fieret miserrimis mulierculis, quæ conflictantur cum calamitosissimo morbo, in annorum durationem attritum corpus excruciente? Uteri cancrum intelligo. Vivunt hæ tanto spatio temporis, interim foetorem penitus intolerabilem patiuntur, dum cadaverosa utero exhalans mephitis, fugat ab ipsis unumquemque. Sique Medicus, ut conditionem sævi morbi exploret, digito immisso perscrutatur uterum, ille tanto infectus foetore inde reducitur, ut ne acri quidem saponis lixivio eluere tètèrrimum halitum queat. Vana itaque illa omnia sunt terculamenta ignari populi. Attamen hic ille sedet judex. Quid enim agat obstetrix sapiens, quæ puerperæ præstans omne legitimum auxilium, quod ullo modo sperari potest ab arte bonâ, nec tamen possibilem invenit placentæ educationem, nisi eam vim, eam utero laesionem inferat, quæ in certam mortem illam conjiciat? Nonne praesentes parturienti mulieres monebunt, urgebunt, jurgabunt, minabuntur? Nonne artis hanc ignaram damnabunt, magis peritae mox opem implorantes? Certè ita fieri notum est: inde iterum incensa obstetrix ferociter

citer sæpe rudem operam integrat, exitiales utero contusiones certissimè inferens. Mereor in his, ut credant mihi Medici: quum in amplissimâ hâc civitate quatuor annorum decursu artem obstetriciam ipse exercuerim semper & frequentissimè: deinde autem toto quadraginta annorum spatio praepositus fuerim ab Amplissimis Magistratibus urbanis officio Collegii obstetricii, ut docerem examinaremque omnes, quae huic se arti exercendae dedere volunt in hâc urbe, ut ipsis Anatomicas darem demonstrationes partium muliebrium, partui inservientium, ut responsa darem obstetricibus super difficili partu consulentibus, denique ut scrutarer cadavera puerperarum ad rimandas mali partus, mortisque sequutae causas.

Quemadmodum nixu forti per motum muscularem factò, adeoque per labores parturientium, utero pulsus in lucem editur infans, ita & placenta, membranae, funis umbilicalis, simili vi corpore expelluntur. Sed quis observavit unquam inter omnes Anatomicos, quod uterus humanus habeat fibras musculares, peculiare ita natus, sitasque, ut fabricâ suâ agente, solvant, liberentque placentae convexam superficiem à concava superficie fundi ipsius uterini? Has nuperrimè tam manifestò detegere mihi contigit, ut nihil pulchrius. Scias igitur in illâ parte uteri, qui fundus illius vocatur, adhaerere fere semper placentam. Quidquid ex speculatione rationis aliter dixerint nonnulli. Sed in eo accuratè loco sunt fibrae musculosae, orbiculatim ita positae, ita fortes, ut, dum se contrahunt satis fortiter, tum corpus uteri ibi contractum, rugosumque redditum, ita disponant, ut placenta, extra has fibras posita, ideoque hanc contractionem non sequens, necessario à cohæsione cum utero liberetur, laxetur, excutiat: quum elapso anno perspicue hoc vidissem, neque observassem antea, ilicò hanc matricem ita condivi, ut maneret immutata, quo possem evidenter demonstrare hanc structuram unicuique. O admirabilem fabricam, quâ instruxit hanc unam uteri partem Sapientissimus Creator! Nonne observas caeteras uterinas fibras perplexè intertextas decurrere, ut motricibus suis viribus se contrahendo, foetum expriment? sed solum, ubi adhaeret placenta, ut eam separent, in orbicularem posituram decurrunt. Si autem remanerent post partum foetus membranae, tum quoque multum solliciti

solliciti sunt plerique, de nescio quibus malis: quum tamen hæ nulli firmiter adhærentes parti, unâ cum fluentibus lochiis facilè separentur, quia modo madidorum instar linteorum vel chartæ sibi invicem incumbunt, adeoque irritatus uterus nisu suo eas longè facilius separat. Est autem ad hæc observandum præterea, quod placenta utero hæreat semper eò fere firmitus, quò infectio funis umbilicalis magis perfectè centro infigitur placentæ: tum enim directio tracti funiculi æquabiliter trahit totum corpus placentæ, deoque augmento contactarum superficierum non dimittitur placenta. Hoc casu debet digito perforari placentæ corpus, tumque prudenti ejus circumductione deglubi uterus à placentæ corpore debet. Quò autem funis propior est circumferentiæ placentæ, eò caeteris paribus, facilior est placentæ separatio ab uteri fundo. Accidit tamen, ut invenerim funem satis propinquè circumferentiæ insertum, interim & tunc, licet rarius id eveniat, immobiliter adhæsisse matri placenta adeò, ut, si adhibitâ violentiâ eam educere tentarem, potius sequutus fuisset totus uterus inversus extra vaginam, quam ut deseruisset uterum placenta: observabam tamen placenta, quæ reverâ tam firmiter coaluerat cum utero, intra paucarum spatium horarum, solo naturæ urgentis nisu expelli. Contrâ verò vidi puerperas, quibus in tali casu, summâ vieductâ placenta, uterus ipse inversus ex corpore fuerat protractus, mortuas, simul ac in lectum suum essent repositæ. Cujus horrendi exitus nullus fuisset metus, si modò patienter fuisset commissa naturæ mollior separatio. Iterum ingemino, potest utero retineri diu foetus mortuus absque magno matris damno. Nonne evidentissimè id apparebat in vaccino corpore, cujus observatam descripsi historiam? Tempus debiti partus à naturâ huic erat præscriptum mense Martio Anni 1717, ægrotabat, convalescebat, Novembri sequenti mactatur, atque vegeto, beneque saginato, corpore deprehenso gaudebant possesores, quum interim in hac vaccâ mactatâ vitulus hæret, satis bene valente corpore præditus, quem aperui, atque, in rei memoriâ, splenem ejus & cerebrum præparavi, vasis sanguineis à me impleta, quæ necdum, quamvis tenerima, computruerant. Forte rogas, quî noverim vitulum hunc semianni spatio in matre hæsisse mortuum? Certè bubulci

hoc norunt quam accuratissimè. Sed quid opus exemplis ex corpore brutorum? An deficiunt experimenta mulierum, quæ mortuorum cadavera foetuum plurimos gestavere menses? Certè non eo hæc animo scribo, quasi obstetrices monerem, rem hanc negligenter agere. Absit! placenta semper educenda: modò salvâ vitâ puerperæ. Clamat tamen tota mulierum partui præsentium turba, occidi parientem, relictâ eadem. Ingens hoc, & grave præjudicium ita infedit earum animis, ut ne quidem permittant, rem fieri, ut artis præcepta, & salus matris, exigunt. Quid agendum in hisce? Quomodo valet eradicari, ita diu radicata opinio? Certè ante multos jam elapsos annos, seriò hanc rem, aliasque similes bene multas tanti judicabant momenti Clarissimi Inspectores Collegii Medici Amstelædamensis, Piso, de Vicq & Kommersteijn, ut obstrictos se putarent referre de hisce rebus ad Amplissimos urbis Consules, ut horum auctoritate remedium inveniretur malis præjudiciis: neque tum requieverunt Sapientissimi Consules & laudati Medici, donec præficeretur aliquis, qui harum rerum peritus juxta veram prudentis artis rationem judicare posset de iis, quæ ita accidunt in his negotiis, ut a præjudiciis stabilitis damnum omninò paterentur, ideoque emendatione indigerent ab auctoritate publicâ. Jusserunt igitur, ut ego huic præessem muneri, putantes Anatomes Professori, cujus tumungebar munere, maximè id convenire: quare statuerunt, ut omni mense semel cogerentur omnes urbanæ obstetrices venire, ubi audirent me differentem de omnibus, quæ possunt forte accidere, quæ debent observari, quibus singulari arte debet succurri, inter pariendum: utque etiam sæpius in cadavere foeminino ipsis coram demonstrarem omnes illas partes muliebres, quarum requiritur in obstetrice cognitio, simul explicando, quænam forte singulisharum læsiones accidere possent, sicque monere, & munire, contra præjudicia. Hæc aggressus ipse me dedi operi obstetricio exercendo, juvandisque in partu difficili hærentibus mulieribus, quod strenuo dein labore continuavi integro annorum quatuor decursu. Putabam certè, fore mihi impossibile, felici successu docere artium artem, & maximè salutiferam, si solâ speculatione sapiens, manu nunquam operi adhibita, susciperem agenda dictare atque præscribere. Nec injuria putem.

tem hanc meam fuisse rationem: quia mortalium nemo, ut peritus sit ex Anatomicis partium muliebrium extra graviditatem, extraque partus conditiones, unquam credet, quanta sit in his omnium circumstantiarum variatio, quam diversa facies: neque aliquis, vel rationis disputatione unquam, vel sagacissimâ conjecturâ, assequi poterit, longe minus alios docere, ea, quæ tum temporis deprehensus est in corpore muliebri. Quum verò Gravissimi Urbis Consules, & Inspectores Collegii Amstelædamensis, inciperent, quantum esset periculi in his rebus; jusserunt simul, ut omnes illæ mulieres, quæ in Urbe artem obstetriciam exercebant, se fisterent coram Collegio, novum subirent examen, ut admissis iis, quæ in respondendo se probassent, admissis, à nobili hac arte relegarentur omnes, quibus abessent dotes requisitæ. Quis crediderit, quanta inscitia, quæ nugæ, quot errores, tum apparuerint in iis, quæ artem dudum exercuerant! Quid miri, didicerant ab iis, quæ æquæ fuerant & ignorantes, & imperitæ! Vultisne, enumerem ex innumeris, paucos errores quos stupida induxerat ignorantia, qui jam ita per hæc remedia correcti, ut nihil eorum nostrâ amplius in urbe supersit? Videbitis utique non ridicula modò, vel damnosa, sed & exitialia, vitia. Quis putaret, fieri potuisse, antequam institutiones has occeperam, ut unâ die vocatus fuero ad duas mulieres, de quibus asseriebant, quod monstrum illis ex corpore penderet, postquam enixæ erant foetus, & sitas secundinas? Quid reperi? O facinus infandum! ipse uterus per vaginam eductus, ex vulvâ pendebat inversus. Reduxi illicò, junctisque artè femoribus, reposui in lectum; sanata fuit feliciter. Altera verò turpi hujus erroris culpâ periit. Nam illic uterus, eodem affectus modo, tam diu hæserat extra corpus, ut jam induruerit, neque ideò omni artis tentamine reducere valebam. Ocyssime hæc induratio accidit inversis sic uteris, vi extractis. Conferantur narrata cum iis, quæ dudum super his commentatus fui in editis meis observationibus. Si contigerit mihi duplex hujusmodi, uno quidem die, casus; judicet quisque, quoties quidem, celato turpi errore, aliàs id evenerit! dum mali ignoratâ indole, miseræ interim foeminæ pereundum fuerit. Gavissus autem summoperè profiteor palam, id mali vix dein occurrisse magis, postquam sedulò docui, monuique,

obstetrices hunc errorem. Sed scias, Lector Medice, fieri quandoque id mali absque ullo peccato obstetricis.

Ni expertus essem, ipse non crederem. Liberabam parturientem ab infante, qui jam eduetus de corpore materno hærebat in præcincto, sequebatur sine ullâ omninô adhibitâ vi placenta cum membranis quam facillimè, interim mento citius, uno impetu, sequebatur hanc suâ sponte inversus uterus; sensi statim quid rei esset, duxi retrô complicatisque cruribus puerperam lecto imposui. Didici hinc haud ita temerè imputari debere obstetrici, quod partium vitio, naturaeque culpâ evenire potest. Id prae caeteris inculco, ut ipso elapsus tempore, si manus, si naturae, vitio acciderit, restituatur in locum debitum, idque lenissimo molimine, atque dato simul quiescendi consilio. Præcipua autem hujus mali causa hæret in validissimis conatibus, a parturiente adhibitis, ad exonerandum uterum post partum. Quod morbi & vaccis accidit frequens, cui sanando ridiculum, & ut videtur, alienum valde adhibent remedium Veterinarii, bidenti scilicet furcâ pertundentes cutim.

Qui rumor olim, quam creber, de fictitiis monstris, quos ficto etiam nomine Suctores appellitabant, hos vivos de corpore parturientium dimissos, per cubiculum oberrare, assidentium foeminarum naturalia petere, per haec in corpus ingredi, ibi se recondere? Cujus putidissimae fabulae ne originem quidem reperiās, nisi in anili delirantium cerebro? Sed & dolui saepe, quum audirem insontes obstetrices damnari turpioris, quam homicidii, criminis reas, quando forte parturienti operosè mulieri laceratu divisa erat perinaei cutis.

Considera, quam sit hic loci cutis tenuis, quam crassi saepe sint foetus, quam arcta saepe apertura meatûs! Neque mirari poteris malum hoc frequentius longè accidisse, quam scitur: tegunt id vitii, quibus primo partu id evenit, matres. Obtinebat eâ tempestate ubique religiosissimè ridicula consuetudo, ut, statim à partu validissimo sorberet conamine puerpera, simul invocando sacro-sanctum Triados nomen.

Quis primò haec vel somniando deliraret? Nisi forte sic voverint nixum procurare expurgando utero. Quam facilè fit, quam frequens, ut propendeant ex pudendis membranae edito
jam

jamjam foetu. Tamen & ejus rei culpa infonti tribuebatur ob-
stetrici. Quam est & ille damnosus error, ne gravius quid di-
cam, quando jubetur puerpera, unilateri perpetuò incumbe-
re, nec inde se movere vel digitum latum ante nonum diem.

Sed carnifice crudelior obstetrix prohibet sæpe omnem peni-
tus potum parturienti, quæ interim anhelans, æstuans, dolens,
pumice evadit aridior, unde infinita mala: cujus quidem cru-
delitatis exercendæ per imperiosam ignorantiam, rationem dant
ineptissimam, quod aliter nimium tumens vesica foetui exituro
impedimento est. Quâ quidem allegatione causæ quid insul-
sius fingi queat, non video! Quid non metas mali, dum puer-
peræ statim à partu ligaturis abdomen ita constringitur, ut nec
respiratio possit exerceri, nec ulla fere circulatio sanguinis?
Necessariam agnosco adstrictionem, quâ vasa collapsa, & laxa
nimis aliquo modo fulcias, sustineas, arctes. ut non excipiant
omnem fere sanguinem corporis, atque ita subducendo eum à
cerebro pessima fiant symptomata. Sed non ita hæc adhibenda,
ut suffocentur vitales actiones.

Quid autem censetis de perversâ & illâ agendi ratione, dum
foetui jam nato, sed languido vel deficienti per fistulam argen-
team ano immissem aërem inflant? simulque funem umbilica-
lem premunt, ut sanguinem eo adhuc contentum mulgen-
do in corpus foetus propellant? Sed placentam vivis imponere
prunis, ut calefactum ita sanguinem ex placenta dein propel-
lant in corpus, ad vitam semimortuo suscitandam, ubique tum
obtinebat. Apage nugas! Bulbos recentissimos, prægrandes,
cepaceos, medios findebant, naribusque admovebant tenerrimi
infantis, ut instaurarent hujus spiritus: quem acerrimum nido-
rem ne adultus quidem toleraverit. Parvum fragmentum usur-
pari concedo, veto talia fieri, quibus non juvatur, sed excru-
ciatur misellus infans. Quid autem terribilius, quid plus mali
dedit frequentissimum tum ubique agitatum inter obstetrices,
quam quod digitum immitterent parturientium ano quam
profundissimè, ut eliceretur in partu paulò difficiliore foetus?
quas inde vidi contusiones, inflammationes, gangrænas, hæ-
morrhoidas, quas in ipsis partibus necroses! O obstetrices, admo-
neo Vos! ne festinando mortuos pariant foetus vestræ com-
missæ curæ mulieres, patiamini, naturam securas, tutasque
suas

fuas sequi leges! Sat citò, si fat bene! Simulac verò deprehenditis, consilium Vobis deesse in aliquo casu, neque quidquam adesse auxilii, curetis ipsae tum advocari arte exercitatum Magistrum, inde Vobis honor, detrimenti nihil: tantò quippe majore fiducia opem vestram implorabunt parturientes, quò minus se perdi vident vestrà avaritià, negligentiam, superbià.

Sed foedum erat, turpe, atque exitiale, id quoque consuetudinis genus: quo natis jam infantibus totum caput patiebantur tegi putridà, nauseosà, foetidà, horridà, crustà squamosà: quae saepe culmo stramineo crassior totum obtegebat caput. Roganti cur id ita agerent, responsum mihi, calefaciendi capitis gratia id fieri.

Si regererem prohiberi inde perspirationem, corrumpi caput, & putrescere, meliusque calorem purum conciliari, conservarique, tegumentis ex lana, vix audebant id primò consilium sequi. Corrigendum clamavi aperte pessimum errorem, dum nati recens infantes, brachiis lateribus oppressis, complicatis cruribus, pressi arctissimè involvuntur fasciis, ut nullum suorum artuum vel tantillum movere queant, sed jaceant in rectum exporrecti, stipitis instar duri, absque ullo articulorum flexu. Nonne natura prudentior aquae immerferat calidæ, ut nihil duri illos posset premere vixque attingere eorum corpuscula? Nonne in utero materno ita erant omnia instructa, ut liberrimè fluctuans in liquore tepido, mobili, molli, pro suo lubitu posset movere quam liberrimè artus omnes, omnes articulos? Nonne ibi erant omnia ritè, debitaque symmetriæ proportionem nata, aucta, expansa? An ibi unquam gibbum dorsum, elatus thorax, retorta crura, curvata ossa? Quid ergò Tu ineptissima mulier absque ullâ arte, sine ullâ cognitione, imo sine ullo proposito, libero nato infanti, compedes, vincula, ligamina nectis? An non aliter Te deberet docere universa Asia, Africa, America, ubi recens nati laxis involuti pannis solius naturæ, sapientiæ dantur, quæ sola omnia ritè ordinat? Certè ibi optima hominum corpora crescunt. Ego certè nolui meos sic tractari liberos, quorum tamen nullus aliquam partium solidarum male formatam habuit. Insurgere quoque oportebat in truculentum, omnique omninò rationi adversum, morem, quo tenella capita recens

cens natorum infantum, ita comprimebant ligaturis arctè adstri-
ctis, ut mobilia tum per molles hætenus futuras ossa cranii
compressa cerebrum, aliaque cranii contenta turbarent, unde
sopores, convulsiones, malæ capitis formationes, fatuitas, mors.
Oportuerat certè permittere naturæ, quæ sola æquabiliter om-
nia extendit, capitis jam in utero bene formati autem nativita-
tem ulteriorem deinde perfectionem. Quam insulsa autem est,
quæ suos crassos errores prætexunt, ratio! quasi ita curarent ut
caput bene firmatum rite durendo clauderetur! spectes natos
fervido sub climate pueros, nudo profectò hos capite tenent,
nec melius formata crania alibi reperias. An non & ipsi illi mi-
seri infantes ostendunt, quid, imprimis illis per instinctum,
natura jubeat? Certè, ubi ita male sunt tractati, movent tam
diu, fricantque, capita tenella, donec alio ipsis modo iterum,
iterumque, componantur. Notetur hac etiam occasione inter
inania studia reponendum esse supervacaneum metum, quasi
summâ semper cum festinatione extrahi deberet extemplo pla-
centa, quia, si expectetur paucis modò momentis, uterus sta-
tim ita suum os internum contrahit, ut ne digitus quidem pos-
sit introduci: Sanè omnes, qui his negotiis ita interfuere, ut
attento animo cuncta bene observaverint, norunt hæc non esse
vera. Matrix humana enixa infantem nullum os habet, sed
patet tota instar campanæ, multosque semper impendit dies,
priusquam incipiat iterum redire in formam, quæ parte infe-
riore speciem clausi oris refert. Adeoque rursum moneo, ne
panicus Vos terror occupet, ne cæca festinatione præcipitemi-
ni in errores, qui funesti toties fuerunt puerperis. Ajunt ple-
rumque, placentam semper modò unam reperiri in utero,
licet gemelli edantur foetus, aut plures. Nec tamen semper id
ita verum esse ipse deprehendi.

Accidit enim sæpe, ut primò prodiens foetus una secum du-
cat suas membranas, suam placentam; quod fieri non posset si
utrisque una tantum placenta fuisset. Elapso quidem anno jussi
ad me deferendas plurimas gemellorum placentas, ut omninò
certus essem, quid hic contingeret. Re itaque summâ cum cu-
râ exploratâ, reperi reverâ, aliquando cuique foetui solita-
riam placentam esse, aliquando unam utrique foetui inservi-
visse: utque hoc evidentissimum dare possem unicuique, va-

rietates has servandas curavi in liquore. Præparavi etiam unam talem, ubi binæ placentæ concretæ apparent, vasa quoque sanguifera inter se invicem decurrunt intricata pro parvo quidem spatio, non majore pollicis crassitie: unde puto fieri posse in his, ut, tempore partus, prior infans secum avellat suam placentam, altera autem maneat adhuc affixa utero, donec alter fœtus etiam editus sit. Quid autem censendum putas de fabricâ Arteriæ placentæ? hæc paucis innotuit rectè. Certè membranacea hujus arteriæ in placentâ structura adeò est tenuis, ut videatur esse vas lymphaticum valvulis omninò carens. Quænam sit hujus singularis hoc loco arteriæ constructio, facile non dixerim. His verò, qui acutius me vident, propono excutiendum. Membrana tenuis, quæ placentam cingit, quâ spectat uterum, ipsius est chorii continuatio, ut olim descripsi in *Thesauro meo Anatomico V.* hanc ipsam vidi multis locis in lapideam indolem mutatam, id ubi accidit, sponte patet his infantibus subduci ubertatem pabuli à matre suppeditandi. Captum verò superat humanum, cui apparet pendens ex placentæ corpore crus integrum, id autem in *Gazophylacio Cæsaris Russiæ* ita videtur, ut ipse in *Thesauris Anatomicis* icone expressi. Quis verò explicet unquam ex receptâ hæctenus sententiâ de Anthropogenia, quomodo bini infantes perfectè concreti fuerint ad partem osseam, quomodo ita concreti per angustias pelvis transire potuerint in nativitate? Attamen non tantum gemellas ita concretas, jamque octo annos natas, vidimus, dum per rempublicam hanc vagabantur: Sed & ipse octo mensium partum habeo, quem servo balsamo conditum: est autem binorum infantum, qui perfectè sunt concreti.

Servo eos ita præservatos domi meae, eâ lege, ut liceret parentibus, quoties luberet, eos visum venire unâ cum amicis suis. Pater, cui erat nomen Tanking, jam mortem obiit, mater Woeneman dicta in vivis superstes est, quæ si moritur ante me, tunc mihi cedent in proprietatem. Quoties certe hos contemplor, obstupeasco, nec intelligo, quomodò esse possit, ut per angustum meatum tanta moles, tamque inaequalis superficiei, queat transmitti. Profectò videntur ossa Ischii necessariò debere à se mutuò aliquantulum recedere, ut spatium laxent. Utique illi, qui bene observaverunt mirabilem & singularem omninò,

ninò protuberantiam ossis pubis & Ischii, in illis parturientibus, quæ summâ cum difficultate, maximisque cum nixibus, enituntur foetus, intelligunt, longè aliam esse faciem pelvis in partu difficili, quam in statu naturali.

Quin & ipsum Os Coccygis adeò tum vertitur extrorsum, ut sit omninò incredibile, nisi experto. Imò verò integros sæpe deinde annos conqueruntur de dolore in partibus his residuo. Denique licet ob materiæ convenientiam, hic pauca subnectere de Ano imperforato. Nasci huic malo obnoxios sæpe infantes dudum innotuit. Nec novi tamen aliquid notatum, quod hic referam. Erat Augustus mensis Anni 1718, quando ferebatur ad ædes meas infantulus masculini generis, in cujus corpore nulla apparebat ani species, sed parvus, teres, cavus, tenuis, membranofus sacculus, crassitie calami circiter scriptorii, adhærens scroto, (extremitas ejus erat clausa) & plenus porrò erat fæce vel nigro meconio. Quarto deinde, vel quinto die sponte rumpebatur spurium hoc intestinulum, atque exonerabat se a fæce dictâ, & paucò dein tempore elapso moriebatur. Fuisse sacculum hunc Intestinulum rectum spurium, nullus dubito: plenum erat meconio vero infantili, quod semper reperitur in intestino crasso infantum. Attamen spurium voco: quia non habebat dotes veras intestini recti: erat enim tantæ tenuitatis, ut pelluceret meconium, præterea spectabatur inæquale, utpote uno loco latius, angustius alio. Ad morbum hunc referam casum, quem bis occurrentem notavi: Infantes nati cum ano imperforato carebant toto intestino recto. Chirurgus *Petrus Adriani* in uno perforabat instrumento, Trocart dicto, locum, ubi naturaliter requirebatur anus, sed penetraverat jam longitudinem fere minimi digiti, antequam perveniret ad locum, ubi meconium, sed frustaneus erat hic labor. Mortui sunt ambo. Quid enim dilatatio profuisset vulneris? certè intestinum inde non poterat nasci, quod omninò deficiebat.

Sed neque prodest dilatatio in hominibus, quorum intestinum rectum ita est incrassatum in suâ substantiâ, atque adeo quidem angustatum in suo meatu, ut vix tenue specillum transmitti per ejus angustias posset. Quoties his exoneranda erat alvus, utebantur toties summo molimine, & nisu summo, ut alvinas fæces sensim & lentè premerent per exilem hanc viam;

exibat dein fæx ductu tenui, vix æquante culmi graminei craf-
fitem. Hanc quoque calamitatem conspexi in cadavere viri
ita omninò, ut modo descripsi. Si autem infans prodit in lu-
cem cum ano imperforato, ita, ut membranulâ externâ finis
intestini recti sit clausus, facillimè sanatur, si lanceola incidi-
tur phlebotomo, atque dein apertura canali plumbeo immisso,
vel & turundulâ, tenetur aperta.

Epilogi loco jam mihi liceat adhuc quædam addere pro Ana-
tomicis. Quam dolendum est, homines nolle pati, ut cada-
vera suorum defunctorum amicorum aperiantur a peritis Ana-
tomicis, Medicisque post mortem. Certè non aliter ab hisce
abhorrent, quam si putarent, morte obitâ sensum doloris
supereffe cadaveribus. Alii ignominiosum putant, lacerari
cultris cadavera. Quæ autem, si non hæc, stultitia est? Vix
moriuntur Principes in Europâ, vel Reges, quin horum ape-
riantur, atque exenterentur viscera, quò commodius eorum
tum corpora, tum viscera, balsamo condiri queant.

Sed quam est damnosa simul falsa hæc opinio? Quid enim
certi, quid veri, habent Medicorum peritissimi de interiorum
degeneratione in quolibet morborum? Quid, quæso, norunt
de proximâ mortis causa in morbis? Quidnam sciunt distin-
ctè de partibus interioribus affectis, læsisque? Quidnam de se-
de cujuscumque fere interioris mali? Quomodo verè de indi-
catis in quolibet morbo & requisitis ad curationem judicabunt?
Nisi prius accurate fuerit conscripta historia eorum, quæ sensi-
bus apparuere in cadavere inciso hominis, cujus viventis mor-
bum sedulò, & anxie descripserat medicus, qui laborantem
cum curâ tractaverat, & notaverat omnia. Certè, si quæ, so-
la hæc certa, sola tuta, est via, quâ tandem pervenire datur
ad veram morbi cujusque curationem, cognitionemque.

Et quidquid bene firmi in his habemus hodie, ejus profectò
primaria debetur laus Anatomicis. Quibus circumdati tene-
bris, cespitaremus ubique in arte, nisi extitissent, ingenio, ar-
te, industriâ, diligentia, Excellentissimi Viri, qui non veriti
labores molestissimos exerendi se ipsos ex caligine in usum
veritatis, aliosque demeruerunt liberalissimâ suorum invento-
rum participatione. Effecit interim humanorum cadaverum
inopia, ut coacti fuerint diligentiores confugere ad bruta, ut ex

iis apertis discerent, quæ in hominibus scrutari non poterant. Sed fieri facile haud potuit, quin in plurimos ita dilaberentur inevitabiles errores: quum fabrica in hominibus diversa multis in locis obtineat ab eâ, quæ in brutis occurrit. Factumque & ideò, ut diu foti, radicatique, errores quam difficillimè postea extirparentur. An non mansisset etiam hodie inepta opinio, quod matrix in sinistro semper locata hæreret latere in foeminis? Ideoque necessarium omninò esse, ut puerpera novem dies à partu primos fixa decumberet in unum latus, quo commodius naturalem denuò situm uterus post partum obtineat.

Undenam fit, ut & hodie Professore Medicinæ publici memorent, inter recensendas corporis humani partes, *Pancreas Asellii*? in ovibus id apparet ingens, nunquam in homine simile quid inveni in tot perscrutationibus humani corporis. Neque unquam vocassent in homine Intestinorum tenuium primum duodenum, si magna satis suppetisset incidendorum cadaverum copia. Sed vocavissent melius forte, certè magis appositè, intestinum digitale, vel intestinum rectum brevissimum. Multæ utique partes male denominatæ ex hac solâ causâ, quod ex brutis fuerit petita appellatio. Fabula de reti mirabili in capite humano nunquam adeo fuisset pervulgata, si non apparuisset tam intricatum, tam implicitum, tam conspicuum, & omni modo mirabile, in vitulino, & ovino capite? Quoties impleta per artem meam vasa Cerebri contemplor, utique certissimè deprehendo, admiror ubique mirabilia reticula, eodem semper perficiendo distincta operi.

Cur autem in vitulo differens adeò hujus particulæ structura, dictu equidem difficile habetur. Magna interim in aperiendis brutis latet utilitas, si solâ adhibetur pro comparatione, & faciliiori in corpore humano, similium, vel dissimilium indagine. Sed nunquam licet ex inventis in corpore bruti arguere similia in homine obtinere, nisi investiganti per vera experimenta, similitudo fuerit observata. Sed maximorum animalium vastâ corpora in primis multum profunt, si sedulò lustrentur. Equina, Bubula, Balænæ corpora incisa multum juvant. Papillas foeminarum scatere papillis nervosis sensibilissimis nunquam scivissem, nisi in papillâ mammæ Balænæ mihi insigni suâ magnitudine se ostentantes occasionem præbuisent acri cum

curâ has investigandi, & inveniendi, in foemineo corpore. Sed quis crederet, perscrutationem cadaverum, quæ quadraginta, triginta, viginti &c. Annos in sepulcretis condita latuerant, prodesse Medicis? Juvenis intempestâ nocte Vespillones comitabar, sordidâ ipse indutus veste, ut Sandapilas mihi aperirent, sicque opportunitatem præberent meæ, circa hæc, indagini.

Viditum nec capillos crevisse, nec ungues, post mortem: quum viderem in cincinnos complicatos capillos in cadavere muliebri æquè arctè adhuc craniis adhærescere ut in vita. Ungues naturalibus longiores apparebant, id verò exarescenti, ideoque contractiori, digitorum apici tribuendum, videbam facilè; maximè quum decumbentes nunquam præcidant eo decubitus tempore manuum, pedumve, ungues.

Quumque bonus Malpighius ritè observarit, pilos & ungues esse extremitates nervorum: quis credat, ablata hos vitâ crescere? Observavi tum pinguedinem humanam mutari, non tamen ita interire, ut reliquas corporis partes: indurescit enim instar sebi, sicque permanet: quum in vivis semper olei fere mollitiem, & fluiditatem habeat, etiam circa renes, & alia loca, ubi vulgò dura putatur. Non est in homine distinctus ab Axungia adeps, sed pinguis liquor ubique idem. In brutis quibusdam res aliter se habens, dedit huic errori originem, inde æstivo tempore exercitatis validè corporibus unctuosus sudor, lineamenta flavâ pinguedine afficiens. Inde axungia humana æstivo calore in vitris retenta olei instar liquescit. Nulla igitur in corpore humano adeps, nisi in cadavere diu post mortem genita. Vidi & tum, quædam cadavera habitu suo referentia limum nigrum: alia dura, sicca, contracta: nonnulla in cinerei coloris pulverem mutata, sed hæc rariora: quin & alia: vidi à vermibus rosa, verum illa modò, quæ, æstivo tempore defuncta, à muscis ova sua in iis ponentibus erant infestata: hæc enim inveniebam plena vermium aureliis ex vermibus mortuis enatis. Vidi cadavera humi condita non consumi à vermibus, nisi enarratis modò in casibus. Utcumque aliter sentire intellexerim ab infantiâ usque omnes fere homines.

F I N I S.

E X-





J. Wandelaar ad vitam fecit

EXPLICATIO FIGURARUM.

Tab. I.

- FIG. I.** A. Segmentum partim carneum, partim tendinosum, ab ossis femoris parte inferiore Y resectum, sursumque reflexum, ut queat conspici fabrica valorum.
 B. Vasa minima arteriosa, miro, atque implicato, decursu distributa per totam hanc partem, ceraceâ materiâ repleti, hinc ruberrima apparentia.
 C. Superficies Patellæ interior, quæ hic ornatur Vasis per eam distributis, accuratè designatis.
 D. Ligamenta, nectentia os Tibiæ inferiori parti ossis femoris, per quæ distribuuntur vasa innumerabilia.
 E. Tubera anteriora ossis femoris liberata à patella.

FIG. II. Indicat ossa femoris & tibiae, ut in casu hujus Valgi erant constructa.

- A. Pars inferior ossis femoris habens hic curvaturam longe diversam à sanitate.
 B. Patella.
 C. Exterior cavitas partis superioris ossis tibiae, quæ hic apparet longe inferior, quam interna cavitas E.
 D. Ossis tibiae pars superior.

FIG. III. Exhibet quatuor digitos pedis humani, unde accuratè & prudenter ablata Epidermis, ut & corpus reticulare Malpighianum, dein servavi in liquore meo illibatos, nec mutatos; quum verò cutis liberata his sit, papillae cutaneae relictae, spectatae diè sereno per microscopium innumerabiles ibi apparent, ut tota superficies his plena sit, has in majore digitorum depingendas curavi, quamvis millenae ubique sint.

TAB. II.

FIG. I. Pars magna interioris membranae Vesicae urinariae ex puerperâ, cui illa ex retento diu lotio, neglectâque ejus evacuatione, inflammata fuerat, indeque gangraenâ affecta, separatâ, dein haesit in meatu urinario, unde post 13 vel 14 dies forcipeeducta fuit: convalescente postea aegrâ.

FIG. II. Portio Cerebri vitulini, à semianno in utero vaccae matris mortui.

FIG. III. Sternum una cum cartilaginibus costarum, & intercostalibus musculis, ex foetu humano, in his ea copia valorum, ut omnia appareant quam ruberrima: neque unquam felici adeo artis eventu usus sum. Testes cito omnes, qui ope mi-

EXPLICATIO FIGURARUM.

- croscopii has partes conspiciere dignantur.
- FIG. IV. Depingit binas ex foetu costas, una cum musculis intercostalibus, mirifico etiam successu præparatis.
- A. Costæ ambæ
 - B. Fibræ osseae longitudinales; in costis eâ in ætate, quæ adultiore ætate ita confluunt, ut evadant invisibiles.

TAB. III.

- FIG. I. Exhibet portionem magnam innominati ossis, osque sacrum à latere, quæ perioestio adhuc cinguntur suo.
- A. Os sacrum perioestio, & vasis sanguiferis cinctum.
 - B. Os Ilium.
 - C. Magnus nervus, supra ossis femoris caput decurrens versus femur.
 - D. Caput ossis femoris.
- FIG. II. Frustulum mesenterii, cum innumerabilibus vasculis, instar filamentorum telæ araneæ, quæ tamen repleta sunt materiâ ceraceâ rubrâ.
- FIG. III. A. Acetabulum ossis femoris ex juvene.
- B. Arteriolæ ad infima acetabuli repertæ.
 - C. Ligamentum nerveo-cartilagineum, quod neçtit caput ossis femoris cavo acetabuli, undique Vasis cinctum.
 - D. Caput ossis femoris.
- FIG. IV. Capsula facta ex intestino jejuno pueri, & in illa est, segmentum Intestini coli, & Ilei refertum ita dictis glandulis, & vasis sanguiferis.
- A. Capsula.
 - B. Segmentum Intestini caeci.
 - C. Segmentum Ilei.
 - D. Processus vermiformis, cum suis ita dictis glandulis.
- FIG. V. Embryo humanus, cum rudimento funiculi umbilicalis, pendens in liquore, & demonstrant evidenter rudimentum illud ipso embryone crassius; in hoc embryone nec nasus, nec os, nec oculi apparent, sed modò rudis, indigestaque moles.
- A. Rudimentum funiculi umbilicalis.
 - B. Carina embryonis.
 - C. Capitulum embryonis.

F I N I S.






Fig. I.



Fig. II.



Fig. V.



Fig. IV.





Fig. III.



Wandelaar ad vivum fiat



FREDERICI RUYSCHII

*Anatomes & Botanices Professoris, Academiae Cæsareæ
Curiosorum Collegæ, nec non Regiæ Societatis
Anglicanæ Membri,*

ADVERSARIORUM

ANATOMICO-MEDICO-
CHIRURGICORUM

DECAS TERTIA.

In qua varia notatu digna recensentur.

CUM FIGURIS ÆNEIS.

EDITIO ALTERA,



AMSTELODAMI,

Apud JANSSONIO-WAESBERGIOS.
MDCCXXXVII.

FRANCIS J. BROWN

Author of "The History of the
United States of America"
and "The History of the
United States of America"

ADVERSARIUM


AND
CHRONOLOGICAL

TABLE

OF THE HISTORY OF THE
UNITED STATES OF AMERICA

FROM 1776 TO 1876

BY FRANCIS J. BROWN



AMSTERDAM

AT THE PUBLICATION OF THE
AMERICAN ANTI-SLAVERY SOCIETY

1876

VIRO PERILLUSTRI
JOANNI TRIP

I C T O,

D O M I N O I N

B E R K E N R O D E

REIP. AMSTELAEDAMENSIS CUM MAXIME CON-
SULI ET SENATORI,

SOCIETATIS INDIAE ORIENTALIS CURATORI, AD
RES ECCLESIASTICAS DEPUTATO,

ARMAMENTARII PUBLICI, HORTIQUE MEDICI
PRÆFECTO, &c. &c. &c.

Hanc Decadem tertiam Adversariorum

D. D. O.

Humillimus auctor

FREDERICUS RUYSCHIUS.

VIRGO PERILLISTIA

JOANNI TRIP

ET

DOMINO

BERKENRODE

TRIP, ANNO 1710, IN VILLO, QUO HABITAT, ET
VIRGO PERILLISTIA, ET

SOCIETATE, QUAE IN VILLO, QUO HABITAT, ET
VIRGO PERILLISTIA, ET

TRIP, ANNO 1710, IN VILLO, QUO HABITAT, ET
VIRGO PERILLISTIA, ET

TRIP, ANNO 1710, IN VILLO, QUO HABITAT, ET

TRIP

TRIP

TRIP

LECTORI BENEVOLO

S.



Uicumque se publico committit, necesse est, ut omnigena hominum judicia experiatur, quorum unusquisque pro captu suo rem oculis omnium expositam vel probabit, vel damnabit. Namque rebus singulis duas esse ansas jam veteri dicto comprobatum est. Quod ad me attinet, emissurus ea, quæ in usum generis humani post longos labores, & multiplicia experientia chartis commisi, nihil est cur meliora sperem, probe memor eorum, quæ adversus me jam ante multos annos conati sunt homines vel invidia ducti, vel amore sui, vel præjudiciis obcæcati, donec vi inconcussæ veritatis superati victas manus dederunt. Certe quidquid ratiocinia, etiam ingeniosissimorum hominum, vel speciose retulerunt, vel imperitis persuadere potuerunt, id omne confestim collapsum est, quam primum experientia docuit longissimas disputationes frustra habitas fuisse pro rebus, quas natura non agnoscebat. Eadem illa fida magistra Experientia, quæ causam meam, quæ multis laborare videbatur, tot annos strenue egit, eadem illa, inquam, jam quoque pro me militat, & audire nolentibus identidem inculcat, Venite & videte.

Ea enim vis est veritatis, ut vel invitos trahat in assensum, ubi nullus dubitationi locus relinquitur, sed materia suppeditatur undique laudandi mirabilia Dei in gloriam ejus æternam.

Non multis te morabor, Lector Benevole; neque enim animus est dicta jam ante repetere, vel ea congerere quæ ab aliis super his rebus sint dicta vel facta: satis habens efficere, ut intelligas quid velim.

Inter alia, quæ tibi offerimus, oculis tuis spectandum exhibetur Pyrum Anatomice dissectum. Quod si hoc præstitissem in hepate vel splene humano, excarnationis nomen mereretur propter Analogiam. Jam vero mihi liceat hoc vocare sceleton pyri: quale sceleton formare soleo ex foliis & fruticibus: qui conspectus multis non ingratus

tus fuit. Videbis porro, quæ in eorum descriptione observaverim. Accedunt à me exhibitæ figuræ, quibus evincitur vasa fructuum, quorum nucleus lapide tectus est, ut pruna aliaque, provenire maximam partem, ex lapidibus, æque ac ex ipsis Persicis, quamvis non omnia uno eodemque modo.

In Musæo Wormiano incidi in imperfectam imaginem partis sceleti Opuntiae, quod Doctissimi etiam viri tunc temporis valde mirati sunt, cujusque meminerunt in scriptis suis.

Quare si Deo visum fuerit, animus est totum fruticem, quem in formam sceleti redegi, exhibere, ubi multa observanda occurrerent, unaque cum eo conjungere sceleton foliorum quernorum, ubi, remota omni pulpa, folia reticulorum speciem è filis contextorum præbebunt. Vale, & his utere mecum.



ADVERSARIORUM ANATOMICORUM

DECAS TERTIA.



Uum existimem, habere me nonnulla iterum, quæ observavi haud inutilia medicinæ, atque Anatomes præ cæteris, studiosis; prodeò denuo, ea ut offeram. Tu, mi lector, æquo feras animo senilem loquacitatem, quando conatur prodesse: neque in malam accipias partem, quæso, si vel repetiverim hinc inde eorum quidpiam, quæ forte enarravi antea. Invenies quippe in ipsâ hacce repetitione semper novi quid, aut emendati magis. Agamus igitur primo.

I.

De Atheromate.

EQuidem, si lubet considerare varios, quibus humanum corpus obnoxium sæpe invenitur, tumores, hos inter sane ut frequens est satis, ita & vix intelligi à medico potest mirabile hujus ingenium. Si enim rite examinas materiam, quæ propriis stabulat in locis, hosque tumores efficit, anceps eris de ipso verò nomine apte ei imponendo. Quoniam pulsem sæpe spissiore referabat hic tumor, Græci Atheroma dixere; nec male. At alii, qui viderant collectam hanc materiam in grandinosa corpuscula degenerantem; vel ideo, repudiato priori nomine, dixere tumorem ovis piscium simili saburrâ turgidum. Quid vero appellationis excogitabis, quoties ossicula, vel & ossa ipsa continet diversæ omnino figuræ; imo vero & pilos instar capillorum hominis, dentes quoque, verosque etiam molares inter illos, quin & crus humanum infantis cum tribus digitis, quale Cæsar Ruforum suis in Thesauris vere possidet. Omnia quæ modo recensui ita reperi aliquoties, atque semel integram dentium

feriem in illo tumore me reperire pulchre memini, & quod incredibile videatur (vera tamen loquor) in ovario muliebri. Sane Petropoli videre est rem ipsam: in Thesauro autem Anatomico primo accurata habetur mirabilis rei icon.

At longe aliud, magisque inauditum, certe fidem superans, erit quod narrare occipio, prout domi id servo. In ventriculo defuncti vita hominis inciso invenitur Atheroma, intra quod hæret integer manipulus pilorum, instar capillorum hominis adest frustum informe ossis, iuglandem nucem æquans: quatuor veri insunt dentes molares, quales maxilla humana alit. Horum autem dentium bini connati, alii duo separati existunt; sed, quod singularem contemplanti stuporem incutit, cernitur in eodem sacculo crus anterieus cervuli exigui Africani, ut vix ovo similis ovum, excepto, quod pedis in hoc crure ungula haud fissâ sit, ut in Guineensi illo animalculo obtinet, sed tegitur finis ille ungue, ut digitus minimus humanæ manus; quin imo & superficies cutis hujus cruris raris tenuibusque tegitur pilis, ut humanam manum obsidere solent.

Scio, tamquam fictum hoc quidam ridebunt Sceptici; sed desinant de non satis exploratis naturæ effectis temere definire, ni spectaculo oblato refelli ipsi velint. Ipsa hæc res in India Orientali contigit. inde ipsum hoc ita se habens Atheroma missum fuit Clarissimo Viro, honorato meo Collegæ, Caspari Commelino, Botanices Professori Celeberrimo, & Academiæ Naturæ Curiosorum membro, qui pro consuetâ suâ humanitate mecum illud communicavit una cum autographo Chirurgi dexterrimi Cornelii Smit, a quo Commelinus dono acceperat. Hujus ergo comitati id acceptum referens rite depuratum, atque ab interitus omni periculo munitum, locavi in Thesauro meo tam Anatomicarum, quam naturalium rerum collectione, instructo: quem in hac grandi ætate nocturnis laboribus, & diurnis, iterum apparavi ab eo tempore, quo priorum meorum laborum fructus in Russiam translati fuerunt.

Verum, ne sic quidem contentus, habeo rescripta ex loco observationis confirmantia rem ita factam testimoniis omnium qui incisioni cadaveris, & operationi hujus ita nati Atheromatis, interfuerunt, quorum exemplum de verbo ad verbum hic insertum ita se habet.

Anni

Anni 1716 quinto decimo Augusti venit in nosocomium, quod est in Samarang, Jacobus Ruben. Laborabat apostemate ad binos digitos transversos supra umbilicum. Id apertum manu Archichirurgi, dein quotidie bis depuratum dabat singulis vicibus duas puris uncias, usque ad Decembris vigesimum, quo moriebatur. Propriâ cadaver dexterâ aperui, invenique putredinem in hepate. dein apertus ventriculus erat plenus materiâ albâ, in quâ inveniebatur fasciculus pilorum habens pondus post exsiccationem quatuor drachmarum. præterea reperiebatur frustum carnis cum osse & cartilagine instar quartæ partis chalci. Incidi illud, reperique in eo grumosum cruorem, cum materia aquosa: cujus natura erat ossea, cartilaginea, vel carnea, cutanea vero externe, ibique pilosa hinc inde. Præterea inveni circa os ventriculi superius arcte adnatum frustum carnis, circumaccreta carne cinctum, cum tribus globis in apice. ad utrumque latum horum globorum accreverat dens molaris perfectus, plane similis denti humano cum tribus aliis dentibus in medio. In cavitatibus nihil erat carnis, nec ossis, sed membrana, in quâ sanguinis thrombi, cum Ichore flavo: quin & unum trium globorum repletus spectabatur materia cinereâ, referente pollinem ostracodermatum contusorum.

Dentes hi molares constabant pulchro, candido, firmo osse, ut nihil magis possit dentem hominis referre, erantque accuratissime infixi carni ipsi, non ossi, sed quodam modo mobiles. Ventriculus obsidebatur materia quasi conchiliorum contritorum pulveri simili.

Nos hic subscripti fuimus missi, ut essemus præsentis testes rei ita gestæ & repertæ,

Thomas Blom, Interpres, & à rationibus Societatis.

N. van Gangel, Vexillifer.

Tres Chirurghi.

Henricus Oestersen.

Jacobus Hullincq.

Licet vero historia hæc mentionem non faciat Atheromatosis in descriptione rei propositæ, evidentissime tamen datur evincere, ita illud adfuisse ibi: quoniam sæpenumero pili, dentes molares, alique, reperti fuerunt in alba A-

theromatis materia, nunquam autem in ullo alio tumorum genere illa fuerunt reperta, vel similia: certè, unquam id legere me in aliquo observationum medicarum scripto, ne quam memini, haud quidem mirabor, si quis me interroget, quam ratione fieri possit ut omnia hæc nata, omnia hæc reperta fuerint in tumore undique clauso? præcipue quidem undenam quadrans quadrupedis animalis habens humanum unguem natus sit in illo? Sane vix aliud habeo, illi quod regeram, nisi modum Naturæ agentis, formantis, mutantis, nondum satis perspectum esse homini, ita quidem, ut inde definire queat, quidnam illi possibile factum, aut impossibile sit. Fateor, rem solâ raritate observatione dignam nos in admirationem rapere, imo vero ipsum nobis perturbare animum: sed talis est quotidiana conditio eorum, qui contemplationi rerum naturalium totos se dedunt.

Nonne admirabile, imo incredibile penitus fuit, tectum illud tot per secula arcanum, quod revelare me abjectissimum suum servulum DOMINO DEO placuit? quando, corticem cerebri esse quam ordinatissime contextum & fabrefactum ex subtilissimis canalibus pulposis, accuratissime intertextis, atque exeuntibus ex finibus arteriarum sanguiferarum cerebri, inveni, descripsi, & cum medicis communicavi primus? Vah quantæ tum inter eos turbæ!

Clarissimus certe Schelhammerus, Anatomicarum rerum peritissimus, atque editis super Anatome Scriptis merito suo celeberrimus, re hac auditâ primo, adeo longe aberat, calculum ut apponeret suum, ut in libello quodam, postquam honorificentissime de me, meisque inventis, scripserat ibidem, ubi tamen perventum fuerat ad illud rei punctum, quo asseriebatur corticem cerebri nec glandulis, nec glandulosa materia, constare, sed continuatis arteriarum sanguiferarum fistulis, haud veritus fuerit disertis verbis clamare: *Paterer potius erui ex orbitis suis meos mihi oculos, quam crederem, rem ita se habere.* Sed quid contigit? forte bini juvenes, discipuli Clarissimi Viri, atque ab Illo Anatomica quoque edocti, me invisebant, atque etiam collegia mea Anatomica frequentabant, quibus memorata modo verba ex citato prælegi scripto, eâ occasione, qua de
his

his forte rebus agendum postulabat Doctrinæ ratio. Uterque liquido afferebat, ipsam rem ita, ut ipse scripseram, se habuisse, neque licere sibi deinceps de veritate rei dubitare. Quos deinde, brevi jam patriam repetituros rogavi, ut vellent coram Professore suo, ita ut viderant, veritatem rei profiteri. Egregii autem juvenes hinc incensi paululum, nec morandum rati, primum per tabellarium visa & comperta literis ad eum datis perscripserunt, me omnium horum inscio. Quare mirabar me post mensis circiter, à quo gesta hæc fuerant, spatium honorari literis cordati Viri, quibus prius scripta excusat, fidei-meis dictis habet, neque ulterius iis resistere posse fatetur: postquam bini tam periti harum rerum discipuli explorata sibi ad se retulerant. Modestia non patitur hic adscribere, quibus illà in epistolâ encomiis super eodem hoc invento, me ornet. Rescripsi ego Egregio Viro statim, nequaquam mirari me, ne dum ægre ferre, quod inauditam adeo rem tam duris repudiasset verbis: quandoquidem hanc ipsam, si alterius fide, & oratione, accepissem prius, fortè ipse non tractavissem mollius, sed cum contemptu rejecissem. Simile quid evenit mihi primâ vice demonstranti, in Amphitheatro Anatomico Amstelædamensi publico, inventam tunc primo à me tunicam novam in oculo humano. Quum enim suâ forte tum præsentia honoraret hunc meum actum Clarissimus Rauus, disciplinâ Anatomicâ adeo insignis, tam indigne excepit hoc meum assertum ut risu, imo vero elato cachinno rem exceperit coram omni spectatorum corona. Haud mirabar, sed placidus dixi insigni huic Anatomico, libere rideret, me interea jam curavisse imaginem cœlandam à Sculptore, ut in publicum evulgaretur novum inventum; quod & factum fuit haud ita diu post. Quam varia autem rerum harum fors fit, patet & hinc, quod indefessus & industrius Albinus, Clarissimi Ravi successor, in Cathedra Anatomica Lugdunensi, ipsam hanc membranam tam solerter ita præparavit, ut unicuique quam evidentissima quidem appareat titulo membranæ Ruischianæ.

Sed ut redeam in viam, unde digressus fueram, non valde

miror, & homines fuisse, qui, postquam descriptum modo Atheroma præparatum apud me vidissent, dixerint, impossibile omnino se putare, rem talem in ventriculo prodiisse hominis. Sed, Care lector, quis hac in re in animum suum induceret, velle fallere; quum nullum honoris inde præmium, nullum lucrum, sperari queat, aut prævideri ab hac fallaciâ? Quis cuncta hæc, tamque diversa, colligeret, & uniret, tantum ut assereret, humano de Stomacho protracta esse simul? quare ille, qui misit hanc historiam, voluisset tam turpiter imponere Celeberrimo Commelino, cui tale debebat nihil? Sed fac ita voluisse, undenam data copia fuisset tam mira, nec usquam alias occurrentia deprehendere, qualia descripsi supra? Tandem quam arte hæc, si ficta forent, ita unire quis potuisset? Sed, rem ut conficiam, nonne æque stupendum apparuit, quum coronæ spectatorum in Anatomico Theatro ostendebam, Ovarium muliebre continens integram dentium feriem, quam simillimorum dentibus humanis, ut in Thesauris Anatomicis depingendum curavi, cujus quidem rei Autotypon Inviçtus Russorum Monarcha possidet, qui pro singulari rerum Anatomicarum cognitione, quâ non Principes modo, sed & ipsos Medicorum plurimos antecellit, hæc ipsa sæpe contemplari haud dedignatur.

Quis non furor oriebatur & tum, quando gratis missum mihi accepi animalculum quadrupes, capite, linguâ, caudâ, & appendice de ventre pendula, instar funis umbilicalis, ita, ut cuncta hæc uni sacculo inclusa hærent, ut in Thesauris Anatomicis depinxi, additâ omnium hic observandarum circumstantiarum descriptione, cujus Authenticon etiam in Thesauris Cæsaris Moscoviæ Petropoli spectatur; quod animalculum à vetulâ octuagenariâ cum vomitu fuit rejectum.

Ante multos annos quis credidisset, ex crudis vegetantibus, simplicissimâ distillatione Chemica elici, absque ulla præparatione, salem volatilem, alcalinum, siccum, candidum, instar densæ, figuratæ, glaciei, excipulo undique adnatum, & formâ quidem solidâ diu constantem, qui acri, alcalinâ penetrabili, mobilitate provocat omnes ex animalibus paratos sales, neque ullo modo cedit vel illis, qui de putrefactis
prius

prius herbis excitantur? Hujusmodi autem in amplissimo vitreo vase spectabilem admodum admirabundo mihi contemplandum atque explorandum obtulit integerrimus meus certusque Amicus, Hermannus Boerhavius, Medicinæ, Chæmiæ, & Botanices in Academia Lugduno-Batavâ Professor; qui tales produci tam facili apparatu ex seminibus inprimis maturis, siccis, recentibus, non præparatis stirpium acrium, mihi retulit, quam de Sinapi, Erucâ, Raphanis, Cochleariâ, Thlaspi, Cepis, Alliis, Porris, aliisque confici solent., exprimentes omni dote Sales, Spiritusque Cornu Cervi. Ego certe, à primâ olim ætate Chemicis fatis deditus, mecum; his spectatis, dixi, fieri jam omnia, quæ posse fieri negabam. quare cavebo deinceps temere definire quid fieri possit, nisi re prius ab omni parte exploratâ.

Sed & æque infuetum, mirumque ideo illud habendum, quod à me detectum voluit Creator, datumque Orbi, discrimen ingens, quod deprehenditur inter vasa sanguifera, pro diversitate munerum, quæ illis obeunda imponuntur. Si enim bene hoc fuisset observatum; cavissent utique Medici asserere, humores percolari ex confusâ materia separandos ope pororum, aut glandularum. Quid enim sani inest tali sententiæ? Recordor, Egregium Imperatoris Russiæ Archiatrum, Dominum Arskine, super hac re interrogavisse mirabundum, an igitur negarem semen in vasis federe sanguiferis aliis intime mixtum humoribus, soloque testium apparatu inde fecerni? Responsum dabam, nescire me, quænam laterent in sanguine recondita, scire tamen satis evidenter, sanguinem semen haud efficere: id vero, si hæreret in vasis sanguiferis, alia requisitum esse organa, quæ prius sperma elaborassent, distincto in loco, meque hanc ob causam agnoscere, diversa esse corporis nostri vasa, meque illud in stirpibus observasse etiam; de quâ re dicam postea.

Sane quod jure me dicere posse puto, antiqui, si vasculorum ultimorum extrema illa subtilia accurate habuissent cognita, non incidissent in tot errores circa cognitionem fabricæ corporis humani. Sed ego de hac re ulterius agam, ubi visum DEO fuerit, cujus immensæ sapientiæ sint gratiæ actæ, quæ homuncionibus suam infinitatem detectam voluit ex tam miris effectis.

II.

De Anatome Mali Persici, Pyri, & Foliorum.

Scrutator sedulus corporis humani detegit quidem quotidie nova quædam, eaque inter mirabilia sæpe multa: sed & indagationem structuræ in plantis, herbis & fructibus, eo facere, sequentia docebunt, quæ & Anatomicum non decent, & ad Gloriam DEI multum conferunt, ut mellitus Thomas à Kempis suavissime asserit,

Quilibet surculus enarrat, explicat omnis herbula, DEI potentiam, seque nos ut doceat, blande offert. Disce, inquit, ex me, quam sit sapiens, quam bonus, quam admirabilis, quam suavis & beneficus DOMINUS NOSTER: quod enim in me, & hoc à DEO est. Ideoque & jure canitur:

Præsentemque refert quælibet herba DEUM.

Age igitur, contemplare fabricam Mali Persici, & fat scio, obstupefces mecum, maxime ubi simul perspexeris atque comparaveris priori structuram Pyri fusci majoris, quod *groote Riet-peer* Belgice vocant.

Pedunculi pyrorum constant multis canalibus, qui in corpore fructus sensim magis magisque explicati, simul plus mollescent per gradus, tandemque in pulpam humidam exeunt, mutanturque, in quâ dulcis gratulque ille succus reperitur. Non inepte itaque puls hæc pyrorum habetur similis viscerum parenchymati, lienis certe inprimis, & hepatis. ita quoque olim vocabatur hæc materia, quam postea glandulis meris conflare voluerunt Malpighiani. Ego vero potius canales dictos velim, & vascula sanguifera, quorum amborum extremum non parenchyma, sed pulpam, appello: quia corpusculum nullum singulare glandulam nominabo, nisi propriâ & singulari suâ membranâ contineatur. Atque ita & hic eadem in fructibus his invenio. Si quis autem velit, totum pyrum, utpote unâ coërcitum membranâ, appellare glandulam, aut glandulosum corpus, id quidem haud absurdum.

Surdum crederem: verum qui asserunt, fabricam pyri glandulis quoque constare, iterum mihi videntur errare.

Ita quoque universum Hepar, Splen &c. suo semper circumcincta involucro, atque ex vasculis sanguiferis conflata, pro glandulis numerari possunt: sed dicere, horum particulas etiam iterum constare ex glandulis, semper minoribus, fallax mihi apparet: & in hac quidem sententia manere cogar ex amore veritatis tamdiu, quamdiu assertores illius alterius dogmatis non ostendent particulares illas minutas partes, quas illi habent pro glandulis. mihi sane apparet parvas illas particulas tandem fieri pulposas extremitates. in aliis autem aliter se res habet, ut, volente DEO, exponam postea.

Atque ita quidem in plerisque pomis & pyris fabrica videtur. Sed in malo Persico longe profecto aliter mirabilis cernitur constructio. Est sane huic fructui brevis valde pedunculus, soloque levi contactu à suâ decutitur arbore hoc pomum. Quum vero curtus ille pes ingenti constet canalium colligatorum serie, videntur illi se tantum extendere usque ad putamen lapideum fructus, huicque deinde tradere totum munus perficiendi cætera, quæ ad consummationem fructus hujus requiruntur: namque ex omni externâ superficie lapidosi hujus corticis undique exoriuntur rursus canales, quorum distributis deinde extremis ipsa porro pulpa accrescit firmiter. Quam singularis apparatus! Canales pulpi-feri non proveniunt ex pedunculo, sed ex illo duro lapide, cui dederant illos pedunculi vascula.

Impossibile id primo quis dicat, sed experiatur, rem videbit. Neque latere velim artem, quâ arcanum hoc detegitur. Impono illos explorandos fructus aquæ, donec incipiunt putrescere, deinde vero eos vasi figulino immitto, cujus fundus planus est, sicque positos deglubo lente: excorticatos dein diu agito hinc inde per aquam, ut hoc concussu solvantur à mutuis complexibus vasa, simul autem blande lenteque comprimo inter digitos, donec incipiat dissolutio fieri. Tum vero manifesto apparet analogia maxima, quæ est pulpæ huic vegetabili cum corpore pulposo Jecoris, Splenisque, tam in homine, quam in vitulis. Sed, quoniam

splen hominis non est semper aptus ita tractari, ideo potius eliguntur lienes molliores. Ita enim olim, quum longe maxima esset difficultas cadavera humana nancisci, confugiebant Anatomici ad corpora mortuorum quadrupedum, avium, piscium, quod & hodie adhuc obtinet: neque profecto utile hoc adminiculum rejiciendum umquam videtur: at prudenter comparatio est instituenda, & indaganda via qua postea tutius explores, num & in humano ita corpore omnia se habeant. Sed, fateor, ne somniaveram quidem, umquam vegetabilia etiam servire detegendis in corpore humano partibus, ut jam feliciter experior. neque sane hæc tantum disco in fructibus, sed in ipsis quoque foliis.

Diu occupatus fui in rimandis vasis, quæ per hæc decurrentia olim nervos foliorum appellavere Botanici: sed longe rectius jam mihi licet eadem vocare vasa succosa; post hæc omnia cœpi videre, & hæc dissolvi, atque in scelera redigi posse herbacea.

Dum hoc ago folia Aloës Americanæ muricatæ explorans, & dissolvens, deprehendo, omnia ejus vasa secundum longitudinem folii excurrere, atque vix ullos laterales ramos ex se dimittere. Sed & video simul inter hos canales pulpam valde analogam illi, quam in pyris, & Persicis, inveneram, ut & satis similem illi, quæ in liene est humano. præterea non poni hanc pulpam ad extremitates decurrentium vasorum oblongorum, sed locari inter canalium appositorum latera. Atqui quam auspicato evenit, ut, dissolvendo hanc pulpam, clare viderem eam ipsam constare vasculis minimis, atque in ea manifesto resolvi etiam posse: ita quidem, ut referret satis commode corticis cerebri fabricam. Hæc sic parata jam domi servo, ut spectatori possim offerre. Frustra autem hic apparatus tentatur in Aloë Socotorinâ, vel Africana: namque in his invenio quidem decurrentes rectâ juxta longitudinem folii canaliculos, absque ramis lateralibus; sed tamen omnes pergentes juxta longitudinem membranæ folium investientis, cui se firmissime innectunt. Porro pulpa illa in foliis parum solidæ habet substantiæ; sed maxima inest copia liquoris pellucidi, viscosi, albumen ovi referentis. Servavi hunc liquorem, atque
die

die sequente observavi pulchre purpureum evasisse ita , ut pigmentum illud chartâ exceptum , vel linteo , constantem pulchrumque colorem referret. Sed quanta diversitas obtinet in folio Opuntiae Spinosae Americanae? Ejus profecto canales succosi per folia decurrentes , ubique emissis ramis lateralibus se mutuo inter se contexunt , atque praeterea coadunantur mirifice simul concurrentes in eo loco , ubi formant novum folium , si fas est folium dicere , & non potius totam novam plantam. certe ibi omnes distincti illi canales arctissime uniti coeunt , iterumque ex eodem hocce loco egressi disperguntur abeuntes à se invicem per novum illud folium : fitque idem illud per totam quidem plantam ubique. Sed & aliud observavi in hac Opuntia , quod non vidi aliis in foliis. Folia etenim haec valde adulta , inque sceleton formata , siccataque , in tres , quatuorve lamellas , aut etiam in quinque , quae sibi mutuo secundum longitudinem incumbunt , separari a se invicem possunt. Quod & domi meae spectandum servatur. Quis itaque satis digne laudes dixerit Omnipotentis , sapientissimique Numinis , qui tam mira , varia , utilia , ejus opera conspicit , unde tot tamque diversa vegetantia , humanis servientia usibus ? unde aedificia , naves , horum supellex , cibi , potus , vestes , ignis pabula , medicamenta denique , parentur nobis. Imo vero est , ut credam , ad doctrinam quoque morum proficere saepe stirpium proprietates : idque ut firmem rem narrabo saepe mihi visam. Anni ultra quadraginta elapsi sunt , ex quo in Amstelædamensi Horto alebatur planta ex Ægypto delata , quam Colocasiam veram affirmabant ; sed quum florem fructumve numquam ibi perfecerit , dubitare licet , an non vera fuerit Ari species. Ornata erat utique foliis latis , per quorum medium decurrebat crassa compages canalium succulentorum , quae Nervus tum dicebatur. Extremitas hujus ita dicti nervi , ubi pervenerat ad apicem sui folii , inde emergens progrediebatur sola , in spiras se hinc inde torquens , eo fere modo , quo videmus rem se habere in Priapo vegetabili , Rumphio descripto , titulo Herbæ Canthariferæ.

Quando itaque terra in fictili , cui insita erat hæc planta , arida facta irrigabatur aquâ , observabatur , simul ac nimium

affunderetur aquæ, ultra quam egebat illa, distillare illico abundantem affusi humoris copiam guttatim ex apice intorti extremi, & quidem velociter, donec superesset tantum aquæ quantum requirebatur ad sanitatem, non ultra. Sed mirabilitas spectaculi nocuit plantæ: nam affusâ uberiore aquâ tamdiu irrorata fuit, donec moreretur à colluvie nimia; ut & bibonibus fatalis sic corripitur gradus ad mortem.

Dixi itaque ex demonstratis haud modo, analogiam maximam inter pulposum multorum vegetantium; sed & comparisonem posse institui inter nostra vasa sanguifera, & succifera plantarum. etenim quælibet corporis nostri particula, quæ destinata est paranda alicui singulari humori, semper habet diversos longe canales ab omnibus aliis, & sic in stirpibus obtinet. Magnum hoc arcanum suorum operum voluit DOMINUS DEUS revelare hominibus per me, in honorem, gloriamque suam. Utique quando hoc primum inveneram abripiebar in admirationem fere ecstaticam. Certe extrema posse vasorum sanguiferorum oculis spectari, res non est parva. fatetur certe Malpighius sibi id impossibile fuisse. utinam magnus ille Scriptor, qui suo tempore sibi parem non inveniebat, hoc spectaculo potuisset oblectari! Longe aliter de quibusdam scripsisset rebus. Ut enim tam ingens est inter ipsa vasa sanguifera diversitas in corpore humano, ita & in ipsis etiam vegetabilibus videtur, quorum etiam fistulæ ultimæ accommodantur efficiendo illi operi, quod ab iis requiritur ex lege Creationis. Hanc enim potestatem infudit cuicque Creator ipso in semine. Inde igitur tanta diversitas in succis vegetantibus, horumque potestatibus, ut purget hic, alter obstipet, &c. quin & hoc ipsum levi constat & quotidiano experimento. Si eidem terræ in eodem vase inseris Aloën, & Sacchariferam arundinem, eidemque committis aëri, eidem pluviae, rori, soli, feret illa amarum purgantem, hæc suavem gratumque succum.

Sed si spectes utriusque harum fabricata vasa, quanta erit differentia? Si autem ultra jam quæsieris, scire, nefas, qui vasa descripta operentur, dum tam diversos ex eadem materiâ succos conficiunt, dicam frustra id quæri; & agere per abdita hæc DEUM, cujus adoranda sapientia, cujus acquiescendum,
provi-

providentiæ. Et sufficit, bonitatem NUMINIS nos docuisse hoc fieri, licet modum quo fiat huc usque absconderit.

III.

De Eruptione Sanguinis per cutem capitis &c.

Terrorem immanem, mulieri ubi incutitur, longe periculosiorem esse, atque multa pejora effecta habere, quam si vir eundem pateretur, quotidiana docet experientia.

Viginti abhinc annis accidit, ut puella quædam valde perterrefacta, illicô undique infestaretur per totum suum corpus exanthematis magnis, quæ degenerabant in ingentes vesicæ hæud abfimiles illis, quas cantharidum applicatio excitat. Disparebant hæc deinde pro aliquo tempore, iterumque postea apparebant per vices. Medici consulti super raro hoc symptomate asserebant, prævidere se orituram hoc ex malo facile Apoplexiam, aut Paralyfin, vel forte & Epilepsiam; nec ita diu post sequuta fuit primo particularis paralyfis brachii sinistri. Exercitatissimus tum Chirurgus Petrus Plaatman vocatus, ut huic mederetur malo, præscripsit usum balnei cum aromaticis herbis, cui dum infidebat, pars affecta perfricabatur fortiter, fuitque is rei successus, ut eousque restitueretur in parte læsa mobilitas, ut jam aciculam tenuem humo tollere posset, suasque rursus sibi vestes induere. Dum gaudet hoc levamine, incidit denuo in novum paralyseos violentæ malum, quæ totum ferme afficiebat corpus; porro autem & accidebat illi effusio cruoris ex cute capitis supremi, tam improvise quidem, eaque cum impetus velocitate, ut citissime omnia lintea capitis integumenta ab effuso hoc cruore permadescerent. Nullum observabat eruptio hæc exacerbationis ordinem, cujus incertitudo atque rei familiaris egestas coëgit matrem, ut locum afflictæ filiæ curandæ, atque alendæ, peteret in nosocomio publico; ubi per quatuordecim dum fuit hebdomadas, vix tantum liquidi cibi consumebat, quantum cochleari prehendi potest. Domum redux ad matrem diris corripitur convulsionibus,

inde in furorem incidit, ita ut septem totas hebdomadas ligari funibus, & coërceri debuerit. Toto autem hoc spatio ne semel quidem alvum evacuavit. Neque haud ita diu post plurimum vomuit cruoris. Igitur interdictus fuit balnei, quod rursus ipsi fuerat commendatum, usus. Post vomitum sanguinis evenit illi urinæ retentio: quare Chirurgus dictus per integros novem menses quotidie lotium per immissum catheterem educere debuit. Postea vero vivum emisit sanguinem per aures, os, oculos, umbilicum, mammaeque: & quidem ex his tantum exiliebat sanguinis, ut necesse foret vitris supra papillas impositis profluentem cruorem excipere. Jam vero usque adeo emaciata, atque viribus orbata est miserrima hæc virgo, ut languidissimam trahat vitam. Accessit autem & tumor ad oculum sinistrum valde prominens; imo & lingua ipsi in ore circumtorta jam jacet; inde neque loqui commode, nec edere expedite valet. Atque ita nuperrime eam reliqui. Quamvis autem de calamitatibus descriptis plurimæ illam nunc reliquerint, attamen adhuc profluvia cruoris per capitis cutem frequenter patitur. Quando nuper casum hunc enarrabam Medico Boretio, curioso certe rerum Anatomicarum & Botanicarum indagatori, usque adeo ille ardebat desiderio propriis usurpandi oculis ægrotam, ut rogare non destiterit me, ut adducerem ad illam. Morem ei gessi. Quum unâ igitur invisebamus ægram, incepit illico quam oportune tantum effluere sanguinis; ut intra paucum tempus per omnia capitis integumenta profluens spectaretur. Vexat eam nunc temporis perpetua dextri pedis exagitatio, linguaque ad unam oris partem firmiter est affixa, atque intorta utcumque. En malorum terribilium syndromen, cui similem videre non memini.

Haud ignoro tamen, menstrua mulieribus retenta varias sæpe per vias exitum sibi quæsisisse, & per os etiam, aut capitis integumenta, exivisse: id enim descriptum observatoribus dudum fuit. Sed tam multa, singularia, & dura symptomata accidere uni foeminæ, haud vidi. Anatomici tamen hinc discere poterunt, sanguinem exivisse osculis extremis arteriarum, horumque eminentibus poris. via ergo recta à corde

corde in epidermidem usque est arteriosa : nam intentis vidimus oculis vivum, coccineum, verum, sanguinem arteriosum cum impetu veloci expelli ita, ut vividiores numquam sanguinem conspexerim. Quando itaque assero sanguinem descriptum de corpore egressum fuisse per poros, debebunt igitur pori hi esse meatus continuati ipsis cum arteriis, adeoque pori illi ipsi considerandi sunt tanquam oscula hiantia extremarum hic arteriarum. Inde quoque credo, in statu naturali, & bene disposito corpore, sudorem nostrum excerni, ut & naturales perspirationes. Neque video opus esse ad negotium hoc, vel glandulas ita dictas subcutaneas, aut alios ullos sudoris fontes : certe enarrati meatus adsunt, alii nondum demonstrati habentur ; atque evici, papillas esse nervosas sæpe, quæ pro sudoriferis cutaneis glandulis haberi solent falso.

IV.

De Vestigio in Ovario post imprægnationem relicto ab excusso inde ovo.

CLarissimus Regnerus de Graaf, æqualis quidem, & popularis meus, qui tantâ cum laude se gessit in descriptione partium generationi dicatarum in viris foeminisque, ovarium nobis reliquit depictum bovis imprægnatæ, atque evidenter indicavit locum, unde ovum foecundatum exiverat in Tubæ Fallopiæ fauces. Locum hunc cicatricem Ille vocat. Attamen, quia locus ille manifesto apparet instar parvæ, excavatæ, globosæ, cavitatis, quæ sensim, & lente, successive iterum coit, ut os matricis à partu, absque ulla interveniente materiâ : ideo puto magis proprie mereri nomen vestigii, quam cicatricis : cicatriculæ quippe semper relationem ponunt ad prægressam quandam solidarum alicubi partium solutionem, quæ in cute obtinet. Hic autem nulla contingit continui solutio, neque vulnus, neque crepatura, aut ruptio membranæ ovarium circumcingentis ; sed simplex modo est apertura dilatata oris antea quidem angustioris, sed tamen vere præexistentis ; quemadmodum os uteri tempore par-

partus ita dilatatur : atque inde quidem postea vestigium ovario impressum spectatur primo , sensim rursus evanescens. Neque credendum , quod multi tradunt , in hoc exitu ovi ex ovario , separari omne id , quod appellatur nomine ovi , ab ovario ipso ; neque enim nimis magna hæc moles aperturæ Tubæ reciperetur : sed calix ovi manet in ovario , solum autem ovum inde solutum , cum rudimento Amnii , & Chorii.

Inde igitur tollitur objectio , quam plurimi formant contra hanc Doctrinam , rogantes , quonam pacto tam magnum ovum , adeoque tenaciter ovario adhærescens , foecundatum in angustias tubæ uterinae possit intromitti. Sed nequaquam fit , quod illi putant. manet calix in ovario , ut & in gallinis , ubi idem sane spectatur. vitellus scilicet exit ovario , relicto calice , atque ibi quidem per osculum rimæ oblongæ instar ibi hærens , aliter quam in homine , & quadrupedis , ubi illud rotundum & cavum reperio. Roget hic quis , an modo asserta quidem viderim , num vero ex ficta hypothese ita rem esse putem. Sane , si semel tantum descripta ita vidissem , cautius de hac re & parcius loquerer. Sed aliquoties ita inveni in puerperis post mortem : nec frequens mihi defuit occasio , quam semper captavi , & usurpavi , sedulo. Considera , jam integros me tres & sexaginta annos incubuisse huic negotio. Considera , quanta mihi opportunitas sit nata in tam populosa urbe. Quod si quæras porro , an cuique ovulorum una talis destinate propria apertura sit in ipsâ ovarii superficie : anque per aperturam hanc genitale foecundi viri semen penetret in ovi meditullia , ut illud ibi foecundet , atque deinceps ad egressum disponat , utique , ita sentire me profiteor. Neque enim puto , solos masculini seminis exhalantes , volatilesque , spiritus eo facere. Novi , in coïtu imprægnante semen magnam partem effluens iterum demitti : nam in ipsâ tamen matrice remanere semen crassum , foecundatum sufficiens , certo scio. Quin & mirabitur nemo , rursus ejici semen , qui cogitat , quam sit magna feminis a viro sano copia , rursusque quam exigua sit uteri capacitas , quæ sæpe minutiozem Amygdalam vix comprehendat. Sed neque video adstrui illam de solis spiritibus foecundantibus sententiam inde.

de ; quia semen dicitur haud inveniri post copulam in utero vel tubis. Contra enim & cavum uteri , & utramque Fallopianam tubam , recepto plurimo semine turgentia inveniri , jamque illud ipsum curiosis ostendere iterum domi meae possum ; quod & in Thesauro Cæsaris Russiæ binis in præparatis clare spectari potest : ut & editis libris dudum descripsi. Si ergo ipso semine opus non fuisset ad proliferationem , sane Tubæ Fallopianæ haud forent repletæ crasso semine , quod cuique tamen apud me cernere licet. Sed aliud est valde memorabile in conceptis , ut fere videatur in ovario tum partus fieri cum voluptate , qualis postea cum dolore sit parturiente matre. Nam fundus calicis in ovario relictus , si spectatur statim ab imprægnatione , totus profunde rubet , atque in superficie suâ interna villosus , scaberque , apparet , prorsus ut in utero videtur , quoties superficies ejus interior inspicitur statim à partu.

Si instat quis , an unquam aperturas tales , quales hic admitto , oculis meis in ovario conspexerim , fateor , me illas haud ita patulas vidisse ; verum veluti pori cutanei non semper , sed certis tantum temporibus possunt videri , ita quoque hic contingit. si vero excutias argumenta , quæ faciunt ita ut sentiam , & quæ jam supra attuli , pro certo habebis , credo , mecum ab ipso effectu & eventu securus , totam rem ita se habere.

V.

De susceptione Intestini in fœtu humano.

Malum hoc frequens accidere adultis fatis superque olim demonstravi : quum & id semel in ipso viderim colo , & in quatuor dissectionibus per continuas vices institutis in nosocomio inveneram. Jam vero in infante ante quatuor tantum dies nato , primâ vice in meâ vitâ , per tot dissectiones exercitatâ , etiam inveni , neque sine magnâ admiratione. Quis enim tam lethales morbos in tenellis expectasset infantibus ? Credidi frequentius forte accidere , præcipue ab epilepticis infantum insultibus ; unde postea , per diros assiduosque ejulatus

atus se manifestat morbus. Demulcentia quidem, & mollientia, & anodyna, in eo casu exhibita, parum juvant, neque vel idonea multum profunt clysmata; namque paucas intra horas in æternam recedunt hac ex vitâ quietem.

Fortia sane purgantia contra hoc malum adultis data sæpe multum quidem juvant, & multo plus boni efficiunt, quam demulcentia, vel anodyna: attamen, quoties vera est susceptio, nihil invenio magis prodesse, quam humores statim per epicrasin expurgare, donec levatur & sanatur malum, Ideoque & in tenellis hisce corpusculis idem tentandum puto, & repetendum tamdiu, donec alvi sequitur exoneratio, atque inde etiam sequens morbi levamen: sed talia hic eligenda suadeo remedia, quæ satis sint valida pro ratione virium in tenerâ ætate: ut & certo cognovimus adultis quoque in hoc casu valde fortia semper subministrari debere purgantia.

VI.

De Exuviis Chrysalidum in imis ossibus repertis.

NEscio, an Medici, atque naturalis historiæ studiosi, invenerint umquam aliquid, quod magis apparet admirandum, quam id, quod jam describam; utique inter ea, quæ reperiuntur in hac tertiâ Decade, primarium habetur. Ego certe, ubi rarum hoc neque creditum mihi umquam spectavi phænomenon, obstupui attonitus, vix mihimet propriisque oculis credens, dum insolitam & inauditam rem contemplor.

Suaferat mihi sæpe, imo & urferat, Clarissimus Boerhavius, ut acriter inquirerem in fabricam interioris partis ossium, quæ membranas, vascula, medullam horum continet, semperque dixerat, esse ibi multa, quæ diligentissimi Malpighii industriam, atque Haversii sagacitatem, subterfugerant ad hoc usque tempus. Ego, qui maxime occupabar in molliorum partium fabricâ rimandâ, tandem toties instigatus ab Amico meo parui, atque perscrutandis imis ossium meditullis totum me dedi per longum satis tempus

pus, noctes diesque impendens his ad intima usque perspiciendis. Variis divisa modis ossa, fracta, fissa, subtilissimâ ferrâ artificiosissime dissecta, examinaui, commemoraturus postea, quæ immenso hoc labore reperi. jam modo unum hoc, quod se obtulit, libet enarrare. Meministi forte, mi lector, me quondam in lucem edidisse libellum, Titulo Thesauri Animalium primi. Incusavere hunc meum laborem aliqui ut inutilem, neque meo congruentem muneris. Errant, qui ita censent; nisi enim in tali me quoque studii genere exercuissem, forsitan & hoc, quod jam describam, latuisset semper: nam perscrutando insectorum naturam, œconomiam, & metamorphoses, evasi aptus, ut rem hanc observare, recteque intelligere possem, quàm in ossibus deprehendisse dico. Vidi enim residua, vel depositas exuvias veras, Chrysalidum dictarum, vel Nympharum apud Zoographos. Testulas, ut ita loquar, ajo me reperisse, quæ integumenta fuerant viventium olim animalium. Erant primò tam exiguæ hæc pelles, quas mihi ibi latentes ostendebat artifex egregius, cujus utebar dexteritate ad ossa hæc ferrâ juxta longitudinem secanda, ut facile effugissent meos oculos, nisi fuisset utcunque peritus historiæ insectorum. Incitatus primo hoc casu surrexi animosior ad introspicienda ossa, statimque inveni in cavitate ossis femoris, & in osse humeri, eadem animalcula, ut in asservatis his domi meæ cuilibet curioso ostendere promptus sum. Ultra pergens, spectavi hæc non modo in ossibus adultorum, sed & in osse tenelli infantis. Ita quidem, ut in octo distinctis ossibus jam ea ostendere queam. Id vero memorari quoque meretur, Chrysalidas has non unius modo, sed triplicis & diversæ fuisse speciei, ut in figurâ depingendas curavi.

Non quidem recentia erant hæc ossa, attamen omnino undequaque integra ita, ut nihil penitus inesset quod corruptionem ullam, aut putredinem referret, ut domi meæ in Thesauro novo videri potest. Si quis rogitet, quinam in cavitates has talia ingredi possint, ego vicissim rogabo, per quam viam in Arteriam magnam sub corde integer fasciculus oblongorum implexorumque inter se ver-

mium factus sit ingressus. Hunc tamen vidi, atque descripsi. Unde in ovario muliebri series dentium? Unde lumbrici lati & triginta ulnas longi in corpore humano? Unde crus infantis in Atheromate placentæ uteri? Unde sex pingues, crassæ, erucae in cerebro ovillo? Unde animalculum quadrupes, crumenulâ coërcitum, rejectum vomitu? Hæc tamen omnia vidi sic ibi nata, partimque in nova collectione asservo ipse, partim in Thesauro Imperatoris Russiæ servantur. Hæc vix videntur fide digna. Sed legisti aliud olim quod scripsi. Vir egregius implorans meum consilium accedenti ostendit multas Chrysalidas parvas, quas cum urinâ suâ rejecerat quotidie, quarum mihi nonnullas dabat in pyxide ligneâ, ut in rem inquirerem. Dam die sequenti pyxidem aperio, multa per eam volitabant exigua animalcula, depicta in Thesaur. Anat. I. Omnia hæc qui ponderat, mecum, opinor, fatebitur, scientiam omnem, quam huc usque de rebus naturalibus habemus, nullo modo attingere posse modum, quo tam mirâ efficiuntur, quæ fieri tamen videmus. Super hâc re legi tractatulum Gallicum de Vermibus, in quo scribit auctor, cujus hodie sententiam plerique sequuntur; (neque aliter quidam inter veteres sensere) nullum animal nasci, nisi ex ovis præexistentibus animalium similium, & in masculino humano semine ovula minima plurimorum animalium aliorum latitare, quæ in eo fota, idoneo tandem tempore adolescant, & post multos sæpe annos viva hæc animalcula producant. Quidquid hujus rei fuerit, nec assero, nec nego, sed neque conor decidere: quia meum non est, de probabilibus conjecturis, sed de rebus ipsis agere. Sæpenumero conquerentes audiavi optimâ fide homines de intolerabilibus in ossibus femoris, tibiæ, humeri, brachii doloribus, neque tamen eorum atrocitatem augeri, licet affectas partes premant, tundant, tractent; interim sunt violentissimi interni dolores. Dixi sæpe his, imis hæcere malum medullis. Quin & ipsi hi ægri verbis exprimere conantur verum rei sensum, dum ajunt, in ipsâ ossis mole federe, quod sentiunt. Quia tales vero reliquæ hujusmodi animalculorum in mediis ossium cavitatibus deprehendimus; forte liceret credere produci illa tormenta ab insectis exiguis ibi stabulantibus, quæ mordendo,

dendo, rodendo, terebrando, exedant tenuissimam membranulam, quæ medullam ibi contentam ambit. Certè de functis hisce, nulla est occasio intima horum ossium perscrutandi. Attamen certo constat, dolores hujusmodi, usu Mercurii, ut veri contra omne vermium genus antidoti, perfecte sanari. Affirmo bonâ fide, sanavisse me multos homines, qui multos per annos dolores enormes ossium passi, nullam tamen vel minimæ labis à lue Venerea ortæ suspicionem dabant, vel signum, idque ope argenti vivi. Forsan tum hæc animalcula occisa. Sed nec illud ultra modum problematicum dictum esto. Manet tamen interea certissimum, Chrysalidas hæc ibi in cavernulis ossium latitare. Sed & verissimum quoque est, ossa illa undique integra, non rafa, terebrata, cariosa, rupta, fuisse. Quin & nulla vel minima in iis spectatur apertura, aut rima vel minima præternaturalis. Denique & in osse humeri infantis unum modo annum nati reperio easdem.

Si autem dubitet quis de rei veritate, cæterisque memoratis circumstantiis, hunc ego domum meam invito, huic ajo, Veni, & vide. Spectabit evidenter nihil dolosi, nihil subesse falsi: tot enim diversæ, tamque diversis locis sitæ, conspiciuntur, ut penitus sit impossibile per artificium humanum ita ibi locari potuisse intra filamentoso-cellulosam fabricam horum ossium, tam arctam, tam intricatam. Ipse etiam peritus Artifex, dum ferrâ divisum est os, illico mecum vidit. Et quâ improba ratione adductus ego, qui DEI opera, non falsa figmenta, per tot indagavi annos & publicavi, vellem hæc fingere jam octoginta quinque annorum senex, & sic alios fallere, & decipere? Fateor, me, dum jam ultra sexaginta annos occupatus fui, multa nova, in animalium corporibus detecta, describendo, multos habuisse quam frequenter oblocutores: verum quoties me ipsum convenire, atque mea domi meæ contemplari non dedignabantur, semper fere confitentes audiavi, aliquando etiam invitos, *Id numquam credidissem, nisi viderem jam.* aliquando dicebant, *obstupeſco.* quin & rerum medicarum studiosos frequenter audiavi præ indignatione exclamantes, *Itane ergo nobis imposuere Professores nostri!* Accidit quandoque, ut, postquam descripseram aliquid,

atque per editas quoque icones depinxeram, homines putarent hoc pro falso tantum & efficto habendum esse. Hinc mihi nata fuit necessitas cogitandi de arte, quâ omnia, quæ præparaveram Anatomica, dein non mutata, sed talia accurate, ut in effigie editâ depinxeram, conservare possem. Idque postquam conanti successit, jam ea omnia, vel in liquore balsamico suspensa incorrupta, vel singulari encheiresi indurata instar lapidis, & tamen pristinae figuræ perfecte tenacia, conservo. hinc dubitantes, negantes, obloquentes, convinco, semper ingeminans, *Venite, videte, finis erit dubiorum, erit litium finis.*

VII.

De Mesenterio.

IN alterâ Adversariorum Anatomicorum decade multa, & quidem singularia, attuli de Mesenterio, quibus addere fas est ea, quæ deinde circa illud inveni. Cadaver inspiciebam incisum edentulæ dudum atque decrepitæ penitus vetulæ. Id mihi primo extrinsecus contemplanti admodum macilentum apparebat. ubi vero aperueram, valde pingue ubique cum admiratione conspexi, abundantique per omnia pinguedine fatis conspersum; musculos autem emaciatissimos, & mire imminutos inveniebam, quales & olim sic reperire sæpe memini. In aliis quandoque cadaveribus detexi quidem omne consumtum penitus pingue, quum interrim in iis muscoli torosi & magni bene se haberent. Intestina jam scrutabar primo sedulus, mesenterium deinde, mesocolon, & harum maxime partium glandulas. Mirabar statim, tam paucas me illas, easque adeo simul exiles, invenire: nam in spatio meseræi, palmam manus æquantes duas tantum reperiēbam, aut tres semine cannabino vix majores. Atque hoc ipsum phænomenon occurrit mihi sæpius in mesenteriiis valde annosarum anicularum: quod observationi meæ materiam dedit aliquam, de quâ tamen nihil proferam, nisi post plurima comperta experimenta, quæ opinionem meam super hac re omnino confirment.

An

An forte glandulae hae mesenterii in certo ætatis termino incipiunt evanescere in corpore foëminarum, ut mammae in his adeo delentur, ut solae tantum papillae supersint, nihilque praeterea quidquam de toto, & adeo olim magno, mammarum corpore? Sed quid tum chylo continget, qui solebat prius per venas lacteas deferri ad has in mesenterio glandulas, certos & necessarios in usus? Ibitne forsitan ille jam per venulas mesentericas exiguas ex intestinorum cavis absorptus in ipsum Hepar? Profecto saepe super his meditans dubito, an non in vegeta quoque ætate pars chyli venulis meseraicis ducatur semper in Hepar. His ita conscriptis accidit, ut iterum nanciscerer cadaver talis decrepitae: in quo tantummodo hinc inde parvam glandulam talem reperi vix grano sinapi majorem. Contra vero aperienti cadavera eorum, qui in flore ætatis occubuerant, apparuit mesenterium refertum tantâ glandularum copiâ, ut in portione ejus palmae manus aequali sexaginta vel septuaginta glandulas invenerim quas domi meae possim demonstrare. Inter illas sunt, quae semen cannabinum, aliae quae brassicae granum, aequant: imo aliae, quae nuci moschatae, aut & olivæ minoris fructui sunt pares; sed minimæ illæ semper visum fugiunt, nisi prius vasa mesenterii optimâ arte bene fuerint repleta, ut vascula sanguifera appareant.

Porro detexi hoc valde notabile, quod vasa sanguifera repleta in maximis harum glandularum habeant ultimas suas extremitates terminatas in substantiam pulposam, ut in hepate. Est autem harum arteriolarum reptatus adeo singularis, ut ei similis in toto corpore humano non reperiatur. Quid autem hac propriâ fabricâ illis in locis suis hæc vascula præparent, quid efficiant, nondum adeo clare liquet, ut cum certitudine aliquid hac de re asseri posset: id solum expertus fui aliquoties in his, chylum ab Intestinis usque ad glandulas has appulsum colore esse & spissitate puri lactis, atque, dein ex iis iterum egredientem dilutiorem, subtiliorem, & pellucidior, apparere. Numquam antea credideram, hanc repletionem usque adeo profunde penetrare posse. Jam vero res successit: unde lætus exclamare cogor: Vah quantum est, quod nescivimus ante Repletionis artem!

quan-

quantum didicimus per illam ! O mirus naturæ in ultima vascula olim invisibilia appulsus , quo tam abscondita manifestantur ! O grata Repletio , numquam contemnenda deinceps , numquam laudanda fatis !

VIII.

De Epidermide.

QUam multa singularia hæreant etiam in extimis corporis humani integumentis , soli norunt illi , quos indefessos in his perscrutandis occupavit labor. Sæpenumero certe miratus fui Anatomicos priscos dissectionibus publicis multa sæpe verba fecisse de tertio corporis integumento communi, Cute scilicet : siluisse autem de binis prioribus hæc cute, Cuticula scilicet, & Reticulari membranâ. Quod si festivi ille ingenii Eruditissimus Swalvius viveret , qui tam eleganter scripsit Querelam Ventriculi , quid obstaret , quo minus stylum acueret in laudem illorum Integumentorum , in quibus præter merita neglectis tam multa tamque pulchra hodie demonstrari illi possent ? Certe qui olim de fabricâ scripsere corporis humani , in eâ hærebant opinione, cuticulam esse coagulationem superfluum humorum de corpore humano emanantium , qui ab appellente frigidiore aëre ibi in superficie corporis inspissarentur : ideoque ne quidem partem corporis habendam esse censebant. Jam vero acrius rem perscrutati non solum videmus has esse veras corporis partes , verum etiam necessarias , adeoque vitæ humanæ tam vtilis , ut absque iis miserrima foret.

Probum bene novi Virum , qui cuticulâ , & membranâ reticulari Malpighiana non quidem plane orbatus est , sed cui hæc tegumenta adeo sunt subtiliter tenuia , ut neque moderato calori, nec frigori tolerando par sit , sed ab utroque plurima incommoda , imo & dolores , sufferat quotidie. Si tertium nostrum Integumentum generale, Cutis , à binis prioribus deglubitur , sanguis de corpore dimanat. Quin imo , quando in aëre , & aquâ , hæc duo integumenta dura , crassa , sicca , rigida , fissa , sunt , quam molesti oriuntur morbi,

bi, quamque difficulter curabiles! Sed etiam Chirurgi norunt quam difficile semper sit, per medicamenta epulotica, quæ frigefacientia debent esse, & exsiccantia, epidermidem rursus superducere cuti; quin & ubi per hæc non procedit cicatricis suæ productio, cogimur aliquando confugere ad ea emollientia, quæ simul humectantia sunt, ut ad Digestivum aureum, & similia. Parco hac occasione & illos memorare, quibus ab actione incensi pulveris pyrii cutis decoriata fuit. Certe deinde hac ex causâ tanta quotidie puris copia gignitur, ut exhausti viribus, idoneoque nutrimento privati mortui sint. Qui casus aliquoties nobis obvenire. Videtur itaque non decorum, de hisce integumentis vel contemptim loqui, vel negligenter de iis tractare: neque sane oblitus rei illius sum, quæ multos ante annos nihil tale merenti mihi accidit. In publicâ quidem tunc demonstratione Anatomicâ, coram frequentissimâ honoratorum spectatorum coronâ, meo more exhibebam tria communia corporis extimi integumenta hæc, atque in his solis tantum demonstrandum habebam, ut iis sesqui horam integram impenderem. Intererat huic demonstrationi Medicus Amstelædamensis, practicus famigeratissimus, una cum Burchero de Volder, Philosophiæ & Mathesios in illustri Academia Lugduno-Batavâ Professore Eximio. Hic ille medicus omnibus æque in demonstrationem intentis per contemptum, finita demonstratione, in hæc verba erupit: *An igitur vilia hæc merentur, ut iis cognoscendis sesquiboram perdamus? An quidem decet Anatomicum nostrum talibus tractandis nos tanto tempore detinere?* Miratus hominis dictum Egregius Voldeus regeffit: *Itane tu de hoc negotio sentis? Ego numquam tam subtilia, atque vera tamen, in corporis humani partibus scivi, aut vidi.* Atque sic ostendebat, se verum talium spectatorem fuisse. Sed quânam ratione, & arte, illa integumenta debeant separari, ut rite exhiberi queant oculis, neque ego descripsi hætenus, neque alios sincere describentes inveni: quare meretur hoc artificium simpliciter exponi. Olim candente ferro cadaveri applicato, aut aliis vesicatoriis mediis, id efficere conabantur Anatomici: tum vero tam inquinata apparebant hæc, ut vix adspectum ferrent, certe distincti omnino nihil exhiberent. Pertæsus itaque inepti

hujus operis circumspexi nitidiorem agendi modum, certio-
 tioremque in suo eventu, quam cum Lectore meo libens
 hic communico. Portionem capio cutis humanæ a cadavere
 separatae, unde follicite pinguedinem aufero, dein fortiter
 super tabellam ligneam extendo, ut quaquaversum rigide
 tensa sit, ea tamen lege, ut epidermidis externa superficies
 exteriora versus spectet. eo facto, totum demitto appa-
 ratum in purissimam fervidam aquam, quo pacto, cuticula,
 & reticulare corpus se laxare incipiunt à subjectâ cute, pa-
 tiunturque se obtuso cultello accurate inde separari: tum
 ita separo eousque, ut volo; atque separata à se invicem,
 sed in parte adhuc nexu suo cohærentia tamen, sic hæc tria
 in liquore meo suspendo, aut in aëre aperto exsiccata refer-
 vo. tum vero in iis, quæ sic præparata sunt, apparent ma-
 nifeste tria integumenta hæc: ut sic præparata in Æthiope,
 in Semi-æthiope, & in Europæo, domi meæ curiosis rerum
 Anatomicarum quotidie ostendo. In Æthiope semper inve-
 nio corpus reticulare totum nigrum, in Semi-æthiope dilu-
 tius nigrum, in Europæo ad solem in agris exusto flave-
 scens, sed in candidi, nec solis æstui multum expositi homi-
 nis cadavere Europæi ita candens, ut vix queat distingui. E-
 pidermis autem semper à cute in omnibus facillime distin-
 guitur, atque separatur. Cutis humana lenta est, & valde
 extensilis, neque tam facile dilaceratur, quam cuticula, quæ
 valde est fragilis, & quam levissima vi dilacerabilis. Quan-
 do autem epidermis exsiccata est, non facile poterit extensa
 in planum retineri, sed suâ sponte statim in corollas, &
 phylliras, quasi circumducta, convolvitur, simulac committitur
 sibi ipsi. Nulla Epidermis habet vascula sanguifera; quum
 cutis interim iisdem quam repletissima sit usque adeo, ut si
 in vasa ejus rubra cera feliciter immissa sit, tota sane expli-
 cata cutis nudo oculo conspecta appareat quasi unâ homo-
 geneâ rubedine tinctâ; atque ubi tum radiis solaribus à ter-
 go insipientis oblique irradiantibus cutis hæc sic præparata,
 atque oleo terebinthinæ affuso madens, per microscopium rite
 inspicitur, videtur certe tota quanta est solis constare va-
 sis. Interim tamen epidermis, quæ illi cuti adhærebat eo
 tempore, quo hæc cutis ita repleta fuit, ne minimum qui-
 dem,

dem umquam in tot millibus præparatorum, vestigium ullius vasculi, vel microscopiis conspiciendum exhibuit. Hæc ita se habent, mi Lector, sic inveni semper, nec umquam vel in uno casu aliter. Quare & bonâ sic fide tibi enarro, qui nudam veritatem solam quærere, invenire, exponere, conor.

Quânam ergo me admiratione affectum putas, quando audiivi inter plurimas rerum Anatomicarum gnaros esse Londini Celeberrimum Anatomes Cultorem, Sancti Andreæ nomine, qui asserat non modo verbis, sed & clara ostentatione, demonstrare se jactet; totam epidermidem ita se præparare, ut infinitis vasis rubrâ materiâ injectâ distentis turgeat ita, ut vascula ejusque canales ubique nudo appareant oculo. Est certe vel in errore ipse hic Egregius Artifex, aut alios fallaciâ quâdam decipere gestit. Tenuissimam enim cutis partem, aut alias quasdam tennes membranas, vasculis visibilibus præditas, pro epidermide falso ostentat. Si autem peritissimus ille Anatomicus, hæc ita monitus à me per publicum hoc scriptum, tamen hac suâ in jactantiâ perseverat, age, paratus sum posito pignore decertare, illum in epidermide vascula illa non posse ostendere; eritque hoc meum cum Illo certamen adeo quidem justum & æquum, ut cuncti Anatomes cultores modum ejus comprobaturi sint. Igitur duos aureos Anglicanos (*guinies*) perdam in usum pauperum Londinensium, si Dominus S. Andreæ idoneis judicibus vera se dicere comprobat. si vero rem illis demonstrare nequit, unum tantum ille denarium Anglicum pendet. Si autem illi placet, mihi portiunculam denario æqualem de istâ jactatâ atque ostentatâ epidermide mittere, ego vicissim statim curabo ut accipiat à me frustum humanæ cutis præparatæ, cui epidermis partim adhæret adhuc, partim separata est. ibi cernet vasa cutanea coccineo quasi pigmento intus plenissima. videbit appendentem epidermidem, atque in illâ tota ne minimam notam vasculi ullius in appendenti propriâ cuticulâ. Age, ne subducat se certamini, agitur de cute humanâ, agitur de veritate, hic Rhodus, hic saltus! Vel convincat me, aut patiaturo suo se liberari errore, & absistat bonos decipere. Ne vero dubitet de pignore deposito, sciat, Dominum Bradley,

ley, membrum Societatis Regiæ Londinensis, ibique in Architectonicis & Botanicis celebrem, mihi debere duos tales aureos quos ipsi hic commoranti mutuo dedi pro ejus votis, postquam ante aliquot annos, multa ipsi officia, hic hospiti, præstiteram, & quos ille oblitus fuit postea mihi, ut oportuerat, reddere. Hos igitur nummos publice in hoc certamen jam depono. Est enim hæc res mihi cordi, & vidi etiam dolori fuisse omnibus nostræ artis cultoribus, tam crassos errores in arte utili, & necessariâ, committi, quum tam ingens discrimen inter cutem & cuticulam intercedat. Sed prodeat, ut severe examinetur, hæc falso vasculosa dicta epidermis: satis cito apparebit nulla talia vasa in eâ conspicua esse: ut neque in tunica Arachnoideâ cerebri, neque in Amnio foetus, umquam talia invenire datur. Certè, quum manum, pedem, aliamve corporis humani partem, arte replendi noverim ita vasis distentis rubram efficere, ut instar rubri sanguinis in minimis quibusque vasis adacta materia splendeat; uti in novis meis præparatis unicuique curiose pronus sum semper ostendere, & tamen in omnibus illis casibus epidermis semper penitus excolor maneat in omni experimento: quomodo igitur credam, vera esse ejus asserta? maxime, quum dixerit peritissimis in hac arte Viris, repletionem vasorum epidermidis adeo facilem sibi, certamque esse, ut eam ne quidem dignam habeat, quæ comparetur aliis majoribus, quæ præstare queat in arte. Quamvis autem hæc dicta sufficiant orbi literato, ne fallaci jactantiæ credat; aliud mihi præterea argumentum est quo fit ut minus credam rei assertæ. Qui nempe à cute humana cuticulam arte recte separavit, exsiccavit, atque intra pagellas chartaceas libello cuidam imposuit, ut compressa sic explicata teneatur, & explanata, uti facere semper soleo; videbit, simulac libellum aperiens hanc cuticulam à compressu liberat, illam ipso illo momento se contorquere, inque sinuosa volumina arte convolvere, ut in voluminibus conscriptis veterum fiebat. Id autem numquam fiet in cute. Audivi ab autoptis, neque ita se convolvisse epidermidem illam, quam ita appellatam Batavis nostris eum invisentibus ille ostendebat, sed illam in planum exporrectam mansisse. Desinat igitur Batavis hospitibus talia proponere; certe est & illis perspicax ad hæc animus, sunt fideles

les oculi , est & in cerebro falsis quid. Ut autem dicam , quid ego putem decepisse hoc in argumento Virum Anatomicum , quem data opera velle fallere haud facile credo : ajo , cutem in recens natis infantibus , certis in locis , si cum cura separata est ob omni pinguedine , adeo esse subtilem , tenuemque , ut exilitate hac suæ crassitie epidermidem adultorum æmuletur ; & tamen sic plenissima est vasis facile replendis. Hoc ut demonstrem domi meæ , habeo vexilla , & aplustria , quæ inde confeci. Imo & libellos curavi compingendos , quibus loco alterius corii obducitur sic præparata cutis infantum , dum inter paginas libelli portiones varias dispono diversarum membranarum corporis humani , ut in illis arte meâ repletis mirabilis diversitas appareat , quæ in reptatu vasculorum occurrit : qui vix duobus distinctis in locis idem videtur , sed in quolibet ferme alius & diversus , prout aliud , aliudque , hoc vel illo loco conficiendum Omnipotens Creator jusserit secundum legem latam in primâ creatione.

IX.

De Ossibus,

JUvenis quondam tam sedulo inquirebam in ossa humana , tantoque ea cum ardore lustrabam , ut persuaderem mihi , me eorum absolutam mihi comparasse cognitionem ; sed quam procul à vero ita censui ! Postquam ossa , summâ cum arte divisa per ferram , examinavi , dum vasa eorum injectu cera implevi , dum Infantum ossa inspexi , imo dum sceleta ex his formavi digito minimo haud quaquam majora , longe aliter , quam putaveram prius , rem se in his habere deprehendi. Atque observatorum in his partem magnam jam exposui , atque inferui tam Observationibus meis quam Thesauris , & Adversariis Anatomicis ; sed quæ recens detexi , en jam aperio. Invenio & infantibus epiphyfes tam superiores , quam inferiores , corpori ossis præcipui se applicantes , maximum & firmissimum suum nexum cum eo nancisci inprimis à periosseo : ideoque nudatas ejus involucro facile inde decidere.

Asseritur quidem vulgo, uniri epiphyses corpori ossis ope & interventu cartilaginei medii, sed hoc ita intelligendum est; quod non per cartilagineum, ut mediam inter hæc ossa, tanquam per tertium corpus uniantur; sed ipsa ossa principalia æque ac epiphyses illæ in infantibus sint adhuc ipsa cartilaginea; sicque cartilago unius alterius applicetur cartilagini, tumque sic ope periostei uniantur inter se. Hinc quoque fit ut in partu difficili infantes recens nati gerant os humeri, brachii, aut alterius cujusdam partis fractum. Quæritur & hinc, an queat tempus definiri ætatis humanæ, quo cartilago amissâ suâ naturâ in osseam transeat. Nego, id fieri posse: in uno citius, tardius fit in altero: hominum enim vidi corpora post viginti à nativitate annos adhuc cartilaginei quid gerentia. Dixi igitur epiphyses osseas corpori ossium alligari per periosteum; sed antequam cartilago penitus ossescit, apparent in loco mutuæ appositionis, ubi suo contactu inter se coeunt, multi eminentes tumores, rursumque excavati alveoli, quibus illi excipiantur, immissu suo ita firmante unionem: quoniam inter concrendum omnis aër arcetur; ut & liquet, sic duo invicem opposita tam accurate, nullus ut aër intercedere queat, difficillime a se mutuo avelli posse, sed tenacissime cohærere. Idem illud hic quoque ita fit. Quam mirandum autem est, ubi quis modum contemplatur, quo osteogenesia in ipsis ossibus perficitur, incipere scilicet illam mediâ parte corporis ossis, sed in osse frontis, primo circa orbitam oculi! In figura hic appositâ depinxi os femoris infantis sex, aut septem, annorum: ubi clare cernitur osteogeniam inchoari in eâ parte ejus ossis, ubi os omnium densissimum crassissimumque habetur; atque deinde ab hac parte sursum, & deorsum, sensim de loco in locum adscendendo, & descendendo gracilescunt illi emissi radii ossei, donec tandem compacta hæc densitas amittitur. interim autem quo magis gracilescit densitas ossis, eo & latius excrescit magis, magisque; unde & ossa ejusmodi longe rarius & difficilior franguntur in medio, quam non nihil altius aut declivius. Quin & omnino singulare aliquid observo in osse Styloide dicto: scilicet numquam fere id inveniri posse in craniis ex publicis cœmeteriis collectis. omnia enim

enim talia crania osse hoc Styloide fere ubique orbata spectantur. Atque hoc quidem ideo ita fit, quia ossiculum illud in juvenili corpore nectitur ossi temporum per articulationem, non vero per symphyfin aut synchondrosin: quamquam in valde senilibus corporibus contra naturalem consuetudinem ita aliquando fit. Verum in decrepitis penitus hominibus plerumque quasi per anchylosin, aut symphyfin concrescit ad os petrosum. Hinc os hoc in craniis talibus quidem superstes est, licet ex sepulchretis colligantur, si modo ex maxime senibus crania contigerit reperire, sed quia raro ad summum perveniunt senium homines, hinc & raro hoc os integrum. An igitur hoc ossiculum, ut fere semper solet fieri, habendum erit pro apophysi ossis Petroli? nequaquam. Nam in initio est cartilagineus procellus, postea vero quando ossescit, articuli ope committitur, quæ arthrodia diarthrosios vocatur. Id autem quam evidentissime apparuit in cranio, quod donavi Clarissimo Boerhavio. Contingit quandoque, ut ossiculum hoc ossi Yoidi naturaliter junctum per ligamenta, cum eo concrescat ita, ut unum cum eo os fiat. Porro per superiora & posteriora ossis femoris Trochanteres accrescunt major, & minor. Patior hos apophyses appellari ea conditione, ut addatur, spurias esse. Neque enim & hi ex ipsâ ossium substantiâ porrectâ sunt, qui crescendi modus ad naturam veræ apophysios exigitur. imo cohærent contactu cartilaginearum superficierum, non tertîâ cartilagine media: quod liquet evidenter; quia diuturnâ coctione in junioribus inde decidunt. In senilibus, cartilagine hac unita ossescente penitus, per ipsam osseam substantiam inter se quidem concrescunt sic, ut unum appareat continuatum os; eoque tum sensu apophyses appellari queunt, partim quod eas referunt tum temporis, partim quia eundem usum habent: attamen spurie modo habendæ erunt. Hæ autem spurie apophyses olim cartilagineæ penitus, osseam suam indolem plerumque primo accipiunt in medio suo, ubi primo punctum aliquod osseum se manifestat, quod assidue auctum magis, magisque, tandem totam facit osseam substantiam hujus spurie apophysios. Sed & vidi

magnam obtinere semper diversitatem in cavis ossium humanorum: nam in quibusdam inveni quidem, utrimque, circa extrema ossium per ferram divisorum internam substantiam osseo-spongiosam, in aliis majorem, minorem in aliis; sed interim illud osseo-spongiosum multum in variis differt, ratione densitatis, tenuitatis, crassitiei, & fabricæ ipsius. Quin etiam reperio, præter osseo-spongiosam in multis osseo-filamentosam compagem, quæ refert texturam ex filamentis osseis mire intertextam, in qua residua chrysalidum quædam inveni. At neque os femoris, aut tibiæ, in omnibus hominibus est æqualiter cavum interius: imo verò inveni talia ossa, quæ perfecte clausa, ne minimam quidem cavitatem in se haberent, ita ut manubria cultrorum inde conficienda curaverim; ut videre est in The-sauris Anatomicis meis.

Est autem bene observandum, quando inveniuntur omni cavo destituta, illa ossa adipisci hanc consolidationem post morbum quemdam prægressum. Neque à structura ossium in brutis spectatorum argumentandum est ad fabricam ossium humanorum. Est enim in brutis fere semper longe abundantior copia medullæ, & quidem etiam omnino crassioris, quam umquam in hominibus datur reperire. Dubito etiam, an non Anatomici liberaliter nimis loquantur de membrana, quam putant ipsam medullam ambire. nam hisce diebus strenue occupatus in replendis arteriis, quæ ars optime nos docet naturam membranarum, detexi post aperturam talium ossium, non ubique eodem modo ibi se habere. Multae enim horum cavitates sunt intus ut plurimum totae osseo-spongiosae, quaedam osseo-filamentosae, quaedam vix cavae, contra quam in brutis videtur. Quo circa in illis, ubi tota cavitas plena est substantiâ osseo-spongiosâ, aut osseo-filamentosâ, materiâ, ibi non invenitur membrana una communis medullae, sed illa materia tantum habet ibi id, quod in ea reperitur, atque ibi hæret æque tuto defensa, atque succulentum, & medullosum illud, quod sedet in epiphysium osseo-spongiosâ compage. Ut autem clare patere possit, quam magna sit analogia inter medullosum oleum quod in fungosâ epiphysium substantiâ absconditur, & inter medul-
lam

iam ossium ipsam, atque inter pinguedinem aliam nostram, observavi, has tres distinctas habitas pinguedinum species, in cadaveribus, quæ per viginti aut triginta annos hæserunt in sepulchris, abire in eandem naturam crassi & perfecti sebi, aut albi cujusdam durique adipis. Quod expertus confirmo, & jam ante scripto tradidi. Cartilagine ossium penitus esse exsanguës partes, ubique asseritur; id tamen aliter se habere dudum probavi. Jam verò & oculis demonstrare valeo, vascula sanguifera vera dari in ipsis cartilaginibus, quæ arte meâ jam detecta sunt circa splendentem potissimæ crustæ cartilagineam superficiem in capite ossis femoris, etiam ad margines cartilaginum mobilium, quæ inter ossium articulatim commissorum extrema interponuntur. Has autem quandoque penitus deficere, quod nulli, quod scio, observatum, affirmo per experimenta edoctus. Id autem elegantissimum in hoc apparatu est, quod arteriolæ illæ, quæ ad crustas illas cartilagineas tendunt, haudquaquam valeant emergere, aut penetrare usque in ipsam superficiem supremam cartilaginis, sed tantum in altitudinem quasi duarum linearum, ubi tum sistuntur, ne procedant ultra, quum in aliis locis usque in ultima semper adscendant; quod amoenissimum præbet oculis spectaculum: quum videatur ibi ipsis tantam opponi resistantiam, ut omni suo molimine haud queant ulterius sibi aperire vias.

X.

De Nervosis Papillis Ventriculi.

Siquis multiplices perpendit dolores, quibus multi hominum diu obnoxii languent, sive eorum causa in stomacho hæreat, aut in intestinis, conjiciet facile exinde, plurimos ibi nervos horumque acute sentientes hære papillas. Id autem jam ita se habere ex autopsia ipsa affirmo. Quando enim Ventriculi arterias cera replevi rubrâ: posteaque in liquore idoneo ita prius præparatas partes hæc macero, experior tum superficiem interiorem Ventriculi & Intestini jejuni tunicâ quasi quadam papillosa vestitam esse. Fateri tamen debeo, haud
E ita

ita evidenter quidem in stomacho humano has papillas apparere, ut quidem in ovillo: quemadmodum hæc in figurâ expressi. Inde itaque & tanto facilius inducimur credere, & in homine ita obtinere, quum obscurius quidem similitudo accedens & in homine observetur. Ut autem papillosa hæc in ovium ventriculis structura rite cernatur, oportet eam sumere ex eo portionem, quæ lieni accumbenti nectitur. Maneat tum portio hæc in tepidâ tamdiu, donec tunica, quam papillo-villosam appello, à papillosâ secedit, quando papillæ hæ, magnitudine capitulorum acicularum, protuberant in superficie tunicæ secundæ, sub primâ laxatâ hærentes; aut & idem effici poterit partem ovilli ventriculi in pluviam macerando tamdiu, donec membrana ventriculi prima, epithelia dicta, se à subiectâ papillosâ separat. Offendet forte aliquem, quod papillas vocem hæc in ventriculo ovium tubercula: quoniam auctores Anatomici sæpe pingunt has pyramidalis figuræ papillas nervosas. Sed possum jam quam evidentissimè ostendere, multas harum papillarum rotundulas esse, quatenus scilicet eminent extra superficiem illius membranæ, cui in hærent. Id autem manifestissime apparet in papillis cutaneis, præcipue in papillis mammarum foeminarum, quæ etiam plurimis papillis cutaneis ornantur. Contrarium expertus sum in papillis cutaneis balenarum, & maximè papillis cutaneis, quæ sunt in papillis mammarum in hoc animali, quæ in acutos exeunt conos, ut in Thesauris Anatomicis jam olim demonstravi. Quin & ipsæ papillæ, quæ in nostris prolabiis conspiciuntur, atque aliæ multæ, sunt oblongæ, ita quidem, ut & hæ ipsæ, pro vario usu, differant. Rem autem hanc dum accuratissimè jam indago, aliud multo rarius in papillis his nervosis adhuc detego, dum eas in stomacho ovillo contemplor. Quando nimirum abscindo portionem de Ventriculo remotius à liene, eamque tracto ita, ut statim descripsi, tum invenio ibi loci papillas omnino alias, quoad figuram. Neque enim tum amplius has rotundulas conspicio, sed exiguas oblongas, intricatim inter se confusas instar minutissimarum ascaridum, atque eodem penè modo eas conspexi in jejunio intestino humano intricatissimè etiam implexas. Igitur,

tur, quum re ipsâ certi simus, papillas nerveas in uno eodemque subjecto variè figuratas esse, veluti in stomacho ovis docui se rem habere, cui non & liceret dubitare, an non forte unus idemque nervus in varios se dividens, habeat deinde hos ramos valde diversos, dum papillas formant, ut hæ quoque hâc ipsa diversitate variatæ distinctis effectibus producendis aptæ evadant; quemadmodum in vasis sanguiferis jam inveni prius. Id dogma Anatomicum probabile fit speculanti auditorium nervum qui in ramum mollem durumque divisus, abit dein, distinctissimos ad usus, in sua distincta loca; unus in canales semilunares, cochleam, vestibulum, alter per musculos faciei. Nequid adferam nunc de papillis nervosis linguæ, harum magno inter se discrimine, & multis adhuc indagandis magis, quam hucusque exactè perspectis.

Corollarii loco sequentia adjicere visum est.

Vesicam urinariam constitutam esse ex innumeris fibris motricibus ad eliminandam foras urinam in confesso habetur.

Uterum mulieris gravidæ, tempore gestationis, duobus gaudere objectis diversæ naturæ palam esse nemo inficias ibit, sc. fœtu humano, & placenta uterinâ, quæ, in status laudabilis nixu, velociter alternatim in lucem prodeunt. Uteri fabrica non minus quam vesica sibi vindicat substantiam fibrosam, crassam, motricem, suntque hujus fibræ diversæ constitutionis & reptatus, nec non usus. Circa uterum gravidæ mulieris, illud consideratione dignum esse censeo, placenta in sui expulsionem non solum in usum revocare dictas uteri fibras motrices, diversimode reptantes, quæ fœtum expellunt, verum etiam peculiaribus gaudere fibris motricibus in orbem positis, & quidem eo loco, ubi placenta in statu naturali sese utero applicat, nempe in uteri fundo, id quod in nova collectione mea visui exhibeo & demonstro.

O quam mirifice benignissimus Creator prospexit hisce omnibus, ne quid deficeret sexui imbecilliori, in partu versanti! Cum autem isthac observatio auspiciato luculenter in conspectum veniret, non inconsultum fore duxi, si eam per iconem illustrarem, ut firmiter memoriæ inhæreret illorum, qui artes obstetricias exercent. Ex hisce non difficile est conci-

pere, si contra naturæ leges, in placentæ conformatione, loco perverso placenta à latere dextro vel sinistro, ubi tales fibræ motrices circulares haud exstant, sese applicuit, sc. alterutri lateri, longe difficilior uterum deserturam esse placentam quam, si loco naturali, qui est, ut dixi, fundus uteri, sese applicaret.

Quid in tali casu perverso facere conveniat, hauriri potest ex Decade secunda Adversariorum, ad quam B. L. relego.

Cum in tertiæ hujus Decadis tabula tertia spatium superesset, replevi illud figurâ, quæ est portio Vesicæ felleæ ovilæ, in qua visui occurrunt Venæ Portæ rami, rarius secundum longitudinem decurrentes (id quod proprium est gemellis Venis vesiculæ felleæ) sed verò uberius ab utroque latere provenientes, & sursum repentes, id quod numquam ante me vidisse in vesica fellea profiteor. De hac re, ubi Deus voluerit, fusius in posterum.

E X P L I C A T I O

Figurarum Decadis tertiæ Adversariorum.

T A B. I.

FIG. 1. Exhibet os femoris humani, ferræ ope in duas partes divisum, in cujus cavo plurimæ chrysalides, seu nymphæ, ut illarum reliquæ reperiuntur, &c.

A. Os femoris humani.

B. Caput ejus.

C. Trochanter minor.

* Denotat chrysalides, seu nym-

phas in ossis cavo hærentes.

a. b. c. eas, quæ ex ossis cavo desumptæ sunt, ut luculentius in oculos incurrant.

NB. Chrysalides, quæ nobis hic repræsentantur, magnam habent Analogiam cum iis, quæ nobis occurrunt in primo Thesauro Anatomico meo, quamvis non uno eodemque loco situm habuerint; hæ enim hærent in ossis cavo, illæ verò in Thesauro descriptæ & delineatæ, quotidie magno numero per vias urinarias prodibant ex viro nobili.

FIG. 2. Os humeri ex infante, in cujus cavo inveniebantur post apertionem exuviae vermiculi alterius formæ, & constitutionis.

A. Exuviae in dorso decumbentes, oculis non nihil armatis visæ; frustum à la-

Fig. 1




Fig. 2

B




Fig. 3



Fig. 4



Fig. 5



Fig. 6



Fig. 7



ubi ossificationem ab exortu fieri videmus, unde tenuius atque tenuius fit donec tandem dispareat.

FIG. 2. Fructus mali Perfici, cum suis vasis succiferis, ex calculo, in medio fructus posito, prodeuntibus, cum pulpositate ab extremis vasis dependente.

FIG. 3. Pyrum Arundinaceum, ~~metpeer~~ / vulgo dictum, in sceleton, (si ita loqui sit licitum) arte redactum; id est, omnia vasa succifera sunt ramificata, instar vasorum arteriosorum in placenta humana. ab iis quoque vasis succosis dependet substantia pulpovascularosa, id quod hic luculenter apparet.

A. Pediculus.

B. Vasa succifera.

C. Pulpa.

FIG. 4. Denotat contentum Atheromatis admirandæ formæ.

A. Capillorum manipulus, ossæ substantiæ adhærens.

B. B. Geminus dens molaris.

FIG. 5. Exhibet idem objectum, ab altera facie visum.

A. Ossæ substantia difformis.

BB. Geminus molaris.

C. Capilli.

FIG. VI. Segmentum carneum pediculo & unguicula præditum.

A. Substantia carnea, pilis rarioribus obsita.

B. Unguicula. C. Pediculus.

FIG. VII. Segmentum Ventriculi cum annexo integumento papillarum, corpore reticulari dicto, ex ove.

A. Papillæ ex superficie prominentes.

B. Corpus reticulare.

FIG. VIII. Segmentum ossis humani pueri, periostio obductum.

NB. Periostium scatet tot vasis sanguifluis, ut ab unaquaque parte rubicundissimum appareat; perpauca tamen vascula sanguinea in cavitate ossium sunt reperta.

FIG. IX. Fructus mali Armeniaci, Belgice ~~Abzicoos~~ / dissolutus, cum suis vasis succiferis & pulposis.

A. Nucleus osseus.

BB. Vasa succosa & pulposa, alterius constitutionis, quam quæ reperiuntur in fructu mali Perfici, ut & Pyri.

T A B. III.

FIG. I. A. Fundus uteri inversi puerperæ.

B. B. Fibræ carnosæ in orbem positæ, ad placentæ expulsionem destinatæ.

FIG. II. A. Maxima pars vesiculæ felleæ ex ovis hepate desumpta.


NB. Rami venosi maxima ex parte à latere provenientes, partim sursum repunt; hi autem sese exhibebant visui post repletionem venarum portarum, id quod notandum.




Fig. 2



Fig. 1





FREDERICI RUYSCHII,

*Anatomia & Botánices Professoris; nec non Academia
Cæsareæ Naturæ curiosorum Collegæ,*

THESAURUS

ANIMALIUM

P R I M U S.

Cum Figuris Æneis.



AMSTELODAMI,

Apud JANSSONIO-WAESBERGIOS.
MDCCXXV.

THE
LIBRARY OF THE
MUSEUM OF NATURAL HISTORY
OF THE
CITY OF LONDON

THESSAURUS ANIMALIUM TOMUS 8.

PER FR. H. SCHLEGEL



AMSTELÆDAMI
JANUARIÆ 1845
MDCCCXLV

Sereniss. & Potentiss. Principi

A C D O M I N O

D^o. JOHANNI GUILIELMO,

COMITI PALATINO RHENI,

S. R. I.

ARCHIDAPIFERO ET PRINCIPI ELECTORI,

UTRIUSQUE BAVARIÆ, JULIÆ, CLIVIÆ,

ET MONTIUM DUCI, COMITI IN VEL-

DENZ, SPONHEIM, MARCHIÆ,

RAVENSPERG ET MOERS,

D^o. IN RAVENSTEIN.

&c. &c.. &c

Sereniss. & Potentiss. Vir,

BRevibus ut se expediat, qui Regi-
bus & Magnatibus non vult esse
molestus, prudenter semper fuit
monitum. Idem mihi in hoc,
ad SERENISSIMAM CELSITUDINEM TUAM,
cui inter molestos, auresque non parum per-
turbantes Belli hujus strepitus aliud certè est
quod agat, alloquio propositum est, me-
mori illius Aufonii:

*

2

Ne-

DEDICATIO.

Nemo silens placuit, multi brevitare loquendi.

Videor mihi jam videre *Summos, Medios, Infimos*, ad occurrendum *CELSITUDINI VESTRÆ*, deque recurrente Anniversario Nativitatis Vestræ die gratulandum, & osculandas Manus sedulo se atque studiose præparantes, apparantes, conformantesque.

Ego verò, cui propius accedere, & sacras Manus coosculari, deque tam diuturna, felici & pacifica Gubernatione oretenus congratulari, communique lætitia congau- dere, cum aliis datum, concessumve non est, è longinquo quasi hoc Libello votivo & gratulatorio porrecto, mentetenus omnia fausta, prospera, feliciaque *CELSITUDINI VESTRÆ* ex intimi cordis mei penetrali à *Deo, Regum Rege, & Domino Dominantium* com- precor, voveo, opto: Ut *CELSITUDO VESTRA GENEROSISSIMA Nestoreos* in annos Felix, Fortis, Florens, vivat, va- leat, vigeat.

Conclavia mea quina, quæ innumera fe- re continent repositoria, repleta corpusculis tum Embryonum, tum Animalculorum, Piscium, Insectorum, Herbarum, & Stir-
pium

DEDICATIO.

pium exoticarum, nec non Mineralium, aliarumque rerum, tam limpidissimo liquori innatantium, quam balsamatione exsiccatarum, aut nemini, aut S. CELSITUDINI VESTRÆ inscribi debebant.

Hoc singulare namque Corporum, Corpusculorumque examen & oculare scrutinium S. TUAM CELSITUDINEM ante aliquot annos, insigni, quod memini, voluptate domi meæ perfudit, & longè supra opiparas epulas, aliaque irritamenta oblectavit.

Hac ratione permotus hanc qualemcumque à me concinnatam rerum istarum suavissimarum meditationem CELSITUDINIS VESTRÆ iudicio humiliter offerre volui, utque eam suo benigno vultu, suaque Serena & Clemente Fronte suscipere haud dedignetur, subjectissimo affectu rogo.

Cujus voti si me compotem S. V. CELSITUDO reddiderit, calcar mihi in posterum adjiciet accelerandi ceteros ingenii mei fructus & Thesauros, modo vitæ usuram mihi indulserit Omnipotens.

Quem toto pectore oro, ut S. V. CELSI-
* 3 TUDI-

DEDICATIO.

TUDINEM cum tota sua SERENISSIMA DOMO
diutissimè incolumem servet, suaque bene-
dictione coronet, ac Heroicarum tuarum
Virtutum Laudem, sempiternâ Gloriâ floren-
tem, cumulare adaugeat, ut sub Tuo Præsi-
dio felicissimo justitia Christiana, Litera-
rumque studia perpetuò floreat, Territoria
tua ferta tecta maneant, & Pietate, omnium-
que Virtutum splendore ceteris præluceant.
Subscribor interim

Serenissimæ Vestræ Celsitudinis

Obsequentissimus.

FREDERICUS RUYSCHIUS.

LEC-

LECTORI

BENEVOLO SALUTEM.



LN Thesaurum Animalium primum, quem peculiari methodo ita concinnavi, ut, quantum in me est, non solum animum illorum oblectarem, quos juvat perlustrare Dei ter Optimi Maximi Opera Exotica, circa Pisces, Quadrupedes, Aviculas, Insectaque; verum ut etiam animum eorum explerem, qui Conchyliis & studio Botanico sunt dediti. Eum in finem phialæ, objecta varia continentes, non solum subere, vesica & serico villosa rubro sunt obturatæ, verum eadem etiam inserviunt pro pedamentis, supra quæ positi sunt aut fasciculi florum rariorum, colorem naturalem satis bene conservantium, aut rupes exiles, confectæ ex Conchyliis Indicis rarioribus purificatis, ramulis marinis, ex iisdem oris, interpositis, quos inter quoque positi sunt Pisciculi rarissimi Indici, balsamo indurati, ex utraque India advecti.

Noli interim L. B. mirari, aut vitio vertere, quod Pisciculi reperiantur inter ramulos marinos; viventes enim per ejusmodi ramulos, in fundo maris crescentes, natare in confesso est, quum præsertim angustia loci me sæpe cogat, plurima objecta simul, & quidem in spatio exiguo, oculis subicere.

Sic quoque obturamenta, fasciculos florum rariorum continentia, non solum Herbis, Floribus & Seminibus rarioribus sunt ornata, verum etiam inter illa reperiuntur Insecta varia sicca, quia viventia quoque alimentum ex istis quæritant.

Præterea non omnibus arridet aspectus Animalium, qui tamen delectantur Floribus: Alii sunt Conchyliorum amantes, qui interim averfantur Insecta, ita ut hoc pacto horum, aut illorum saltem oculi oblectentur.

Noli quoque existimare L. B. mihi animum esse, successive omnes & singulos Thesauros Animalium (quorum ille, quem
nunc

nunc in publicum profero , unus ex minimis est) & simul sex majores , & plurimos minores , corpuscula humana , eorumque partes continentes , describere , nam illud maximam mihi crearet molestiam , neque humeri mei pares essent ferendo ; nam in quindecim Thesauris , quos habeo animalculis repletos , continentur nunc ultra 1582. phialæ ; hisce adde scatulas , Papilionibus , Locustis , Scarabæis , Quadrupedibus minoribus , Insectis marinis (præsertim ex utraque India allatis) repletas , quæ sunt N°. 1020. Præter illa , reperiuntur etiam phialæ siccæ , & in iis Aviculæ rariores siccæ , præsertim ex Indiis transmissæ 180 , hæ inter pedum digitos continent ramusculos Plantarum rariorum , quarum plantarum quintum conclave Herbarios Vivos xxxix continet , maxima parte Herbis exoticis , & minima indigenis , refertos : exceptis illis , quæ in chartis à me conservantur .

In re Anatomica conservantur in liquore ultra 1300 objecta .

Ne dicam de Thesauro quodam majore , in quo abscondita sunt Animalia quadrupeda majora balsamata . Nec de Rupibus plurimis , quibus aut impositi , aut adnati sunt Rami marini , Corallia numerosissima . &c. &c.

Hisce adde Thesaurum minorem , in quo continentur affectus varii , ex hominibus collecti , & tam bene balsamati & conservati colore naturali , ut videantur modò è corpore desumpti . Inter quos est Intestinatorum susceptio , Plexus Choroideus in Hydatides mutatus , & repertus à me in homine , qui mente captus è vita excessit . Lien grandinibus , ut vulgò loquimur , refertus . Calculus è vesicula fellea per anum ejectus . Portio Pulmonis phthisici exulcerata : Portio Hepatis in Hydatides conversa . Fractura Ossis femoris in collo Ossis , ubi notandum , collum plane deficere , aut in nihilum fuisse redactum , ubi natura ligamenta fortissima substituit . Placenta uterina in Hydatides mutata . Hæc & cetera in liquore videri possunt , ne quis de veritate dubitet .

De Conchyliis & Petrefactis non multum dicam , cum duos tantum habeam Thesauros , ejusmodi rebus refertos , & in ordinem dispositos . Reliqua , quantumvis numerosissima , nondum in Thesauris sunt reposita .

Itaque fatius fore existimavi , post hujus Thesauri editionem , me denuo conferre ad ulteriorem humanorum reliquorum descriptionem , quod opus libenter ante obitum absolverem , si Deus Ter Optimus Maximus mihi ulteriorem vitam concedere dignetur .

Hisce

Hisce omnibus ita perpensis, mirandum non est, neminem haftenus omnia perlustrasse, quæ in quinque nostris continentur conclavibus, tam majoribus, quam minoribus, nam pauci tertium intrarunt, multo minus quartum, aut quintum viderunt, propter temporis penuriam, vel quod saturati fuerint, antequam ad cetera conclavia sese contulerunt; Proposui itaque nonnullis, si velint omnia videre, & singulis hebdomadibus bis me convenire, me illud non excusaturum; considerando illud (ratione dispendii temporis) tanquam communem visitationem aut consultationem medicam. Olim, cum nondum gauderem tanta copia rerum Anatomicarum, illud auspicatus sum cum curiosissimis quibusdam Medicinæ Studioſis Germanicis solummodo circa res Anatomicas, credentibus, hoc posse perfici intra tres menses, sed quantumvis singulis diebus per horam, & quod sæpius excurrerat, me convenerint, ne quidem absolvebamus duo conclavia: nam illud non perfunctorie peragebatur, aut singula objecta, uti decet, perspeculabamur.

Tota quidem Civitas Amstelodamensis momento fere ex altiore loco videri potest, non autem singula domicilia, multo minus, quod in iis continetur; sic quoque, qui rite omnia, quæ intra quadraginta sex annos collegi, conspiciere vellet, illud brevi temporis spatio absolvere non posset.

Interim ut L. Benevolus hanc primi Thesauri Animalium descriptionem æqui bonique consulere velit, ex animo opto, malevolis autem meliorem mentem apprecor.

L A M B. B I D L O O

IN CELEBERRIMI VIRI

FREDERICI RUYSCHII,

Anatomix & Botanices Professoris , nec non
Academix Curiosorum Collegæ, &c. &c.

GAZOPHYLACIUM

UNIVERSALE.



*Vi Microcosmi referans penetralia dudum
Ruyfchius, & felix externa & summa pererrans,
Intima detexit, Medicosque reduxit in usus,
Democriti quod non Atomis, aut Commenta Renati
Vorticibus præstant, nunc Thesaurarius audit
Gazarum innumerum, quæis larga opulentia Cræsi
Cedit, Atapalipæ, divi Salomonis & aurum;
Et Lapis Aurifaber projecta est vilior ulva:
Illi quippe domi quantus cumulatur acervus
Rarorum omnigenum nostro cæloque soloque!
Congestum hic videas, dispositumque ordine justo,
Charus Phæbo Eös & roscidus Hesperus, Auster
Torridus, & Boreas gelidis quæ suppetit oris:
Nullum etenim Terræ spatium, sub sidere quonam,
Aut Zonâ, haud utilis moles, nunquamque beata
Fractibus, aut homini nullum adportata tributum.
Caucasus & Rhodope, præruptusque Hæmus & Alpes,*

Hor-

Horrendo æternis nivibus sub vertice tecti,
Æthna & Vesuvius, fluida inter sulphura, flammæ,
Et cineres, topbosque scabros, vegetantia servant
Germina, viviparumque excludunt largiter ova.

Hic, velut è Phariis gens omnis subdita Cancro
Detegitur speculis, latè terraque marique,
Cui volupe & licitum est, toto circumspicit Orbe,
Quæ fovet in gremio dives Berecynthia, seu quæ
Suscitat immensus profundo è gurgite abyssi
Oceanus, placidis rapidisque in fluctibus amnes
Quæ gignunt, liquida & volitat super aëra, quidquid
Pulchrum in exiguo spatia natura recondit:
Ut Microcosmon statuas hic jure secundum.

Quis Balanarum tam immania corpora tantis
Condiat expensis? nam vix tot Balsama Memphis
Sudaret, lachrymæ Nabatheo in cortice dudum
Deficerent. quem monstra juvat spectare, recedat.
Numinis atque artis miracula maxima fulgent
In minimis, si quos rugientem horrere Leonem,
Tigridis aut Ursi truculentorum ora cruenta
Delectent, caveant ne sit damnosa cupido:
Nam tuto & penitus rarè cicurare licebit:
Quin dens carnivorus, lacerandoque unguis aduncus
Profiliant, quum dura fames, furiaevæ salaces
Reddunt indomitos verbis, flagrisque Magistri.

Securis animis hic Pusio pascit ocellos,
Decrepitusque Senex, mollisque pavore Puella,
Dipsas, nec Coluber, nec Bufo, Vipera & Aspis,
Formoso licet adspectu, maculisque striisque,
Auro atque argento, fulvisque coloribus extent,
Decipient nullum incautum, aut formidine Lethi
Terrebunt, quanquam sublati undique cristis,
Et linguis bifidis, terribilique oris biatu,
Profiliant, oculique micent; alisque Dracones
Expansis, curvæ & virulentus acumine caudæ,
Scorpius immineant, Salamandra est orba veneno,
Indica, quam grandis, non fundit Aranea telum
Mortiferum, aut diram Peruana Lacerta salivam.

En! tibi marmoreo tam pulchram vellere Ranam,

*Atque Arabum inscriptam formis, sub sidere natam
Australi, Anguillam ! meliusque hæc signa relatum,
Quam flos, exsurgens Hyacinthi è sanguine, nomen
Exprimat Ajacis, volitantes cernere pisces
Vulgatum; at Feles, quibus est ab Vespere tristis
Minæides titulus, nigris venarier alis,
Quis credat ! nisi nos Venatrix ipsa doceret;
Quisnam Animat dorso foetus excludere ! quisnam
Jam natos catulos Glires in viscera matris
Ire, redire ! oculis fidus nisi testis adesset.
Humanam prolem Veneri libasse secundo
Sexubus ambobus plura experimenta negabunt;
Hocce frequens brutis clarè genitalia produnt.
Angues bicipites Calabrorum habitare vireta:
Mentitum Cajum nostri dixere per æva,
Quos tamen hic spectes geminis cervicibus aptè
Distinctos, capitum justâ constante figurâ.*

*Exquisita illinc trahat sua quemque voluptas.
En ! Conchæ, Cochleæ, Conchylia, Buccina, ab oris
Indorum utrorumque, aut quæ Chinensium arenis,
Seu in Erythreï splendent littore Ponti,
Et vada Barbarico tradunt Getulica Mauro;
Vel quæ Tyrrhenum, Siculum, Ægeumque procellis
Eruat petagus, scopulisque hædere Britannis,
Ecce ! immaturus fulgens in viscere matris
Unio ! quam nitidis distincta Corallia ramis !
Æquore & in falso cum fructu & semine stirpes !*

*Cui nihil in censu Thetyos pretiosa supellex,
Horreat, exhalent tetram exta humana Mephitin,
Ecce ! Semirameos noster quos Dædalus hortos
Condidit exiguis in rupibus ! ecce ! Corollas
Sertaque, tam vario concinnoque ordine plexus
Sicuti Hamadryades formoso tempora Adoni
Dicitur innexas; remanente vigore Colorum.
Floribus annosis, late & viridantibus herbis;
Miserit huc liceat Ganges & Nilus, Hydaspes,
Aut Araris. Batavis omnis fert omnia Tellus.*

*His superirreptant quæcunque animalcula scissis
Voluntur membris; summos habitantia montes*

Præruptos scopulos, rigidoque cacumine Rupes;
 Valles umbrosas, spumâ & stagnante paludes;
 Quæ, Metamorphosi miranda, è vermibus orta,
 In volucrum formas abeunt, & repere nuper
 Terricolæ assueti pinnis nunc aëra vibrant;
 At redit in patrum mutata propago figuras;
 Calcat humum, donec, positis exinde vicissim
 Exuviis, suppressum animal è carcere amictu
 Splendidiore volat, quam Majestate superba
 Assyriæ Reges solium ascendisse refertur.
 ô Non scrutandum! ô nullâ effabile linguâ!
 Prodigium! haud ullis imitanda potentia dextris.
 Ille Opifex unus: seu quis præstantior alter
 Archetypis! qui tot, tam spreta animalcula solus
 Pollice divino fingens, super omne ferarum
 Et pecudum quam grande decus, rutilante colorum
 Fulgore, ad variè radiantia lumina, pinxit:
 Imo adeo: ut gemmis queiscunque, nec ulla metallis
 Gloria splendoris, quâ non infecta nitescent.
 Adspice Mordellas alis crepitante susurro
 Auras sulcantes! strepitu Muscasque canoras,
 Cantharides toto rutilantes corpore lberas,
 Et Batavum pueris oblectamenta volatu,
 Innocuos Scarabæos & pastas rore Cicadas,
 Bruchum inter segetes, agiles per prata Locustas:
 Nonne virent similes Beryllo, Anchite, Smaragdo!
 Vidimus, ut verò pedibus fulgere Amethysto
 Canthariden, dorso Sapphirum induta micantem.
 Fulgore Anthracino & flammæ imitante Pyropo,
 Vel carnem Sardo, seu suave rubentem Hyacintho
 Hæc, oculos Onychen simulantes illa volutat,
 Casside Rhinoceros caput obvelatus ahenâ.
 Aurea squamatim lorica in pectore nigri
 Bucerati. Alpino clauduntur crura vaginis
 Auratis. Cocco saturos quot America mittit!
 At Scarabæorum genus innumerabile quisnam
 Expliceat calamo, quas non pinxisset Apelles,
 Nestoreis artem compleisset bis licet annis.
 Denique sunt quædam tanto haud splendore corusca;

Externâ & facie nobis sordere videntur;
Ut Tineæ & Blattæ, Pulices, Culicesque molesti,
Putidus & Cimex & Centipedes Scolopendræ,
Quæ stolidè malèsuada cohors, ausuque nefando
Imperfecta vocat; sed & his tu propius adsta,
Gens inimica Deo; cerne abjectissima rerum,
Cerne Metallorum fæces, calces & adustas,
Tubera & Boletos, Bryon, & quæcunque putatis,
Naturam damno Arboribus, satisque creasse,
Quisquiliis quin imo fracidas, atque inde renatos
Cum fungis Vermes, & in his fateare necessum est,
Humanorum operum vel præstantissima tantum
Inferiora, Adamas quantum sterilissimâ arenâ
Nobilior, quantum cæno pretiosius Aurum.

Dicite Philosophi quisnam ordo Particularum,
Lumine quo in tenebris Solis radiante navarchis
Cornea per pelagus caput est laterna Locustæ?
Pensilis & Lychnis per noctem Lampyris altam.
Judæos satiasse famem vix creditur ulli
Acridibus; magnique illas Pythonis ad instar,
Jugera tot segetum, pomæria, pascua, silvas
Depopulasse olim; Nasonica fabula multis:
En! tamen hic hostes ingenti ex agmine captos.
Tradimus Hesperiiis & Eois gentibus Aurum,
Argentum & Gemmas & Aromata, dummodo diram
Non feret hanc pestem benedicta Batavica tellus.

Papæ! quanta acies, quot millia Papilionum!
Qui, genere & formâ varii, discrimine quanto,
Quisque suæ stirpis speciem, faciemque reservat;
Qualiter humano vixdum de stemmate fratres.
Caudæ, Alæ, Furcæ, Scutumque, Antenna, Proboscis,
Cornua, sunt eadem, quin eodem tincta colore.
Dilutum intensus non obruit, ille vicissim
Cedit: purpurei de sanguine Adonidis orti
Vel spirante animâ Narcissi, seu Hyacinthi,
Vulnere aut Plutonis flores, fulgens Amaranthus,
Nullum inter sese disturbant ordine lumen;
Et Rosa cum Violis tam dulcè rubentibus, alba
Lilia virgineum, nigra per Vaccinia, amittunt

Nil

Nil decoris. Calthæ, Crocus & Chrysanthemis, Iris
 Et Cyanus, quidquid campus producit apricus
 Floridum, in excultis ubicunque aut nascitur hortis,
 Succis quam nitidis exornant Papilionum
 Tegmina! quam variè depicti versicolores!
 Belliden ut videas perpulchram, seu Anemonem.
 Illius en! chlamydem limbis, vittisque nitentem
 Auratis. Tunicam succingit fimbriâ & alter
 Argento. Hoc alis guttatim hæc Phalænæ
 Dixeris, & princeps nullâ sub veste superbit,
 Quin tegetem affirmes veteri centone resartam.
 Omnigenis formæ vestis lustrate tabernam;
 Sive Theatralem Trabeam, Pallamve dolentis
 Expetis, aut Cycladen, Stolam, Sagulamve, Togamve.
 Gallia vestitus cui Dictatura videtur
 Perpetua, ambiguum mutando Protæa vincens,
 Forsitan hinc artis fabricam, normasque resumpsit.
 Artibus his magicis Europa ut Simia gestit.
 Da veniam pueris: servi pro stigmatibus limbis
 Fiant Erucae. Diffusis illa puellis
 Desidiâ & luxu. fiant insecta, Chimææ.
 Rugosam at Clytiam, confectam ætate Sibyllam
 (Sollicitura procos juvenes ut anicula Thais)
 Reticulo ornato vittis, viridique corallâ,
 Et Chlamyde & Strophio succinctam videris albo;
 Ride. Versalico turrato si Caliendo
 Calviciem aut Cirris texit, miserere Catullæ:
 Lustra misella decem numerans vult Puppa videri;
 Nubere ne impediât Lex Pappia dura juvenco.
 Ride. Forma viros neglecta decebit; at ecce! ut
 Ille Chremes vincit Mimos edentulus omneis!
 Quam bene conveniens tibi pænula Cercopithecæ
 Stulte Midas! ô quam bellulus is Menedemus!
 Ille, comâ canum fulvâ abscondente capillum,
 Synthesin indutus, digito crepitante Choraules,
 Annos decrepitos præsumpsit fallere amicæ.
 Desine tam mulier Gallo indulgere Batave.
 Exomiden primam sartore Lutetia Regis
 (Scilicet) instructam dedit huic soli Ardelioni,

Et Thraso plumatus magis hac, quam fortibus armis,
 Conspicius, reliquos naso subsannat adunco.
 Dave, ecquid pudeat Latum succingere Clavum!
 Nec nisi Sequanico pictus textore placebat;
 Ut quasi Patricium te Sponsum Galla salutet.
 Cistiger hinc annos vix tres profectus ad Indos
 Irus, tam tenui mercede & tam cito Cræsus!
 Quid Domini Lapidum forte hæc narrabimus. esto.
 Desipiant. Hæreat nunquam sanabile amictum
 Mutandi assiduò Cacoëthes: dummodo nobis.
 Insanos inter non insanire licebit,
 Ellebori quos vix curabunt jugera mille.
 Hæc Lymphata Lues non cedit Gallica, quamvis
 Tentet Atlantiades validis argenteus alis.
 Hæc Polypis & Afris nostratum. Papiliones
 Cælitus instructo & stabili gaudete decore.
 Sed quenquam obstupeat, nos nudos nascier, illos,
 Viscere in materno latitantes, veste superba
 Induperatorem summum cinxisse; quod ipsam
 Chrysalidem aurato in cunis velamine volvit,
 Ut primogenitam natorum ad sceptrum paterna.
 Desine mirari, aut verbo temerare profano
 Numinis arbitrium in promptu est causa. Monarcha
 Omnipotens Bruta hæc penitus peritura sigillis
 Augustorum operum, majestatisque verendæ
 Exornans, vitam vix uni destinat anno.
 Menstrua non desunt, nec & Hebdomadalia, Musca
 Auroræ exortu nata, & sub Sole supremo
 Fœmina juncta Mari, fœcundaque vespere mater,
 Lucifer extinctam rediens cum patre tuetur;
 At te immortalis divinorumque capace
 Mente beat, tutò ut dominari in cetera posses,
 Fatisque exactis mundo meliore fruaris.
 Hactenus ad nostrum producta animalcula votum
 Ite; sepulchrales caveas repetite, domosque.
 Ite una Vespæ, non irritare Crabrones,
 Bombylides, Grilli, Ricini, seivique Tabani
 Quid mihi vobiscum est! Cerebrum, mentemque Camænis
 Obscuro nostris volitans tam densa caterva;

Haud

Haud aliter quam si fumosus inesset Jæcchus.

*Diffugere nubes gravidæ temulentia mentis,
Nectare tam vario, placidâ discussa quiete.*

Occiduo Titane animas haurire recentes

*Quid vetat herbarum ! quin nos venerabilis Horti,
Custos eximii portis invitat apertis.*

*Pergamus tutò : nam Te, Castissima Virgo,
Hic nulla obscæni terrebunt spectra Priapi.*

At, procul hinc ! quænam portenta hæc ! sub Jove clauso

Hesperidum Auratis Malis Nemus & Cinyræi,

Floriferum pueri saltum tam suave virentem ;

Quæ nunquam pluviis, ferace aut rore madescunt ;

Nullus humi fluvius fibras sublaetât arentes,

Nilus & exspatians pingui non nutrit aristas,

Glebâ ; nec lætis radiis arridet Apollo,

Cynthiave, ereptum sibi deflens Endymiona,

Nocturnis Lachrymis plantis non stillat anhelis ;

Nec mulcent tepido Zephyri spiramine flores.

Sidera secreti non mittunt munera amoris.

An nova progenies Cælo, vel Colchide missa,

Carminè Medæ ! quid enim non carmina possunt !

Nil minus, ô absit ! peramena hæc silvula nulli

Sagæ, sed Ruyschi referenda est gloria dextræ.

Cui, quanquam Ææo Cælo deducere Lunam

Cantû ridiculum, privare aut vitibus uvas ;

Grande nefas Magicâ tam tristi accingier arte ;

Ille tamen valuit, quod nunquam Colchica, Vates

Pelignus liceat primam reparasse juventam

Finxerit Æsoni : nullo tamen illa veneno,

Diris Thessaliæ, Ponti seu Phasidis herbis,

Quantum intonuerit, quotiesque recoxerit, ævis

Eripere atque atavum sero proferre nepoti.

Ruyschius hoc. spectant annosa cadavera patrum

Nati natorum ; sed non horrenda rigore,

Membrorum, aut faciem velata bitumine nigro,

Pyramidi ut quondam credebat corpora Memphis.

Flexibiles videas artus, tenerosque lacertos,

Dormire exanimè hic dixeris ore decoro :

Viscera quin etiam Ventris, Cor, Pulmo, Cerebrum

* * *

Mollia,

*Mollia, ut & densâ durâque sub osse medullæ :
 Ac, nisi congenitum scires cessisse calorem,
 Vivere revera jures post funera corpus.
 Talia qui potis est, condire animantia norit
 Lubrica, nesciret vacua & vegetantia succis!*
*Ad nova Thesauri viridis præconia Musæ,
 Quam comis hic Custos ! nec quisquam in limine latrat
 Cerberus. Huc hortos versus; per pascua & arva
 Illuc; in silvam, vepretes, dumetaque ducit
 Hæc via. Terrarum quidquid complectitur Orbis
 Visitur : ut Regum prisca sapientior ævi,
 Hyssopo ab tenero pervasti ad culmina Cedri
 Edoctus Libani, tamen hic addiscere mille
 Haud dubiè posset : nequenim tulit illius ætas,
 Aut humus, in Batavum terris, Septemque Trionum,
 Quæ, mediis nivibus læto ridentia flore,
 Ut propria exsurgunt sibi credita munera Cæli;
 Nec magis Orbe novo quæ, tot post secula, vidit
 Subjecta Australi magnus Vesputius Astro.
 Vab ! iterum atque iterum, quænam hæc opulencia ! quotquot
 Et genere aut patriâ geminis distantia Mundi
 Cardinibus, longo quantum huc transvecta labore !
 En ! nemus Amonium, læta & Theumessia Tempe,
 Floribus Hybla, Thymo fragrans Actæus Hymettus,
 Judicio & Paridis fatali insignior Ida !
 Hic Ver perpetuum, nec & Æstas torrida adurit,
 Autumnus variâ statione haud noxius uvis;
 Bruma nec in flores, segetes, aut gramina sævit.
 Spectatum extremos quid opus curratur ad Indos;
 Dum sese hic offert dives Malabaricus Hortus.
 In classes distincta suos quæcunque leguntur,
 Arborum & Herbarum doctis discrimina signis.
 Eho ! jam satis est : nova ne vertigo retrescat,
 Quondam Insectorum veluti stipante catervâ :
 Qualiter hesternis venas inflante Falerno
 Silenus titubat, rediens ad pocula mane.
 Vos igitur silvæ, viridaria grata valete.
 Nos, mea Calliope, Platani Cretensis in umbra,
 Quam nunquam infestat ferali carmine Bubo,*

*Sistamus Testa hæc quidnam cariosa meretur
Tollas ? ô, inquit, non noti nulla cupido.
Inveterata siet Japeto magis & Chæos ipso :
Displicet antiquæ tibi dum veritatis imago !
Ales equus, Perseus, cirri Phorcynidis, Atlas
In montem versus, puerilis fabula dudum ;
Si Metamorphosis vestigia vera placebunt,
Huc ades ; in lapides, priscâ remanente figurâ,
Invenies Cochleas quascunque, Corallia, Echinus,
Cancros & Pagros, Strombites, Ostrea, quidquid
Testaceum in ponto nutritur. Piscibus, ecce !
Nec squamæ, pinnae, nec & integra viscera desunt.
Arboreos truncos, frutices, cum frondibus ipsis
Et flore indubia specie cognoveris. unde,
Quæritur ? his saxis, quibus evelluntur, an illis
Sit natale solum ? vel ut in Matrice recepta
Sic crescant mutata simul, vegetantia vivo ut
Semine ? seu potius, quod jam fruticantia glebâ
Circumfusa manent, genuinis ut modo fundis
Ejecit Pelagus ? quum, densis imbribus auctum,
Exspatians fines & montes desuper omneis,
Fluctibus undarum validis, velut ariete crebro,
Præcipiti impleret per strata cacumina lapsu
Valles, oppressis quæscunque latentibus illic,
Sulphureo quæ halitu, fluido nitrique vapore
Electo, in lapides veros abiisse videntur.
Petræfacta Polis geminis, quam dissita zonis,
Climate, Zodiaci quantum statione remota,
Hic spectare licet, simili circumdata glebâ
Concretâ, scopulis hisce incumbentibus altis.
Ostrea, millenis stadiis ab littore mille,
In mediis silvis, profundisque eruta cryptis,
Indicis æterni decreto totius Orbis*

Diluvio extincti quisnam hæc monumenta negabit !

*Ergone inexhaustum nunquam satiabitur æstrum
Thesaurus aliis cumulandi ! Matris avulsa
Magnæ visceribus, genitivisque abdita venis,
Æs, Aurum, Argentum, Stannum & quæcunque Metalla,
Cernite & affines Mineras, Cristalla, Salina,*

Sulphurea & Calces & quæ fuliginis instar,
 Concreta è furnis sursum centralibus halant,
 Torrenti haud solum Zonâ, sed quatuor oris
 Nata, sub ustrinâ & tali conflata, recocta.
 Mulciberi in Liparâ, seu Lemno, ride Barathrum
 Fumos eructans, flammâ Phlegethonta & Avernum.
 Nos intestinum, cum fomite & ignibus aptâ
 Materie, asserimus spatium quod dissecat Orbem.
 Solstitiis geminis; cursu quo tendit Apollo
 Zodiacum annali; nocturna diurnaue adæquans
 Signa horis, monstrat Solis Lunæque labores;
 Ambobusque Polus nixus Magneticus Axis
 Transversim penetrat, præstatque immobile punctum
 Telluris Mariumque Globo. Sol infimus hic est;
 Qui, velut Æthereus, valide candentibus illinc
 Trajiciens radiis exclusas aëre massas
 Cælesti; internis venas aperire cœgit
 Spiritibus, qui, dum luctante bitumine flammâ
 Concipiunt, silices, ima & suprema Metalla
 Fundunt; horifono reboante fragore per antra,
 Cum Terræ & Pelagi tremebundis motibus, usque
 Perrupti montes, silvas, undasque in apricum
 Prosiliant, sparsis longè latèque favillis:
 Frigore sulphureus vapor ut sub nube coactus
 Tandem, contortis in acumen ignibus ardens,
 Cuspide fulmineâ per aërea vincula vibrat,
 Conflatum æs, cuspem & Chalibem, cautesque resolvens:
 Solis enim radios non huc penetrare docebunt.
 Flammigero in nivibus densis Arctoâ camino.
 Hecla & in Ægeis sublati fluctibus ignes.
 Diviso Imperio Vulcanus Centricus urit
 Cum Phæbo; huic subsunt Vegeta & Viventia, at illi
 Regna fodinarum, lapidosaque viscera Terræ.
 Quæras, unde illis, quæ tot per secula flagrant;
 Esca voraginibus? primò monstraveris, unde.
 Soli ab Principio Rerum noctesque diesque
 Conspicuè ardenti, quem, tot torrentia tela
 Fundentem, vacuâ spectavit nemo Pharetrâ,
 Tollitur in cælum reparandus fomes amissum?

Dixit

Dixerat. interea medius sese abdidit undis
 Titan. nos celeri transgressi limina passu,
 En ! nova vicinâ redeunt spectacula nocte,
 Quæ revocare gradus, aciemque intendere cogunt.
 Quam formosarum Volucrum cingente Coronâ
 Porticus hæc splendet ! postremum forte Valet
 Dicturæ hesperiâ aviculæ vigilatis in umbrâ.
 Quid petimus ! silet omnis Avis, Pecudesque quiescunt ;
 Et pavida & pugnax dudum fugitiva ferarum
 Turba per anfractus latebroso cubilia quærit.
 Occidit omne jubar Terrarum in margine Solis.
 Ortygia, in nubibus venatu lassâ recumbens,
 Pindum Calliopen, me suadet adire Penates.
 Amphitheatralis totâ me nocte volucrum
 Circulus insomnem somni per gaudia duxit
 Auroræ redituræ. eja ! properemus, ut undis
 Gutturulis hilares primi modulaminis Hymnos,
 DIs sacros, nostræ excipiant quoque sanctius aures.
 Nulla loquax, patuli largo quanquam oris hiatu !
 Omnes vos igitur tacitis venistis Amyclis !
 Forma negat. Libycis, geminorum Psittaci ab oris
 Indorum grandes & vos Pygmæia proles,
 Xaïge dulce tuum strictis num faucibus hæsit !
 ô Pica, Ganges, seu vos Brasilia misit,
 Garrula lingua tacet, quâ quondam vincere cantu,
 Ausis magnanimis, Musas potuisse fefellit !
 Vos nostras Cerasos populatæ & Pisa, Ribesque,
 Solvite tandem aliquid. subito si humana cerebro
 Vox molli exciderint, vagitum edocta tenelli
 Projecti Alcidis pueri, matrisque ululatum,
 Salvatrix amborum ; hædis agnisque balatu
 Æmula, captivis mox omnis dempta loquela !
 Nullane buccineo clangore Argiva salutet !
 Forsitan hic glandes desunt ; absurdaque pastu,
 Diliciæ vobis, atque hinc Malacia resurgit,
 Quâ si corripitur prægnans muliercula vestrum
 Nomen & omen habet. ô Tu gratissima semper
 DIs, hominique Merops, volucris Trinacria seu Cres,
 ô Salve in Batavis sanctæ pietatis imago,

Quâ , vix dum pennis ausi se credere ventis,
In nidis pulli dant pabula læta parenti.
Quid ni Zinzifulas ! tuus ut Terraque Marique
(In Cælo septem mæstissima Pleiadas inter
Dum patre extincto lachrymarum defluis imbre)
Hic amor emineat , qualem Ciconia nunquam
Glottorat annosæ referens solamina matri.
Qui latus huic claudit rostro pedibusque palumbus
Turtur , si gemeret , cineres & pluma referret ,
Nunc ut acu pictus. Tædas viduusne secundas
Obtulit ? ô nunquam ; sed dives America pennis
Cinxit tam variis. Hic castus amore prioris
Luget in æternum Viridi non fronde quiescit ,
Fonte nec è nitido potat ; consortis amicæ
Ne faciem vidisse putet. mærore tacebit.

Clamose , ut tacitus non pasci possis , adesto.
Tunc siles nostræ magis omnibus æmule linguæ !
Cujus Ave Cæsar victor tot millia nummum
Constitit , an penitus facundia , Corve , faceffit !
Quis victum exhibeat , nisi tu mereare loquendo !
Auguriis hic nullus honos. Nec castra Leones
Tu Batavos inter , velut olim signa sequeris
Ausonidum , comes ipse Aquilis. Relegaberis , unde
Venisti infamis scelerata ad Busta , Crucesque.
Omne nimis vitium. te delatore Coronis
Prægnans transfixa est & tu nigredine pœnas
Proditionis habes. Melius nunc moriger esto.
Fare aliquid saltem. Quare hic crocitare vereris !
Forte & Hyperboreus pennas tibi reddat Apollo
Albas , quum niveos montes Aquilonis oberras.
Qualiter hic Progne , Philomela atque ipsa Coronis ,
Et Lepus , & Lupus , Vulpes , Ursusque videntur.
Asteria , an quatiens tibi lingula , Casta Coturnix ,
Stringitur ! incesti Jovis hic te fulmina terrent !
Hic (si DIIs placeat) magnus , divinus adulter
Sat faciles ubicunque videt ; potiturque cupitis.
Quid mirum ! in terris queis sanguis Regius omni
Fædâ labe caret ; Thalamum violasse jugalem ,
Grande nefas populo , severa & morte piandum ,

Principibus licitum; quid ni quoque furti Deorum!
Quid, lascive ales, Veneris Passercule plaustro
Auriga, haud pipas! clamosam sin tibi forte
Abstulerit vocem nimium repetita libido.

Tu quoque suavitonum cantum Philomela relinquis!
Nullus te sequitur Tereus minitante bipenne.
Ithys, Ithys stridens, Upupæ sub tegmine plumæ,
Daulidis omne nemus, latebras & lustra vagando,
Pervolat & trepidus propriâ quem dente voravit,
Quærit Ithyn miserum, inventumque ad Phasidis undas,
Non novit, nimium pretiosa veste latentem.
Qualiter imbriferam Saturnia amicit Irin;
Deciduos oculos Argi texente Minervâ.

Tuque adeo horrendum crudelis mater, Hirundo
Celtica, quis vetuit tristes stridere querelas!
Trux nimis, ô vindex stupri truculenta sororis,
Progne, Bistonides hæc tecta subire Tyrannus!
Ille fugax Montes & silvas nocte pererrat,
Quo sua fata jubent; nec te cognoverit usquam,
Pectoris in plumis liceat Laniena parentis
Nota, minutalis pueri de carne cruenti:
Mansit enim Geticis Luctus tua pallula in auris,
Albente & Strophio Scyticus te vestiit Arctos
Vere novo toties nostrum modulata per hortum
Quin pergas Ciris? patris vindicta Haliæti,
Puniceum quod amor te tollere, Scylla, capillum
Cogerit, hinc longum; nec & hospita tecta subibit.

Proh! quantum obstringunt vepetres nos Daulidis inter
Has Naticidas! miserandæ sortis Aëdon
Hic Itylum, insano per Te livore peremptum,
Quæris? seu dulces escas per acuta & amara
Carduus apponens gemitus in pectore claudit?
At simul insontes fraterna in cæde sorores
Zethiadas miror, tanto clamore molestas

Olim, ut & Samios sua pingua prata, Laresque;
Linguere compulerint, mutas sint Fasyges ipsæ,
Illarum ad Rhombum faciunt quid jurgia civis!
Quid bella..... tandem Tragici tradenda Theatri
Scena hæc Melpomeni mæstæ, nos fronte serenâ

Calliope & cantu volucres adeamus & ecce!
Psittaculus nostras; sed & hic taciturnus ut omnes,
Seu conjuratus. quid Phœnicure moraris,
Humanum perdocte melos, cantare Deorum
Hymnos! Aurati titulum mereare perennem,
Soli quo nostri te dignavere Penates.
Quid capite averso stas Phœnicoptere nobis!
Nemo tibi linguam secturus Apicius hic est.
Quare humi inventrix Serræ, Tornique, Rotæque?
Dædaleo livore semel de Palladis arce.
Projectam nos te, Perdrix, non poscimus ultra
Nec coquus hic Angelus qui te consumere gaudet:
Spectatum venimus plumis quia pulchrior Indis.
Ast hic Onocratēlos, inquit mea Mûsa, tacendo
Non nocet. Arcadicæ volucrem quis voce rudentem
Audiat, huc quamvis Lunari ex Orbe venissit.
Ille bipes Asinus tamen hic consistere dignus:
Humanâ ut bipedes porcos sub pelle latentes
Stringat inexpleti per justa opprobria ventris.
Strenue bellator, Cancris furiosior æstu,
Certò victor ades, fulget tua crista rubore
Coccineo & crispæ volitant in pectore jubæ.
Arrigitur pennis pictis tua cauda superba:
Ut Romanus eques, cingens sua tempora lauro,
Vexilla atque Aquilas in Cælum efferre solebat,
Inter Iô Pæan, Iô Pæan vicimus; at te
Num raucedo vetat letum cantare Triumphum!
Quorsum ingens strepitus, quo, te vigilante, ferorum
Gallorum insidiæ Tarpeia ab arce repulsæ,
Anser! seu nimia fœtus pinguedine torpes!
Publico ut è censu prompsisset pabula Aruspex,
Aut lacte & mulso nutrisset Cotta gulosus.
Credimus excubias nullis, quâ gente, Molossis.
Pervigiles servant Capitolia nostra Leones,
Et Brenni & Senonum furia, fraudesque hodiernæ
Destructæ, domitæque jacent virtute Batavâ.
Auro nos, Anser, tibi nulla Idola paramus;
Annua Romulidum fasti aut Holocausta libantur;
Lecticâ extensum non defert pompa feretro;

Nec

Nec canis innocuus funesta ex arbore pendet.
Hæc nos ridemus puerilia, sacra, profana:
At te, pro meritis, justo celebramus honore;
Postquam Pergamei carissima vellera capri
Et Nili abstulerunt linaria scruta Papyrum;
Fraxinus & Tilia & Fagus nec Populus alba,
Ceram tesserulis oblitis illius usus;
Ære, Auro, Argento, nec plumbo lamina servit;
Pro Graphio & acubus nobis tua penna stiloque;
Hæc studiis facilis, fulcit tua pluma grabatum
Mollibus in stratis lassata ut membra quiescant.
Te veniente die, Te decedente canemus.

Indice Pontificis socio simulante galero
Phæniceo, Coccothraustes, trabeâque superbis!
Ut modulos Gangis Philomelæ efferre recuses!
Quis novus ille hospes tumidus rutilante coronâ,
Qui caput Augustum medius vix exerit? unde?
Dic puer. ille refert, volucrum Dominator Olympi
Australis. rectè: quæcunque potentia Reges
Extulit indomitos, suppressis legibus, ornant
Accipitrem; sublime genus; præstantia formæ;
Gloria pugarum; sævi truculentia rostri;
Alæ terribiles cædendo, unguesque rapaces
Attamen ut pulcher, quam Majestate decorus!
Credibile est, inquit mea Musa, hunc Juppiter olim
Talem vidisset, puerum rapturus inermem
Idalium, miser hic Aquilæ formidine nigræ
Nunquam plorasset miscendus pocula divis.

Denique vos omnes longinquis advenæ ab Oris,
Quarum vox Batavas nunquam pervenit ad aures,
Anguicommo Clypeo, diræ aut per pocula Circes,
Omnimodo expansis sed non crepitantibus alis,
Immotæ hic, statis veluti simulachra Theatri!
Ætheris Eoï splendens Rex maxime & omnes
Subditi, ob eximiam formamque decusque colorum,
Quem Paradisiacum Nostri dixere; profanæ
Ternatæ Idolum; Falco qui in culmine pullos
Cinnameo excludis rapidos; tu mitior ales,
Mersa mari Alcyone, super ipsum & tendere nidos

Assue-

*Assueta & quotquot cristallina claustra reconaunt,
Dicite sed jamjam repetit sua lumina visus:
Ut modo velatus per nigra crepuscula noctis
Aurorâ redeunte. idem, qui lubrica edacis
Temporis eripuit; cariei & faucibus, idem
Ruyschius hic Volucrum demortua corpora sistit
Ut viva; haud aliter, quam si Catalepticus actus
Artubus in rigidis dextrè proferre videtur.*

*At Tu vix æquans digitum, Tu pumula, pulchra
Australis Regina chori volitantis, & omni
Lumine versicolor vario, Auro atque Ære corusca,
Antipodum quæ pasta favo post funera vivis,
Forsitan excideres oblita, ingloria nostris
Carminibus! Textor, si quisquam stamine Arachnæ
Æmulus, hanc pingas, & eris mihi Pallade major.
Maeste animo, virtute, novis tua byssina fila
Inficias succis, Cocco nec Murice parcas
Sidoneo; Albionum Crocus & sit vilior algâ;
Sit Muhamediacæ Prasinum venerabile stirpi.
Attica Cæruleum mittat pretiosius auro,
Illud & Argentum, radiis solaribus auctum,
Muciber extendat; Lachesis subtilia volvat
In fila; hinc panoplos texendo strenuus adsis;
Perfectamque operam, pro gummi, lumine claro
Phosphorus oblineat; tum, te ipso judice certans,
In cunctis victum pleno testaberis ore;
Et si aciem sataget dextris armare specillis,
Tela tibi nuper tenuissima, tamque venusta,
Scabritie & stipulis Canabinum dixeris aptè
Peniculum, textum turbatis ordine tricis,
At cave ne fraudes Prygionum adjunxeris arti;
Ipsam dum Volucrem stamina inter Byssina texunt.
Cedo fac potius, proprio & jugulaberis ense.
Sic etenim in throno Regina Ourisia fulgens
Emicat, Arctophylax velut inter Sidera Cæli:
Imo adeo ut rutilans Anthrax, Aurumque politum,
Hanc juxta, ad Solis radiantia lumina, splendens
Hoc jubar in nebulae suffusum adspexeris umbrâ.
Formosa ô soboles (multò majora canemus).*

Immotis membris licet, æternumque tacendo,
Vos tamen immensæ muto celebrabitis ore
Majestatis Opus, non ullâ imitabile dextrâ;
Nec casu ambiguo, sed certis legibus orta
Divini Artificis jussu primordia rerum,
Ordine perpetuo & sancti moderamine sceptri
Pergere, & insculptus vestris Adamante Character
Pectoribus clarus, nullo & delebilis ævo,
Est Deus in nobis. Graculos Tu Philosophastros,
Cecropii & nostri duros secli Theodoros
Plus validis vibras, Ourissia mortua, telis,
Quam quæ magnificâ finxit sub imagine veri
Ingenium fallax hominum vel mille probabunt
Argumenta, vagis dubiisque immersa tenebris,
Quidve Cathedrales præsumunt Gymnosophistæ,
Per Labyrinthos stolidè comprehendere Gyros,
Quem Terrarum Orbis, Cæli convexa, nec omne
Hærens temporibus spatium, numerisque locisque,
Non capiunt : solus perfectè qui sibi notus.

Hæc Divis : Priamo nostro quin demus honores
Qui tot Myriades animantium & fertilis alvi
Terrarum fructus, congestos undique, in æva
Condiit, & nostris oculorum haud deneget omnes
Lectis deliciis; sed quis, quis talia fando
Ut vera accipiet ! grandævo hæc cuncta ferente.
Nulla illi unquam nil agendo elabitur hora;
Seu Asclepiadis Leges, Artemque periclis,
Vulnera & externos vitiatæ corporis artus,
Tyrones curare docet cauteque citoque;
Herbarum aut varias formas, viresque resolvit
Ut Macer in Batavis; Lucinæ absente favore
Matri reddit opem, proli lucemque negatam;
Seu perscrutatur non siccâ morte peremptos;
Corporis humani Iudex cui fabrica tectæ
Ne insontem damnet, vel solvat crimine cædis
Forte reum; Medici quis sedula munia nescit?
Ipsaque quin etiam quæ supputat Otia, multis
Magnæ molis opus, cui vix è millibus unus
Sufficit, ut præstet rebus mentemque manusque:

* * * * 2

Er-

*Ergo tot studiis lassum tot adire labores
Unum posse virum peregrinus si neget hospes,
Eja ! adsit, visusque fidem, super omne quod aures
Excipiunt, constare dabit. quisnam æstimet æquò
(Si rarum carum est) hanc Gazam dixeris, euge !
Tu solvendo impar, propria ut possessio cedat,
Sorte tuâ gande, quâ perlustrare licebit
Plurimâ, quam septem Veteris Miracula mundi,
Æstu visendi, attonitos traxere per undas,
Montes & silvas & mille pericula vitæ.*



THESAURUS

PRIMUS

Animalium quadrupedum, volatiliū, reptiliū, ac piscium, nec non Insectorum, atque Conchyliorum, &c. partim liquori limpidissimo innatantium, partim balsamo induratorum, quæ servantur in Thesauro, ex ligno Olivario confecto.

ASSER I.

Nº. I.



Upes exigua, ex variis Conchyliis Indicis exiguis purificatis, ac ramulis marinis confecta, quæ innititur pedamento ex ligno oleagino, è quo Thesaurus est fabricatus.

Nº. II.

Phiala sicca; & in ea, Avicula Ceylanica quadricolor, nitidissima; scilicet capite colloque colore miniato, alis & dorso nigro, pectore & abdomine plumis albicantibus & cinereis prædita.

Not. 1. Avicula isthæc balsamo ita à me præparata, ut integra remanserit, ne visceribus quidem exemptis, ut adhuc viva esse videatur; præterea infidet ramusculo Cardui minimi *Prosp. Alpini*; cum autem dictus Carduus hic rarissimus sit, & capita habeat reticulæ modo à natura elaborata, gratiam conciliat visui.

2º. Operculum, quo coöperta est phiala, sericum est rubrum villosum, quo omnes ferè phialæ sequentes etiam sunt tectæ.

3º. Dicto operculo, ceu pedamento, impositus est fasciculus herbarum, florum & fructuum rariorum exoticorum; cum autem illa colorem naturalem tam bene conservarint, visum illo-

illorum, qui re herbaria delectantur, alliciunt: his quoque insident insecta varia rariora, scilicet Papilio Turcicus, rarissimus, colore ex albo, nigro & dilutè cæruleo-viridi, coloratus, cujus alæ inferiores seu posteriores longissimæ, tenue stramen latitudine æquant; hoc modo aviculæ caudam repræsentant, & hinc à me denominatur Papilio Turcicus versicolor, alis posterioribus longissimis, stramineæ latitudinis.

2°. Capricornulus Afric. viridis nitens.

3°. Curculio ex Capite bonæ Spei.

4°. Cantharides, &c.

4°. Inter dictas herbas & flores etiam reperiuntur

Amaranthus cristatus rubicundissimo flore. *Cat. Hort. Reg.*

Par.

Gnaphalium latifolium Americanum. *B. Pin.*

Gramen tremulum majus & minus. *B. Pin.*

Stæchas citrina. *Matth.*

Adiantum Americanum. *Cornut.*

Conyza Africana.

Milium Ind. Orient. semine nigro majori, & nitente.

Thlaspi fruticosum Leucoii folio. *B. Pin.*

Quamoclit. *J. B. &c.* Vid. Tab. I. Anim. Fig. I.

N°. III. Phiala in liquore continens Piscem, ex insula Amboinensi, qui à D°. Joh. Nieuhovio appellatur Piscis Amboinensis, & in suo itinerario Indiæ Orientalis & Occidentalis descriptus ac depictus est; ut & à Nobilissimo Viro Domino Francisco Willugbeio in sua Ichthyographia, S. Historia piscium nomine *Perca Amboinensis*; enimvero, cum hic piscis meus cum illorum Perca marina (quam etiam in alium Thesaurum reservo) non plane conveniat, consultum duxi, hujus figuram addere. Vide Thef. Animal. I. Tab. II. Fig. 3.

Cum autem discrepantia reperiatur inter dictos Pisces, hic à me denominatur Perca Amboinensis volans, pinnis longissimis.

Dictus Piscis, ab Incolis Malaicè vocatur *Ikan Swangi*, & ab Europæis ibi degentibus, nominatur *Tovenaars Visch*, estque coloris castanei saturationis, lineis transversis, stramen latis, idque à capite ad caudam usque, pinna dorsalis, ut & post branchiales sunt longissimæ, quemadmodum in piscibus volantibus, unde suspicor, hunc piscem è genere piscium Volatilium quo-

quoque esse, qui ad breve tempus aquas relinquentes, & super eas volantes, pisces volantes nuncupantur.

Hinc forsan incolæ, qui illic loci admodum superstitiosi sunt, hunc pisces *Ikan Swangi*, id est, Belgico idiomate *Tovenaars Viscb* vocarunt, vel quia convulsiones & dira alia symptomata admiranda acquirunt illi, qui ab aculeis illorum (quibus præditi sunt) punguntur, ut ex variis relationibus percepi.

Pinnæ laterales, infimæ, ut & illæ, quæ caudam constituunt, habent quadrangulares maculas albas; Quamvis autem dictæ pinnæ in hoc pisce, radios habeant discretos, tamen non est dubium, quin in statu naturali, sibi invicem sint connatæ ope membranulæ tenuissimæ, qua in meo quoque objecto non plane sunt destitutæ, enimvero quoniam adeo tenuis est dicta membranula, facillime, antequam ad nos pervenerunt, ab illa destituuntur, & sic radiorum pinnæ à se invicem recedunt, id quod Clarissimus Willugbey quoque suspicatur circa vulgarem Percam Amboinensem.

Notandum præterea, super dictum operculum orificii hujus Phialæ reperiri fasciculum ramusculorum marinorum, scilicet Lithophyti, Abrotani marini; & inter ramulos illos reperiri Pisciculum Americanum, planum, rotundum, balsamo induratum, magnitudine fere thaleri imperialis, habentem circa caudam maculam rotundam, magnitudine ciceris, nigri coloris, quam ambit circulus albicans: & quoniam dictus pisciculus maximam habet analogiam cum pisce, quem D. Joh. Nieuhovius in suo Itinerario denominavit *Clipvis*, seu *Soldaten Viscb*, idem nomen quoque retinebimus.

Nº. IV. Phiala in liquore continens Locustam Africanam, maculosam, cucullatam, cujus pedes posteriores spinas habent acutas, dorsum verò & cauda obtusas; eaque insidet Opuntiae Americanæ, spinosæ minori.

Nº. V. Vespertilio Indicus, naso, clitoridi simili, instructus.

Nº. VI. Phiala sicca, in qua continetur nidulus exiguus, Americanus, ovulis, ciceris magnitudine, instructus, quibus, veluti incubat avicula Indiæ Occidentalis mellivora, ita dicta, propterea quod etiam volans alimentum melleum ex floribus haurire valeat, & ab Indigenis quoque Ourussia nuncupatur.

Nidulus situs est inter ramum Ericæ arborescentis Africanæ,
flori-

floribus albis locupletissimis ; huic ramo insidet quoque alia Ourussia.

Super operculum Phialæ, serico villosa rubro tectum, positus est fasciculus herbarum, ut & florum, & inter alia, etiam varia insecta, nec non Squammæ fructus Scolymocephali Africani, quarum extremitates, sericum villosum æmulantes, colore nigro sunt præditæ, ut &

Ramuli Tamarisci Gallici.

Erica Myricæ folio.

Erica Africana.

Tanacetum Africanum, Floribus decuplo minoribus. D. Pr. C. *Commelini*.

Adiantum Americanum. *Corn.*

Gramen tremulum minus. C. B. P.

Millefolium Africanum flore, luteo. ut &

Ramuli Fruticis cinerei Africani. *Breyn.*

Centinodii, floribus argenteis.

Pimpinellæ spinosæ, fructibus onustæ.

Plantæ Africanæ, innominatæ & nondum descriptæ, glandiformi fructu.

Chrysanthemi, flore luteo, cujus petala in exsiccatione assolent se contrahere, in hisce ita sunt disposita, ut flores adhuc dum vivere videantur, ne colore quidem excepto.

Inter insecta reperiuntur exiguæ Cantharides & Papiliunculus cæruleus, ocellis plurimis subtus eleganter aspersus, D. Petiveri, rerum curiosarum perscrutatoris indefessi, à me vero denominatur Argus cæruleus minimus.

Nº. VII. Aranea ex Capite bonæ spei tricolor, ventre amplissimo crenato.

Notandum, Thorax & caput castanei coloris, pedes eodem colore perfusi sunt, nec non maculis subnigris quadrangularibus, dorsum autem nivei coloris lineis transversis nigricantibus gaudet, venter margine crenatus ac eleganter est variegatus instar marmoris, id quod visum allicit, imo & illorum, qui alias abhorrent ab Araneorum adspectu.

Nº. VIII. Jaculatrix Indiæ Occidentalis, exilis, à capillo dependens, hæc ore aperto inhiare videtur foetui Gliris sylvestris Americani, bulgam gerentis in imo ventre, pro foetuum introitu,

troitu , ut & exitu : in illa bulga reperiuntur Mammæ & Papillæ, quas fugendo arripiunt foetus.

Not. Dictam Jaculatricem optimæ esse notæ , ejusque gesticulationem ita per artem esse formatam , ut eam tanquam vivam , & naturaliter prædæ inhiantem , repræsentet.

Nº. IX. Serpens Americanus bicolor , ramulo Jasmini Afric. Illicis folio , floribus albis *C. Commel.* interpositus est , & foetui incogniti quadrupedis , Animalculi sylvestris Americani , exiguo & albissimo , inhians.

Nº. X. Scorpius Africanus niger , magnitudine Cancrum Germanicum fluviatilem majorem æquans , in liquore limpidissimo conservatus , super phialæ operculum reperitur fasciculus plantarum , florum & fructuum ; inter quæ reperiuntur , præter prædicta , Absynthium Seriphium marinum.

Frutex cinereus Africanus. *Breyn.*

Alsine , rara non descripta.

Laurus Africana , Querci folio. *C. Comm.*

Filago Indiæ Orientalis. *Nobis.*

Baccæ Cinamomi tam perfectæ , quam imperfectæ.

Achmellæ capitulum , feminibus onustum.

Abrus. &c.

Hisce insident sequentia insecta. Cochinella rubra nostras , multis maculis nigris notata.

Curculio. *Pettiv.*

Erucæ albæ , maculis nigris quadrangularibus præditæ , mihi , Ribesii helluones ; quoniam Ribesii nigri folia devorare assolent ; dictæ Erucæ tam nitide præparatæ , ut adhuc vivere videantur , ne gesticulatione reptatrice quidem neglecta.

Nº. XI. Serpens exiguus Africanus nitens , lineis albis & nigris secundum longitudinem ductis , cum autem per herbas Africanas serpere soleant , addidi ramum Ficoidis Africanæ , folio triquetro minori.

Supra infimam herbæ partem reperitur quoque Bufo parvus cinereus , maculosus , cujus dorsum lineâ albâ notatur : hic ore aperto & distento Serpentem arripere videtur.

In operculi fastigio reperitur compages , seu fasciculus florum & seminum , inter quæ sese videnda quoque exhibent , semina anisi stellati , ut & insecta , inter quæ Scarabæus minor nitens.

Nº. XII. Serpens exiguus Indicus, ore detinens Pisciculum parvum coloris argentei, ex iisdem oris.

Nº. XIII. Eruca Africana crassa & rara, & capite & anterioribus pedicellis coloris fusci, corpore nigro, dorso tuberculis brevissimis & crassiusculis, ceu spinulis, prædito; quorum tuberculorum duo in utroque latere aureo colore splendent, quasi specula exigua, pone caput vero duo processus spinosi bifidi quoque visui sese offerunt: huic insecto adstat ramulus Africanus, floribus onustus.

Supra operculum visuntur inter alios flores, Millefolium Africanum, flore luteo, Thlaspi Halimi folio, flore albo, &c.

Nº. XIV. Phiala sicca, in qua conservatur Turdus Indicus versicolor.

Operculum phialæ ornatum est fasciculo flosculorum, & fructuum, inter quæ fructus Arizari, angusto folio.

Mundubi Pisonis.

Squamma sericea, villosa nigra Scolymocephali Africani.

Glandes Turcicæ, cupulis spinosis, seu asperis.

Flores Reginæ prati.

Fructus Euonymi Virginiani latifolii.

Rhus Afric.

Corruda Africana.

Oryza Indica.

Musculus clavatus. *Dod.*

Ferri Equini filiqua.

Trichomanes.

Centinodia, floribus argenteis.

Tanacetum Africanum odoratum.

Juniperus Africana &c.

Nº. XV. Cerastes Ceylanicus, cinereus, & maculosus, supra ocellos, veluti duo corniculæ gestans: in eadem phiala innatare videtur Pisciculus Africanus cinereus, barbatus, quatuor lineis albis longitudinalibus præditus, estque de genere Bagre *Marcgr.*

Pone dictas phialas reperiuntur varia balsamo indurata, & ita præparata, ut statum naturalem & vitam haud amisisse videantur.

Nº. XVI. Lacerta Americana; hæc ore suo detinet prædam suam, nempe Crabronem Africanum rubrum, maculis nigris notatum.

Nº. XVII. Spinosa Lacerta Africana, corpore squammoso, aspero, & cauda spinosa.

Nº. XVIII. Echinomelocactus Americana, spinis brevioribus; cum autem è rupibus emergere soleant, rupi imposui, super quam quoque reperiuntur rami Litophyti Africani.

Nº. XIX. Echinus marinus Turcicus, cum suis longissimis nigris pinnis.

Nº. XX. Thlaspi, Rosa de Hiericho dictum, *Moris.* seu Rosa Hierichontina vulgò. *C. B.*

A S S E R II.

Nº. XXI. **S**erpens exiguus Americanus albus, eleganter maculis nigris notatus; hic, capite sursum erecto, Pisciculum Africanum argenteum, planum & rotundum, lineis quatuor latis, nigris, notatum, videtur captare.

Phialæ operculum ditatum fasciculo plantarum, quas inter, præter præcedentes, quoque reperiuntur Ramusculi, sc. Musci arborei exotici, qui excreverat ex arbore, ad sex circiter ulnarum longitudinem.

Equiseti Africani, flosculis luteis.

Campanulæ Valerianoidis, &c.

Nº. XXII. Serpens Americanus exiguus, albus, lineis undulatis transversalibus, castanei coloris, præditus, estque è genere eorum, qui male dicuntur, & perperam habentur pro bicipitibus, nam uno tantum præditi sunt capite.

Nº. XXIII. Phiala duos continens Pisciculos Africanos, rarissimos, quorum inferior Piscis Africanus lobatus à me dicitur, quia lobum planum, pro pisciculi magnitudine, satis magnum, inter caput & abdomen dependentem, habet; hic pisciculus ex castaneo & albo colore variegatus, nullisque squammis præditus, attactu subasper.

Superior verò Pisciculus ob gutturis extensionem Gutturosus à me dictus, exiguis squammis superbiens, coloris argentei; cum autem à capillo dependeat, pinnaeque habeat expansas, liquori innatare videtur, modò nonnihil moveatur phiala, in qua continetur.

Africa quoque produxit hunc piscem.

Nº. XXIV. Rana Americana, colore marmoreo eleganter colorata, & in liquore conservata.

Nº. XXV. Eruca Americana maxima, pilosissima, suntque pili longissimi, colore ex nigro & albo variegati, ac dense stipati, ceu in cane aquatico, itaque, ne nomine, quo adhuc destituta est, diutius careat, à me vocabitur Canis aquaticus.

Notandum præterea, quod ramo arboris Nucis Moschatæ insidet, & tali quidem gesticatione, quasi folia devoraret.

Nº. XXVI. Piscis Africanus planus, albus, octo, novemve lineis transversis nigris gaudens, estque è genere eorum, qui in præcedenti *Clip-Visch* denominatus est.

In fundo phialæ reperitur quoque Serpens exiguus Americanus albus, eleganter maculis nigris notatus.

Nº. XXVII. Eruca Americana, pilis longissimis obsita, in quorum fastigio tuberculum apparet, instar ovorum pediculorum; hi autem vix apparent, nisi oculis armatis.

Operculum, ut antecedentia, gaudet inter cetera quoque flore arboris Coral. ramusculo Arbusculæ portoricensis lactescentis, foliis Quercinis, spinis geminis ad singulorum foliorum exortum, exasperatæ, *Kiggelarii*, Botanici expertissimi; præterea gaudet foliis & semine Abrus *Alpin.* seu Piso fructu cocci-neo minore *C. B.* ut & flore Croci verni latifolii flavi *B. Pin.* ante quinquaginta annos à me carpto, & etiamnum colore vivido prædito.

Nº. XXVIII. Lacerta Africana, gutturosa, vel bulgam gerens à me dicta, eleganter lineis & maculis nigris notata. Hæc, gutture in magnam molem extenso, ita præparata, ut vitam amisisse non videatur.

Nº. XXIX. Phiala sicca, & in illa, Avicula Amboinensis rarissima, tricolor, in totum, sc. cum Carne & Ossibus, ita conservata, ut in vita adhuc superstes esse videatur.

In fundo Phialæ reperiuntur flores Tanaceti Africani, floribus decuplo minoribus. *C. Commel.* collegæ conjunctissimi.

Nº. XXX. Loligo cum suo Ovario & foetibus imperfectis.

Not. in fundo phialæ in conspectum venit portio Ovarii cum suis innumeris ovulis; præterea à capillo dependet pars Ovarii, in qua conspiciuntur innumeri embryones Loliginis, quæ eous-
que

que pervenerunt, ut illarum ocelli luculenter videri possint.

Operculum obsitum est ramulis aliquot plantarum marinarum, scilicet Millefolii marini fruticosi, Spongiæ marinæ ramosæ, Lithophyti, Fuci porosi, Tabulariæ. Vid. Tab. II. Fig. 1.

Nº. XXXI. Serpens Africanus cæruleus, in dorso linea alba notatus, hic inter ramum Erucae Monspeliensis filiquâ quadrangulâ echinatâ *Moris.* positus, ore detinet Testiculum Gliris dissolutum.

Inter plantulas & fructus, super operculum phialæ positos, reperiuntur quoque Caryophylli Regii. *Wormii.* Milium Indicum subflavum.

Nº. XXXII. Eruca Americana maxima, spinosa, cui opposita Opuntia minor spinosa Americana. Huic insidet Aranea Americana cericeo-villosa, rubicundissima; & quod notandum ejusmodi Araneæ hisce in oris non raro quoque à nobis sunt reperiæ, multis partibus tamen minores.

Nº. XXXIII. Rana Indica major, colore marmoreo, quæ inhiare videtur Erucae maximæ Americanæ albæ, lineis transversis nigris præditæ, & gaudenti in dorso tuberculis exiguis, è quibus minutissimi pili nigri, stellæ in modum dispositi, prodeunt.

Nº. XXXIV. Serpens Africanus (linea nigra latissima, serpentino ductu per dorso longitudinem procurrente.

Hic aggredi videtur Scarabæum Americanum, à capillo dependentem.

Nº. XXXV. Bufoni simile Americanum Animal, pedibus posterioribus anserinis Pipa & Pipal, incolis Zurinamensibus, dictum, in cujus dorso plurima visuntur ovula, separatim in suis cellulis, ceu utriculis recondita, è quibus tandem foetus emergere in confesso est.

(Not.) In hoc objecto dorsum à me esse apertum, ut expiscarer, an ova ex abdomine emergant, & in dorso tantum appareant & propullulent; contrarium autem in hoc animali liquet: in illis enim nullam communicationem reperire potui cum partibus internis abdominis; cutis dorso verò, plurimis cellulis ceu utriculis donata, ova continet, idque sub operculo seu scutella duriuscula, quâ ablatâ, ova nuda apparent. Vide T. II. Fig. II. & III.

Sunt mihi varia ejusmodi objecta, ex utraque India allata, alia enim in dorso sunt cinerei, alia pulli ac nigri coloris, nonnulla ovulis referta, varia in dorso foetibus onusta, quorum omnium figuræ in publicum prodibunt, si Deus Ter Optimus Maximus mihi vitam & vires porro dederit.

Dictum animal plures ante annos ex America transmissum, primò intravit Musæum Instructissimum Amplissimi Consulis NICOLAI WITSEN, rerum curiosarum investigatoris indefessi.

Nº. XXXVI. Orbis Curacaoviensis, nigris punctis præditus. Hic, liquori innatans, tam bene conservatus est, ut adhuc vivere, ac in liquore natare videatur.

Nº. XXXVII. Cochlea magna alba, seu Buccinum ex Oceano magno, in cujus dorso adnatum insectum marinum, Mamma marina, ob similitudinem, à me dicta, & in fundo phialæ continentur quoque duo objecta marina, pellucida quinis zonis opacis, ut & capite rotundo prædita, nec non Holothurius triangularis transparens.

Operculum præterea ornatum Lithophyto quodam, cortice purpureo; huic insidet pisciculus Africanus planus, corniculo longo in dorso præditus, estque è genere Caprisci. *Rondeletii.*

Nº. XXXVIII. Pisciculus Guinensis, argenteus, planus, ex genere *Mucu* Brasiliensibus dictus. *Marcgr.*

Præterea parte superiore à seta dependet quoque pisciculus è genere Bagre, ut Nº. XV.

Nº. XXXIX. Serpens Indiæ Orientalis, tricolor, eleganter ex rubro, nigro, & albo coloratus.

Nº. XL. Serpens Indiæ Occidentalis bicolor, exiguus.

Nº. XLI. Elegans avicula Capitis bonæ spei, rostro longo, adunco, recurvo, nigro, pectore sanguineo, nigro, cæruleo ac viridi fulgente colore; estque è genere *Tomieio* *Marcgr.*

Hæ aviculæ alimentum supra flores volando quæritant, uti Ourussæ, idque lingua longissima bifida.

Inter digitorum ungues continentur foliola *Æschynomenes* spinosæ, seu herbæ vivæ, quæ planta peculiare quid habet, scilicet, si quis digitis aut bacillo folia tetigerit, complicantur non

non solum illa illico, verum etiam ramulus nutat versus terram, & sic vivere videtur vita animali; hinc dicitur quoque herba viva vulgo.

Avicula quoque ita balsamo est præparata, ut adhuc vivere videatur, ossiculis, carne, & cerebro non exemptis.

Nº. XLII. Eruca magna Americana bicolor; à seta dependens; & ita præparata, ut actionem reptatricem retinuerit.

Nº. XLIII. Caput avis Africanæ, quæ Flamengo nominatur.

Nº. XLIV. Rupes parva, ex Conchyliis Indicis & ramusculis marinis confecta.

Nº. XLV. Pisciculus Ceylanicus reticulatus, quadratus, minimus, nigrisque maculis notatus; hic magnitudine tesseram mediocrem haud excedit, punctis nigricantibus, seminis sinapi nigri magnitudine, per totum corpusculum ordine dispersus. Vid. Tab. III. Fig. I.

Nº. XLVI. Conger Americanus rufus, venenatus, minor, lineis albis & maculis quasi characteribus Arabicis perpulchre inscriptus: à seta in eadem phiala quoque dependet Cancellus Americanus.

Nº. XLVII. Serpens exiguus Americanus, maculis coloris castanei eleganter notatus, ut & Locusta ex iisdem oris alata.

Nº. XLVIII. Avicula Curacaoviensis, Ourussia dicta, lucido, viridi & aureo fulgenti colore, ut & rostro nigro, recto, acuto prædita: hæc, utpote ex florum dulcedine victum quoque quæritans, reperitur insidere ramulo Cichorei spinosi.

Nº. XLIX. Eruca marina, pilis lateralibus aureis, cæruleis, viridibus, iridis instar fulgentibus, prædita, vocatur quoque Histrix marina. *Rhed.*

Nº. L. Serpens Americanus bicolor, egregie ornamentum æmulare, quod mulieres gestare solent, (*Belgice Brazelette*) repræsentans, hujus corpore insidet exiguum animalculum venenatissimum, Gekko ab Indis dictum, idque propter sonitum, quem edunt, scilicet Gekko, Gekko.

Nº. LI. Rupes minima, ex variis Indicis Conchyliis & aliis rebus marinis confecta.

Nº. LII. Rana Americana, colore subnigro & lineis duabus al-

albissimis à capite ad crura usque notata ; crura autem sex maculis albissimis superbiunt.

Huic affidet Lacerta Africana , colore fusco-cinereo , duabus lineis albissimis secundum longitudinem , ut & cauda flava instructa.

Nº. LIII. Piscis Ceylanicus lobatus , *Acaruana* dictus , quatuor lineis longitudinalibus , à capite ad caudam usque decurrentibus , instructus.

In eadem phiala , conspiciendam sese quoque exhibet Anguilla argentea Americana.

Nº. LIV. Piscis Africanus planus , colore fusco cinereo , quatuor zonis albissimis ditatus.

Nº. LV. Rupes exigua tertia , ex Conchyliis Indicis & aliis rebus marinis , ut in præcedentibus , confecta.

Nº. LVI. Jaculatrix , seu Serpens Americanus tenuissimus , supra quem dependet Eruca crassa , ex iisdem oris.

Nº. LVII. Eruca Americana crassissima & maxima , quæ sæpe numero reperitur in frondibus Palmitarum , & Chamæriphis ; quamvis autem Incolæ hanc Erucam (ob noxam , quam arboribus infert ,) Palm-miet Worm vocarint , tamen nil nocent stomacho eorum , qui Erucam illam esitant , & in deliciis habere assolent Incolæ.

Nº. LVIII. Rana Americana , ex castaneo & albo colore variegata.

Nº. LIX. Serpens exiguus bipes Africanus , lineis longitudinalibus albis & cinereis donatus ; in eadem Phiala à capillo dependet Pisciculus varius instar marmoris , ex iisdem oris.

Nº. LX. Orbis Africanus , sex lineis nigricantibus in dorso : in phialæ fundo reperitur quoque Stella marina.

Nº. LXI. Serpens Indicus subcæruleus , ore detinens Araneam Indicam variegatam.

Nº. LXII. Phiala in cujus fundo reperitur Rana Americana alba , duabus prominentiis circa clunes prædita : in superiore phialæ parte à seta dependet Pisciculus Indicus marmoreus , qui , pinnis expansis , in liquore quasi natare videtur.

Nº. LXIII. Pisciculus Indicus rotundus , nummularis à me dictus , planus enim ac rotundus est , instar chalci , an autem
majo-

majores reperiantur, hæreo, quandoquidem uno eodemque tempore plures ad me delati sunt ejusdem fere magnitudinis; cum autem per corpus dispersis gaudeat paucis tuberculis asperis, formamque rotundam habeat, Orbis generi videtur accensendus. Vid. Tab. III. Fig. 7.

In Phialæ fundo reperitur quoque Serpens Africanus cinereus.

Nº. LXIV. Phiala ficca, & in ea Avicula Indiæ Orientalis ex cinereo cærulea, capitis vertice nigra, lateribus autem capitis alba: inter ungues pedum retinet ramum Pimpinellæ spinosæ.

Nº. LXV. Rana Americana cinerea, tribus albis lineis latis, secundum corporis longitudinem decurrentibus, ac pedibus marmoreis prædita.

Nº. LXVI. Lacerta Indiæ Orientalis pugnax, dorso ferrato, Chamæleontis capite, colore dilute cæruleo, lineisque ceu zonis albis donata: hæc insidet ramo Plantæ Lactariæ Africanæ. *Job. Commelini*. Hort. Amlt. p. 1. dum viveret Senatoris hujus civitatis, ac de studio Botanico bene meriti.

Nº. LXVII. Chamæleon Africanus, cinereo marmoreus, insidens ramo Acaciæ spinosæ Africanæ, hujus lingua admodum longa, & proboscidis aut lumbrici forma exserta, in sui extremo, ceu acetabulo, muco in vivente madido, arripit splendens Scarabæolum, sicuti viventes facere assolent.

In operculi fastigio præter ceteros flores reperitur quoque Mollugo, Erica, Amaranthus spica pendula, Milium Indicum rubrum, Laurus Africana, Querci folio. &c.

Nº. LXVIII. Salamandra terrestris, maculis luteis distincta.

Nº. LXIX. Pisciculus Ceylanicus, cucullatus à me dictus, pone caput enim è nucha cuculla prodit, pinnarum hujus piscis extrema, pulla sunt.

Nº. LXX. Pedamentum exiguum, ex ligno Juglandis confectum, cui imposita est rupes, ex variis purificatis conchyliis exiguis, & ramulis marinis confecta.

Nº. LXXI. Psittaci minoris sceleton nitidissimum, inter cujus pedicellos osseos continentur duo sceleta vegetabilia, (ut ita dicam) quorum 1. sceleton est calycis floris Hyoscyami, cujus membranulis in totum destituitur, relictis tantummodo

nervulis, ita ut reticulum repræsentet, alterum verò est sceleton folii Alni, texturam ramulorum venosorum humanorum perbelle repræsentans.

Nº. LXXII. Phiala sicca, & in ea, Avicula Ceylanica croceo colore, unde Crocea dicta *Herm.* in Mus. Ceylan. Khacurullo Ceylanensibus.

Hæc balsamo ita condita, ut non solum caro & ossa, verum etiam viscera in corpore remanserint, & sic nativam faciem retinens, ramo Cichorei spinosi fruticosi insidet.

Nº. LXXIII. Holothurius Ceylanicus Velivolans. in *Herm.* Mus. Ceyl. descriptus. Zoophytum venenatissimum & causticum per summa maris Indici velificans, expansam sed vacuum vesicam referens, parte superna quasi velo, inferna multis longissimis filamentis quasi remis instructum.

Nº. LXXIV. Lacerta Africana nitidissima, lineis longitudinalibus nigris & albis, pedes autem, ut & venter, albis maculis superbiunt. Dicta lacerta insidet fructui Opuntiae spinosae majori.

Nº. LXXV. Orbis Africanus cauda bicolori, eaque simul cum pinnis expansa, naturalem & viventem repræsentat piscem: Supra caudam gaudet zonis nigris, corpus autem, dorso excepto, donatur punctis nigricantibus.

Nº. LXXVI. Cochlea marina Indica cum limace, pro proportionem cochleae, admodum magna; præterea phialae fundus Corallina officinarum, ut & Corallina capillaceis ramulis obfitus est.

Nº. LXXVII. Alcyon, seu Alcedo Africana, Avicula formosissima, à cujus capite, posteriora versus, propendent plumæ longissimæ ex cæruleo & nigro eleganter variegatae: Inter illas aviculas Africanas reservo quoque nostratibus longe minores.

Nº. LXXVIII. Pedamentum minus, ex nucis Juglandis ligno confectum, super quod rupes, ex Conchyliis parvis Indicis purificatis confecta.

Nº. LXXIX. Amphisbæna Americana ex albo & nigro variegata: ejusmodi Serpentes bicipites, seu Amphicephalas; nominantur, sed falso; cum unico tantum gaudeant capite; potius itaque nominandi essent Serpentes cauda crassa,
vel

vel Serpentes utrimque-gradus à reptatu, quo gaudere dicuntur.

Nº. LXXX. Aranea Indiæ Orientalis coloris castanei, corpus oblongo rotundum, pedicelli anteriores longissimi, imo ceteris longiores, crassiores, atque ab una parte pilosi: horum extremitates in spinas recurvas, sicuti cancrorum pedes anteriores in chelas desinunt: illarum dentes coloris sunt nigricantis, splendentes, arcuati, & in acumen desinentes, non absimiles illorum, quibus Phalangii gaudent. Præterea hoc habet peculiare, quod omnes juncturæ macula alba gaudeant.

Nº. LXXXI. Tatu-Apara *Pison.* & *Marcgr.* seu Armodillæ foetus, digitum minorem longus, coloris albicantis, adhærens ramo Ficoidis Africanæ, foliolis crassis, brevibus, angulosis, spinosis. Vid. Tab. I. Fig. 1. hujus Thes. I.

Nº. LXXXII. Salamandra aquatica magna.

Nº. LXXXIII. Foetus Rajæ, in sua cinerei coloris testa majore (perperam Mus marinus dicta.) Sunt mihi harum testarum diversæ species, scilicet maximæ, ac cinerei coloris, ut & nigræ, nec non minores nigræ planæ, oblongo rotundæ, ut & coloris subflavi, & nigri, cum annexis fibrillis aut ligulis: quales autem Rajarum species, quæ plurimæ reperiuntur, ex istis omnibus producuntur, nondum mihi constat. Vid. Tab. III. Fig. 3.

Nº. LXXXIV. Testa Rajæ cinerea major, in qua foetus Rajæ ita adhuc hæret, quemadmodum ego illum post Testæ apertionem inveni.

Nº. LXXXV. Testa Rajæ cinerea major, ex parte aperta, ut ovum, in ea contentum, cerni possit.

Nº. LXXXVI. Testa Rajæ cinerea major, ita præparata, ut superficies ejus interior, sericum coloris aurei repræsentans, in conspectum veniret.

Nº. LXXXVII. Portio ovarii Rajæ, in liquore conservata; mirari subit videre, quanto numero in uno ovario reperiuntur ovula. Hinc Doctissimus D. Franciscus Bossuetus sequentes construxit versiculos, in suo libro de Natura Aquatiliū. fol. mihi 140.

*Si quis Rajarum nusquam conspexerit ova,
Dirigat huc oculorum ille suorum aciem,
Nam fecunda parens Rajis natura creandis,
Ostentavit opes lata subinde suas.*

Nº. LXXXVIII. Supra huncce Thesaurum reperitur quoque Spongioides, ramosissima, oculata, à me ita dicta, propter ramulos densissime stipatos, foveas exiles, & spongiæ affinitatem. Huic adhæret Cancer Pagarus *Rondeletii* dictus, super cujus dorsum connati sunt Balani magni.

Nº. LXXXIX. Phiala in liquore continens Piscem Ceylanicum fuscum, maculis albissimis, ordine secundum longitudinem piscis ad caudam usque sitis.

In fundo phialæ conspicitur quoque Urtica marina rarissima, pyramidalibus acuminatis signaturis, castaneæ coloris stellæ in modum orbiculatim positis, prædita.

An *Urtica rarior*, *Velella dicta*. Fab. Columnæ?

Supra operculum posita sunt Conchyliia Indica, rupis instar concinnata, quæ inter ramuli marini Indici locantur, scilicet Corallii albissimi Amboinensis, fragilis, Corallii albi, valde similis cinamomo Saccharato tenuiori, Belgicè, *Kaneel kapittelstokjens*, dicto, etiam ramuli Sargossa cum fructibus, Musci marini Amboinensis, substantiæ corneæ.

Super hæc omnia etiam collocatus est Pisciculus Amboinensis cornutus, coloris aurei. Vid. Tab. VII. Fig. 1.

Nº. XC. Brachium infantis, in liquore limpidissimo conservatum, naturali & vitali colore præditum, cujus manus continet, & nobis monstrare videtur Testudinis marinæ ovum fecundatum; quo ab una parte aperto, foetus caput, ut & brachia anteriora, ex ovo emergentia, videntur.

Quamvis autem illud magnitudine conveniat cum ovo gallinaceo, cortex tamen neutiquam est lapideus, quemadmodum in Gallinarum, aut Crocodilorum ovis.

Operculum Phialæ quoque obsitum est Conchyliis rarioribus, ex Asia & Africa allatis, inter quæ emergunt ramuli marini Indici, scilicet.

Litophyti nigri Amboinensis.

Mu-

Musci marini ex iisdem oris.

Corallii rubri tubulosi.

Sargasso cum fructibus, &c.

Pisciculus Amboinensis volans, & totus fere osseus, iis exceptis locis, ubi pinnæ emergunt: cum autem undique sit oblitus tuberculis osseis, ne palpebris quidem exceptis, à me dicitur Pisciculus Amboinensis volans osseo-tuberculofus, proboscide ferrata. Vid. Tab. VII. Fig. 2.

Nº. XCI. Phiala in liquore conservans Buccinum Guinense papillatum majus, cum sua Limace, magnitudine Buccinum ipsum superante, & quasi in duas partes divisa. Vid. Tab. VI. Fig. 1.

Operculum quoque præditum est conchylis & ramulis marinis, in rupis formam concinnatis, inter quæ Pisciculus triangularis gibbosus, ab omni latere spinis brevissimis præditus.

Inter marina etiam conspici possunt, Lithophytum Amboinense nigrum.

Corallium album fragile ex iisdem oris.

Lenticula marina foliis ferratis. *Lob.*

Conchæ anatifæræ exiguæ.

Lenticula marina. *Serap.*

Tubuli contorti, &c.

Nº. XCII. Crocodili foetus, in liquore conservatus;

Cum autem homines insultare & devorare valeant Crocodili adultiores, hunc in finem ori indidi foetus humani Hepar, artificiosissime præparatum, scilicet omnibus vasculis sanguineis, encheýresi mea, repletis, ita ut rubedine summa, ad extremum usque, sit infectum dictum Hepar.

Supra operculum, inter flores, reperiuntur quoque herbæ & fructus, quorum nonnulla manducata non minus quoque homines interficere valent, utpote perniciofa, quæ nosse omnibus utile, scilicet folia Aconiti flore cæruleo, cujus radicem nuper in urbe nostra comederat bajulus quidam, esse existimans Apium, *Selerey* dictum, unde paucis post horis vitæ finem fecit.

Ut & fructus Daturæ, cujus semina sub climate nostro quoque mortem producere valent, id quod expertus sum,

præsertim si femina in tenera ætate plus justo devoraverint pueri.

In vico, vulgò *de Bloem-straat*, dicto, abhinc aliquot annis hortulanus quidam, hortum cujusdam civis purgaturus, integram plantam *Daturæ*, simul cum ceteris herbis conjecerat ante fores : duo pueri sustulerant dictam plantam, semenque comederant, horum unus brevi post vitam cum morte mutabatur, vocatus ad alterum, post remediorum usum, convaluit.

Fructus, seu semina *Cicutariæ* succo viroso hominem quoque posse occidere, exemplum mihi præbuit Chirurgus meus, cum degerem Hagæ-Comitis, qui cum Medico quodam hortum quendam intraverat, & cum neuter illorum plantarum gnarus, ambo comederant dictæ herbæ radicem, unde & ambo cruciabantur dolore abdominis; Chirurgus autem brevi magnas passus convulsiones moriebatur, itaque satius fore existimo ejusmodi plantis hortos (Medicis exceptis) privare, quam ornare.

Cum autem hanc plantam, multos ante annos mihi demonstraret Dominus Franciscus Kigelarius, Botanophilus, ac de studio Botanico optime meritis, accepi ab illo hujus plantæ semina, & sic in horto nostro Medico terræ commisimus, & sic planta dicta adhucdum in eo viget.

Cum autem analogiam habeant hujus plantæ folia cum *Apio* aquatico; dehortor spectatores, quando sermonem habeo de plantis umbelliferis, ne ori admoveant ad comedendum.

F I N I S.

EX-




Fig. I.




Fig. II.




Fig. III.




Fig. IV.




Fig. V.




Fig. VI.




Fig. VII.







Fig. II.






Fig. III.







EXPLICATIO FIGURARUM.

TAB. I. FIG. I.

Phiala sicca, Aviculam continet Zeylanicam quadricolorem, sedentem supra Carduum minimum. Prosp. Alpin.

- A. Avicula.
- B. Carduus dictus.
- C. Fasciculus flosculorum.
- D. Papilio Turcicus versicolor, alis posterioribus longissimis stramineæ latitudinis.

FIG. II. *Ostendit in liquore fœtam Armodillæ, magnitudine digiti minimi.*

- A. Armodillæ fœtus.
- B. Ramulus Ficoidis Africanæ, foliis brevibus, crassis, angulosis, spinosis, margine sinuosis.
- C. Fasciculus florum.

TAB. II. FIG. I.

In liquore limido demonstrat Loliginem, cum particula Ovarii, fœtibus onusti.

- A. Portio Ovarii, fœtibus onusti.
- B. Loligo.
- C. Minima portio Ovarii, ovulis referti.
- D. Fasciculus ramulorum marinarum.
- E. Pisciculus, Abacatuia Brasiliensis dictus.

FIG. II. *Acus marina Amboinensis undique spinosa.*

FIG. III. *Phiala in liquore con-*

tinens Percam Amboinensem volentem pinnis longissimis.

- A. Perca Amboinensis.
- B. Piscis militaris.
- C. Fasciculus ramulorum marinarum.

TAB. III. FIG. I.

- A. Pisciculus Zeylanicus reticulatus, quadratus, minimus, nigrisque maculis notatus.

FIG. II.

- AA. Fœtus Rajæ extra testam, parte supina visus.
- BB. Complicationes laterales, uti in testa, visui occurrunt.

FIG. III.

- A. Fœtus Rajæ prona parte visus, & in testa sua maxima parte adhuc contentus.
- B. Fœtus Rajæ.
- C. Testa.

FIG. IV.

- A. Testa.
- B. Apertura.
- C. Ovum fœcundatum.
- D. Superficies testæ exterior circumflexa, ut fibræ sericeæ videri possint.
- E. Fibræ sericeæ.

FIG. V. *Portio exigua Ovarii Rajæ, in qua ovula adhuc exigua & non fœcundata conspiciere licet.*

FIG. VI.

- A. A. Ovum Rajæ fœcundatum, e testa desumptum.
- B.

B. B. Ovi membranæ circumflexæ.

FIG. VII. *Pisciculus Indicus*, rotundus, spinosus & planus, Nummularis à me dictus.

TAB. IV. FIG. I.

Congeries Conchyliorum & ramulorum marinorum. &c.

FIG. II. *Bufoni simile animal Americanum, Pipa & Pipal Indigenis dictum, pedibus posterioribus anserinis.*

A. Pipa.

B. B. Fœtus è dorso emergentes.

C. C. Cavitates, seu utriculi, è quibus exierunt fœtus.

D. D. Calyces adhuc cooperti suo operculo, sub quo fœtus occultantur.

FIG. III. *Phiala in liquore continens aliam Pipam, cujus dorso à me aperto, conspici potest scilicet neque ovula, neque fœtus commercium habere cum abdominis cavo.*

A. Pipa.

B. Fœtus sub calycibus, seu utriculis, adhuc occlusi, ita ut nondum in conspectum veniant.

C. Calyces, seu utriculi, è quibus exiere fœtus.

D. Dorli vertebræ.

E. Substantia musculosa.

F. Portio cutis circumflexa.

G. *Congeries conchyliorum & ramulorum marinorum, per quæ repunt fœtus Pipæ.*

TAB. V. FIG. I.

Spongioides ramosissima marina oculata, super rupem posita.

FIG. II. *Denotat Cancrum marinum, Pagurum Rondeletio dictum, hujus dorso connati sunt.*

FIG. III. *Balani albi, nucis moschatae magnitudine.*

FIG. IV. *Rupes, cui insident supradicta.*

TAB. VI. FIG. I.

Indigitat Buccinum Guienense papillatum majus cum sua Limace.

A. Papilla.

B. Limax.

C. Limacis apertura.

D. *Pisciculus Amboinensis triangularis, gibbosus, osseus & lateribus undique spinosus.*

FIG. II.

A. Ovum Crocodili fœcundatum, ab una parte apertum, ut fœtus ex parte videri possit.

B. Caput fœtus.

C. Membranæ ovi.

D. *Quercus Marina, cujus ope Ovum loco suo continetur in phiala.*

E. *Echinus marinus Cap. Bonæ spei, spinulis miniatis præditus.*

TAB. VII. FIG. I.

A. *Piscis Zeylanicus fuscus maculatus.*

B. *Urtica marina.*

C. *Signaturæ pyramidales acuminatæ.*

D. *Filamenta, seu Remi, quibus expansis natare valent.*

E. *Pisciculus Amboinensis cornutus.*

F. *Sinus angustus, in quo cornu sese insinuat.*

FIG. II. *Denotat Brachium Infantis, in liquore conservatum, in cujus manu continetur ovum fœcundatum Testudinis marinæ.*

A. Brachium Infantis.

B. Ovum.

C. *Caput & pedes anteriores testudinis marinæ.*

D. *Pisciculus Amboinensis volans, osseo tuberculofus, proboscide serrata.*





Fig. I.

Fig. II.



Fig. I.



Fig. II.



J. M. Ver. ad vivum sculpsit

FREDERICI RUYSCHII

Anatomiae & Botanices Professoris

THESAURUS
ANATOMICUS
PRIMUS.

Cum Figuris æneis.



AMSTELODAMI,

Apud JANSSONIO-WAESBERGIOS.

M, D, C, C, XXXIX.

FREDERICK RUTSCHKE

Author of "The Anatomy of the Human Body"

THE ANATOMY
OF THE HUMAN
BODY

NEW YORK



W. B. SAUNDERS

PHILADELPHIA

1891

AD LECTOREM.



Nus jam agitur trigesimus sextus, postquam Auctores Anatomicos perlegere incepi. Cum autem plurima in illis offenderem, quæ mihi obscura viderentur, neque per figuras satis accuratè depicta; cultum Anatomicum ipsemet arripui, eique varia, non solum humana, verum etiam brutorum cadavera subjeci, ne equorum quidem & boum parcendo, quo minutia luculentius in oculos incurrerent.

Cum interim varia carnosæ, iisque molliora (uti cerebrum &c.) occurrerent, quæ conservatu digna viderentur, conservandi ars summopere animum meum defatigavit. Et jam mihi videbar conservandi methodum invenisse laudabilem, cum tamen opinio brevi post me fefellit. Tunc denuò alia via rem aggrediebar, quæ cum & ipsa pariter me deluderet, torsi animum per plurimos annos, donec tandem eam invenî artem, qua, ut opinor, patebit, non solum partes carnosas, verum etiam Cerebrum, imò integra cadavera, omnibus visceribus instructa, per plura secula, & forte perpetuò incorrupta conservari posse.

Sunt mihi parvula cadavera, à viginti annis balsamo munita, quæ tam nitidè sunt conservata, ut potius dormire videantur, quam exanimata esse corpuscula.

Interim ab eo tempore, quo operam posui in sectionibus cadaverum, varia vasa, sc. Arterias, Venas, Lymphæ-ductus, Nervos, variasque partes, corruptioni minus subjectas, conservare mihi haud difficile fuit. Et

fic temporis successu, in tantam excrevit molem messis isthæc, ut integrum conclave eam recipere haud potuerit; & sic alterum, & tandem tertium, mihi assumere coactus fuerim, pro repositione rerum Anatomicarum.

Quia autem continuè Anatomica tractare taedium plenum fuisset, interpolatis vicibus, animum quoque à juventute mea appuli ad studium Botanicum, plantasque tam indigenas, quam exoticas, non sine magno labore, tanto numero collegi & nitide conservavi, ut parvo quoque ad eas indigerem conclavi. Ne quidem hisce animum satiare potui, quare ulterius eum alere coactus fui perscrutinio exoticorum Animalium, Piscium, Insectorum, &c. tam Balsamico liquori innatantium, quam exsiccatorum, quibus jam quoque integrum replevi conclave.

Hisce (favente Numine Divino) peractis, hac gravitate, aliâ incedere viâ, quietioremque horulam quærere mihi animus est; ut Deo Ter Opt. Max. gratias agere queam, pro summo in me collato favore: quod mihi tantum temporis concesserit, ut hæc omnia perficere potuerim.

Interim petitioni nonnullorum satisfacturus, Coronidis loco, Catalogum omnium eorum, quæ in Museo nostro reperiuntur, perlibenter publici juris faciam, si Deo Ter Opt. Max. largiorem permittere mihi placuerit vitam.

Quamvis autem parvi momenti esset, integrum Catalogum una vice in lucem edere, satius tamen fore duxi, per partes illud præstare, incipiendo ab iis, quæ in conclavi inferiori reposita sunt. In

A D L E C T O R E M.

In eo conspiciendos sese exhibent duo Thesauri ex ligno Indico confecti; in secundo quatuor majores, ut & Theculæ plurimæ mediocres & parvæ, quarum.

1. Referta est cordibus humanis.
2. Partibus è Pulmone desumptis, ut & integris Pulmonibus & Cordibus, situ naturali observato.
3. Continet partes generationi inservientes è muliere.
4. Varia Intestina Puerorum nitidissimè conservatâ.
5. Turbam Sceletorum multorum Murium, Gliris scelecto insultantium: suntque nitidissimè prædicta scelecta confecta.
6. Placentas Uterinas, & similia. Præterea in dicto loco 4. Thecæ majores reperiuntur ex eodem ligno Indico confectæ, scelecta Juvenum nitida continentes.

Tertium conclave recipit cenataphium, scelectis Puerorum instructum, ut & Thesauros majores octo, in quibus reposita sunt varia Anatomica, nec non varia cadavera juvenum nitidissime à plurimis annis conservata.

Primo jam in lucem edere, quæ in Thesauro primo conclavis primi reposita sunt, mihi animus est, eo consilio, ut singula objecta, & quicquid in iis videri potest, recenseam.

Quæ autem mihi nova sunt, ut & ea, quæ minus rectè ab aliis sunt delineata, per figuras illustrabo, & sic singuli Thesauri proprio gaudebunt Catalogo, figuris aliquot instructo.

A D L E C T O R E M.

Hujus rei fructus in eo constabit. Nemini unquam omnia mea rariora conspiciere licuit, idque propter illorum copiam & temporis penuriam: mihi quoque impossibile est omnia memoriæ meæ mandare, sc. quo in loco hoc aut illud repositum sit, id quod non raro mihi taedio fuit.

Confecto autem Catalogo, illicò invenire potero, ubinam hoc aut illud objectum sit repositum. Si quis etiam Catalogum perlegerit, & aliquid in eo invenerit, quod libenter videret, illi momento satisfieri poterit. Alii delectantur visu hujus objecti, aliis alia magis arrident, & sic omnibus satisfacere conabor, sine notabili temporis dispendio.

Præterea si quis dubitet, num verè ita existant ea, quæ sunt à me delineata, aut demonstrata, dabitur illi occasio videndi, quod non fecêre alii Anatomici, quos inter nonnulli innumeras nobis obtruserunt Chimeras, à veritate non solum alienas, sed in corpore humano nequaquam existentes.

Vale L. B., & laboribus meis, non sine máximo sumtu peractis, fave.

THE-

THESAURUS

ANATOMICUS

PRIMUS.

Ex ligno Indico colore variegato nitidè confectus, in quo sequentia sunt reposita.



Rimò nobis occurrit in fundo lævi lateris Pedamentum ex ligno Juglandis confectum, cui imposita est Rupes artificiosa, ex calculis humanis constans, cujus fundamentum rupes naturalis, tot calculis humanis undique obsita, ut quicquid oculis sese offert, sint meri calculi humani. Vide Tab. I.

Hi ex variis corporis partibus desumpti, diversi sunt coloris, figuræ, magnitudinis & substantiæ. Inter quos

A. A. A. Calculi sunt parvi humani per vias urinarias excreti, quibus Rupes naturalis tegitur, eo præsertim loco, ubi majores calculi rupem obscurare non valent.

B. Calculus humanus Vesicæ, post mortem, à nobis exsectus, formâ manubrii scipionis, quo in eundo innitimur.

C. Calculus à Lithotomo extractus, figurâ fructum Mori imitans.

D. D. Calculi à Vesica urinaria Octogenariæ exsecti, cujus historia admiranda exstat in Observationibus meis Anatomico-Chirurgicis A°. 1691. in lucem editis. Vide Observ. primam. Aegra à viginti annis passa fuerat totius uteri propendentiam, & simul cum illa, Vesicæ urinariæ prolapsus, ita ut Uterum totum cum annexa vesica manibus arriperemus, & palpitando calculos latitare in partibus prolapsis haud dubitaremus; nec falsi sumus. Facta enim incisione, illicò extraximus momento

ten-

8 THESAURUS ANATOMICUS.

temporis calculos quadraginta & duos, quorum forma admiranda in angulis hujus rupis videri potest. Qua methodo inaudita citò fuerit curata, in prædicta observatione videri potest.

E. Calculus è Vesica Urinaria à Lithotomo extractus.

F. Alius eodem modo eductus.

G. Calculus niger è Pelvi post fata excisus, Zingiberis formâ.

H. Alius ex Pelvi, scintillante nigredine obsitus, id quod pluries observatur in calculis illo loco repertis.

I. Alius è faucibus tussi ejectus, postquam æger per plures annos questus fuerat de difficultate deglutiendi.

K. K. Duo calculi per tussim ejecti è Pulmone.

L. L. Duo calculi insignes, Rupes per se mentientes, iique è Vetulæ Mamma post mortem exsecti.

M. Calculus pullus Lithotomi ope extractus, cortice griseo, crassissimo, duroque obsitus.

N. Calculi parvi è digiti articulis mulieris podagricæ. Hi à pilo dependentes, retinentur dextra sceleti fœtus humani quatuor præter propter mensium, huic rupi adstantis. Dictum sceleton sinistra continet & veluti admovet oculis strophium, è membrana tenuissima, myriadibus arteriolarum rubicundissimarum prædita, quo, tanquam flendo, hominum miseras exprimens, Cælum respicere videtur cum inscriptione

HOMO NATUS DE MULIERE, BREVI VIVENS TEMPORE,
REPLETUR MULTIS MISERIIS.

O. Calculus prodigiosæ magnitudinis, Rupis æmulus, post mortem inter defuncti crura, in arca ferali repertus.

P. — Vesica exsectus.

Q. — Alius, major.

R. — Magnus formâ Zingiberis, Pelvi adhuc inhærens.

S. — Magnus, Lithotomi manu ablati, cujus cortex griseus.

T. — Asperrimus, ater, exsectus.

V. Calculi varii nigricantes, post fata è renibus exsecti.

W. Calculus Ureteri inclusus, unde uretere obstructo, vitam cum morte commutavit puella, quatuor circiter annos nata. Quantos autem cruciatus passa fuerit, antequam animam Deo redderet, sine animi motu recordari nequeo.

X. X. X.



X. X. X. *Calculi è Vesica fellea, post mortem exsecti.*

Cæteri omnes aut per vias Urinarias sunt excreti, aut post mortem Velicâ, aut Renibus exempti.

Hisce omnibus interpositi sunt rami arteriosi, foliis nudatæ arboris ramos repræsentantes, qui loco sanguinis cereâ materiâ rubicundissimâ artificiosè repleti, calculos inter se continent, Rupem dictam firmiorem reddunt, visuique gratiam conciliant. Dicti rami arteriosi desumpti sunt ex variis corporis partibus, idque non solùm è corporibus hominum, verùm etiam brutorum.

Huic Rupī adstant tria Sceleta foetuum abortivorum quatuor circiter mensium; de quorum primo superius mentio facta est.

Secundum è regione situm dextra falcem gerit, ictumque quasi minatur, cum inscriptione:

NEC PARCIT IMBELLIS JUVENTÆ POPLITIBUS.

In superiore parte Rupis tertium Sceleton locatum, ejusdem ferè ætatis, dextra gerens funiculum ex margaritis puris exilibus confectum, quem indice sinistræ manus videtur indigitare. Caput sursum erectum est, quasi cœlum adspicere vellet, cum hac inscriptione:

CUR EA DILIGERE VELIM, QUÆ SUNT IN MUNDO?

E Regione hujus Rupis Pedamentum secundum è ligno Juglandis factum, Asperisque Arteriis non solùm humanis, verùm etiam vitulinis instructum. Hujus pedamenti medium occupat pedamentum alterum, ex eodem ligno confectum, cui insident duo Sceleta foetuum abortivorum quatuor circiter mensium; quorum unum gesticulationibus humanas res quasi deridere, & sic DEMOCRITUM repræsentare videtur; alterum verò, dextrâ strophio instructâ & orbitæ dextræ admotâ, HERACLITUM exhibet.

Inscripto primi Sceleti talis est:

CUM TANTUM IN VITA RESTET TRANSIRE MALORUM
LIBER AB HIS LETHO, LÆTUS SINE VOCE TRIUMPHO.

B

Sc-

Secundi :

NOS DULCIS VITÆ EXSORTES, ET AB UBERE RAPTOΣ,
ABSTULIT ATRA DIES, ET FUNERE MERSIT ACERBO.

Not. 1. Strophiolum dictum, ex membranula confectum, innumeris gaudet arteriis rubicundissimis, quarum cursus serpentinus non ineptè opus Phrygium æmulatur, de quo Prophetæ David loquitur Psal. 139.

2. Ossa Cranii striatim accrescere, instar glaciei, in illa ætate, hic palam est.

In anteriore parte Pedamenti supradicti continetur

A. Aspera arteria Vitulina, cereâ materiâ rubicundâ repleta, atque inversa, ita ut arborem ramosam sine foliis representet. Vide L. A.

Not. Ramos ita exsiccavi, ut ferè naturalem retinuerint dispositionem, sc. nonnulli antrorsum, alii retrorsum vergunt.

B. Portio Pulmonis vitulini inflati, exsiccati, & in lamellas fissi, ut vesicularis aut spongiosa Pulmonis substantia se videntem exhibeat.

C. Pulmonis humani portio, eodem modo præparata, ut substantia vesicularis non solum, verùm etiam calculi in Pulmone nati, conspiciantur.

D. Aspera arteria infantis inversa, cum annexis Arteria & Vena pulmonalibus.

E. Aspera Arteria inversa, eaque ex fœtu quatuor circiter mensium.

F. Asperæ Artariæ portio, cereâ materiâ albicante repleta, per quam rami Arteriæ Bronchialis sunt dispersi, eaque è corpore vitulino.

G. Aspera Arteria vitulina, antiqua methodo præparata, & jam à triginta quatuor annis conservata.

Nº. III. Inter dictas duas Rupes, Puellæ trium quatuorve annorum Sceleton repositum nivei coloris, pedamento ejusdem notæ insidens, & peculiari artificio confectum, ita ut non solum maxima ex parte, ligamentis propriis & naturalibus ossa cohaereant, verùm etiam ligamentorum arteriæ cereâ materiâ impletæ sint, unde summa rubedine articuli sunt præditi. Si quis dictos articulos oculis armatis lustret, non solum

THESAURUS ANATOMICUS. II

videndos sese exhibebunt ramusculi capillares, verum etiam iis multis partibus tenuiores.

Not. 1. Pars Capitis ossei superior, proprio Pericranio amicta, tot superbit Arterioli, cereâ materiâ repletis, ut dictum pericranium summa rubedine sit perfusum.

2. Sinistra gerit Ramum Arteriosum splenicum, ex vituli Liene desumptum, cerâ quoque infarctum.

3. A dextra ope fili sericei dependet Cor Pueri, lapidis instar durum, cujus uterque ventriculus expansus cum annexis Auriculis, cereâ materiâ impletis.

4. Dictum Cor instructum Arteriae Magnae trunco, sicuti è Cordis ventriculo sinistro emergit, reservatis naturalibus diametro, forma, & cursu.

5. Quomodo ex Arteriae Magnae parte superiore tres prodeant rami sursum vergentes, sc. duae Arteriae Carotides, ut & Arteria Subclavia sinistra, hic videri potest. Arteriam subclaviam dextram ex Arteria Carotide dextra ortum habere, hic quoque luculenter apparet.

6. Praeterea conspici licet utramque Arteriam Vertebralem A. A. ut & Mammarias internas B. B. prodire ex Arteriis Subclaviis C. C.

7. E sacco membranoso seu Venae Pulmonalis basi, quatuor ramos emergere, hic etiam cernitur : id quod in responsione ad Epistolam Problematic. decimam per figuram expressi.

8. Quomodo Arteria Pulmonalis, primò in partem dextram & sinistram circa Cordis basin divisa, ulterius subdividatur, simul quoque oculis lustrari potest.

9. Vasa Coronaria per Cordis superficiem disseminata, jucundo spectaculo visuntur, oculis autem armatis minutissimi ramusculi praeterea conspici queunt.

Dictum Cor, ut supra dixi, à filo dependet sericeo, cum hac inscriptione:

OMNIA SUNT HOMINUM TENUI PENDENTIA FILO.

Nº. IV. Dicto Sceletò à dextris opposita est phiala, caput infantis continens, liquori balsamico innatans, quod vivido colore tam nitidè praeparatum & conservatum est ullo absque pigmen-

gmento, ut dormientis potius, quàm denati caput, videatur, quamvis à multis annis ità conservatum sit.

Not. 1. Superiore parte Cranii ablatâ, Cerebrôque exemptô, conspicienda sese exhibent decem Nervorum paria, Cranii ossa perforantia, idque nitidius atque distinctius, quam in capite jamjam extincto, ne Patheticis quidem atque Accessoriis nervis exceptis.

2. Accuratissimè quoque conspicere licet Nervorum Auditoriorum ramum durum à molli esse distinctum; praesertim latere sinistro.

3. Sinibus lateralibus durae Matris à me apertis, in oculos incurrit sinus quartus.

4. Infundibulum, Glandulae Pituitariae annexum, praecoppia arteriolarum, materiâ rubrâ è cera repletarum, summâ rubedine perfusum.

5. Glandula Pituitaria Sellae equinae insidens, in sui medio, ubi Infundibulo connectitur, nonnihil eminet.

6. A latere hujus Glandulae, ut & à latere Nervorum Opticorum, cernuntur Arteriarum Carotidum trunci abscissi.

7. Facies, imò & labia, nullo modo rugosa, & vivido colore praedita.

Nº. V. A sinistris supra dicti Sceleti, locata phiala, eodem liquore ex parte referta, cui innatat Infantis caput, eodem modo praeparatum.

Not. 1. in capitis basi interiøre, à latere dextro nervi paris-vagi; nervus supernumerarius reperitur.

2. Nervorum Olfactoriorum extremitates Os cribrosum perforare, luculenter videri potest.

3. In hoc capite Nervorum, Cranio exeuntium, visuntur undecim, vel duodecim paria.

4. Nervi vagi in utroque latere duobus in locis Cranium perforant, exigua portione ossâ interposita.

4. Nervum accessorium, tam in dextra, quam in sinistra parte è variis fibris nervosis, variisque è locis oriundis, constare, hic quoque conspicuum est.

6. Quam tendinosa sit Dura Mater, in hoc capite apparet.

Nº. VI. Pone utriusque jam descriptum caput, videnda sese exhibent, pueri, 3. 4. ve annos nati, tenuia intestina, sic-

cata, quae, proprio Mesenterio cohaerentia, naturales eorum circumvolutiones demonstrant. Quem in finem cera implevi, ut rotunditatem acquirerent, quâ praedita sunt, cum cibo, potu, aut flatu, in corpore vivo sunt extensa. Hisce relicta & connexa Coli portio, nec non integrum Coecum, cum processu ejus Vermiformi, ut eorum constitutio videri possit in illa aetate.

Quae jam sequuntur, super Asseres seu Repositoria Thesauri dicti reperiuntur.

REPOSITORYUM, seu ASSER PRIMUS.

Nº. I. Tenuia intestina foetus humani, jam jam nati, infarcta atque exsiccata, cum annexa Coli portione, ut & intestino Coeco, processuque Vermiformi, eundem in finem praeparatis, sc. ut constitutio Coeci, naturali proxima, appareat, quae longè differt in illa aetate, ab ea, quae in pueris, aut aetate provectioribus cernitur. Successivè enim in recens natis Coeci intestini diameter diminuitur, sine notabili protuberantia, & sic degenerat in processum Vermiformem; in provectioribus verò ab una parte, valde protuberat, & ex illa protuberantia processus Vermiformis emergit; ita ut in ea aetate Coeci diameter haud successivè diminuatur.

In hisce Intestinis reservata est naturalis eorum capacitas & sine rugis extensa sunt.

Nº. II. Phiala continens liquorem, cui innatat Arteriae Splenicæ vitulinae portio, loco sanguinis, cereâ materiâ rubicundâ repleta, cujus extremitates penicilla detrita repraesentant, sicuti in homine expressi Fig. 4. Tab. 4. Epist. Resp. ad Expertissimum D^m. *Campdomercum*.

Nº. III. Infantis Brachium liquori innatans, tam nitido pallidoque colore naturali (non sine mixtura coloris rubicundi) praeditum, ut viventis constitutioni haud cedat. Hujus manus continet substantiam polyposam, artificiose ex sanguine suillo confectam, sc. cruor è sue jamjam jugulato, manu tamdiu fuerat conquassatus, donec frigefactus materiam polyposam copiosè videndam exhiberet. In hac materia, è sola conquassatione, ut dixi, prognata, adipis variae particulae apparebant, firmiter polyposae substantiae adhaerentes; sicuti Figura Tab. 2.

lit. E. repraesentatur. Dictus adeps albissimus & durus, formam globulorum diversae magnitudinis conquassando acquirens, membranulae analogum integumentum simul acquisivit, cujus ope quoque adhuc connectitur polyposae materiae supradictae. Interim manus, qua conquassatus fuerat cruor, munda fuit, neque ulla pinguedine, aut sevo conspurcatus fuerat cruor.

Ex iis constat sanguinem in se continere pinguedinem dissolutam, quae in cellulas deposita concrevit.

Notandum quoque, hanc phialam, Brachium continentem, ut & caeteras phialas obturatas esse loco vesicae, (ut facere solemus,) integumentis, ex variis corporis partibus desumptis, sc. intestinis, cute humana, membranis Cerebri, &c. quae omnia, vasis sanguifluis scatentia, rubra cera sunt repleta, id quod non solum visui gratum accidit, verum etiam diversorum vasorum reptatum in iis cernere licet.

Nº. IV. Portio capitis foetus humani, secundum longitudinem divisi.

Not. 1. Linguae, secundum longitudinem dimidiatae, vera constitutio, non solum baseos, verum etiam apicis, à latere visa, sic quoque musculosa linguae pars, accuratè sese visui offerunt.

2. Ductus supra palatum ad Aures excurrens. Hujus osculi membrana fibras obtinet, quae mentiuntur effluxum aquae fluvialis, qui obstaculo quodam intercedente, viam sibi quaerit diversam.

3. Integumentum septi Narium innumeris arteriis esse praeditum, constat ex portione hac, post divisionem hic relicta.

4. Ossa spongiosa Narium, membranosis integumentis vestita, per quae myriades Arteriolarum sunt disseminatae.

5. Unus ex dentibus incisoriis, secundum longitudinem dissectus, idque in maxilla inferiore; in quo triplex substantia observari potest. Extima enim colore est albicante, media grisea, tertia verò dilutiore colore griseo gaudet.

6. Cristam Galli in ea aetate totam esse cartilagineam, ut & septum Narium, Cristae Galli continuum, hic palam est.

7. Particulae subrotundae, per membranas ossa spongiosa investientes dispersae, quae glandulae audiunt, coelo sereno luculenter conspiciuntur.

8. Remanentiae processus falciformis, Cristae Galli non solum

lūm, verūm etiam interiori parti ossis Frontis cohaerentes, distincte visuntur.

9. Glandulae, Palatinae dictae, oculos quoque haud fugiunt, quantumvis nudos.

10. Pori cutanei luculenter quoque in oculos incurrunt.

Nº. V. Pueri Ren dexter, liquori impositus, colore & caeteris qualitatibus, naturali & vivo nullo modo cedens.

Not. 1. Hujus apici infidet Ren succenturiatus, parti autem inferiori connectitur portio intestini Coli, integrum Coecum, ut & Processus Vermiformis, quae omnia sine rugis conservata.

2. Superior pars Renis veri succenturiato non solum est contigua, verūm etiam membranoso & admirando nexu inter se connectuntur, sc. Ren succenturiatus excavatus est parte sui inferiore, quam in cavitatem, supremam partem Renis veri tanquam in acetabulum admittit, in modum articulationis ossium, quae per Arthrodiam fit.

Nº. VI. Infantis Crus, vivido colore praeditum, liquori limpido innatat. In hujus parte inferiore, cute & pinguedine ex parte ademptis, conspiciendos sese exhibent.

1. Nonnulli Musculi, suo in situ naturali, quorum membranaeum integumentum in totum non est ablatum, ut ejus vascula sanguinea visui paterent.

2. Tendines Musculorum, qui inter pedem flectentes & abducentes numerantur, suo in situ naturali. Horum tendines sub Malleolo externo transeuntes, & colore vivido non destituti, arteriis gaudent plurimis.

3. Horum Musculorum tendines vaginae nervosae inclusi sunt, ubi per sinum malleoli externi decurrunt: idque, ne dicti tendines facile sede sua dimoveantur.

4. Hujus pedis Ungues removi, ut vascula sanguinea oculis armatis sub iis lustrari possint.

Nº. VII. Pueri recens nati stomachus apertus & inversus, ut

1. Tunica villosa, prae vasorum sanguineorum repletorum copia, summa rubedine imbuta, ut & gulae terminus, luculenter conspici possint, ob coloris varietatem.

2. Pilorus, seu stomachi exitus cum annexa portione intestini Duodeni, in hoc stomacho inverso quoque lustratur.

3. Ab hisce etiam dependet Omentum cum portione intestini Coli. Dictum Omentum tam nitide praeparatum atque conservat

servatum, ut sericum dilutiore rubedine perfusum, repraesentet. Hujus Arterias cereâ materiâ impletas, innumeras esse, hic constat.

Nº. VIII. Portio humani Intestini Jejuni inversi, & liquori innatans, naturali colore praedita, in qua conspiciuntur.

1. Ita dictae Valvulae conniventes (potius juga, seu jugales particulae prominentes) in Intestini Jejuni cavitate existentes, quas inter una situm obtinet contrarium, sc. secundum longitudinem exporrectum, id quod rarum.

2. Hujus intestini Glandulae solitariae, (mihi non tantum solitariae, sed & spuriae) capitis aciculae majoris magnitudine protuberantes.

3. Hujus Intestini villositas, perquam distinctè in hoc objecto comparet.

Nº. IX. Infantis Cor tali artificio in liquore conservatum, ut ne minima quidem ruga praeternaturalis in eo reperiatur, ne situ quidem naturali neglecto.

Not. 1. Utramque Auriculam naturali forma, atque magnitudine esse conservatam, quarum sinistra Cristam Galli aemulatur.

2. Truncum Venae Cavae descendente ad exortum abscissum esse, ubi cavitatem reliquit notabilem. Truncus autem ascendens, cereâ materiâ repletus, à latere Auriculae dextrae in oculos incurrit.

3. Arteriae Pulmonalis, ut & Aortae truncum simul conspiciere licet, idque in situ naturali.

Nº. X. Arteriae per Piam Matrem dispersae, aut potius, quae Piae Matris ope coërcentur, ne à se invicem recederent, aut intricarentur.

Not. Variis in locis videre licet, dictas Arterias substantiam Cerebri Corticalem producere, quemadmodum figuris expressi in Respons. Epist. Probl. 12. ad Expertissimum Dominum *Et-mullerum*.

Nº. XI. Infantis Ren bisectus, ut interiora pateant. In ea parte quae fundo proxima, sequentia observanda sunt:

1. Constitutio Renum, quae mihi praesertim ex duplici substantia constare videtur; sc. ex vasis sanguifluis & urinariis, paucis vasis Lymphaticis & Nervis interpositis.

2. Quamvis Glandulae videantur hic apparere in Renibus bisectis,

fectis, tamen putem nobis imposuisse admirandam constitutionem extremarum Arteriolarum, sicuti brevi per figuras illustrare animus est, idque ad objecta vera.

3. Artificiosè sunt impletae Arteriae, ut & ex parte Venae; ex parte dico, propterea quod totae haud sint repletae, unde Arteriolis rubris substantia grisea interjacet: utroque verò vase sanguifluo repleto, tale quid non reperitur, sicuti videre est in variis à me conservatis Renibus, postea delineandis & describendis.

4. Papillas Renum nil nisi congeriem esse ductuum Urinariorum Bellini obscure in hoc, in variis autem postea delineandis & describendis, luculentius constabit.

5. Papillas plurima obtinere oscula (Papillarum Mammarum ad instar) cavitatem Tubulorum Renalium respicientia, accuratissimè in hoc objecto nudis oculis videri potest.

6. Membranam hic dependentem, quae Propria audit, Renemque proximè ambit, tenacem atque firmam esse pro proportionem objecti, nemo ambiget, qui hoc expiscatus fuerit.

7. Renes in ea aetate superficie admodum esse inaequales, tanquam ex variis particulis constitutos, hic palam est.

8 Pelvis cum suis Tubulis Renalibus distinctè intuentibus apparet, Rene in duas partes diviso.

9. Ureteris portio è Pelvi prodiens.

Nº. XII. Intestina Infantis tenuia, cereâ materiâ repleta, cum annexo Cœco & Coli portione.

Not. 1. Reservarunt naturalem situm & circumvolutiones, utpote Mesenterio illibato.

2. Arteriae per Intestina disseminatae, more solito sunt impletae.

REPOSITORYUM, seu ASSER SECUNDUS.

Nº. I. Hominis Vesicula fellea, cum annexa Hepatis portiuncula, liquori immerfa.

Not. 1. Vesicula fellea cereâ materiâ est repleta, ut naturalis ejus capacitas & figura conspici possint.

2. Arteriae Cysticae, eâdem materiâ impletae.

3. Arterias Cysticas haud solùm de sanguine prospicere Vesiculæ felleae, verùm etiam ulterius repere per Hepatis substan-

tiam, hic evidens est. Hoc Anatomicis imposuit, existimantibus hasce Arteriolas per fundum reptantes, peculiares ductus biliarios esse. Vid Respons, Epist. Probl. 5. ubi fusius de hac materia agitur.

Nº. II. Phiala hominis Linguam in liquore continens, ut minutiae distinctius videri possint.

Not. 1. Naturali & vivido colore praedita innumeris gaudet Papillis, per aream disseminatis: suntque incertae figurae & magnitudinis.

2. Harum Papillarum aliquot sunt planae, in medio praeditae foramine aut lacuna; in ambitu verò sulco rotundo. Nonnullae contra conicam habent figuram, aliae autem in Fungulorum modum rotundo capitulo donantur.

3. Per has Papillas Vascula sanguinea exspatiantur, quae tamen absque instrumentis opticis videri nequeunt.

4. Larynx cum Epiglottide sua ad radicem Linguae distinctè sese videndam exhibet; estque Larynx aperta, prout sese habet extra deglutitionem.

5. Sub Epiglottide visui exponitur Pharynx.

6. In Epiglottidis superficie plurimae visuntur Glandulae.

7. Utrique Linguae lateri adsitae sunt Arteriae Carotides.

8. Glandulae Thyroideae posteriori, & supremo lateri Asperae Arteriae, sunt adsitae.

Nº. III. Infantis Lingua, cum annexa portione laevi lateris Menti, Labiique inferioris.

Not. 1. Lingua spinulae ope elevata, ut sub ea conspicienda sese exhiberent portio Nervi & Arteriae sublingualis. Dictus autem Nervus à latere sub Lingua reptat, non autem sub Frenulo; ita ut minus rectè judicent, qui existimant hunc Nervum sub ipso Frenulo Linguae reperiri.

2. In sinistro latere hujus Linguae innumerae Arteriolae in oculos incurrunt, arbuscularum, foliis nudatarum, silvam representantes.

3. Glandulas, quae dicuntur Maxillares inferiores, utroque latere Ductum salivalem exhibere in confesso est: eundem à latere Frenuli salivam impertire ori, nemini, qui vel à limine tantum salutaverit Artem Anatomicam, ignotum. At verò quot aperturis aut osculis dictus canalis sit praeditus non ita facile est demonstratu, neque Anatomici in suis demonstrationibus

publicis nobis ostendunt. Si quis interim hoc objectum coelo sereno inspicere dignetur, videbit, idque luculenter, Ductum hunc salivalem laevi lateris tribus in locis salivam impertire ori, quem in finem à latere frenuli tria visuntur oscula hiantia, id quod non solum in uno, verum etiam in altero locum habere saepius deprehendi. In nonnullis quoque observo dictum Canalem unicam tantum aperturam habere, an quia caeterae occlusae ante, vel post mortem?

4. Cutem humanam tribus Pororum generibus ditatam esse in publicis demonstrationibus ostendi: duo autem genera in hoc objecto accuratè videre licet, tertium verò genus non satis accuratè.

5. Linguae Papillae lustrari hic quidem possunt, verum in supra memoratis objectis accuratius sese videndas exhibuerunt.

Nº. IV. Phiala continens inversam Coli Intestini portionem, (paulò antequam nomen Intestini Recti assumat) è pueri cadavere desumptam, & à feta dependentem.

Not. 1. In hoc objecto ita inverso, ut superficies interior jam facta sit exterior, luculentissimè conspiciuntur aperturae, quae tam numerosae, & tam arctè sibi invicem sunt appositae, ut cribrum aemuletur: nam cuspide subtilissimae acus, laterum compunctiones ne fieri quidem possunt. An Pori, an verò oscula minutissimorum vasculorum? an admittunt, an in cavitatem dicti Intestini emittunt?

2. Dicti Intestini Glandulae (quae mihi spuriae dicuntur) lacunarum minimarum in modum oculis sese offerunt, suntque saturatâ rubedine perfusae, propterea quod Intestinorum vasa, quorum propagines fasciculosae Glandulae dictae mihi sunt, cereâ materiâ rubrâ sunt repleta.

3. In dictae phialae fundo reperitur Intestini Ileii portio, in qua susceptio apparet, id est, portio Intestini suscipit portionem insequentem, & sic obstruitur Intestini cavitas. Hic affectus lethalis, verum est Miserere mei, seu Ileus, in quo Intestina plane obstruuntur, unde vomitus continuus, tormina vehementia, &c. Estque hoc objectum desumptum è cadavere pueri octo circiter annos nati.

Nº. V. Phiala in liquore continens pueri Cerebellum, cum portione Medullae oblongatae.

Not. 1. Latera Cerebelli sunt abscissa, ut interiora pateant.

2. Nates atque Testes ob nimiam Cerebelli mollitiem confundebantur, antequam phialae inderem.

3. Glandulae Pinealis, ante Nates sitae, exiguam abscidi lamellam, ut constitutio interior appareret, quae porosa, ut liquet in hoc objecto.

4. Membrana, dictam Glandulam amiciens, satis crassa, pro Glandulae magnitudine.

5. Dictam Glandulam neutiquam ejusdem esse constitutionis cum Cerebro, aut Cerebello, neque cum caeteris corporis partibus Glandulosis convenire, frequentiori exploratione certior factus sum.

6. Infra Nates, portio membranae Arachnoideae apparet, & sub ea Pia Mater, Cerebellum cingens.

7. Posticâ parte hujus phialae Nervi Optici conspiciuntur; suntque porosi; ut & olfactorii, per quos Arteriae disseminantur.

8. Arteriarum Carotidum rami crassiores, è quibus prodeunt alii, qui uniti, per inferiorem partem Piae Matris, Cerebellum investientis, obambulant.

Nº. VI. Infantis Nasus cum Labio superiore, in liquore à capillo dependens.

Not. 1. Duum generum Pori nudi sese offerunt visui, tertium autem genus, ut supra quoque innui, oculorum acies non attingit, nisi in aqua maceratum digitis comprimatur. Horum Pororum alios esse destinatos emissioni humoris superflui, alios verò admissioni hujus vel illius rei, satis superque indicant sudores erumpentes & medicamenta extrinsecus applicata, interiora petentia, uti sunt Cantharides, Mercurius vivus &c.

2. In maximis & capacioribus poris sese videndas exhibent Glandulae cutaneae nudaе, praesertim in nonnullis Poris Nasi capacioribus.

3. Nonnullae Glandulae cutaneae, in Poris majoribus haerentes, morbosae & justò majores factae, praeternaturali colore albicante praeditae sunt in hoc Naso, & quod notandum, eorum Pori visuntur obstructi. Homines illo morbo correpti, saepius compressione Cutis dictas Glandulas morbosas exprimunt & foras eliminant, cum pustularum nomine è Cute faciei prominent. In hisce ita dictis pustulis, aut Glandulis morbofis reperitur ut plurimum paululum materiae pultaceae, imò & vermiculi.

4. Hic.

4. Hic oppidò quam bene terminum extremum Cutis faciei ab involucro membranoso labii superioris lustrare licet. Ubi enim Pori cutanei desinunt, desinit & ibi quoque cutis.

5. Labii superioris portio infima, involucro suo destituta, admodum villosa: de qua villositate plura in sequentibus. Res enim consideratione digna est.

Nº. VII. Foetus jamjam nati Hepar excarne, cum annexa Vesicula fellea. Hepar dico excarne, ut loquar cum Anatomiae Proceribus, perperam quamvis ita audiat: Potius dicendum, Vasa sanguinea, quae suis extremitatibus potiore Hepatis partem constituunt, hic separata sunt ab extremitatibus suis succosis.

Not. 1. Quanta sit differentia inter vasorum sanguiferorum extremitates, idque haud solum ratione reptatus, verum etiam tenacitatis & mollitiei, in variis objectis mirum visu.

Vasa sanguifera Hepatis, ut & biliosa circa sui extremum adeò sunt tenacia & sibi invicem connata, ut nullam admittant curiosam dissolutionem, aut excarnationem, ut vulgò dicitur, nisi in eo affectu, in quo mollitiem acquirunt praeternaturalem Jecinora. Horum vasorum extremitates fasciculatim sunt dispositae, qui fasciculi Glandulae denominantur, ast immeritò. Nam praeter vasa, peculiare haud reperiuntur hic Glandulae.

Dicti fasciculi non sunt extremitates vasorum contortae, glomi ad instar, at verò penicillorum modo sunt dispositae, nullaque peculiari membranula praeditae, id quod Glandulis proprium, uti aiunt; omnes solummodò communi membrana coërcitae sunt.

Hi Vasorum fasciculi Glandulas tam exacte mentiuntur, ut nobis & aliis olim imposuerint, praesertim in Jecinore suillo, sive recenti, sive cocto: re autem penitus perspecta, fasciculos dictos neutiquam puto dicendos esse Glandulas; vasa enim sanguinea peculiariter dictos fasciculos nullo modo alluunt, at verò fasciculi sunt ipsae Vasorum extremitates, quae nullà peculiari membranà proprià coërcentur. Munus itaque Glandulis sic dictis destinatum, vasorum fasciculis attribuendum esse cenfeo.

2. Vesicula fellea gaudet Arteriis Cysticis, quae non solum prospiciunt Vesiculae felleae, verum etiam ulterius reptantes Hepati innumeros ramulos impertiunt, qui perperam Radices

Vesiculae felleae è fundo emergentes Auctoribus audiunt: hoc, inquam, luculentissimè apparet in hac Vesicula fellea.

Nº. VIII. Pueri aut Puellae Ren bisectus, ut interiora pateant.

Not. 1. Papillae renales plurimis foraminibus, seu osculis, urinosum liquorem in Tubulos renales (qui nil nisi ramosae emissiones Pelvis sunt) excernentes, luculenter hic apparent.

2. Dictas Papillares prominentias ubique haud solitarias, sed variis in locis conjugatas esse, apparet in hoc objecto, ut & in aliis.

3. Dictae Papillae, ex vasculorum urinariorum extremis constitutae, in hoc objecto naturalem obtinuerunt magnitudinem, formam ac colorem.

4. Vascula urinaria dicta in allegato Rene ex parte repleta sunt materiâ è cerâ rubrâ, quâ & vasa sanguinea renalia op-pleta sunt, id quod jucundum visu & notatu dignum esse censeo. Arterias renales infarciendo, simul quoque varii ductus urinosi replebantur.

Sunt mihi Renes, quorum vascula urinaria omnia, post re-pletionem Arteriarum renalium, infarcta sunt; de quibus plura alibi, ubi Renis veram & miram constitutionem, Deo volente, delineaturus sum, quod nondum ab aliis factum vidi.

Nº. IX. Pueri Ren bisectus & tam nitidè conservatus, ut naturalis & vividus color haud defint; in eo Papillae, ut in objecto modo descripto, evidenter comparent.

Nº. X. Penultima, ut & ultima atque infima Thoracis costa, cum Musculis intercostalibus, idque è pueri cadavere.

Not. Paracentesin nunquam instituendam esse inter spatia intercostalia dictarum costarum, satis superque indicant Nervorum intercostalium reptatus ejus loci; saepissimè enim, si non semper, dicti Nervi Musculorum medium perreptant, uti hic videri potest.

Nº. XI. Portio Intestini Coli, cujus tunica villosa, rubicundissima ex parte separata, dependet, continetque in se spurias Glandulas.

Not. 1. Dictas Glandulas proximè adhaerere in statu naturali Tunicae Nerveae, vestigia indicant, quae post separationem relinquuntur in Tunica Nervea, sicuti hic videre est.

2. Arteriarum trunculos Tunicam Nerveam potissimum obfidere, hic palam est.

3. Tu-

3. Tunicam Carneam hic quoque dependentem paucioribus vasis sanguifluis esse ditatam, cerni potest in hoc ipso objecto.

4. Tunicae Carneae fibrae motrices circulares luculenter in oculos incurrunt, ut & Tunicae villosae, ex parte à Tunica Nervea separatae, utraque facies.

Nº. XII. Hepatis Hydropici portio.

Not. 1. Anno 1696. Hydropici cadaver cultro Anatomico subjeci, cujus Hepar, totum quantum erat, ex meris vesiculis constabat, quae materiam limosam pellucidam continebant. Hujus portionem in liquore nostro tam nitide conservavi, ut jam jam modo è cadavere desumpta videatur, eamque hic videre licet.

2. In dicto Jecinore ne minimus quidem ramulus Venae Portae, Cavae, Ductus biliosi, aut Arteriae Hepaticae videndum sese exhibebat, quantumvis ad illud usque tempus vixerit aeger.

Ex hac observatione palam esse puto, Lymphae-ductus non solum, verum etiam vasa sanguinea, ut & alia posse degenerare in Hydatides, vel in Vesiculas, non solum aquam, verum etiam substantiam gelatinosam in se continentes, prout hic videre est. Et quod magis mirandum, non solum extremitates vasorum fasciculosaе, (quae perperam Glandulae dicuntur), sed & vasorum trunci mutati sunt in dictas vesiculas.

Nº. XIII. Magna portio Piae matris foetus jamjam nati.

Not. 1. Dicta Tunica adeò tenera ac subtilis, ut vix aliquid membranosi appareat: Arteriae autem tam numerosae, ut membrana tota ex Arteriis ferè constare videatur.

Hinc constare puto, Arterias dictas haud solum esse destinadas nutritioni & calefactioni hujus membranae, per quam disseminantur; illa enim tenuior est, quàm ut indigeat tanta vasorum copia; at verò dicta vasa ad id destinata esse existimo, ut Corticalem producant Cerebri substantiam. Ne autem memorata vasa destituantur reptatu suo naturali, neque sede sua dimoveantur, aut inter se confundantur, dicta membrana inservire videtur; praeterea inservit cum suis vasis sanguiferis, ut separet à se invicem Cerebri circumvolutiones.

De Venarum copia, reptatu ac distributione nil dicam, quia in hac Piae Matris portione repletae non sunt, ideoque minus videri possunt.

2. Quia Cerebrum in recens natis fulcis non gaudet profundioribus, ea propter processus Piae Matris minores quoque existunt, id quod nobis hic conducere videtur, sc. ut ea ratione Arteriarum copia & reptatus accuratius conspici possint. Vid. figur. dictae portionis Piae Matris Tab. 4. Fig. 3.

Nº. XIV. Pueri Lingua cum Epiglottide vivido colore praedita, per cujus aream innumerae disseminantur papillae diversae formae & magnitudinis. Vide explicat. Tab. 4. Fig. 6.

Nº. XV. Oculus infantis omnibus Musculis instructus, per quorum Musculorum superficiem Arteriae & Nervus reptant.

Not. 1. Nervus naturalem situm & colorem reservavit, estque hic Nervus praecipuè destinatus, ut Spiritus animales deferat ad Musculum Frontis.

2. Ab altera parte hujus phialae in sensus incurrunt Arteriae, per Pericranium supra orbitam, serpentino reptatu decurrentes, ut & rami dicti, per Musculum Frontalem disseminati.

Nº. XVI. Papilla Uteris Balaenae, liquori limpido innatans.

Not. 1. Epidermida, ut & Corpus Reticulare Malpighii, ab hac Papilla à me esse remota sciendum est, ut innumerae Papillae cutaneae prominerent, luculentiusque in conspectum venirent; suntque dictae Papillae cutaneae oblongo-rotundae, quatenus extra cutem prominent.

2. Praedictas Papillas cutaneas à sculptore paulò majores esse expressas.

Nº. XVII. Papilla Uteris Balaenae, cuticulâ ut & Corpore Reticulari haud destituta, unde Uteris Papilla aequali superficie praedita, Papillae cutaneae non prominent, sed verò transparent. Vid. Fig. 7. Tab. 4.

A latere hujus Papillae Uteris, separavi portionem exiguum Corporis Reticularis, ut Corporis Reticularis foramina, nec non ejus crassities conspici possint. Dicta portio Corporis Reticularis est inversa, quod alioqui foramina in sensus minus incurrerent. Vid. Fig. 8. Lit. A.

REPOSITORYUM seu ASSER TERTIUS.

Nº. I. Phiala Papillae Mammae Balaenae portionem continens,
ita

ita praeparatam, ut Ductus Lactiferus Papillae Mammae videri possit.

Not. 1. Hic Ductus est singularis in Ubere Balaenae.

2. Consideratione dignum esse censeo, quod sit sulcatus Ductus, & quod

3. Sulcorum margines mirificè sint fimbriati, nec non crispisuntque dictae fimbriae ita constitutae, ut Lactis exitum, extra suctionis tempus, prohibere queant. Vid. Tab. 4. Fig. 5.

In dicta Phiala continetur quoque alter Ductus Lactiferus Papillae uberis Balaenae, ita praeparatus & expansus, ut sulci accuratius videri queant. Horum sulcorum margines unde fiat ut minus fimbrientur, an ab expansione fortiore, an secus, non satis exploratum habeo. Vid. Tab. 4. Fig. 2.

Nº. II. Phiala in qua videre licet portionem Papillae Uberis Balaenae.

Not. 1. Cuticulam & Corpus reticulare esse ablata.

2. Papillas cutaneas à me esse dissolutas in aqua simplici, ita ut Papillae cutaneae capillos repraesentent. Vid. ulteriora super hac re in explicat. Tab. 4. Fig. 9.

Nº. III. Phiala Papillam Mammae Mulieris continens cum annexa areola.

Not. 1. Epidermida ut & Corpus Reticulare Malpighii in totum non esse ablata, unde altera pars dictis integumentis haud destituta magis nigricat. Ubi autem Cutis magis albicat, Papillasque cutaneas prodit, (quae absque hoc sensum nostrum fugiunt), dicta integumenta sunt ablata. Vid. Tab. 4. Fig. 4.

2. Papillam Mammae mulieris plurimis foraminulis esse pertusam, hic videri potest, secus ac in Papilla uberis Balaenae, suntque haec foraminula oscula ductuum lactiferorum, per quae lac exitum sum quaerit.

3. Difficillimum fore Anatomico Papillas cutaneas in hoc loco demonstrare, nisi in liquore, sicuti hic repraesento, cuticula & epidermide ablatis.

Nº. IV. Portio Cutis plantae pedis humani, colore rubicundo & naturali proximo, ditata.

Not. 1. Epidermis ut & Corpus Reticulare Malpighii, ex parte à Cute dependent.

2. Epidermis, sive exterius, & primum cutis integumentum
D in

in hoc objecto albicat ; Corpus verò Reticulare Malpighii, secundum corporis integumentum, flavo colore imbutum, hic quoque luculenter apparet.

3. Papillarum cutanearum potior pars, sensu exquisitissimo praedita ; innumeris in locis ex ipsa cute emergens, microscopiis hic, coelo sereno, obvia.

Nº. V. Asperae Arteriae portio, secundum longitudinem aperta ; idque ex puero aut puella.

Not. 1. Membrana, seu Tunica nervea, quae intima, & cavitationem Asperae Arteriae respiciens, innumeris (ita dictis) glandulis, foveolas repraesentantibus, est referta.

2. A parte posteriore Glandula conglobata dependet, quales numero magno & diversae magnitudinis istic loci reperiuntur in corpore nostro.

Nº. VI. Phiala continens Portiones Tunicae villosae Intestini recti humani è corpore vivo, post cruciatus immanes & dejectiones cruentas, ejectae.

Nº. VII. Funiculi Umbilicalis humani portio.

Not. 1. Funiculum dictum admodum spongiosum esse hic apparet, quae spongiositas, vasorum succosorum nomine significatur. Pressione quoque succus limosus & limpidus exprimitur.

2. In eo funiculo tria visuntur vasa abscissa : horum duo angustiora Arteriae Umbilicales sunt, tertium autem & capacius Vena Umbilicalis est.

Nº. VIII. Foetus humani magna Omenti portio, quae liquori indita, visendas praebet Arteriolas Omenti nitidissimas & rubicundo colore praeditas : nullis autem foraminulis pertusum esse Omentum in statu naturali hic palam est : si quando Omentum foraminibus pertusum ostendatur, id vitio vertendum Anatomico aut ejus violentiae, à qua inducta sunt foramina dicta.

Nº. IX. Infima portio Medullae Spinalis, in qua luculenter apparet :

1. Substantiam ejus Corticalem ex meris vasis sanguifluis constare.

2. Substantiam Corticalem occupare locum interiorem.

3. Involucrum ejus intimum haud esse destitutum Arteriis, etiam lippis & tonforibus notum ; at verò, qualis sit earum re-

reptatus, nondum ab auctoribus vidi ita expressum, sicuti in hoc objecto.

4. Nervos ipsos innumeris gaudere Arteriis, hic quoque palam est: neque earum reptatus per Nervos visum fugit.

5. Ab una facie serpentino reptatu per involucrum extimum reptare Arterias, ab altera verò facie peculiarem reptandi servare cursum, hic apparet.

Nº. X. Lienis humani portio in liquore conservata, cujus Arteria cerâ rubicundâ est impleta.

Not. 1. Venarum extrema non sunt repleta, unde griseo colore praedita.

2. Arteriarum extrema antequam soliditatem amittunt, & in succosam ac solubilem substantiam mutantur, penicillorum detritorum figuram referre, hic videre est.

3. Solubilem & succosam substantiam variis in locis relictam, Glandulas aemulari, hic quoque apparet, quibus tamen Lien prorsus destitutus est. Vide plura de hisce in Respons. Epist. Problem. 4. ubi & Fig. appositam esse reperiet Lector.

Nº. XI. Infantis portio Medullae oblongatae. In ea videnda sese exhibent:

1. Protuberantiae, Corpora Olivaria dictae.

2. Protuberantiae, Corpora Pyramidalia dictae.

3. Sulcus, dictis protuberantiis interfitus.

4. Corpus globosum, seu protuberantia annularis Willisii.

5. Portio Crurum Medullae oblongatae.

6. Considerandum hujus objecti Iconismum reperiri in Respons. Epist. Problem. 12. Tab. 14. Fig. 4.

Nº. XII. Una ex infantis Vertebri Colli, in qua portio Spinalis Medullae haeret.

Not. 1. Hujus pars corticalis merè vasculosa est, sicuti hic distinctè videre licet.

2. Arteriae Vertebrales utroque latere ex parte visibiles.

Nº. XIII. Intestini Ilei portio, naturali colore & forma praedita, idque ex infante.

Not. 1. Per Mesenterium dispersae non solum Arteriae & Venae, verum etiam Nervi visibiles existunt satis numerosi, quibus laesis graviora producuntur symptomata, doloresque immanes.

2. Arteriae Mesentericae per Intestina distributae, ubi aliquanto spatio per exteriora repleverunt, subito videntur quidem abrumpi, at verò interiora petentes Tunicam nerveam adeunt, cui ulterius impertiunt potiores ramificationes.

Nº. XIV. Portio Piae Matris infantis, in qua Arteriarum vertebrarum cum Arteriis Carotidibus conjunctio, distinctè videri potest.

Nº. XV. Phiala, pueri Linguam continens, quæ liquori innatat, ut varia distinctius conspici possint.

Not. 1. Arteriarum cursus per Linguae aream luculenter potest videri, utpote cereâ materiâ albicante Arteriis infarctis.

2. Harum Arteriarum maximae à faucibus prodeuntes, per Linguam mediam decurrunt, ramosque utrique lateri impertiunt; secus ac in Linguae plano inferiore, ubi geminae Arteriae per Linguae longitudinem decurrunt, minimi digiti ferè latitudine à peripheria, utrique lateri tantam ramulorum copiam praebentes, ut arbuscularum foliis carentium silvam repraesentent. Vid. Tab. 3. Fig. 4.

Nº. XVI. Sex portiones Costarum, Musculis intercostalibus instructae, idque ex foetu humano.

Not. 1. Omnes Arteriolae cerâ rubrâ repletae occasionem mihi dederunt inveniendi Arterias (mihi intercostales dictas exteriores) de quibus nihil unquam legi apud auctores, nemoque eas per figuras exhibuit.

2. Harum Arteriarum propagines, per Costarum periosmium disseminatae, peculiarem habent cursum, & plane diversum ab iis, quae per musculos intercostales parte exteriorerepunt. Vid. Tab. 2. Fig. 3.

3. Arteriolarum intercostalium exteriorum ramusculi omnes insequuntur cursum fibrarum motricium Musculorum intercostalium exteriorum, id quod visu jucundum.

4. Soboles dictarum Arteriarum intercostalium exteriorum variis in locis visuntur bicompositae, quas inter una reptat Venula, sicuti videre semper licet in funiculo umbilicali, in quo gemina Arteria associatur Venæ solitariae.

5. Dicto objecto in parte adversa viso, in conspectum veniunt Arteriolae per Pleurae superficiem, Pulmonem respicientem, transparentes: harum autem neque exortum, neque finem hic videre est, sed confusè exspatiari videntur.

Nº. XVII.

Nº. XVII. Racemus Dentium ex Ovario muliebri post mortem desumptus, cujus historiam breviter hic lubet recensere.

Quatuor quinqueve abhinc annis, mulier quaedam viginti & quatuor circiter annos nata, temperamenti phlegmatici, morbo graviore implicita, saepissimè conqueſta erat de dolore in hypogaſtrio, non sine praecordiorum anxietate & febris continua; tandem fato conceſſit, unde nobis cadaver aperiendi nata occasio.

Filius meus, praesentibus variis Expertiss. Medicis, & Chirurgis versatissimis, cadaver cultro subjecit; cum autem à latere Uteri, si rectè memini sinistro, duritiem quandam perciperet, cultello eam eximebat, nobisque demonstrabat Ovarii duritiem. Cuspide cultelli ab una parte duritiem aperuimus & invenimus Dentem latitare in ea, & quidem molarem. Caetera porro integra conservabam, donec mihi concederetur Cadaveris humani Anatomiam instituere publicam; qua data occasione historiam non solum retuli, verum etiam dictum Dentium racemum attuli & exhibui, alterumque dentem publicè, facta incisione, quoque demonstravi. Hic aemulabatur Dentem Caninum. Hosce cum caeteris in membrana satis crassa adhuc occlusis ita conservo in liquore. Vide Fig. 1. Tab. 3.

Not. 1. Dicti duo Dentes partim adhuc sibi invicem dictae connectuntur membranae crassae, partim verò denudati sunt, ut hujus rei veritas pateat.

2. Sicuti radices Dentium in Infantibus nunquam sunt perfectae, ita quoque his denudatis deficit radicum extremitas.

3. Radices Dentium in infantibus cavae sunt, in hisce verò cavitas in totum deficit.

4. Quot sint numero Dentes, in dicta membrana crassa adhuc latitantes, me latet, ulterius enim non aperui.

Nº. XVIII. Egixua portio Maxillae inferioris, à carnosa parte nondum liberata, in qua duo Dentes molles comparent; idque è foetu jamjam in lucem edito.

Not. 1. Totum constitutum dictorum Dentium ante eruptionem ex alveolis, in ea aetate substantiam esse mollem, (per quam plurimae visuntur dispersae arteriolae) hic, constat.

2. Horum alter secundum longitudinem divisus, internè innumeris Arteriolis dissectis est ditatus; alterius verò membra-

na, Dentium substantiam investiens, magna ex parte illibata remansit, & sic accuratè quoque dictarum Arteriolarum reptatum per eam cernere licet.

3. Quamvis Dentes eo tempore in totum molles sint, substantia tamen exterior longè differt ab ea, quae interior. Exterior è duplici substantia constat coloris diversi, ut hic luculenter apparet, non autem interior, quae quoque mollior.

Nº. XIX. Piae Matris portio cum annexa portione substantiae corticalis Cerebri, quam ex meris Vasculorum sanguineorum extremitatibus constare luculenter apparet.

Not. 1. Dixi totum constitutum esse vasculosum: an autem merae sint Arteriolarum extremitates, an simul quoque venosi quid intersit, expiscari haecenus nequivi, verosimile tamen esse reor.

2. Dictae extremitates successivè molliores atque molliores evadunt, ita ut tandem, aquae simplicis beneficio, dissolvi possint in pultaceam substantiam, id quod in Liene quoque locum habere monui in Resp. 4. ad Epertiss. Virum J. Campdomercum.

3. Si verò dicta substantia corticalis arte induruerit, dissolubilitatem amittit, & grumosa apparet.

4. Dictam substantiam corticalem neutiquam ex glandulis compositam esse, hic quoque videre est. Vide ulterius Resp. Epist. 12. Tab. 14.

Nº. XX. Infantis Lien, tam nitidè praeparatus, atque conservatus, ut jam modo corpore videatur exemptus.

Nº. XXI. Infantis Auricula colore vivido praedita.

Not. 1. Pori tam densè sibi invicem sunt adstiti & patuli, ut cribum aemulentur.

2. Hisce Poris interferuntur vascula sanguinea repleta, quorum reptatus oculis armatis conspiciere licet.

L O C U L A M E N T U M

Sub dicto Thesauro continet Arcas ex ligno Cedrino confectas, quarum

A R C A P R I M A

Continet portiones Intestini Jejuni exsiccatas & secundum
don-

longitudinem apertas, ut situs Glandularum &c. appareant.

Not. 1. Dictae Glandulae haud sunt solitariae, sed agminis instar sibi invicem adsitae.

2. Arteriolae per dictas Glandulas reptantes, sensum in totum non fugiunt, suntque cereâ materiâ refertae.

3. Arteriolae per extimam & communem hujus Intestini tunicam reptantes cursum obtinent diversum ab eo, quo donantur caeterae tunicae hujus Intestini.

4. Juga, Valvulae conniventes aliis dicta, in hac portione Intestini Ilei haud sunt oblitterata, quantumvis exsiccatum sit Intestinum.

5. Dicta juga non solum, verum etiam integra Intestini portio, saturatâ rubedine perfusa sunt, idque è cerâ quâ Arteriolae repletae sunt.

A R C A S E C U N D A

Continet varias portiones Intestinorum humanorum.

A. Portiuncula Intestini Jejunii inflati, & post exsiccationem aperti, ut Juga, Valvulae conniventes dicta, in conspectum prodirent.

B. Portiones Intestini Coli & Ilei cum integro Coeco & Processu Vermiformi, nec non ea Mesocoli parte, quae propria est Processui Vermiformi, idque ex foetu jamjam in lucem edito. Per eam plurimae visuntur dispersae Arteriolae, cereâ materiâ rubrâ infarctae, quarum extremitates adeò sunt numerosae, ut totus Processus Vermiformis summâ rubedine sit perfusus.

Hic videndum Intestinum Coecum in recens natis longè differre ab iis, qui aetate proveciores sunt. In illis enim hic videmus Coeci diametrum successivè diminui, & sic in Processum Vermiformem degenerare. In hisce verò, qui adultiores sunt, diameter dicta successivè haud diminuitur, sicuti in posterum demonstrabitur in aliis objectis.

C. Portio Intestini Coli ex infante desumpta, cum annexa Mesocoli portione, per quam innumerae repletae Arteriae sunt disseminatae.

D. Intestini Ilei portio, post exsiccationem aperta, cujus Arteriae adeò sunt numerosae, ut silvam repraesentare videantur.

E. Por-

E. Portio Intestini Coli, cujus ligamenta fuerunt dissoluta ante exsiccationem, ut luculenter appareat Colon crassioris substantiae non esse, quam caetera Intestina : omnemque crassitiei differentiam in Colo provenire à Ligamentis, & à Valvulis Con-
niventibus dictis.

A R C A T E R T I A

Continet duos Renes humanos naturalem magnitudinem excedentes ; quibus annectuntur Arteria Magna & Vena Cava. Naturae lusu dicti Renes praediti sunt Arteria Renali supernumeraria.

A.A. Arteriae Renales.

B.B. Arteriae Renales supernumerariae.

C. Arteriae magnae truncus sub Diaphragmate abscissus, materiâ cereâ rubrâ repletus.

D. Venae Cavae truncus sub Diaphragmate abscissus, albâ repletus.

E.E. Rami Iliaci Venosi.

F.F. Rami Iliaci Arteriosi.

G. Arteria Mesenterica inferior.

H. Arteria Mesenterica superior.

I. Arteria Caeliaca.

K. Vena Renalis sinistra, naturae lusu circa ramificationem Venae Cavae in ramos Ilicos, oriunda.

L. Vena Renalis dextra, debito loco orta.

M. Vena SpermatICA sinistra, è Vena Renali prodiens.

N. Vena SpermatICA dextra, è Vena Renali dextra, ut & Venae Cavae trunco oriunda.

O.O. Ureteres serpentino cursu reptantes.

A R C U L A Q U A R T A

Instructa aliquot minutissimis Muscis, ut & exuviis seu pelliculis Nympharum, è quibus Muscae exclusae sunt. Hae autem Nymphae per vias urinarias, simul cum urina expulsae sunt.

Nempe nobilis quidam Vir, questus aliquo tempore depruritu in Perinaeo, & molesta urinae excretionem, Chirurgum, & paucos



cos post dies me quoque accersi jussit. Urinam invenimus non admodum saburrosam, sed particulis exiguis oblongo - rotundis, granula mentientibus, permixtam.

Hisce visis, petii ab aegro, ut mihi liceret aliquot ex iis in capsula domum auferre, ulterius perscrutandi causa, id quod concessit. Cum autem altero die capsulam aperirem, reperi eam Muscis innumeris, ut & pelliculis, è quibus erant exclusae, refertam. Attonitus hisce phaenomenis, microscopium in auxilium adhibui, & sic distinctè reperi, dictas particulas nil aliud fuisse quam Nymphas, quae produxerant haec Muscas: omnes autem Muscae per capsam dispersae vivebant, & nonnullae volabant, quas inter una, pelliculae seu exuvio adhuc adhaerens, omnem dubitandi ansam mihi adimebat. Vid. Tab. 3. Fig. 5. Lit. A. ut & Lit. B. Microscopio adhibito factam, C. & D. denotant pelliculas seu exuvias, oculis inermibus visas.

Dixerit forsan aliquis, unde tales Nymphae in Perinaeo, & quidem in collo Vesicae, ubi haerebant ante excretionem.

Resp. Cum ductus urinarius via sit satis patula, haud necessarium esse existimo, ad alias, minus aptas, confugere vias.

Per hanc viam verosimile est vermiculos minutissimos insensibiliter intrasse, & circa Vesicae collum haesisse, donec Nympharum formam adepti sunt. Cum hanc historiam Viro, Nobili profapia oriundo, referrem, regerebat mihi, sese hoc non solum quoque expertum fuisse in proprio corpore, verum etiam tale quid olim vidisse in Urina cujusdam mulieris. Non absolum mihi videretur credere, hocce affectu homines corripì in latrinis sedentes, praesertim si diutius solito ibi manserint, idque certis temporibus, cum tales vermiculi grassantur, id quod forte raro contingit, ideoque rarissime hic affectus occurrit.

TAB. 3. EXPLICATIO.

FIG. 1. Racemum Dentium, ex Ovario muliebri desumptum, denotat.

A. *Dens Caninus.*

B. *Dens Molaris.*

C. *Racemi portio, in qua caeteri Dentes adhuc sunt inclusi, sine ulla eorum denudatione.*

E

D. *Por-*

D. *Portio membranae crassae, in qua Dentes partim adhuc sunt inclusi, partim denudati.*

FIG. 2. *Eosdem Dentes repraesentat, ab altero latere visos, cum exigua portione dictae membranae crassae.*

A. *Dens Caninus.*

B. *Dens Molaris.*

C. D. *Partes inferiores, seu radices non perfectae, neque caevae, ast solidissima & ossea, aut lapidea substantia praeditae.*

FIG. 3. *Exhibet portionem pectoris, sc. costas, ut & Musculos aliquot intercostales, cum suis Arteriis intercostalibus exterioribus, idque ex infante.*

A. *Costae abscissae.*

B. *Musculi intercostales.*

C. *Arteriae intercostales, exteriores à me dictae, non solum per costarum limbum superiorem, verum etiam inferiorem, reptantes. Hae autem originem ducunt, non immediate ex Arteriae magnae trunco, neque ex mammariis Arteriis internis, ast verò, rami intercostales interiores, dictas exteriores producunt.*

FIG. 4. *Linguam pueri, parte inferiore visam, denotat.*

A. *Integumentum Linguae membranosum, propter inversionem crassius repraesentatum.*

B. B. *Arteriae sublinguales, quarum ramuli numerosissimi, arbuscularum, foliis carentium, silvulam repraesentant.*

FIG. 5. *Muscas, ut & Nympharum pelliculas repraesentat.*

A. *Musca exigua, cum ejus adhaerente pellicula, è qua exclusa est musca.*

B. *Eadem, per microscopium visa & sculpta.*

C. *Duae pelliculae sibi invicem cohaerentes, è quibus muscae sunt exclusae.*

D. *Pellicula seorsum videnda.*

TAB. 4. EXPLANATIO.

FIG. 1. A. *Portio cutis Uberis.*

B. *Papilla Uberis.*

C. *Papillae cutaneae Papillae Uberis extra cutem prominentes & oculis inermibus luculenter visibiles, in hoc objecto aliquanto majores expressae.*

D. *Cavitas in Papillae extremitate.*

FIG. 2.

Fig. 1.




Fig. 2.



Fig. 3.



Fig. 4.




Fig. 5.






FIG. 2. Ductum lactiferum communem Uteris Balaenae designat, in quem caeteri omnes concurrentes, lac suum deponunt; estque ille ductus plurimis sulcis sulcatus.

FIG. 3. Cernitur portio Piae Matris foetus jamjam nati, quae adeò tenuis ac tenera in illa aetate, ut Telae Araneorum tenuitatem ac teneritatem ferè superet.

Notandum interim, Vasa sanguinea, tam numerosa esse dispersa per dictam membranam, ut ad Piae Matris existentiam Vasa sanguinea plus conferre videantur, quam residuum membranosum, utpote praecipue destinatum, ut dicta Vasa suo in loco detineant, ne confundantur.

FIG. 4. Proponitur Papilla Uteris mulieris, cum annexa Areola.

A. Portio Areolae, Epidermide carens, unde albicat Areola.

B. Portio Areolae, cujus Epidermis haud ablata, unde subnigra apparet.

C. Foramina seu oscula ductuum lactiferorum in Papilla Uteris visibilia.

D. Papillae cutaneae in Uteris Papilla, ut & in Areola nonnihil prominentes, & microscopii ope hic loci magis, quam alibi in cute visibiles; unde Papillae Uteris, Epidermide privatae, atrociores excitant dolores, quam quidem in caeteris corporis partibus, ubi Papillae cutaneae minus extra cutem propullulant. Hinc etiam fissurae, excoriationes &c. in Uteris Papillis difficilioris sunt curationis. Contrà, Papillis Uteris benè constitutis, nec Epidermide privatis, major excitatur pruritus & voluptas nutricibus ab infantibus lactentibus, ob continuum motum & pressionem Papillae tempore suctionis; non autem, si extra Papillam mammam noctu arripiant infantes.

FIG. 5. Delineatur portio Papillae Uteris Balaenae, cujus lactiferus ductus sulcatus & fimbriatus.

FIG. 6. Proponitur figura Linguae cum Epiglottide, per cujus aream dispersae innumerae Papillae, quae gustus proximum organum sunt.

A. Lingua.

B. Papilla Fungorum exiguorum formâ, inter quas innumerae visuntur dispersae Papillae arcuatae. Has microscopio visas, naturali magnitudine majores delineari curavi à latere hujus

Linguae, sub iis, quae in acumen exeunt, quarum Iconismum hic quoque adjeci, quandoquidem saepissime eas acuminatas offendi.

C. *Papillarum majorum series, quae planae, rotundae, variis foraminibus aut osculis minutissimis, circuloque praeditae.*

D. *Epiglottis variis Glandulis obsita.*

E. *Papillae majores ad Linguae radicem sub Epiglottide confitae.*

FIG. 7. Ostenditur portio Uteris Balaenae, cujus Epidermis, ut & Corpus reticulare Malpighii, nondum sunt ablata, quamobrem extra cutem non propullulant Papillae cutaneae.

FIG. 8. Offertur portiuncula Papillae Uteris Balaenae, cum suis Papillis cutaneis dissolutis, à qua portio Corporis reticularis, innumeris foraminibus pertusa, dependet.

A. *Corpus reticulare.*

B. *Papillae cutaneae dissolutae.*

FIG. 9. Repraesentat portionem Papillae Uteris Balaenae, cujus Papillae cutaneae à me dissolutae sunt in aqua simplici, id est, singulae Papillae ex multis fibris nervosis constitutae quidem sunt, sed penicilli humectati in modum hic à se invicem recesserunt fibrae, pilos prae se ferentes.

Notandum interim, in dicta dissolutione nullam vim à me esse adhibitam: nam solummodo utrumque integumentum, quibus cutis obducta est, abstuleram. Hoc experimentum confirmare videtur, Papillas cutaneas constare ex Nervorum extremitatibus, quandoquidem Nervi quoque ex innumeris fibris sunt compositi, qui in extremo Papillas cutaneas constituunt. In homine autem hanc dissolutionem Papillarum cutanearum nunquam peragere potui, utpote fibris sibi invicem firmiter cohaerentibus.

A latere sinistro hujus dictae figurae reperiuntur aliquot Papillae cutaneae non dissolutae, quae in mucronem exeunt.

F I N I S.

Fig. 1.




Fig. 2.



Fig. 3.



Fig. 4.



Fig. 6.




Fig. 5.




Fig. 8.



Fig. 9.



FREDERICI RUYSCHII

Anatomiae & Botanices Professoris

THESAURUS
ANATOMICUS

S E C U N D U S.

Cum Figuris æneis.



AMSTELÆDAMI,

Apud JANSONIO - WAESBERGIOS.

MDCCXLI.


BENEVOLO LECTORI.



Oninullorum objectorum, Lector benevole, descriptiones reperies in hoc secundo, & cæteris Thesauris, de quibus in primo etiam mentio facta est. Scias autem velim, sine ratione hoc non esse factum, postquam enim primi Thesauri descriptionem in lucem dedi, varia adhuc didici in præparationibus, quæ me, primum Thesaurum conficientem, latuerunt. Varia etiam atque etiam nitidiora facta sunt, quia indefinenter pergo in disseccandis & perscrutandis cadaveribus. Videbis quoque inter se discrepare præparata, ratione illorum, quæ huic vel illi objecto connectuntur. Cum descriptionem primi Thesauri publici juris facerem, me adhuc latuit encheiresis jecinora absque ablatione, ut vocantur, glandularum, quamvis revera haud existent, ita præparandi, ut omnia vasa, hepar in totum fere constituentia, in conspectum veniant, ne ramusculis quidem minutissimis exceptis. Quamvis hæc, & plurima alia jam expertus sim, à me tamen impetrare nequeo, ut antecedentia objecta rejiciam, & nova substituam. Conspiciantur hæc, lustrentur quoque illa, quæ intra 37. annos à me sunt præparata: & sic patebit me non sine ratione hæc omnia, immenso labore confecta conservare in 16. & pluribus Thesauris ac Thecis, in quibus promiscue partes corporis sunt positæ, ut visui gratiam majorem conciliarem; alioqui difficile mihi non fuisset, unum Thesaurum solis cordibus humanis, variis modis præparatis, alium embryonibus fœtibusque, alium solis capitibus puerorum replere; sed id visui minus gratum fuisset.

T H E S A U R U S ANATOMICUS S E C U N D U S.

In hoc Thesauro secundo sex Asseres, seu repositoria reperiuntur, in quorum primo & inferiore sequentia lustrare licet.

N^o. I.  Hiala continens Balænæ oculum, transversim, & orbiculariter bisectum, & ita præparatum, ut Tunicæ Scleroticæ crassities, nec non Choroideæ vasa sanguinea conspici possint, idque in liquore limpido.

Not. 1. Oculus Balænæ, si ad corporis molem conferatur, admodum exiguus est, imò pomum aurantium medicore haud superat: sicuti Tab. 1. fig. 1, 2. 3. & 6. hujus 2 Thes. indignant.

2. Vasa sanguinea per Choroideam dispersa clare videri possunt, licet non sint repleta. Horum ramus major solitarius in confinio Choroideæ circulariter Uveam ambit, & ramos maximos sursum spargit; in homine verò, sæpissime, si non semper, senis in locis, sex rami majores Choroideam perambulant, & quidem non in confinio dicto, sed in ejus medio: ubi ramulos innumeros sursum versus nervum opticum, & deorsum, versus Uveam demittunt. Vid. Tab. 16. Fig. 8. in Respons. Epist. Problem. 13.

N^o. II. Phiala in liquore continens tria objecta, quorum primum, oculus est pueri, transversim sectus, cujus facies exterior Scleroticam, interior verò Retinam medullosam demonstrat. Hujus figuram cernere licet in Respons. Epistolari Problem. 13. Fig. 15.

Secundum objectum Oculus est humanus, cujus Scleroticâ ex parte ademptâ, Tunica choroidea, cum suis arteriis nitidissime in conspectum venit. Arteriolæ enim sunt oppleræ

cereâ materiâ rubrâ. Præterea conspici quoque potest reptatus Arteriarum & Nervorum per superficiem Nervi optici.

Tertium objectum humor crySTALLINUS est, cujus perspicuitas adempta à liquore, cui innatat, unde jam totus albicat, forma tamen & naturalis magnitudo superstites sunt.

Nº. III. Oculus humanus transversim dissectus, ut interiora pateant. In hujus parte posteriore primò Scleroticam, ab insequente Choroidea ex parte separavi, unde non solum Choroidea luculenter in conspectum venit, verum etiam Ruyschiana, quæ Choroideæ arcte adhuc connectitur.

Not. 1. Ex hujus oculi centro, seu medio, Tunicam Retinam cum suis arteriis emergere, quas ad votum hic cernere licet.

2. In altera, & anteriore parte, & quidem facie posteriore, lustrari possunt, Ligamentum ciliare cum suis arteriis repletis; processus ligamenti ciliaris, nec non humoris crySTALLINI, & humoris aquei sedes.

Hicce, & innumeris aliis, absque præjudicio visis, quis ulterius dubitet, quin nostra præparandi demonstrandique methodus, à vulgari maxime differens, eligenda sit? fieri enim non posse reor, ut hæc, & alia tam exactè demonstrantur, nisi eo modo oculis objiciantur; & hinc innumera figmenta nobis obtrusere Antistites in re Anatomica.

Nº. IV. Phiala in liquore continens duo objecta. Horum alterum à capillo dependens, posterior pars oculi humani est: in quo conspiciuntur Sclerotica & Choroidea, nec non duo nervi (Ciliares à me dicti) à subjecto ipso dependentes, admodum molles & fragiles.

Alterum objectum pars anterior ejusdem oculi est, in quo perspicue videri possunt Tunica Ruyschiana & Choroidea, quamvis sibi invicem adhuc connatæ; intima enim lamella Ruyschiana est, gaudens arteriis, quarum reptatus differt longe à cursu arteriolarum per lamellam anteriorem, Choroideam dictam, disseminatarum; utriusque enim reptatus decussatur. Præterea ligamentum ciliare instructum esse innumeris arteriis, hic quoque videri potest.

Nº. V. Phiala, liquore referta, cui innatant duo subjecta, quorum primum à capillo dependens, pars est posterior oculi humani, transversim dissecti. In hoc objecto sequentia visuntur: &

I. Qui-

1. Quidem, Tunica Sclerotica, ut & Choroidea Ruyschiana connata; per quas, eodem, quo dixi, modo, repunt vascula sanguinea repleta, sc. decussatim, ut supra monui.

2. Reliquiæ arteriolarum Tunica Retinae, five reticularis, prodeuntium à latere implantationis nervi optici in Scleroticam, hic quoque cerni possunt.

Alterum objectum in fundo Phialæ, anterior oculi pars est, cujus facies posterior in conspectum hic venit, scilicet ligamentum Ciliare cum suo processu, suntque obducta substantiâ coloris nigri, id quod naturale.

Nº. VI. Oculus humanus ita inversus, ut superficies interior sese conspiciendam hic exhibeat.

Not. 1. Scleroticâ ablatâ, sola Choroidea & Ruyschiana cernuntur, cum connato ligamento Ciliari, ut & ejus processu.

2. Portio exigua Choroideæ à Ruyschiana avulsa & reflexa. Hujus iconismus reperitur Tab. XVI. Epist. Probl. 13. Fig. 1.

3. Arteriola per ligamentum Ciliare, quin etiam per ejus processum disseminatæ, non obscure, cælo sereno, apparent.

Nº. VII. Phiala liquore repleta, in quo Oculus humanus reconditur, cujus Scleroticâ magna ex parte ablatâ, videri queunt sequentia:

1. Choroidea, Arteriolis scatens, quibus cereâ materiâ rubrâ repletis, dicta Choroidea rubicundissima apparet.

2. Per superficiem Choroideæ decurrunt sex septemve nervuli Ciliares, & recto quidem tramite, suntque albicantes, & propterea facilis eorum discretio à vasis sanguiferis, quæ hic rubicundissima, quoniam artificiosè sunt repleta dictâ cereâ materiâ rubrâ. Ratio jam, quare dicti nervuli aliorum oculos effugerint in cadaveribus, vulgari modo dissectis, est, quod non solum nervi, verum etiam vascula sanguinea eodem colore nobis apparent, nisi arteriarum repletio artificiosa præcesserit.

3. Dicti nervi per superficiem Choroideæ reptantes, nullum visibilem ramusculum videntur elargiri Choroideæ; cum autem ad ligamentum Ciliare, ut & ejus processum perveniunt, ibi ramulos dispescere videmus; hinc nervi Ciliares a me sunt denominati.

4. Dictos nervulos, eo, quo dixi, modo, reptantes, comitantur ut plurimum arteriola, idque serpentino cursu. In hoc objecto unica tantum arteriola, in aliis plures reperiuntur.

5. Aperta est Choroidea in medio, ut conspici possit Reti-

na, quæ tot scatet arterioliis repletis, ut ex iis ferè constare videatur. Vide ulterius super hac re, Respons. Epist. Prob. 13. supra citatam cum annexis fig. ubi fufius de hac re agitur.

6. Nervus opticus non solum, verum etiam nerui comitantes nervum opticum, luculenter hic videri possunt.

N°. VIII. Oculus humanus, rotunditate viventis similis.

Not. 1. Ex Pupilla Staphyloma propullulat, utpote Corneâ exiguo foramine pertusâ, quò affectu hominibus correptis, exigua aut nulla spes sanationis affulget; visus enim ut plurimum, si non semper, exstinguitur.

2. Sclerotica Arterioliis repletis superbit.

3. A latere oculi dependet portio palpebræ superioris rubicundæ, à vasorum repletorum copia.

4. Utrumque punctum lachrymale conspicuum.

N°. IX. Portio oculi Balanæ, secundum longitudinem bisecti, ut interiora pateant.

Not. In hoc objecto Tunicam Choroideam magna parte recessisse à Ruyschiana, ita ut Ruyschiana & Choroidea, sibi invicem adhuc ex parte connatæ, clarè videri possint, & quidem duobus modis: scilicet à fronte si conspiciantur, superficie interiore Ruyschiana apparet, exteriori verò Choroidea. Vel etiam utraque Tunica in conspectum veniet, si à latere læfionis dictarum tunicarum inspiciantur; interior enim, seu Ruyschiana, albicat, exterior, sive Choroidea, subnigrat in hoc objecto.

N°. X. Oculus humanus cum annexis musculis, quorum color naturali similis, & rubicundus.

Not. 1. Bulbus oculi rigidus factus rotunditatem haud amisit.

2. Per superficiem Scleroticæ plurima visuntur dispersa verosimilia vascula nova, Lymphaticorum æmula; verosimilia dico, quia de eorum existentia nil certi affirmare ausim, antequam frequentiore examine certissimus factus sim: suntque, ut dixi, Lymphaticorum similia, nitentia, & pellucida; quia autem nullas in iis observare potui valvulas, anceps hæreo.

3. Hac de re olim mentio facta in Epistolari Responsione mea ad Expert. Virum D. Christianum Wedelium, de Oculorum Tunicis fol. 13.

4. Musculorum tendines nonnihil à Sclerotica separati, luculenter Scleroticam eo loco, ubi inseruntur à tendinibus dictis, incrassari, hic docent; ita ut, si quis eorum expansionem

no-

nolit esse peculiarem membranam, saltem negare non possit, eam ad incrassationem, & robur Scleroticæ multum adferre.

5. Fibræ motrices, musculos oculorum constituentes, accuratius hic visuntur, quam in subiecto jamjam denato.

6. Arterias nervum opticum comitantes, reptatu serpentino decurrere hic palam est, ut &, quo modo nervi ciliares à me ita dicti, versus oculi globum tendant.

N°. XI. Phiala, in qua conservatur oculus humanus transversim bisectus, sine ulla præmissa vasorum repletione.

Not. 1. Facie interiore, Ligamentum ciliare, ut & ejus processus, in situ & statu naturali hic sese videnda exhibent.

2. Quo modo processus ciliaris recedat ab ea Corneæ parte, quæ pupillam constituit, ut humori aqueo locum cedat, hic quoque videre licet.

3. Nervum opticum amictum esse geminâ Tunicâ, eumque porosum esse, hic constat.

4. In fundo hujus Phialæ oculorum humores, vitreus & crystallinus, reperiuntur, qui, quamvis per liquorem pelluciditatem amiserint, & opaci facti sint, eos tamen conservare volui, ut demonstrarem, quo modo humor vitreus crystallinum in sinum suum recipiat.

5. In ambitu humoris crystallini & vitrei, pigmenti nigri residuum, à Ruyschiana avulsum, instar fibrarum nigrarum, adhæret tunicis tenuissimis humoris vitrei & crystallini.

N°. XII. Pueri Oculus, Scleroticâ magna ex parte ademptâ, ut Ruyschiana & Choroidæa in conspectum venirent, quibus in medio apertis, cernitur Retina.

Not. 1. Ne visum effugerent subtilissimæ arteriolæ Tunicæ Retinæ, replevi illas cerâ rubrâ.

2. Retinæ membranosum adeò est subtile, ut prima fronte visum, vix in oculos incurrat, etiam armatos.

3. Medullosum Retinæ in hoc objecto non apparet. Utrum non adfuerit, an verò à liquore sit deletum, non liquet.

N°. XIII. Oculus humanus transversim bisectus.

Not. Arteriolas per Ruyschianam & Choroidæam dispersas implevi cerâ materiâ, & sic accuratius tunicarum prædictarum terminus ad quem demonstratur, qui ad finem ligamenti Ciliaris est.

N°. XIV. Anterior oculi infantis portio, ita inversa, ut facies

cies interior jam exterior sit facta, unde ligamenti Ciliaris constitutio nudam sese offert visui.

Not. 1. Arteriolæ per ligamentum Ciliare disseminatæ, & cereâ materiâ oppletæ, visui hic quidem objiciuntur, sed manifestius apparent, si oculo microscopium admoverimus.

2. Processus Ciliaris pigmento naturali nigro haud destitutus, limbo pupillæ proximo hic excepto.

3. In fundo hujusce Phialæ humores Vitreus & CrySTALLINUS comparent, quibus cohæret pigmenti nigri portio, à Ruyschiana avulsa.

N°. XV. Oculus vitulinus transversim bisectus, ut interiora conspici possint. In eo novi quid mihi detexisse visus sum, sc. multis sæculis pro certo fuit habitum, ligamentum ciliare ceu musculum esse; cui placito etiam ipse, præjudicio captus, calculum olim adjeci, ut liquet in Resp. Epist. Probl. decima tertia; enimverò in dicto hoc oculo vitulino primò comperi, ligamentum Ciliare neutiquam esse considerandum tanquam musculum, ad pupillæ & humoris crySTALLINI motum destinatum, totumque hoc negotium perfici à processu Ciliari, ut & à circulo musculari, posterius in confinio pupillæ sito. Ligamenti Ciliaris processus constat ex fibris musculosis longitudinalibus, quarum tendines aut fibræ tendinosæ luculenter visuntur dispergi & finiri in secundo & minori, à me dicto, circulo, posterius ad marginem pupillæ sito; præterea Ligamenti Ciliaris extremum non constituit, neque à se dimittit tendines, uti Scriptores autumant, sed margine crispo recedit à processu dicto, (vid. Tab. 1. Fig. 7. Lit. c.) & sic ligamentum Ciliare non videtur tale commercium habere cum processu Ciliari, uti voluere Antistites. Hisce in oculo bovino visis, me denuo contuli ad objecta humana, in quibus olim quidem tale quid mihi videre videbar; præjudicio verò deceptus, accuratiorem ejus indagationem neglexi. Jam autem in oculis humanis & vitulinis, circa ante dicta reperio nihil discriminis intercedere, nisi quod in oculo vitulino omnia majora existant.

In dicto minori circulo, posterius in pupillæ confinio sito, non solum inseruntur tendines ligamenti ciliaris, ad pupillam dilatandam, ubi necesse est: verum etiam circuli minoris extremum, constare mihi videtur ex fibris motricibus circularibus, pupillam angustantibus, præsertim cum res magis illuminatas

minatas intuemur attentius. Fateor quidem hæc fibras circulares non tam luculenter conspici posse, quin oculi mentis in subsidium sint vocandi. Enimverò cum neque ligamentum ciliare, neque ejus processus pupillæ contractioni sint destinata, consultius duxi statuere, circulum minorem ad posterius confinium pupillæ situm, huic operi esse destinatum.

Nonnulli pro processu ciliari agnoscunt pullas pigmenti nigri reliquias, membranulæ tenuissimæ humoris crySTALLINI & vitrei adhærentes, & quasi fibras mentientes, oculo sc. aperto, humoribusque exemptis. hæc autem nil sunt, nisi avulsæ particulæ pigmenti nigri, quod non solum oblitum est ligamentum ciliare in statu sano, verum etiam ejus processus, nec non Tunica Ruyschiana: Processus verò ciliaris sedem habet orbiculatam sub ligamento ciliari, à quo fibræ tendinosæ, ut dixi, prodeunt, quæ in minorem circulum desinunt.

Notandum præterea, partem alteram hujus oculi vitulini, in fundo Phialæ sitam, in suo cavo membranâ Ruyschianâ esse succinctam, quæ prope insertionem nervi optici, colore cæruleo, Choroidea contra nigro colore est tincta.

2. Nervus opticus, non lineâ rectâ, sed incurvo tramite incedit ad oculum vitulinum.

3. Tunica Retina arteriis repletis ditata hic quoque cerni potest.

N°. XVI. Portio Tunicæ Scleroticæ humanæ, à qua dependent aliquot nervi ciliares, qui sunt in aliis numerosiores, in aliis pauciores. Hoc objectum æri incisum reperitur Tab. XVI. Resp. Epist. Probl. XII. fig. 12.

N°. XVII. Balanæ oculus secundum longitudinem dissectus.

N°. 1. Tunica Ruyschiana partim est avulsa à Choroidea, ne quis de ejus existentia dubitet, estque Ruyschiana crassitie papyro proxima; vid. Tab. 1. Fig. 1 Thef. 2.

In homine olim æri incidi curavi. vid. Tab. XVI. Resp. in Epist. Probl. 13.

A S S E R Secundus.

N°. I. **P**osterior portio Scleroticæ pueri, cum portione nervi optici, cujus ivolucrum in duas separavi lamellas.

Not. Hæc lamellas inter se convenire, nec proprium quid
B habere,

habere, nisi quod exterior interiore crassior sit. Vid. hoc objectum æri incisum loco jamjam citato.

N°. II. Oculi puerilis transversim secti pars posterior, in cuius cavitate videre licet tunicam reticularem, quæ hic undulata apparet, contra naturæ leges, quod & memini me olim observare. Hujus iconismum refert tabula supra citata fig. 19. Resp. Epist.

Not. Musculos oculares varios situm naturalem retinuisse; præsertim rectos.

In eadem Phiala à capillo dependet Iris humana, quam olim æri incidi curavi. Quod autem eo tempore de hoc objecto scripsi, in explicatione fig. XVII. Epist. supracitata, hic recensere non gravabor.

Circulus Iris, quæ membrana est per Corneam transparens, facie anteriore in ambitu cum Choroidea, posteriore verò cum Ruyfchiana conjungitur, nec immeritò in duos circulos dividi potest, quorum major desinit, ubi arteriolæ reflectuntur, vel ubi facie posteriore fibræ, potius tendinosæ fibræ processus ligamenti Ciliaris terminantur, sicuti fig. XVII. & XVIII. Tab. XVI. Resp. Epist. Problem. videri potest. Alter circulus multis numeris minor ad pupillam desinit. Circulus Iris major gaudet arteriolis innumeralibus, quæ mirando reptatu per Iridem sunt dispersæ: sicuti fig. dictæ indigitant. Ubi autem ad circulum minorem pervenerunt, reflectuntur, è quibus reflexionibus ramuli oriuntur novi & minores, qui eodem quoque modo reflectuntur ad confinium pupillæ; forte, ut sanguis à motu rapidiori inhibeatur, & minus extravasari possit, ab externa vi, vel alia causa in iis, qui plethorici sunt.

N°. 3. Pueri oculus transversim sectus, ut Ruyfchiana, Choroidea &c. in conspectum venirent. In hoc objecto Retina intotum non est conservata; visibilis ramen portio superstes remansit in inferiore parte, ubi arteriolæ repletæ existentiam ejus demonstrant.

Portio dicti oculi fundo Phialæ proxima, uvea & cornea est: harum posterior facies hic in conspectum venit, sc. ligamentum Ciliare, & processus Ciliaris, cum suis tendinosis fibris.

N°. IV. Cornea Tunica cum annexis Adnata, Choroidea, Ruyfchiana Ligamento Ciliari, ejusdemque processu, &c. Vide.

Vide ulteriora in expl. Tab. 1. Fig. 4. hujus Thes. 2.

N°. V. Infantis caput in liquore conservatum, & tam vivido colore præditum, absque fucò aut pigmento, ut viventis caput repræsentet; illudque à multis annis ita conservatum est.

Not. 1. Cranii parte superiore ablatâ, cerebroque exempto, videnda sese exhibent decem nervorum paria, Infundibulum, rubicundo colore præditum, idque propter repletionem vasculorum cereâ materiâ rubrâ.

2. Septum, quo cerebrum à cerebello à latere separatur, ceu falx transversalis (si ita loqui liceat) distincte hic quoque cernitur.

3. Orbitæ oculorum dura matre ex parte viduatæ, dilutiore rubedine sunt imbutæ, à vasorum repletionem.

4. Labium superius unius ligamenti ope maxillæ superiori connascitur quidem in homine, hic verò duplex ligamentum occurrit.

N°. VI. Phiala continens vesicæ muliebris Utero gerentis portionem, quæ tempore gestationis intolerabili cruciatu, & continuo mingendi desiderio vexata, tandem ultimum diem obiit. Cadavere à me aperto, fœtuque quadrimestri exempto, inveni Vesicam purulentam atque corruptam. Quod autem consideratione dignum esse censeo, hoc erat: Omnes vesicæ fibræ stipatæ erant calculosâ substantiâ, in forma arenularum. Vid. Tab. 2. Fig. 2. hujus secundi Thesauri, & objectum ipsum domi meæ.

N°. VII. Phiala, liquore limpidio referta, in qua tria objecta, quorum primum à capillo dependens, portio est oculi humani, in qua distincte cernere licet differentiam inter Ruyschianam, & Choroideam: præterea Choroideæ superficies exterior obsita est pigmento nigro, cum contrâ illud ut plurimum cernatur in superficie interiore Ruyschianæ; præterea per Choroideæ superficiem anteriorem visuntur dispersi Nervi Ciliares.

In fundo hujus Phialæ cætera duo conspiciuntur objecta, quorum primum oculus humanus est, tali modo sectus, ut eâ portione Scleroticæ, quæ anterior est, & cornea dicitur, abscissâ, in conspectum veniant humor Crystallinus & Vitreus, idque in situ naturali. Notandum interim humores dictos contra naturæ leges, limpiditatem amisisse, majoremque duritiem acquisivisse, idque à liquore nostro.

Præterea cernere quoque licet pigmenti nigri residuum, à Ruyschiana Tunica, ut & ligamento Ciliari avulsum, dictis humoribus circulariter, & striatim cohærere. Hujus striæ latiores in homine, quam in quadrupedibus, id quod non videntur observasse Scriptores, qui oculos vitulorum pro humanis æri curarunt incidi.

Tertium objectum in fundo hujus Phialæ, Cornea est, in cujus facie interiore conspiciuntur.

Ligamentum Ciliare, cum ejusdem processu, nec non circulus minor, in quem desinunt tendines processus ciliaris, pupillam dilatantes, nec non fibræ circulares, pupillam constringentes. Vid. Tab. 1. Thesaur. 2. fig. 4. 5. & 7.

Nº. VIII. Membrana Retina oculi è puero desumpta, & liquori limpidò innatahs.

Not. 1. Arteriolæ cereâ materiâ sunt repletæ, unde Retina rubicunda apparet, estque adeo tenuis, ut telam aranearum tenuitate variis in locis superet.

2. In dicta Retina nihil medullofi apparet: omnia vasculosa, an verò medullosum sit abstersum in hoc objecto nec ne, affirmare non ausim. Mirum autem visu horum vasculorum extrema tam esse subtilia, nec cavitate destituta, ut tomentosa videantur, cereâ materiâ tamen referta, quâ sine, oculorum, quamvis armatorum, aciem facile aufugerent. Vide fusiozem de hac re explicationem Resp. Pr. 13. Tab. 16. Fig. 7. ut & 16.

Nº. IX. Phiala continens os Petrosi cum suis canalibus semicircularibus, ut & cochlea, à latere aperta, ut tenue septum osseum, seu lamina ossea non solum, verum etiam tenella membranula, cochleæ cavitatem, & septum osseum succingens, vasculisque sanguifluis ditata, conspici possint; suntque dicta vascula artificiosè repleta cerâ rubrâ.

Nº. X. Oculus humanus transversim dissectus, in quo ligamentum Ciliare ob vasculorum repletionem rubicundum apparet. Processus verò ejus cinerei coloris est, utpote vasculis non repletis.

In posteriore parte hujusce Phialæ in conspectum venit posterior Scleroticæ portio, cum Ruyschiana rubicundissima.

Nº. XI. Oculus humanus transversim dissectus, ut Ruyschiana videri possit; in eo quoque Ligamentum Ciliare, naturali pigmento nigro oblitum, apparet.

Notandum quoque: quod visu dignum, arteriolas, cereâ materiâ refertas, luculenter hic posse conspici, per eam partem superficiei interioris corneæ, quæ pupilla audit, quæ arteriolæ in pupilla hominis perfectè sani, nunquam in conspectum veniunt; tamen adesse jam constat, imò forte nunquam sese videndas exhibuissent, nisi hoc nostro artificio detexissem.

2. Arterias nervum opticum comitantes serpentino reptatu incedere, in hoc & aliis objectis, hîc quoque videre licet.

3. Molles nervi oculares, nervo optico cohærentes; ut & Retina è fundo oculi emergens, nullaue substantia medullosa obsita, hic videri possunt. An sic à natura?

Nº. XII. Phiali in liquore continens portionem reflexam Scleroticæ è corpore humano, cum nervo optico, ut Ruyschiana & Choroidea oculos nostros incurrerent.

Not. E medio Scleroticæ portio Retinæ emergit subtilissima.

Nº. XIII. Oculus humanus transversim sectus, ut interiora pateant.

Nº. XIV. Pueri caput liquori limpido innatans, cujus color viventis similis est, oculisque clausis, dormientis caput repræsentat.

Not. 1. Superior cranii pars, nec non cerebrum ablata sunt, remanentibus arteriis per cerebrum dispersis.

2. Arteriolæ, quibus integumentum membranaceum, nervum opticum investiens, superbit, in utroque latere conspici possunt, nec non reliquæ nervorum olfactoriorum.

3. Reliquæ falcis, cristæ Galli adhuc connatæ, sunt in hoc objecto visibiles.

4. Ea duræ matris portio, quæ tenacissime cohæret superiori parti orbitalium oculorum, innumeris arteriis scatet.

5. Quo ritu arteriolæ perambulent piam matrem, ad nervorum opticorum exortum, hic cerni potest.

Nº. XV. Oculus humanus liquori limpido innatans, qui ita præparatus est, ut Iris in conspectum sese daret.

Not. 1. Quantumvis arteriolæ, per Iridem dispersæ; repletæ sint, minus tamen conspicuæ hic sunt, quam quidem in facie ejus posteriore, quæ ligamentum Ciliare nuncupatur.

2. Nervi & Arteriolæ, nervum opticum comitantes, luculenter hic visuntur; nec non duo ex nervulis (Ciliaribus à me dictis,) admodum conspicui, idque propter arteriarum repletionem cerâ rubrâ.

N°. XVI. Oculi infantis pars postica, in qua Ruyschiana rubicundissima appareret: præterea ex oculi medio portio Retinæ erumpit.

N°. XVII. Portio asperæ arteriæ humanæ, liquori innatans, ut ita dictæ glandulæ in conspectum venirent, quæ sunt numerosissimæ, & dispersæ per interiorem superficiem asperæ arteriæ, ad ejus lubricationem destinatæ.

A S S E R T i u s.

N°. I. **F**œtus humani immaturi hepar ex carne, ut vulgo loquuntur, id est, ut ego loquor, hepar omnibus suis extremitatibus succosis, quæ glandulæ aliis perperam audiunt, destitutum, ut vasorum reptatus, numerus, &c accurate videri queant.

Quanta sit differentia inter veram dictorum vasorum existentiam, & figuras, ab autoribus depictas, hic cernere licet.

In jecinoribus, carne privandis, assolent unguibus, cultro ligneo, aliisve instrumentis ita dictam carnem auferre, unde vasa longiora evadebant: tandem extremitates, non omnes, quod impossibile est, acicularum cuspide pungebant, ateri affigebant, & sic exsiccabant, unde formam, à naturali plane diversam, acquirebant. Hisce ita peractis, pictoribus tradebant, è quorum manibus figuræ sculptori exhibebantur, unde innumera figmenta nobis obtrusa sunt.

A plurimis annis, in perscrutandis jecinoribus, & cæteris visceribus animum summopere defatigavi; sæpius ab aquæ frigore sensum amiserant digiti manuum, nunquam autem rem acu tangere potui; paucis autem abhinc annis methodum inveni, qua vasa sanguinea liberentur ab eo, quod visui impedimento est, ne rectè videri queant vasa: idque sine ulla adhibita vi, unde ramuli numero haud diminuuntur, neque longiores fiunt justò; id quod de vulgari præparatione dici non potest.

Not. I. Vena portæ pluribus gaudet ramulis minoribus quam vena cava, imò stipatur vena portæ ramulis minoribus, id quod consideratione dignum esse censeo, imò existimo, vasorum sanguineorum æconomiam & functiones nondum satis nobis esse notas. Noli autem B. Lector credere, me hic figmenta proponere. Si me convenire digneris, videbis me vera dicere. Paradoxum quidem videtur, quod dicitur vena portæ pluribus instructa esse ramulis, quam vena cava: veritati tamen

men consonum est. Vide Thes. 2. Tab. 4. Fig. 1, 3, 4.

Ex hac hypothese plures quidem speculationes proferre possem, quas hic tamen non movebo; brevitati enim studeo, ut ante obitum, si Deo Ter Opt. Max. placuerit, omnes Thesauros describere possim.

2. Cum impossibile mihi fuerit, majores ramos venæ cavæ & portæ propriis suis locis detinere, cum in liquore detineantur; hinc factum, ut venæ cavæ trunci & rami à portæ ramis recesserint; & sic vena cava hujus Phialæ fundo proxima facta sit.

Nº. II. Phiala, liquore referta, duo continet objecta, quorum primum & superius, à capillo dependens, oculus est humanus, omnibus musculis privatus, aurâque repletus, ut vera ejus forma rotunda appareat.

Quod nervus opticus duobus involucris sit præditus, hic constat.

Alterum objectum sunt duæ palpebræ humanæ cum notabili portione cutis faciei.

In limbo utriusque palpebræ evidenter hic apparet non solum utrumque punctum lachrymale, verum etiam oscula ductuum, humori transitum præbentia.

Nº. III. Oculus humanus liquori innatans, cujus musculi sunt separati, reservatis nervis.

Nº. IV. Stomachus humanus ita inversus, ut superficies interior jam sit facta exterior. In eo non solum innumeri occurrunt pori visibiles, quemadmodum hic delineandos curavi Tab. 5. Fig. 2. verum etiam antequam stomachus in os inferius exeat, alia phænomena mihi patefacta sunt, sc. innumera & minutissimæ cellulosæ intercapedines quadrangulares, diversæ magnitudinis, quæ analogiam habent cum istis, quæ reperiuntur in stomacho vitulino, & quidem ea parte, quæ Belgice audit *de Kraag*; sunt tamen longè majores, quam in stomacho humano. Vide Expl. Tab. V. fig. 4. & *.

Dixerit forsan aliquis, cui usui hæ sunt destinatæ? Resp. quam diu nobis vera partium constitutio latet, tam diu quoque perversè judicabimus de earum usu vero. Ego autem totus in eo sum, & omnes nervos intendo, ut quantum in me est, veram constitutionem perscruter, expectans ut alii circa usum idem sint facturi. Difficile enim mihi jam utrique negotio incumbere.

Quo-

Quomodo sese etiam habeant stomachi plicæ interiores, his quoque videre est.

In eadem Phiala conspicitur quoque exigua portio stomachi ovini fœtus, in qua dictæ quadrangulares intercapedines cellulosæ visuntur.

N. V. Phiala, in qua continetur brachium infantis, cujus manus comprehendit vesicam humanam inversam.

Not. 1. Brachium & manus vivido colore prædita sunt, cutis absque rugis præternaturalibus: Vesica autem desumpta est è corpore defuncti, calculo laborantis, unde Vesica admodum incrassata.

2. Vesica dicta ita inversa ut superficies interior jam sit facta exterior, ut videri possent ramosæ excrescentiæ præternaturales tunicæ interioris Vesicæ, quæ aliquando occurrunt, & in hoc objecto consideratione dignæ sunt, uti Tab. VI. Fig. 1. in hoc Thesauro 2. denotat.

In aliis objectis non rarò longiores quoque reperiuntur. Inter hæc ramosas excrescentias, à calculi attritione productas, calculi aliquando latitant, quemadmodum Pilæ lusoriæ, nuges, &c. inter plantas gramineas. Hinc non rarò contingit, in calculi extractione, ut lithotomus non solum calculum, verum etiam dictas ramosas excrescentias forcipe arripiat, unde lethalia symptomata sæpe suboriuntur; & hoc demum est, quod calculus dicitur adhæsisse Vesicæ; cum post extractionem calculi aliquid carnosum reperitur in forcipis cavitate. Rarissime enim, si unquam calculus connascitur Vesicæ. Interim quoque vix est ut credam, calculum post fata alicujus olim fuisse inventum (uti nonnulli perhibent) inter Tunicas Vesicæ, nisi à prægressa ulceratione, aut læsione Vesicæ, aut Ureterum prope Vesicam.

3. Crassities hujus Vesicæ excedit minimi digiti humani crassitiem.

4. Ornamentum fimbriaceum, quo ornatur dictum brachium, inservit primò, ut brachii vulnus ab amputatione productum, tegatur, secundò, ut visui gratiam conciliet.

N°. VI. Fœtus septimestris, aut inter sextum & septimum mensem natus, hydrocephalus, cujus caput mole superat truncum & artus. Huic quoque adstant quinque Phialæ inauditum quid continentes: ita ut historiam breviter recensere mihi animus sit. Honesta quædam matrona, adhuc superstes, & Amstelodami pancra-

ti-

ticè vivens, ante aliquot annos in partu versabatur. Mulieres adstantes me vocari jusserunt, quandoquidem ex voto partus haud succedebat; verum ante meum adventum pepererat dictum hydrocephalum. Obstetrix autem, placenta extractâ, percipiebat uterum adhuc onustum, extraxitque, me præsente, iteratis vicibus massam quandam heterogeneam, quinis in Phialis à me conservatam, fibrosam, cellulofam, mollem, duram, imo spongiosam, è qua sequentia emergunt.

Phiala I. N°. VII. notata, continet portionem notabilem supradictæ substantiæ heterogenæ, è qua emergit integrum crus cum extremo pede fœtus duorum triumve mensium, sine corpore visibili. Circa cruris exortum ex dicta substantia alter pes eruptus cernitur, sine visibili crure. Si parumper invertatur Phiala, ibi denuo conspiciuntur in dicta substantia fœtus ejusdem ferè ætatis cubitus & radius, à quibus caro, eo tempore admodum mollis & friabilis, recessit, ab inordinata & rudiori tractatione, antequam mihi tradere volebant sanguinei.

Sub dicto pede unus emergit digitus absque visibili manu; huncce locum aculeo notavi, ut citius in conspectum veniret. E regione dictorum reperiuntur duo pedes extremi sine tibiis aut femoribus; cætera autem adeò sunt confusa, ut nihil certi determinari possit. Vid. Tab. 3. Fig. 3. Thes. 2.

In secunda Phiala N°. VIII. notata, cernitur quoque magna portio dictæ substantiæ heterogenæ, in cujus fastigio os femoris carne & perioestio orbatum, situm transversum occupat, genu autem cartilagineum spinâ indigitavi. Sub dicto genu alterum quoque cernitur genu, sub quo unicus tantum digitus pedis exeritur; quinimò sub hisce omnibus varia membra sc. pedes; manusque, plus minusve perfectæ, visui occurrunt. Vid. Tab. 3. Fig. 1. Thes. 2.

In Phiala Tertia N°. IX. Major moles dictæ substantiæ conservatur. In ea sequenti lastrare licet.

Ex infima hujus substantiæ parte exeruntur duo crura malè conformata, quibus associatur quoque brachium, eodem loco emersum. In hisce membris Tibiæ maximè sunt incurvatæ.

Dicta membra oriuntur ex particula rotunda dictæ substantiæ, abdomini exiguo analoga, in suo medio instructa particula propendente, loco penis.

Phiala nonnihil inverfa, in confpectum venit pes sine vifibili tibia. Vid. Tab. 3. Fig. 2.

Phiala quarta N°. X. portionem infignem fupradictæ fubftantiæ retinet, è cujus fundo clunis oritur cum integro crure, fc. Femore, Tibia, & pede extremo. Per horum fuperficiem repunt tendines mufculorum vifibiles, fubftantiâ carnofâ abolitâ.

Dictus pes videtur exarticulatus, inferiores enim epiphyfes offis Tibiæ & femoris proprium non occupant locum. An à mala conformatione in utero prognata, an fecus, affirmare nequeo.

Supra dictum clunem, fitu tranfverfo, reperitur alterum os tibiæ, cum annexo offe furæ, quæ mufculofâ fubftantiâ orbatâ, nuda cernuntur.

Supra dicta offa emergit quoque ex dicta mole pes extremus, qui nullum commercium habere videtur cum mox citatis offibus.

Phiala dicta non nihil inuerfa, videnda fefe exhibent rudimenta duarum manuum, quarum fingulæ habent tres digitos minus perfectos, unguiculis quamvis inſtructos. Vid. Tab. 3. Fig. 5.

In Phiala quinta, N°. XI. notata, continetur portio ejufdem fubftantiæ, in qua nulli artus vifibiles reperiuntur perfecti.

Not. quoque ſunt ſequentia. 1. Quod omnia fupra citata membra videantur eſſe trium fere hebdomadarum.

2. Nuſquam videri poteſt caput perfectum, quamvis corpuſcula intermixta reperiantur rotunda, capitula mentientia,

3. Offa fupra memorata, jamjam in lucem edita, erant carne molli inveſtita: rudiores autem manus fricando annihilarunt carnem variis locis, antequam mihi traderentur.

4. Quod hic latus campus nobis occurrat diſſerendi, verum illud extra ſcopum meum hoc eſſet, qui, ut fupradictum, brevitati ſtudeo. Hoc tantum in medium profero, me in ea eſſe opinione, quod eo temporis puncto, quo fuit facta gravida honeſta illa matrona, plura ovula fuerunt ſimul tacta, aut fœcundata: unde confuſio eorum ſubſecuta eſt, cum per ductum ovarium ſimul uterum intrarunt.

5. Not. quoque, priori matrimonio illam nunquam utero geſſiſſe, & primum fuiſſe partum, de quo feci ſermonem, hoc ſecundo matrimonio, in quo plures poſtea peperit liberos ſanos.

N°.

N. XII. Phiala, in qua Arteria splenica Vitulina, cereâ materiâ rubrâ repleta, cujus ramuli in fasciculos exeunt succosos, & solubiles.

Not. Fasciculos crassiores esse in liene vitulino, quam in humano, & per consequens conspectiores; præterea, quia Lien vitulinus destituitur ramificationibus venosis, ea propter fasciculi dicti luculentius in conspectum veniunt. In homine verò ramuli venosi vix omnes repleri possunt, unde fibrosi quid præ se ferunt, visumque sæpe decipiunt.

Nº. XIII. Lien humanus liquori limpidi quoque immerfus, ut omnia distinctius videri possint.

Not. 1. Simulac arteriam splenicam cerâ rubrâ infarciebam, plurimæ quoque venulæ replebantur, id quod sæpissime, si non semper, contingit; unde factum, ut plurimæ venulæ rubicundæ, aliæ autem griseo colore sint præditæ. Hoc si quis non rectè animadvertat, facile perversè judicet, venosum genus fibrosum esse, cum contra Lien humanus fibris sit destitutus, quantumvis vitulinus iis stipatus. Vid. Resp. in Epist. Problem. 4

2. Lienem humanum interne prorsus esse destitutum glandulis, & cellulis à nonnullis auctoribus descriptis, & depictis.

3. Inter dictæ arteriæ extremitates, variæ hic sunt, quibus extremum succosum adhuc cohæret.

Nº. XIV. Phiala, in qua pueri stomachus, cum annexa gula & omenti pariete anteriore, à fundo stomachi dependente.

Not. 1. Huncce stomachum naturali, & vivido colore, non solum esse præditum, verum etiam naturalem reservasse formam, & magnitudinem.

2. Omnes arteriæ, per stomachi superficiem externam diffeminatæ, visui occurrunt. Quæ autem fundum perambulant, maxima parte subito quasi finiri, & detruncari videntur; cum contra interiora petentes, potiores ramificationes suas distribuunt per Tunicam nerveam, unde longe pluribus superbit ramulis sanguifluis nervea tunica, quam carnea, aut communis, vel etiam villosa; id quod notatu dignum esse censeo: imò judicandum videtur, arteriarum extremitates in hac tunica aliquid peragere, quod in cæteris tunicis stomachi non fit.

fit. Tantâ enim sanguinis copiâ, quanta hic loci reperitur, non indiget dicta nervea tunica, ad sui nutritionem, aut calefactionem. Ego existimo in istis extremitatibus arteriosis ex contento elaborari; & segregari humorem serosum, quo intestina humectantur; & sic attribuo dictis extremitatibus arteriosis, quod alii peculiaribus corpusculis rotundis, quæ glandulæ audiunt, attribuerunt: quæ ita dictæ glandulæ mihi nil aliud sunt, quam dictæ Vasculorum sanguineorum extremitates succosæ, quasi in globulos oblongo-rotundos, imò rotundos, & in fasciculos congestæ.

Ratio, quare hoc credere cœpi, sequens est. Cum cerâ rubrâ replem arterias mesentericas, dicta materia propellebatur ulterius per ita dictas glandulas in intestinorum cavitatem; & hoc sæpissime mihi contingit. Præterea intestinum duodenum inversum, cujus arteriolæ erant repletæ, indidi liquori, post macerationem in Aq. simplici, atque ita reperi dictas glandulas miliâres intestini duodeni penicillorum modo esse dispositas. De hoc objecto fusius in subsequenti Thesauro descriptionibus.

3. Nota. Oesophagum hujus stomachi ita esse præparatum, ut fibræ musculosæ & longitudinales, quarum ope oesophagus, ubi necesse est, abbreviatur, hic luculenter conspici possint.

4. Quomodo nervi, per stomachum distributi, ad latera oesophagi descendant, hic ab uno latere videri potest.

5. Omentum myriadibus arteriolarum scatere hic constat; ad extremum enim usque repletæ sunt cerâ rubrâ. Quia autem hoc à nemine hætenus ita vidi ære expressum, operæ pretium esse duxi, hisce Tabulis inferere. Vid. Tab. 5. Fig. Thes. 2.

6. Omentum in statu sano nullis foraminibus esse pertusum, (quamvis contrarium velint, & in figuris suis expresse- rint nonnulli) liquido hic constat, in dicto, & cæteris à me conservatis omentis. Monendum tamen, si suspensa manu haud tractetur omentum, facillime foraminosum fieri.

N°. XV. Puerorum renes, in liquore limpidio conservati, quorum supremus à capillo dependens, naturali colore rubicundo perfusus, ex parte separatus est, à prima & extrema
tu-

tunica, adiposa dicta, ut superficies inæqualis in conspectum veniret.

Hæc inæqualitas superficiei in ea ætate consideranda est, ut puerorum & fœtuum renes videantur glandulæ conglomeratæ, id quod tamen locum habere non constat.

Dicta membrana adiposa innumeras particulas adiposas sibi habet connexas, formâ planas, rotundas, oblongo-rotundas, imo & angulares; & hoc distinctius videri potest in fœtu, quam in ætate provectiori. Prædictæ particulæ adiposæ, sunt propriè cellulæ adiposæ, Malpigio dictæ, circa quas notandum, quamvis dicantur adiposæ cellulæ, & revera adiposæ sint in vaccis, & ovibus, de homine tamen minus propriè dici, quandoquidem nullus adeps in toto corpore humano reperitur, & per consequens inepta est divisio, quam auctores faciunt, scilicet in pinguedinem, propriè dictam, & adipem. Nam quod dicitur adeps circa renes, omentum, cor & mesenterium dictorum animalium, illud vera pinguedo est in corpore humano, propterea quod in homine non solum vivo, verum etiam in cadavere recenti, admodum mollis existit, & haud solum sub cute, verum etiam circa cor & cæteras dictas partes, à calore digitorum facile liquefcens: imò nisi coërceretur in cellulis, diffunderet sæpe in corpore vivo, à motu nimio, æstate excitato. In equis quoque nullus adeps, sed mollis pinguedo, unde eorum viscera obesiora facta, à nimio calore & corporis agitatione sæpissime pinguedinem effundunt in cavitatem abdominis, præsertim ubi cellulæ justò tenuiores sunt.

Dixi superius pinguedinem humanam admodum esse mollem, non solum in corpore vivo, verum etiam recens denato, quia experientia edoctus sum, pinguedinem humanam in adipem non rarò degenerare, in cadaveribus obesioribus, viginti & plures annos post humationem. In ea degeneratione, in tumulis facta, non solum indurefcit pinguedo, verum etiam color ejus fit niveus. Considerandum etiam, in omnibus cadaveribus ejusmodi mutationes haud esse obvias; sed in iis, quæ sepulta sunt loco humidiori, & profundissimo.

In fundo hujus Phialæ visuntur renes puerorum, saturatiore rubedine perfusi, quia vasa sanguinea in totum sunt repleta.

Nº. XVI. Phiala in liquore continens Puéri Veficam urinariam, cum postica parte penis, ut & prostaticis.

Not. 1. Dictam penis portionem, à feta dependentem, naturalem situm, figuram, incurvationem sub ossibus pubis, ut & crassitiem, reservasse.

2. Utrumque corpus nerveo-spongiosum majus, ut & minus, cereâ materiâ esse repletum.

3. Septum nerveum, corporibus duobus majoribus interstitum, accuratè videri potest in hoc subjecto, sicuti & prostaticæ, sub ossibus pubis protuberantes.

4. Ureter unius lateris gaudet arteriolis variis, necnon nervis, secundum longitudinem proserpentibus.

Nº. XVII, Phiala, in cujus liquore innatat Vena portæ vitulina, artificiosissimè repleta cerâ flavâ. Inter omnes præparaciones, quas unquam feci, haud minimum hæc locum occupat. Ramuli enim minutissimi sunt conservati & repleti, qui tanto sunt numero, ut tale quid nunquam viderim.

Nº. XVIII. Puellæ pudendum, naturali colore præditum, & ita conservatum, ut jamjam à corpore videatur separatum, aut excisum.

Not. 1. Inter nymphas, sub meatu urinario, Membrana hymen luculentissimè videri potest.

2. Supra meatum urinarium, caput clitoridis cum ejusdem præputio conspiciuntur.

3. Sub dicto pudendo exactissimè videri potest, ubinam cutis perinæi finem faciat, & quasi in membranam degeneret rubicundam, & æqualem, cum contra cutis nonnihil asperior appareat.

A S S E R Quartus.

Nº. I. **O**culus infantis cum portione exigua ossis frontis.

Not. 1. Orbita ablata, ut muscoli oculares in naturali situ conspici possint.

2. Quomodo nervus, supra dictos musculos, & ulterius per foramen ossi frontis insculptum proserpens per pinguedinem, musculum & cutem frontis distribuatur, hic oppidò quam benè videre licet.

3. Mu-

3. Musculi naturali colore sunt imbuti.

4. Phialâ nonnihil inversâ, conspiciendas sese exhibent oculorum Tunicæ, Sclerotica, Choroidea, Ruyschiana & Retina.

N°. II. Placentæ uterinæ humanæ portio, materiâ cereâ repleta.

Nöt. 1. Placentam nullis glandulis esse instructam, sicuti aucthores autumant, hic luculenter apparet, luculenter inquam, quandoquidem objectum tali modo præparatum est, ut nemo hoc visô, posthac de veritate structuræ dubitare possit; nihil enim placentæ ademi, nec digitis fricavi, solummodò cerâ flavâ replevi vasa, tanta cum dexteritate, ut ne minimus quidem ramulus intactus sit relictus.

2. Nusquam offendi vasorum sanguineorum extrema, quæ tantam analogiam habent cum iis, quæ constituunt corticalem cerebri substantiam, quantam placentæ uterinæ vasa.

3. Nullum reperi viscus, (licet constituatur etiam ex vasis, prout Lien &c.) cujus ramificationes minores adeò sint copiosæ, quam in placenta uterina. Vid. Tab. VI. Thes. 2. Ramorum linealium, hepaticorum, Renalium, Placentæ uterinæ, &c. figuras repræsentantem.

Hiscæ rite perspectis facilè erit judicare, vasorum sanguineorum extrema summopere inter se differre, neque frustra.

4. Vasa sanguinea, placentam uterinam constituëntia, nequiquam uniri cum vasis sanguineis uterinis, in sequenti Thesaur. tertio ostendere decrevi, additis nonnullis, quæ ab aliis sunt neglecta.

N°. III. Placentæ uterinæ portio, cujus vasa sanguinea, placentam conficientia, repleta sunt cereâ materiâ, dilutiore rubedine perfusa.

Dictum objectum, ut & antecedens, liquore limpido innatat, quo sine non tam accuratè in oculos incurreret.

N°. IV. Portio Arteriæ splenicæ vitulinæ, cereâ materiâ rubrâ impletæ. Hujus extremitates penicilla detrita repræsentant, id quod nec in placenta uterina, nec in corticali cerebri substantia locum habere, comperi.

N°. V. Ejusdem hepatis hydropici, (de quo mentio facta Thesaur. 1. fol. 34 & 35.) Portio lateralis, in qua etiam de-

demonstratur, omnia Vasa sanguinea, nullo ramulo excepto, degenerasse in hydatides. Vid. Tab. 2. Fig. 3.

Notandum quoque membranam hancce hepar investientem, valde esse incrassatam; & substantiam hepatis à latere læso visam, spongiam succo quodam repletam repræsentare.

Nº. VI. Phiala continens portionem epidermidis infantis, in cujus superficie interiore superstites conspiciuntur papillarum cutanearum extremitates minutissimæ, cuticulam, ut opinor, constituentes. Ego enim statuo, cuticulam nil aliud esse, quam efflorescentiam extremitatum papillarum cutanearum; quæ extremitates sensu exquisito, quo aliquantò profundius sunt præditæ, destituuntur, & sic quoque dicitur epidermis non sentire, & nos nullo dolore afficere, si lædatur; sentit tamen suo modo.

A multis seculis quidem pro certissimo dictum fuit, epidermidem esse constitutam ab humoribus excrementitiis, & inutilibus, frigoris ambientis opè condensatam, sicuti in pulte frige facta videmus fieri: sed embryones & foetus in utero materno frigus externum non patiuntur, & tamen epidermide haud destituuntur; & sic corrui eorum hypothesis.

Nº. VII. Phiala portionem arteriarum, per medullarem cerebri substantiam disseminatarum, continet, idque ex infante. Inter hæc arterias, variis in locis reperiuntur, quæ extrema parte sua propriè sunt vera corticalis cerebri substantiæ vascula.

Nº. VIII. Hominis processus vermiformis intestini cæci, secundum longitudinem apertus, & liquori immersus, ut glandularum spuriarum numerus clarè videri posset; & sic apparet, dictum processum magnam habere analogiam cum processu vermiformi leporis, quamvis tantam non habeat capacitatem; utriusque enim processus tot habet glandulas, ut sibi invicem accumbant, nullo ferè relicto spatio inani. Dictæ glandulæ adeò molles sunt, ut suspensa manu processus tractandus sit, alioquin glandulæ evanescunt, aut saltem numerus earum diminuitur.

Nº. IX. Phiala crystallina sicca, in qua à capillo dependet sceleton Aviculæ Indiæ occidentalis, tam exigua, ut dubitem, an minor unquam sit reperta; aviculæ autem nomen apud Lusitanos est *Pegafrol*. Ejus ossicula admodum sunt subtilia, filumque variis in locis tenuitate superantia.

Nº.

N°. X. Phiala, in qua portio membranæ Chorii, cui aliquot cotyledones adhærent, suntque ex ove.

Not. 1. Dictæ cotyledones nil aliud sunt quam placentulæ uterinæ, quibus chorium ovinum scatet.

2. Nullas hic quoque reperiri glandulas, certum est.

N°. XI. Membrana cornea humana, qua facie postica visa, demonstratur, quomodo in corpore vivo Ligamentum ciliare, ut & ejus processus recedere valeant à pupilla; ut & quomodò denuò ad eam queant accedere: quem in finem liquori limpido innatant, quemadmodum in corpore vivo.

Not. Præterea, hic posse conspici circulum minorem, pupillæ proximum, in quem desinunt tendinosæ fibræ processus ligamenti ciliaris; estque idem circulus, quem præditum esse existimo fibris orbicularibus, ad pupillam constringendam & angustandam. Hæc omnia innumeris prædita esse vasculis sanguineis hic videre licet.

N°. XII. Phiala in liquore conservans palati partem mollem, seu integumentum infantis, per cujus superficiem linguam respicientem distincte visuntur non solum glandularum palatarum oscula, mucum quoque eructantia, verum etiam Papillæ palatinæ protuberantes, & gustui destinatæ: suntque arenâ multis numeris minores. Præterea conspiciuntur rugæ asperæ transversales, seu juga palati.

N°. XIII. Testudinis Lingua, cujus area stipatur papillis innumerabilibus, linguæ bovinæ similibus, utpote longis, & mucronatis, pelliculâ epidermidis vicaria obductis.

N°. XIV. Pueri oculus à seta dependens, cujus Sclerotica nonnihil inversa, ut Choroidea, arterioli stipata, videri possit.

Not. 1. Tunica retina, arterioli repleta, in oculos incurrit, si Phiala paululum inclinetur.

2. Quo pacto arteriolæ per Iridem disseminentur, cerni hic potest.

N°. XV. Fœtus Balænæ hepar excarne, uti vulgò loquuntur.

Not. 1. Dictus fœtus erat longitudine unius fere ulnæ.

2. In Hepate nullæ glandulæ sunt repertæ.

3. Vasa sanguinea maxima ex parte hepar constituentia accurate hic lustrari possunt, præsertim eorum extrema.

N°. XVI. Oculus pueri in fundo Phialæ positus, & ita præ-

paratus, ut Scleroticâ ademptâ, in conspectum veniat Choroidea, eâque laceratâ, videri quoque possint Retina, & Iris, cum earum arteriis repletis. Notandum per superficiem tunicae extimae, nervum opticum investientis, arteriolas numerosas, ut & nervos serpentino reptatu decurrere. Dicti nervi ramos emittunt ad Ligamentum ciliare.

Nº. XVII. Phiala liquore referta, in qua à fetis dependent duo objecta, quorum primum & superius, Os petrosum est, ita præparatum, ut capsæ cavitate aperta, cerni possint in suo situ naturali malleolus & incus, perioestio obducta.

Not. 1. Perioestium dictorum ossiculorum copiosis gaudet vasculis sanguiferis refertis.

2. Incus cum suo musculo tenuissimo hic conspici quoque potest.

3. Per membranam Tympani laceram disseminantur hic vascula sanguinea innumera repleta. Vid. horum fig. in Resp. Epist. Probl. 8. ad Exp. Virum Grætz.

Alterum objectum auricula est, naturali colore suo prædita, sine ullo fuco aut pigmento.

Nº. XVIII, Placentæ uterinæ muliebris portio.

Not. 1. Vasa sanguinea, placentam constituentia, tota replevi cerea materia rubra, ut si quid præter vasa sanguinea in placenta reperiretur, in conspectum sese daret; verum nil nisi vasa sanguinea reperi. A multis seculis pro certo habitum fuit, Placentam uniri utero per utriusque vasorum extremitates. reperiuntur quoque ad hoc usque tempus haud infimi subsellii Anatomici, qui mordicus hoc defendere volunt. quid autem sit hujus rei, facile expiscari poterit, si quis huic viæ nobiscum insistere velit.

Repleveram eum in finem multoties vasa sanguinea, Placentam constituentia, cerea materiâ rubrâ, reperique placentam non solum amictam membranâ, ea facie, quæ fœtum spectat, & Chorion appellatur, verum etiam facie uterum spectante integumento membranæ analogo esse obductam, & firmiter extremitatibus vasorum connatam.

Dicta substantia membranacea tenacitate carens, vix ac ne vix quidem, separabilis est à placenta; videturque aliquatenus convenire, ratione substantiæ, cum Chorion membrana, (cujus continuatio esse videtur) quæ etiam in homine neutiquam tenax.

2. Dictum integumentum visum haud fuisset, nisi præcessisset dicta repletio, unde placenta integra rubicunda apparebat, membranacea autem substantia albicans aut grisea sensui occurrebat, idque per integram superficiem placentæ, quæ utero connectitur.

3. Placenta molliter & suspenfa manu tractanda, alioquin laceratur, ea scilicet facie quæ uterum respicit. Unde lacerata, quasi in varios globulos dividitur, & per consequens dirumpitur dicta membranacea substantia, unde minus observari potest.

4. Aliquoties observavi dictam substantiam membranaceam variis locis lapideam naturam induisse, fœtu bene constituto.

Hæc itaque expertus statuendum cenfeo, Vasa sanguinea uterina non immediate uniri cum Vasis placentam conficientibus, sed utriusque cohæsionem fieri mediante prædicta substantia membranacea,

Latus campus hic jam aperitur ad disserendum, quomodò, hoc concessò, nutrimentum fœtui dicatum ex utero ad fœtum perveniat, per quas vias, ubinam præparetur & perficiatur &c.

Mihi autem consultum videtur, id jam præterire, ne ab instituto nimium digrediar, neque limites nimis extendam; scopus enim tantum est præparatorum meorum catalogum exhibere. quid autem sit de fœtus nutrimento, quo præparetur loco, &c. ex sequentibus palam fiet.

Nº. XIX. Portio Tunicæ tertiæ seu interioris uteri ovini imprægnati, per quam myriades vasorum incognitorum disseminantur, in quibus nutrimentum, fœtui dicatum, præparatur. Suntque vermicularia à me dicta, propterea quod instar vermium reptatus repunt per integram tunicam intimam uteri Vid. Tab. VI. Fig. 6. Thes. 2.

Hæc autem vasa in conspectum meum venerunt, postquam Vasa sanguinea uterina cera rubra impleveram. hæc enim limpida occurrebant, illa verò rubra. In illis vermicularibus vasis alimentum confici existimo, non autem in ita dictis glandulis, quas hæctenus nemo luculenter demonstrare potuit in utero.

Rogabit forsitan aliquis; an vasa apta sint ad humorem peculiarem conficiendum. Resp. cum vasa feminalia semen confi-

cere valeant in testiculis, ubi nullæ glandulæ; cum in hepate nullæ reperiantur glandulæ, & tamen hepar otiosum non sit præparando humore bilioso, non video, quare id non in utero fieri possit ab istis nove detectis vasis.

Quò ex illis Vasis ulterius progrediatur dictus humor, infra pluribus ostendam.

Nº. XX, Oculi humani Tunica Choroidea, & Ruyschiana, ita præparata, ut utraque in conspectum veniat. Quanta sit differentia inter reptatum Vasorum sanguineorum utriusque Tunicæ, hic videre licet. Notandum interim, faciem interiorrem esse factam exteriorrem, objectumque conservatum esse in liquore, ut luculenter videri posset.

A S S E R Quintus.

Nº. I. **V**itulini oculi utraque palpebra,

Not. 1. Omnia oscula ductuum excretoriorum in limbis existentia, in conspectum veniunt: imò in illis hæret & protuberat humor viscidus, à liquore nostro, cui innatat, coagulatus.

2. E Glandula lachrymali prodeunt pili varii.

3. Puncta lachrymalia admodum capacia sunt.

Nº. II. Oculus humanus, cui annectuntur quinque muscoli oculares: sextus autem deficit in hoc subiecto, suntque musculi naturali colore præditi.

Nº. III. Portio corticalis substantiæ cerebri liquori limpidò innatans, sine quo impossibile est veram ejus formam demonstrare. Hic autem luculenter apparet corticalem cerebri substantiam neutiquam esse glandulosam, sed vasculosam: quare vascula sang., corticalem substantiam constituentia, cera rubrâ replevi. Huic variis quoque locis quidem adhæret substantia medullosa, hæc autem nulla rubedine est perfusa, à repletionem dicta.

Nº. IV. Tunica, per asperam arteriam tussi rejecta, quæ si non sint portiones Tunicæ intimæ asperæ arteriæ, analogiam saltem habent cum ea, utpote innumeris foraminibus pertusa & satis quoque tenaces. Puer octo annos circiter natus in tussim molestam incidens, cum febris continua, rejecit per vices varias particulas membranaceas, porosas, satis tenaces & paucis

cis post diebus supremum diem obiit: hujus autem parentes cadaveris lapertionem non admiserunt, ita ut nil certi hac de re statuere potuerim.

N°. V. Muris hepar, à feta dependens in Phiala, humore limpido repleta.

Not. 1. In illo hepate reperti sunt bini tumores exigui rotundi, magnitudine pisi vulgaris. Horum alterò apertò reperti dictum tumorem nil esse, nisi membranulam, continentem vermem ea latitudine, qua est stramen, album, magnitudine digiti, figurâ & formâ vulgaris lumbrici lati, articulati.

2. Dictus vermis in fundo Phialæ videri potest, ut & alter tumor nondum apertus.

N°. VI. Pueri uvula, cujus integumentum, epidermidi vicarium, ex parte ablatum est, ut fibrarum longitudinalium concentratio videri possit.

N°. VII. Pueri plexus Choroideus rubicundissimus, propter arteriolarum repletionem. In eo nullæ glandulæ visibiles, quin imò videtur dictus plexus continuationem habere cum dictis arteriolis, aut arteriolæ videntur degenerare in plexum dictum: replendo enim arterias, plexus quoque repletur. De hisce plura, ubi de glandulis conglomeratis agere decrevi. Fig. plex. videri potest Resp. Epist. Probl. 12.

N°, VIII. Vasa arteriosa, per Piam matrem dispersa, ex infante.

N°. IX. Oculi humani utraque palpebra.

Not. 1. In angulo majori foramina lachrymalia hiantia, ut & oscula Vasculorum exiguorum, in utriusque limbo existentium, conspicua.

2. Glandulam lachrymalem multis osculis præditam esse, hic constat.

N°. X. Fœtus humani Pulmo, cum annexo Corde, Thy-mo, portione pericardii, asperâ arteriâ, arteriæ magnæ trun-co, tribus ramis sursum spectantibus.

Not. 1. Hæc omnia sunt indurata, repleta, & extra liquorem conservata.

2. Quomodo arteria magna cum arteriâ pulmonali conjun-gatur in fœtu humano, hic apparet.

3. Glandulæ Thyroideæ, sub larynge sitæ, hic conservatæ sunt.

4. Per pericardium Vasa sanguinea dispersa visuntur.

5. In latere dextro pulmo in tres lobos magnos est divisus, in sinistro verò duo tantum occurrunt lobi, id quod sæpissime observatur.

6. Corculum, lapidis instar duratum, proprium situm inter pulmonis lobos majores retinuit.

Nº. XI. Officula brachii & extremæ manus, sceleti fœtus humani, trium circiter mensium, in liquore conservata, ut accurata videri possit vera eorum constitutio in ea ætate, id quod frustra expectandum in sceletis exsiccatis.

Nº. XII. Æthiopis cuticula nigricans, in liquore conservata, in cujus superficie interiore, avulsæ reliquæ papillarum cutanearum comparent.

Nº. XIII. Portio corporis reticularis, supra cutim sita, idque ex Balæna.

Not. In ea foramina admodum esse capacia, corpusque reticulare valde crassum, in hoc animalium genere.

Nº. XIV. Phiala in liquore conservans infantis, octo præter propter menses nati, dentes molares aliquot, cum eorum contento molli.

Nº. XV. Infantis officula auditus in liquore sita.

Nº. XVI. Testiculus humanus dissolutus, id est ita præparatus, ut vascula, semen conficientia, à se invicem recesserint, ut eo distinctius videri possit, testiculorum constitutionem neutiquam esse glandulosam, sed vasculosam,

Nº. XVII. Oculus humanus liquori innatans.

Not. 1. quod naturalem retinuerit formam rotundam.

2. Musculi ab oculo dependentes, naturali colore rubicundo præditi sunt

3. Quomodo arteriæ & nervi perambulent superficiem nervi optici, sensui hic obviam fit.

4. De hocce oculo mentio facta in Respons. Epist. Probl. 13. ubi fol. 13. hæc leguntur verba: *Sub hac expansione tendinea videndam sese exhibet Tunica Sclerotica, quæ tertia est, & admodum dura, crassa, atque opaca. Hujusce pars anterior, Cornea audit, quæ pellucida, diaphana, & transparens est, veluti cornu politum, estque in aliquibus aliquantò convexior, non autem in omnibus. Per dictam Tunicam mihi videre videor plurima vascula nova, secundum longitudinem de-*
cur-

currentia , quæ neque sanguiflua , neque lymphatica esse reor , (quantumvis lymphaticorum æmula sint) quia in totum cum iis non conveniunt. dixi , quod mihi videre videar , quia tanta in re haud libenter aliquid proferrem , nisi certissimus factus &c.

Nº. XVIII. Portio Scleroticæ , cui adhærent muscoli oculares , ut & arteriæ , per musculos disseminatæ.

A S S E R Sextus.

Nº. I. **P**Ueri reni dissectus , ut interiora conspici possint.

Not. 1. Aliquot ex papillis renalibus à me sunt dissectæ , nonnullæ quoque illibatæ , ut , quicquid in illis considerandum est , lustrari possit.

2. Variis locis tubuli pelvis non solum , verum etiam ductus urinarii Bellini luculenter in conspectum veniunt ; circa quos consideratu dignum censeo , quod omnes dicti ductus Bellini cereâ materiâ quoque sunt repleti. Simul ac infarcirem arterias renales , (& hoc mihi jam semper contingit,) infarciebantur quoque ductus Bellini omnes , imò Tubuli renales , nec non pelvis ipsa ; unde conjicere haud absurdum est , ductus Bellinos , sive urinarios , continuationes esse arteriarum renalium , sive circa utriusque extremum aut secus. Nemini autem arduum videbitur , quod dixi , me *conjicere* ductus Bellinos continuationes esse arteriarum renalium , modo consideret , quod nemo hætenus inter arterias spermaticas , & vasa semen conficientia , testiculosque constituentia , ullam glandulam demonstrare valuerit , neque ullam glandulam interpositam esse inter ductus vermiculares supradiçtos , & arterias uterinas. Præterea corticalem cerebri substantiam ex meris vasculis sanguineis constare , luculenter demonstrare valeo , cælò serenò : ne dicam de hepatis & lienis constituto vasculoso , non autem glanduloso. Itaque hisce bene consideratis , haud arduum fore existimavi , quod dixi , & dubitanter proposui dictorum vasorum continuationem. Interim omnes vires intendere animus est , donec hujusce rei certior factus omne dubium superem.

Dixerit forsan aliquis , Cl. Malpighium descripsisse suas glandulas renales , forma rotundas , imò & diaphanas , easque reperiri in dorso renum , &c. Resp me non ignarum esse , paucas reperiri particulas rotundas , & diaphanas in rene vitu-
li-

lino, magnitudine ovulorum piscium, microscopio visas; verum enimverò perpaucae sunt, respectu totius visceris, easque nondum in dorso, sed in renis medio offendo. Utrum autem tales particulae diaphanae dicendae sint glandulae, nec ne, anceps hæreo.

Ultimò considerandum, vasorum sanguineorum renalium extrema mirum in modum esse contorta, sicuti Tab. 6. fig. 7. Thef. 2. indicat, neque hoc frustraneum est, sed potius existimandum, segregationes, quinimo confectiones humorum in corpore nostro, dependere à configuratione, ut & diversitate substantiae extremitatum Vasorum, quæ, ut supra innui, consideratione digna est. De hisce fufius in descriptione sequentium Thesaurorum, ubi integros renes æricurabo incidi.

Nº. II. Hominis utraque palpebra, in quibus præter foramina, in limbis existentia, ut & ea, quæ puncta lachrymalia audiunt, nova quædam apparentia visui sese offert; ast nondum mihi satisfacere possum, quid sibi velit.

Nº. III. Phiala oculum humanum continens, cujus arteriæ sunt repletæ materia cerea: & sic Scleroticâ ademtâ, conspiciendam sese exhibet Choroidea, exiguo foramine pertusa, ut vitreus humor in conspectum veniret, qui naturâ limpidus & transparens, in hoc objecto opacus & albidus apparet, idque à liquore, cui innatat.

Not. 1. Tunicae Choroideæ Vasculis arteriosis cera rubra repletis, luculenter sese videndos exhibent nervi ciliares albicantes, & per superficiem exteriorem Choroideæ reptantes.

2. Ruyschiana hic non apparet, utpote Choroideâ non satis apertâ aut laceratâ.

3. Nervi & arteriæ, per superficiem tunicae exterioris nervi optici dispersæ, videri hic quoque possunt.

Nº. IV. Phiala liquore referta, in qua nobis occurrit fœtus humani os petrosum, à seta dependens.

Not. 1. Dictum os in duas partes esse divisum, sc. in os petrosum, stricto nomine ita dictum, & in squamosum. quicquid autem in singulis ossibus incurrit in oculos, hic videri potest.

2. Ossis petrosi capsula, (quæ pars interior est, nobisque obvia pone membranam tympani) tenuissimâ membranâ est succincta, quæ visum nostrum fugeret, nisi arteriolæ per eam diffeminatæ, & cerea materia rubra repletæ, ejus existentiam nobis manifestarent.

3. Officulum, Stapes dictum, in situ naturali, sc. in foramine ovali hæret, estque obvelatum seu amictum membranulâ tenuissimâ, arterioli quoque instructâ.

4. Foramen rotundius in dicta capsâ, quod viam præbet cochleæ, hic quoque non solum apparet, verum etiam membranula dicti foraminis limbum, ut & cochleæ cavitatem, nec non ejus septum osseum, investiens.

In altera ossis petrosi parte, sc. osse temporum, setæ quoque adhærente, sequentia lustrantur.

1. Membranam Tympani geminam esse apparet, præter involucrum extimum, quod in fœtu humano invenitur, & tympani membranæ cohæret.

2. Exteriorem tunicam sive lamellam separabilem esse ab interiore, quemadmodum in oculis, Ruyschiana à Choroidea.

3. In hoc objecto exigua portio lamellæ exterioris separata est ab interiore, in aliis autem objectis, postea describendis, maximam portionem separavi.

4. Pellicula exterior innumeris arterioli repletis superbit, quibus interior hic destituitur, forsan quia non sunt repletæ.

5. Hancce membranulam Tympani nusquam hic foramine esse pertusam aut perforatam, sed ubique in ambitu ossi orbitali connatam.

6. Quomodo Incus & Malleolus sibi invicem cohæreant, & quo ritu malleolus affigatur membranæ tympani, hic videri potest: suntque dicta officula perioestio quoque obducta, per quod arteriolæ visuntur dispersæ.

7. Quartum officulum auditus, stapedis parti superiori annexum, distinctissime hic lustrari potest, & quod magis est, arteriolæ repletæ conspici possunt, in membranula quartum officulum investiente.

Nº. V. Portio maxillæ superioris ex infante, in qua luculenter videri potest, dentes pueriles, ante indurationem osseam aut lapideam, colore & substantiâ constare diversa. exterior enim albicat, sequens coloris est cartilaginei, tertia & intima, quæ cæteras copiâ superat, mollis, & plurimis sanguineis vasis prædita.

Nº. VI. Portio funiculi umbilicalis Hippopotami cum annexa portione Chorii, innumeris globosis corpusculis referti; & ea æquant magnitudinem ciceris, lentis, & nonnulla capitulis aciculæ majoris; qualem autem habeant usum, nondum expiscatus sum.

N°. VII. Pueri portio Nasi, secundum longitudinem dissecti, ut septum narium ejusque involucra in conspectum venirent.

Not. Septo suis integumentis adhuc investito, conspicendum sese exhibet in utroque latere ductus peculiaris, per quem Mucus excernitur. In uno latere indidi feram, ut intuenti statim sese manifestaret. Sed de hoc alias plura.

N°. VIII. Infantis pia mater liquori innatans, adeoque tenera ac subtilis, ut vix præter vasa sanguinea aliquid membranosi appareat. Videtur enim fere ex meris Vascularibus sanguineis constare, quæ ope alicujus substantiæ membranosæ suo continentur loco, ne inter se confundantur. Hoc demonstrari non potest, nisi arteriæ ad finem usque sint repletæ materiâ cereâ rubrâ. hoc enim factò, quicquid arteriosum, aut venosum rubedine perfusum est, & quod restat membranosum esse constat.

N°. IX. Phiala in cujus liquore duo conservantur objecta. horum primum & minus, duæ sunt palpebræ humanæ, quarum arteriæ sunt repletæ, unde rubedinem induerunt.

Alterum quoque duæ sunt palpebræ humanæ, quarum arteriæ haud repletæ sunt. In iis videre licet puncta lachrymalia, & in marginibus oscula notissima rivulorum, humore viscido & duro hic repleta.

N°. X. Phiala continens duos oculos humanos transversim sectos, in quorum cavitate luculenter lustrari potest Tunica retiformis, medullosa substantiâ obsita. huic proximè adjacet Ruyschiana, pigmento nigro obducta.

N°. XI. Phiala, in qua duo objecta visuntur, quorum alterum, à capillo dependens, oculus est infantis, transversim sectus.

Not. 1. In Portione reticulari è fundo oculi emergente, notandum, Vascula sanguinea tota esse repleta ad extremitates usque, & hoc factò, dicta reticularis seu retiformis videtur constitutio ex vascularibus sanguineis, quæ, per membranosum quid, suo loco detinentur: medullosum autem in hoc objecto vix perceptibile, in aliis autem fatis evidens.

2. Arteriolæ Ruyschianæ Tunicæ hic sunt repletæ, & quam diversæ sint reptatu ab arteriis Choroideæ, hic cerni quoque potest.

3. Ligamentum Ciliare neutiquam muscutorum munere fungi, sed vero ejus processum, fatis evidens quoque est in hoc ob-

objecto. Vide quoque Tab. 1. Fig. 4. 5. & 7. Thef. 2.

4. Ruyschianam Tunicam pertingere ad finem ligamenti Ciliaris, oppidò quam bene hic cerni potest.

Alterum objectum in fundo Phialæ positum, posterior oculi pars est, cujus arteriæ ita planè sunt repletæ, ut tandem extravasatio sit facta, & hoc facile fit, si minus caute peragatur negotium illud.

N°. XII. Portio arteriæ splenicæ vitulinæ repletæ, cujus extremitates fasciculatim sunt dispositæ.

N°. XIII. Portio substantiæ corticalis cerebri humani, in qua luculenter demonstrari potest, dictam substantiam nihil esse, nisi congeriem extremitatum vasculorum sanguineorum. Eum in finem cerâ rubrâ replevi dictas extremitates, & liquori lim-pido indidi, ut à se invicem nonnihil recederent. nisi enim hoc ita sit, impossibile est veritatem hujus rei expiscari. Vid. cætera super hac re Resp. in Epist. Probl. 12. ubi figuras addidi.

N°. XIV. Hominis utraque Tonsilla, cum intersita uvula. Quam cellulosa sint tonsillæ, quot & quantæ aperturæ, fauces spectantes, idque sæpe in statu sano, hic videri potest.

Notandum interim hasce aperturas evidentius in conspectum venire, in tonsillarum tumefactione, id quod Chirurgis, in Anatomia minus versatis, sæpissimè imposuit, existimantibus, cum viderent hasce aperturas, tonsillas esse exulceratas, cum contra dictæ aperturæ naturales sint, eo tempore tantum magis hiantes.

N°. XV. Sclerotica humana reflexa, è cujus medio portio reticularis emergit.

N°. XVI. Oculi humani utraque palpebra, in quibus foramina aut oscula in limbis existentia, ut & puncta lachrymalia lustrari possunt.

LOCULAMENTUM, sub dicto Thesauro secundo, continet
Arcas aliquot quadrangulares ex ligno Cedrino confectas, quarum

A R C A P R I M A

sequentia continet.

N°. I. Portio est cutis infantis, cujus arteriis cera rubra repletis, rubedinem induit cutis.

Not. Vasculorum dictorum extremitates reptatum habere diversum à subiectis, jamjam indicandis.

N°. II. Præterea continetur in dicta arca, portio exterioris Tunicæ uteri vitulini, in qua visuntur arteriæ, cereâ materiâ rubrâ repletæ, quarum reptatus & numerus longe differunt à cutaneis.

N°. III. Portio Membranæ Chorii foetus Vitulini, cujus arteriarum extremitates materiâ cereâ flavâ tam accurate repletæ, ut intuentium oculos alliciant.

N°. IV. Portio ejusdem membranæ, ramis mioribus instructa.

In ARCA Cedrina secunda reperiuntur sequentiâ.

Not. I. Superior pars cranii foetus humani integumentis omnibus ademptis, ut in conspectum veniret fontanella membranacea.

Not. I. Dictam fontanellam scâtere arteriis repletis, quæ neutiquam conspici possunt, nisi præmissa repletione.

2. Foetus humani ossa cranii conjungi membranarum ope, non autem per futuras, hic quoque cerni potest.

3. Dictas membranas esse pericranium & duram matrem, hic constat.

4. In infante vivo, dicta conjunctio in superiore parte non est per mutuum contactum ossium, aut per futuras, sed ad distantiam quandam, prout hic videre est.

5. Hæc autem distantia est vel major, vel minor: semper tamen aliqua reperitur, id quod autores omnes non observarunt in suis figuris; eo magis, quia dicta distantia, in vulgari sceletopœia foetuum, non invenitur, cum enim ossa foetus exsiccantur, naturalis distantia non conservatur, nisi gossypii ope, quo totum caput osseum eo usque replendum, ut nullo modo ossa ad se invicem accedere possint in exsiccatione.

6. Os frontis geminum esse in foetu humano, hic videri potest.

N. II. Superior pars cranii infantis, in qua supradicta distantia omninò abolita; fontanella membranacea verò, quæ semper ad tempus adhuc reperiatur, hic videri potest.

Not. I. Fontanella dicta non præcise clauditur anni spatio, verum citius, aut tardius, secundum corporis dispositionem, & prout ossificatio magis vel minus est vegeta.

2. Dicta pars cranii pericranio est amicta, cujus arteriæ sunt repletæ cera rubrâ.

3. Eadem materia quoque repletus est sinus falciformis seu longitudinalis.

N°.

Nº. III. Pars cranii superior fœtus septimestris instructa cute.

Not. 1. Cutis auferri potest ab ossẽ, quia seorsum est exsiccata: & sic datur occasio interiorem cutis superficiem lustrandi, cum suis vasis sanguineis, utpote repletis.

2. Cutem humanam tot scatere vasis sanguineis, ut iis omnibus repletis, tota cutis rubicundissima sit, hic patet.

3. Dicta cutis scatet quoque capillis nigris, quantumvis fœtus sit septimestris.

Nº. IV. Superior pars cutis capitis infantis obesi, in qua videre licet, non solum in sincipite obesiorum hominum, pinguedinem copiosam reperiri, verum etiam in fronte, contra nonnullorum opinionem. Cutis dicta admodum quoque pilosa.

In ARCA TERTIA Cedrina reperitur Tunica.

Chorion dicta, è vitulo.

Not. Arterias cereâ replevi materia; eaque non tantum rami majores & minores sunt oppleti, verum etiam ramusculi tam exigui & subtiles, ut, averfa luce visi, maculæ tantum esse videantur: microscopio autem adhibito, distinctè reperiuntur arteriolarum extremitates esse, quarum reptatus diversus ab eo, qui observatur in Tunicis uterinis.

ARCULA QUARTA

Continet humorem crySTALLINUM oculi Ovini, membranula aranea amictum, per quam visuntur dispersæ arteriolæ plurimæ. De hujusce membranulæ existentia Anatomici alii aliter sentiunt. quidam illam dari negant; nonnulli ambigunt, alii eandem admittunt; ipse quoque diu anceps hæsi, quid de hoc negotio statuerem: verum cum replevissem arterias oculi ovis cereâ materiâ, aperiebam oculum, membranasque perscrutabar, & sic videbam per membranulam araneam plurimas arteriolas dispersas. hoc observato, indidi humorem crySTALLINUM cum sua membranula phialæ liquore limpidore repletæ. Die insequente cum novum hoc inventum iterum videre mihi animus esset, nil minus quam arterias videre poteram.

Ratio autem hæc erat. Repleveram, ut dixi, Arterias oculares cereâ materiâ, quæ ad humorem crySTALLINUM usque quidem erat propulsa, verum enimvero ibi quoque substiterat, nec ulterius in arteriolas membranæ araneæ, crySTALLINUM investientis, penetrare potuerat; sanguis autem simul cum cerea

materia ulterius atque ulterius propulsus, ita repleverat dictas arteriolas Tunica araneæ, ut cereæ materiæ omnis locus fuerit denegatus arteriolas replendi. Cum autem totum illud liquori indidissem, sanguis non solum evanuit, verum etiam per consequens arteriolæ subtilissimæ oculorum meorum aciem effugerunt. Postquam mihi secunda vice accidit, ut talis repletio in oculos caderet, cautior factus sculptorem statim adii, & æri incidi curavi, Vid. Tab. 1. Thes. 2. Fig. 8. Notandum autem me dictum humorem cum sua membranula arteriolarum à sanguine rubro repletis, conservare in dicta Arcula quarta, idque extra liquorem. In exsiccatione dicti objecti humor rugas quidem contraxit, verum hoc præcaveri non potuit. Figuram hujus membranulæ æri olim incidi curavi sine vasculis sanguineis, quandoquidem eo tempore ea nondum detegere potui, ob instrumentorum ruditatem.

A R C U L A Cedrina quinta

Instructa vaginâ è corio infantis confectâ, in qua conservantur culter & furca, quorum manubria sunt confecta ex osse Tibiæ humanæ, in quo nulla cavitas à me fuit reperta, id quod rarissime, si unquam, contigit.

Not. 1. Dicta manubria sunt albissima, parte ferro proxima, aurato cingulo obducta.

2. Corium infantis rubicundum apparet, præ copia arteriolarum repletarum, quæ in præparatione corii ceream materiam rubram haud amiserunt, id quod visu injucundum.

In A R C U L A Sexta, ex ligno juglandis confecta, reperitur portio arteriæ splenicæ vitulinæ excarnis, uti vulgò loquuntur, id est, destituta omnibus suis extremitatibus succosis.

Not. 1. Dicta arteria repleta est cereâ materiâ flavâ, & omnibus ramulis minoribus instructa; extremitates quoque subtilissimæ sunt, & conservatæ ad succositatem usque.

2. Quam difficile sit omnes ramulos proprio suo loco tenere, & ramulum supra ramulum conservare, & ita exsiccare, ut extremitates simul conserventur, norunt illi, qui sese huic negotio applicant.

A R C U L A septima, ex ligno Indico confecta, continens intestinula foetus ovini immaturi, cereâ materiâ alba repleta, nitidissime præparata, & conservata.

Not.

Not. dicta intestinula, mesenterio colærentia, proprium retinuerunt locum. Arteriæ per mesenterium dispersæ cereâ materia flavâ sunt infarctæ, & ut gratiam majorem conciliarent visui, imposui dicta intestinula serico nigro villoso.

In ARCULA octavâ reservantur calculi equini per alvum excreti. Vid. Tab. II. Thes. 2. Fig. 4. 5. 6.

Quantumvis inter medicos reperiantur, qui assentiri nolint calculos per alvum excerni, veritati tamen consentaneum esse, nullus dubito, quandoquidem expertus sum mulierem Judæicam, inter cætera mala, fluore uterino, colica stomachi &c. laborantem, post usum hausti purgantis, ab Expertissimo Viro D^o. Rocomora, qui curationi præfuit, præscripti, calculum per alvum rejecisse ingentem, quem mihi demonstraverunt ægræ maritus & consanguinei.

Clar. Dominus Nicolaus Venette, in tractatu suo de calculo, nunquam satis laudando, varia quoque proponit exempla calculorum, per alvum rejectorum. Præterea variæ existant Historiæ apud Cœterum, Scaligerum & alios Scriptores, statuentes calculos per alvum esse rejectos.

Hic autem B. L. Tibi ostendo calculos equinos, per dictam viam exoneratos, quos mihi liberaliter inpertivit D. M. G. Blok, Med. doct. expertiss. & in perscrutandis naturæ latebris maximè indrustrius, addita historiola insequente.

Hujusmodi Calculi N. xxxvj, diversæ magnitudinis, inter sex septimanarum spatium, per secessum ejecit equus in stabulo Imperatoris, quod Viennæ est, Anno 1698. Equus de cætero bene habuit, quantum ex functionibus ejusque appetitu judicare potuerunt illi, qui ejus curam habuerunt. Hosce duos Calculos stabuli præfectus dono dedit Nob. Do. Wildebrand, tunc temporis R. M. Sueciæ à Secretis apud aulam Cæsaream, nunc eidem Majestati à Secretis, apud P. P. Ordines Fæderati Belgii, Hagæ Comitum. Prædictus Dom. Wildebrand refert quendam Medicum Viennensem expertum fuisse virtutem horum calculorum Bezoardicam, in majori tamen dosi.

Consideratione dignum esse censeo, quod fracto à me calculo majore, in ejus medio invenerim granum avenæ, quemadmodum in lapide Bezoardico frustum ligneum, vel simile quid invenire solemus.

TABULÆ PRIMÆ

Explicatio.

FIGURA I. Oculum Balænæ denotat, qui ita dissectus, ut Tunicæ Scleroticæ haud solum, verum etiam Ruyschianæ & Choroidæ constitutionem conspiciere possimus.

A. Scleroticæ crassities prope nervum opticum.

B. Ejusdem tenuitas à latere pupillæ.

C. Retinæ portio.

D. D. Portiones duæ choroidæ, facie exteriorè visæ, reflexæ, & à Ruyschiana avulsæ. per hanc autem faciem densa series vasorum sanguineorum est disseminata.

E. Choroidæ portiones duæ, à Ruyschiana ita avulsæ, ut parte inferiore cum illa adhuc cohæreant, unde ea facie videntur, quæ connata fuerat Ruyschianæ. Notandum interim, per hanc dictam faciem, vasa supra citata minus esse visibilia, quam per faciem exteriorè lit. D. D. indicatam.

Asteriscus * denotat Ruyschianam tunicam, quæ in Balæna pyri crassioris obtinet crassitiem.

FIG. II. Balænæ oculum repræsentat secundum longitudinem bissectum.

A. Retina.

B. Choroidæ, cui facie interiorè Ruyschiana connata.

C. Sclerotica.

Fig. III. Geminæ palpebræ potiores portiones exhibet ex homine.

A. Cilia.

B. B. Oscula ductuum, per quos humor quidam excernitur.








C. puncta lachrymalia.

D. Glandulam lachrymalem, in qua varia foramina, seu oscula hiantia cernuntur.

FIG. IV. Corneam humanam, facie posteriore visam, repræsentat, in qua videnda sese exhibent corneæ margo, ligamentum ciliare, processus ciliaris, circulus Iridis minor, & pupilla.

A. Ligamentum ciliare.

B.



B. Processus ciliaris musculosus.

P. Circulus minor processus ligamenti ciliaris, in quem definiunt tendines processus ciliaris. Dictus circulus minor processus ciliaris, facie anteriore visus, nuncupatur à me *Circulus minor Iridis*; Iris enim est facies exterior, processus lig. ciliaris, facies interior.

De. Pupilla.

E. Corneæ margo.

FIG. V. Exhibetur processus ciliaris musculosus cum ejusdem tendinosæ fibræ &c. Notandum interim, hanc figuram esse factam, ope microscopii, unde naturali magnitudine multis numeris auctior facta.

A. Tendinosa substantia processus ciliaris.

B. Musculosa ejusdem substantia.

C. Circuli minoris fibræ circulares, pupillæ constrictioni destinatæ, quas sculptor hic justo distinctius repræsentavit, nam in objecto ipso non ita luculenter visuntur.

FIG. VI. Ostendit oculum Balæne transversim bisectum.

A. Sclerotica, cujus crassities admiranda.

B. Sclerotica, cujus crassities hic quidem videtur diminuta, sed Choroidea ita propullulat extra Scleroticam, ut ejus vera crassities videri haud possit.

C. Choroidea.

D. Vasa sanguinea per choroideam dispersa.

E. Arteria, Choroideam integram ambiens, è qua rami emergunt innumeri, fursum repentes.

F. Iridis circulus minor. major autem asterisco * notatur.

G. pupilla.

FIG. VII. Cornea vitulina adumbratur, facie posteriore visa. In ea omnia majora apparent, quam quidem in homine.

A. Corneæ margo.

B. Ligamentum ciliare.

C. Processus ciliaris.

D. Circulus minor processus ciliaris, per quem densa serie, & recto quidem tramite, decurrunt tendines processus ciliaris.

E. Pupilla.

Fig. VIII. Demonstratur humor crystallinus, vitulinus, cum ejusdem membranula ambiente, aranea dicta, per quam plurimæ sunt disseminatæ repletæ arteriolæ.

F

FIG.

FIG. XI. Humor crySTALLINUS è Balæna sese videndum exhibet. Hujus, ut & oculi, exilitas admiranda, si ad corporis molem conferantur.

TABULÆ SECUNDÆ

Explanatio.

FIG. Vesicæ humanæ inversæ portionem maximam exhibet. hujus superficies interior jam exterior facta, innumeris excrescentiis membranosis & ramosis prædita est, ob calculi, quo laboraverat aeger, attritionem.

A. Vesicæ crassities prodigiosa, id quod calculosis satis familiare.

B. B. Excrescentiæ ramosæ & membranosæ.

C. Vesicæ fundus, sine ullis excrescentiis, utpote à calculo non læsus.

D. Superficies Vesicæ exterior, quæ ab inversione interior facta.

FIG. II. Demonstratur mulieris, utero gerentis, portio Vesicæ, cujus fibræ undique obsitæ sunt arenulis minutissimis.

FIG. III. Portionem hepatis Hydropici exhibet.

A. Superficies, ob cellulosa constitutionem admodum inæqualis facta.

B. Cellulæ, aut vesiculæ, limosa substantiam continentes, adeò numerosæ, ut hepar totum, quantum est, ex hisce constet.

FIG. IV. Exhibetur calculus equinus minor per alvum rejectus.

FIG. V. Demonstrat portionem calculi majoris per alvum ejusdem equi rejectam, quæ ferræ ope partim, partim quoque vi in duas partes fracta. in ejus medio foveola reperitur, quam granum avenæ, in intestino hærens, formavit, dum calculosa substantiâ obduceretur avena.





A. Lamellæ calculosæ variæ, ex quibus constituitur portio calculi exterior.

B. Substantia calculi interior, in qua laminæ minus visibiles.

C. Foveola ab avena producta.

FIG. VI. Alteram partem dicti calculi exhibet, in qua granum avenæ, post disruptionem, remansit.

A.



C: Kluyberts. ad. vivum sculpsit.





C. Hügelbarts. ad vivam Sculptit.

A. Portio à ferra læsa.

B. Portio vi fracta.

C. Granum avenæ in calculi medio hærens,

Not. interim Nob. Domin. Blok hanc partem secum abduxisse, ita ut una tantum pars in hoc meo Thesauro reperiatur.

TABULA III.

HYdrocephalum exhibet sex aut septem mensium, cujus caput prodigiosæ magnitudinis est.

Inter manus & caput Placentæ portionem posui, ut caput liquori innatans in Phialæ medio detineretur; estque dicta portio placentæ ruditer delineata, quia mihi animus non erat placentæ veram constitutionem hoc loco exhibere; hanc autem reperiet B. L. Tab. VI. Fig. 2. hujus Thes. secundi,

TABULA IV.

QUinque Figuras demonstrat cujusdam substantiæ heterogeneæ, membris copiosis multorum fœtuum, trium præterpropter mensium, onustæ, & in lucem editæ, paulò post fœtum Hydrocephalum supradictum, idque ex eadem muliere.

FIG. I. Portio substantiæ heterogeneæ membris dictis onusta exhibetur.

A. Os femoris durum, carne & perioestio denudatum.

B. Digitus singularis vel pedis, vel manus, id quod non bene discerni potest.

C. Patella cartilaginea, circa genu alterius ossis femoris sita.

D. Genu cartilagineum.

E. Pes.

F. Manus, cujus digiti imperfecti, & male conformati.

G. Pes alter.

H. Manus perfecta.

I. Duo digiti minus perfecti.

FIG. II. Majorem molem supradictæ substantiæ, membris variis instructam, ostendit; nec non fœtum ejusdem ætatis, Thorace & capite substantiæ supradictæ ita intricatis, & connatis, ut neque Caput, neque Thorax conspici possint.

- A. Duo crura, male conformata & tortuosa, quibus associatur.
- B. Brachium incurvatum, cum annexa manu.
- C. Pes è superiore parte hujus substantiæ emergens, neque ullum commercium cum prædictis habens.
- D. Corpora subrotunda, membranacea, cartilaginea, cellulosa.
- E. Fibræ, aut vascula sanguinea; id quod discernere nequeo, utpote non repleta materia cerea.
- F. Membrana magna, limosâ materiâ referta.
- G. Abdomini analogum quid, è cujus medio, parte inferiore, propendet peni simile quid.

FIG. III. Minorem portionem substantiæ prædictæ exhibet, è qua emergit.

- A. Femur unius fœtus trium fere mensium.
- B. Ossa Tibiæ & suræ alterius fœtus, quæ carne & perioestio denudata, situm transversum occupant.
- C. Pes extremus ejusdem fœtus, ut videtur, paululum tamen à dictis ossibus suræ & tibiæ separatus est. Sub dicto pede extremo apparet adhuc digitus singularis, quem notavi eadem literâ C. peculiari tamen lineâ.
- D. Duo pedes sine tibiis aut femoribus, emergentes è regione dictorum artuum.

E. Tibia.


F. Pes extremus.

FIG. IV. Explicatio, qua exhibetur portio ejusdem substantiæ sine ullo membro visibili.

- A. Particulæ partim cellulosa, partim cartilaginea.
- B. Partes membranosa.
- C. Vasculosa particulæ.

FIG. V. Lustratur quoque portio supradictæ substantiæ, è cujus infima parte prodit integrum crus.

- A. Os tibiæ carne privatum.
- B. Particulæ vasculosa.
- C. Cellulosa particulæ membranacea.
- D. Pes extremus.
- E. Os femoris.





C: Huijberts, ad vivum Sculpsit.

Fig. 2.

Fig. 1.

Fig. 3.



T A B U L A V.

FIG. I. Infantis stomachus, cum annexis Gula & Omento, demonstratur.

- A. Gula, cum ejus fibris musculosis longitudinalibus.
- B. Arteriæ per superiorem stomachi partem decurrentes.
- C. Arteriæ per inferiorem partem distributæ, quarum rami majores ceu subito detruncari videntur, cum contra aliæ interiora petant, aliæ verò per omentum distribuuntur.
- D. Stomachi exitus, seu Pylorus.
- E. Omentum myriadibus vasculorum sanguineorum: nullis autem foraminibus præditum.

F. Os superius, seu Pylorus.

Fig. II. Hominis provectioris ætatis portio stomachi inversi exhibetur.

- A. Plicæ interiores nonnihil prominentes extra superficiem internam stomachi.
- B. Pori innumeri.

FIG. III. Repræsentat portionem stomachi humani inversi, supra pylorum abscissam.

- A. Locus, ubi plicæ non apparent, sed exiguum monticulorum rotundorum instar intima superficies propullulat.
- B. Interstitia cellulosa, seu nova apparentia, de qua mentionem feci Fol. 30.
- C. Pylorus.

FIG. IV. Portionem stomachi denotat, in qua dicta interstitia cellulosa exhibentur naturali magnitudine longe majora, utpote microscopii ope ita sculpta.

Not. Dicta interstitia, in ea parte stomachi ruminantium reperiri, quæ belgice dicitur de **kraagh**; eaque quadrangulæ & admodum capacia esse, vel lippis & tonsoribus notum. In homine verò minutissima sunt, & formâ diversâ.

T A B U L A VI.

Explicatio.

FIG. I. Portio venæ portæ hepatis vitulini.

FIG. II. Portio venæ & arteriæ placenta uterina muliebris.

F 3.

Fl.

FIG. III. Venæ cavæ , per hepar dispersæ , Ramulus.

FIG. IV. Ramus Venæ portæ humanæ.

FIG. V. Ramus Arteriæ splenicæ vitulinæ.

FIG. VI. Portio tunicæ intimæ uterî ovini gravidi , per quam myriades vasorum novorum lumbricalium visuntur distributæ , sunt que illa transparentia , succumque præparantia , pro foetus , in utero hospitantis , alimento.

FIG. VII. Vasorum sanguineorum maxima parte renis substantiam constituentium cursus vermicularis exhibetur.

Not. interim hic nil nisi dictorum vasorum cursum repræsentari. in posterum singulorum ramusculorum extremum distinctius exhibere animus est. singulæ enim extremitates ceu glomum repræsentant ; in hepate verò , ut & liene , penicillum.

FIG. VIII. Portio tunicæ chorii vitulini monstratur , cujus vascula sanguinea sunt repleta , ad ultimas extremitates usque.

B. L. hic quidem adspicis ramulos minutissimos , sed verò in objecto ipso , averfa luce viso , dictæ extremitates variis locis mentiuntur maculas.



Præterea consideratione dignum esse censeo , horum vasculorum extremum neutiquam habere reptatum convenientem cum vasculis hepaticis , lienalibus , renalibus , aut placentæ uterinæ.

FINIS.



LES: 2.

TAB. VI.



C. Hüberts.

ad vivum Sculptit.

FREDERICI RUYSCHII

Anatomiae & Botanices Professoris

THESAURUS
ANATOMICUS
TERTIUS

Cum Figuris æneis.



AMSTELÆDAMI,

Apud JANSSONIO-WAESBERGIOS.
MDCCXLIV.

PERIODICALS

in the Library of Congress

THE
ANATOMICAL
TABLES

of the Human Body



AMERICAN
LIBRARY OF CONGRESS
WASHINGTON

VIRO NOBILISSIMO ET CLARISSIMO,
JOS: PITTON TOURNEFORTIO,
BOTANICORUM HUIUS SEculi
FACILE PRINCIPI,
E REGIA SCIENTIARUM ACADEMIA,
DOCTORI FACULTATIS MEDICÆ
PARISIENSIS,
ET
BOTANICES IN HORTO REGIO
PROFESSORI,
AMICO VETERI,
TERTIUM HUNC THESAURUM.

L. M. Q. D.

FREDERICUS RUYSCHIUS.

WHO KNOWS NOT THE ANSWER
FOR THE TOWN OF OLYMPIA
BOTANICUM MUSEUM
TACILE PRINCIPAL
A REGIA SOCIETAS ACADEMICA
BOTANICAE FACULTATIS MEDICAE
PARISIENSIS

ET
BOTANICES IN HORTO REGIO
PROFESSOR
AMICUS ET
MUSEUM HISTORICUM

L. M. G. D.

PARISIENSIS MUSEUM

THESAURUS ANATOMICUS TERTIUS

*Ex Ligno Indico variegato confectus sequentia in
seſe continet.*

PRimò, in fundi medio occurrit Pedamentum ex ligno juglandis confectum, cui imposita rupes artificialis, ex calculis humanis composita, cujus fundamentum rupes naturalis, cui innituntur omnis generis calculi humani, & tanto quidem numero, ut tota rupes naturalis visum aufugiat.

Dicta Rupes magnitudine superat rupem in Thesauro primo figurâ primâ descriptam & expressam. Vide hancce secundam Rupem Tab. I. Theſ. 3. quam hac inscriptione exornavit magni nominis Poëta Clarissimus Petrus Francius.

QUID SUMUS, AUT QUIDNAM NOSTRI POST FUNERA
RESTAT?

ADSPICE: NIL ALIUD, NUDA NISI OSSA, VIDES
CALCULUS, ET VASTUS LAPIDUM, QUEM CERNIS, A-
CERVUS,

QUAM SIT VITA HOMINUM PLENA DOLORE, DOCET.
EXHIBET HOC TABULIS, HOC VERBIS EXPLICAT, URBIS
RUISCHIUS AMSTELIÆ LAUS, MEDICUMQUE DECUS.

In hujus fastigio sceleton foetus immutari quatuor circiter mensium cum dimidio reperitur, cujus genua inflexa sunt, capiteque sursum converso, quasi coelum adspicere vellet, manu continet ossiculum carie exesum, & ex osse femoris expulsum, & sic hominum miserias exprimere videtur, eâ inscriptione:

AH FATA, AH ASPERA FATA!

Sub genibus hujus sceleti videre licet ingens calculi humani

frustum, cavitate notabili præditum, in qua continuit alterum calculum, ceu nucleum crassum: Estque dictum frustum calami scriptorii crassitie. Vid. Lit. A.

Interim Not. alios calculos humanos ex lamellis tenuibus, alios contra ex lamellis crassioribus esse compositos, sicuti ex aliis, hanc rupem constituentibus, patet.

Hinc constat Lithotomos nonnunquam male accusari, cum in operatione, quamvis rite peracta, calculi franguntur, id quod in eorum manu non est: si enim calculi ex tenuibus lamellis sunt coagmentati, facillime rumpuntur in extractione.

A latere dicti Sceleti adstat Sceleton trium præter propter mensum, una manu gerens tenuissimum Ramulum Arteriosum, ceraceâ materiâ rubrâ ad extremum usque repletum; altera autem tenet fictitiam festucam tenerrimam, confectam ex fibris Vesicæ urinariæ cujusdam mulieris, quæ fibræ tot undique à natura sunt obsitæ calculosis arenulis, ut nil fere, nisi Arenulæ calculosæ conspici possint.

Not. interim, quod Vesica urinaria, è qua desumptæ sunt dictæ fibræ, festucam tenerrimam constituentes, tota quanta, conflata fuerit, ex ejusmodi fibris calculosis, ita ut integra Vesica, à nobis prima fronte visa, quasi lapidea, aut potius ex arenulis calculosis constituta, mihi videretur.

Hujus Vesicæ frustum satis magnum in liquore Balsamico conservo, ut naturalem conservaret constitutionem.

Dictum Sceleton exiguum festucâ suâ capitis constitutionem demonstrare videtur, ea enim sinciput tangens eorum Anatomicorum errorem detegere videtur, qui existimant sinciput, ut & cætera capitis ossa, eâ ætate, esse cartilaginea, cum contra membranacea sint.

Præterea, in hoc parvo Scelete luculenter videri potest, quibus in locis, ossea substantia primò visui sese offerat in capite; de his plura in sequentibus,

Ante dictum Sceleton positi sunt tres calculi humani figura, colore & substantia inter se differentes. Vid. Lit. B. C. D.

Sub dictis in conspectum venit calculus humanus ingens Lit. F. notatus, superficie æquali & splendens, colore & forma tam accurate Lapidem Bezoardicum Orientalem imitans, ut difficile foret visu ea discernere,

Sub eo cernere licet duos calculos summopere inter se discrepan-

pantes, ut Lit. F. & G. notant; horum alter à Lithomo extractus superficie est granulosa; alter verò æquali & quasi polita, in qua instrumenti, quo extractus est, vestigium comparet.

Pedamentum supradictum hujus rupis ornatur quoque pone Sceleton supremum, Splene vitulino nitide præparato, cujus Arteria ceraceâ materiâ rubrâ est repleta, & loco Venæ, Sulci luculenter conspici possunt. Quanta autem sit differentia inter Splenem humanum & vitulinum, expressi in Respons. Epist. Anatom. Problem. 4. ad Doctiss. Campdomercum.

Circa Rupis basin cernere licet calculum humanum ingentem & pullum, loco Lit. H. puncto notatum; suntque tales calculi pessimi; observavi enim, quod inter illos pullos calculos, plurimi, (si non omnes) cortices exteriores habeant fragiles; imò successivè quoque frustulatim cum Urina ejiciuntur frequenter ejusmodi calculorum squammæ exteriores, nucleo remanente: cum autem à Lithotomo extrahuntur, rarò ægri vitant Libitinam.

Memini me olim observasse in quodam Juvene, qui sæpe per vias urinarias cortices nigros ejiciebat, imitantes cortices fabarum nigrarum, erantque jamjam per urinam ejecti, molles, & proinde sine magno incommodo aut dolore simul cum urina reddebat, brevi autem lapideam & fragilem substantiam adipisciebantur.

I. Calculus ingens ex lamellis tenuibus compositus.

Ad Rupis basin calculus reperitur Lit. K. notatus, prodigiösæ magnitudinis & formæ admirandæ, post mortem à filio meo vesicâ exsectus, componiturque ex senis calculis rotundis, cortice nigricante præditis, quorum unusquisque magnitudine Nucem Moschatam superat; supra hanc compositionem, septimum quoque reperit calculum, qui cum cæteris haud coälitus, ast superimpositus erat, eadem cum cæteris magnitudine.

L. Calculus magnus Moriformis.

E Regione hujus Sceleti reperitur & tertium Sceleton fœtus humani quatuor præter propter mensium, manu gerens intestinula foetus Ovini minimi, suntque repleta ceraceâ materiâ subnigrâ, meconium instructa: altero autem brachio continet Vasa Testiculorum humanorum Pampiniformia, ceraceâ materiâ rubrâ repleta, hujus Inscriptio talis est.

PRIMA, QUÆ VITAM DEDIT, HORA CARPSIT.

Con-

Considerandum circa omnia Sceleta, hanc & cæteras Rupes ornantia, quod nulla eorum fulcro ferreo, ligneo, aut æneo innituntur, uti facere solent Anatomici, ast propriis pedibus innituntur.

M. M. Calculi duo combinati, supra quos reperitur calculus mediocris magnitudinis Lit. N. notatus.

O. Calculus magnus, maximi Mori fructum imitans.

P. — Aspera superficie.

Ante rupis pedem quartum decumbit Sceleton, trium circiter mensium cum dimidio, cujus manu continetur *Hemerobium* Hoefnagelii, quæ *Ephemeris* vocatur Dortmanno, diciturque mane esse infans, juvenis meridie, vesperi senio confici & mori. Itaque ut vitæ nostræ brevitatem exprimeretur, ejusmodi insectum manu continet dictum Sceleton, cum hac inscriptione.

QUASI HERBA SOLSTITIALIS PAULISPER FUI, REPENTE EXORTUS SUM, REPENTE OCCIDI.

Not. officula hujus Sceleti nitidissima esse, naturali gesticulatione haud neglecta.

Q. Q. Duo ex istis calculis angularibus, de quibus facta mentio in Thef. I. Tab. I. Lit. D. D.

R. R. Duo calculi superficie asperata, quorum unus ad dicti Sceleti pedes, collocatus, alter vero capitis vertici præpositus.

Cæteri omnes aut per vias urinarias excreti, aut post mortem Vesica aut renibus exsecti sunt.

Præterea hic conspiciere licet Testiculi humani Tunicam Vaginalem, peculiari pedamento innitentem, supra pedamentum Rupem dictam sustinens, estque dicta Tunica quasi flatu distenta, nec non musculo Cremastere, vasisque sanguineis repletis prædita.

Ultimò à latere dictæ tunicæ Vaginalis occurrit quintum Sceleton foetus humani trium circiter mensium cum dimidio, gerens calculum parvum è pulmone humano tussi ejectum & à capillo dependentem; cum inscriptione,

O, QUAM DURA PREMIT MISEROS CONDITIO VITÆ!

Hifce



Hiscæ omnibus calculis interpositi sunt Rami arteriosi, foliis nudatæ arboris ramos repræsentantes; qui loco sanguinis, ceraceâ materiâ rubicundissimâ artificiose sunt repleti, & calculos inter se continent, rupemque firmiorem reddunt. Quam subtiles sint dictorum ramorum extremitates, ex figura annexa liquet.

A latere dextro dictæ rupis sequentia visuntur.

Nº. I. Phiala in liquore limpidissimo continens brachium & manum fœtus humani jamjam nati.

Not. 1. Hoc objectum quantumvis à multis annis conservatum, adhuc vivere videtur, utpote naturali colore rubicundo præditum.

2. Manus, ut & digiti, ita sunt dispositi, ut naturalem actionem repræsentent, qualem formamus, quando indice digito hoc vel illud designamus; Indice itaque extenso, indigitat lamellas Cerebelli humani, cujus substantia medullaris veluti arboris Ramos repræsentat.

3. Ornamenti gratia, ut & aversationem omnem arcendi causa, brachium ornatur manica, ex linteo raro confecta, ornamentoque fimbriaceo instructa.

Nº. II. Fauces, Lingua, ut & portio Maxillæ inferioris infantis nitidissimè præparata & conservata; præbent enim omnia speciem viventium.

Not. 1. Ubi Arteriarum sublingualium trunci repant, & qua via incedant in sinistro latere, oppido quam bene videre licet, suntque eum in finem ceraceâ m. rub. repleti.

2. Epiglottidis naturalis constitutio, ut & ejus rima, quæ aditus est ad Asperam Arteriam, hic accurate potest conspici.

3. Ad Linguae radicem apparet rugosa quædam dispositio longitudinalis, ut & non solum series majorum papillarum, quæ rotundæ, planæ & foramine circuloque præditæ sunt, verum etiam cæteræ papillæ, quæ tamen in hoc objecto non tam distincte apparent, quam in linguis Thes. 1.

Nº. III. Phiala continens Venam Portæ Hepatis vitulini, cujus succosæ extremitates, non autem prætensæ glandulæ (quæ revera haud extant) sunt ablatae, & sic myriades extremitatum occurrunt ramusculorum.

Not. 1. Dicta vena oppleta est ceraceâ materiâ flavâ.

2. Variis in locis reliqui in dictis extremitatibus succosam sub-

stantiam, quæ non minus eadem ceraceâ materiâ est imbuta, & sic luculenter videre licet substantiam hepaticam nullo modo esse glandulosam: imò existimo, extremitates illas succosas Venæ Portæ illud præstare, quod Glandulis attribuere Veteres. Vide plura de hac re. Thes. II. fol. 27.

Nº. IV. Infantis caput, cujus superiore Cranii parte ablata, Cerebrum in conspectum venit: hujus corticali seu vasculari parte ablata, medullaris sese videndam exhibet.

Not. 1. Oculis clausis dormientis caput repræsentat, colore viventis præditum.

2. Ore aliquantulum aperto, labiisque nonnihil à se invicem deductis, extremitas cuspidis Linguae in conspectum venit, quæ, à tenuissimis & mucronatis papillis lingualibus, luculenter villosa apparet.

3. Latere sinistro Prolabium superius ab involucro destitutum, villosum quoque apparet, quæ villositas, mihi nil, nisi agmen papillorum Prolabiorum; de hisce plura in sequenti.

4. Duum generum pori in Labiorum cute, Gena & Naso videntur; nullæ autem in prolabiis, utpote cute neutiquam præditis; & sic Labiorum à Prolabiis facilior est discretio.

5. Vasa sanguinea Cerebri, in postica parte capitis, numerosissime conspiciuntur.

Nº. V. Pueri Penis cum annexo scroto, naturali colore præditus.

Not. 1. Urethra non per inferiorem, sed per superiorem Penis partem repit, contra naturæ leges: imò ad calculi extractionem ejusmodi objectum foret ineptum.

2. Non solum corpora nervosa, seu nerveo-spongiosa majora, Penis maximam partem constituentia, ut & corpus nervosum minus, rubicundissimo colore sunt perfusa à materiâ ceraceâ rubrâ, quâ repleta sunt, verum etiam muscoli laterales, Penem constringentes, idque à vasorum sanguineorum repletionem. Vid. Tab. 2. Fig. 1. hujus Thes. III.

Nº. VI. Fœtus Æthiopissæ sex circiter mensium, dextra gerens ramulum Asperæ Arteriæ à substantia vesiculari, aut pulmonali tam dextre separatum, ut extremitates luculenter appareant; enimverò quanta differentia inter hoc objectum, & figuras ab aliis in lucem editas! Vide Tab. 2. hujus Thes. III.

Nº. VII. Placentula, quæ post Embryonem exclusum, aut
in

in colliquationem redactum, aliquot menses in utero fuit detenta, unde ab uteri insequente contractione & coarctatione (ut ad statum pristinum rediret) valdè induruit, & uteri formam adepta est.

Not. 1. Ejusmodi Placentulæ multoties ad manus meas pervenire, Uterum ipsum repræsentantes. Undiquaque enim clausæ, & non solum duræ, verum etiam, nil minus quam placentulæ formam præ se ferebant. Hanc à me apertam hic reservavi, ut facies non solum externa, verum etiam interna in conspectum veniat.

2. Ejusmodi Placentulæ vulgò degenerant, & Molæ nomen adipiscuntur, à minus versatis, cum contra ita dictæ Molæ nil sunt, nisi placentulæ supradictæ, aut sarcomata uterina, à tenui pediculo dependentia, quæ utero excluduntur. Vide super hac re observationes meas Anatomico-Chirurg. fol. 74.

3. Phialam, in qua hoc objectum in liquore servo, obturavi, loco Vesicæ, Placentulâ inversa, & repleta ceraceâ materiâ rubrâ; hujus ramuli propullulantes Muscum arborum rubedine perfusum, exacte repræsentant.

Nº. VIII. Phialâ, Placentulam humanam, in hydatides mutatam, continens.

Not. Placenta constituitur ex meris vasis sanguiferis, Membrana Chorion coherrentibus; Hæc vasa aliquando omnia, non raro quoque ex parte degenerant in hydatides, id quod in hepate humano quoque observavi. Vid. Thes. 2. Tab. 2. Fig. 1. II.

Nº. IX. Phiala, in qua portio Cerebri hydrocephali, 8 circiter annos nati.

Not. 1. Hoc malum contraxit (si bene memini) à prima nativitate.

2. Hæc Cerebri portio in aliud esse videtur conversa, nil enim minus, quam Cerebrum naturale repræsentat, videtur potius substantia hæterogenea simillima illi, quam repræsentavi Thes. II. Tab. IV. Fig. 1. 2. 3. 4. 5.

* Nº. X. Phiala continens duas portiones Penis Virilis, quarum una taleola transversim, altera secundum longitudinem secta.

Not. Hæc portiones nitidissime, & ita esse præaptatas, ut vera constitutio spongiosa luculenter appareat; nec non septum & meatus urinarius.

Nº. XI. Phiala in qua conservatur Ovum Gallinaceum, portionem intestini Coli, Cæci, ut & ejus progressum vermiformem exacte repræsentans. vid. Tab. 3. Fig. IV. Thes. III.

Nº. XII. Portio intestini Ilei foetus immaturi, cujus vasa sanguinea exinanita, intestini autem cavitas ceraceâ materiâ albâ repleta est.

NB. Hujus lateri adstant portiones intestini infantis, ceraceâ materiâ rubrâ adimpletæ & asteriscis notatæ.

Nº. XIII. Epidermis totius manus infantis tam artificiosè à subjectis corpore reticulari, & cute separata, ut illibata compareat, & chirothecam repræsentet: conservatur autem, colore albicante in liquore transparente.

Not. 1. Unguiculi omnes Epidermi annectuntur, sicuti in corpore vivo, quamvis à Papillis cutaneis, è quibus ortum ducunt, exactissime sint separati.

2, Epidermem (quæ mihi, nil nisi expansio extremitatum papillarum cutanearum, quemadmodum etiam ungues,) in duas & plures lamellas separabilem esse Anatomici unanimiter quidem autumant; enimverò nusquam, nisi in vola manus & planta pedis illud demonstrare valent. Hic autem in dorso manus idem vobis exhibeo, id quod à nemine hætenus demonstratum mihi videre contigit; imò id non, nisi summa cum subtilitate & dexteritate, fieri potest.

Dixi in vola manus & in planta pedis Epidermem sæpius separari posse ab Anatomicis in duas & plures lamellas (sicuti aliquoties publice demonstravi) hujus verò rei nullam novi causam aliam, quam, quod Epidermis prodiens ex papillarum cutanearum extremitate, suo tempore recedat à corpore reticulari, aut simul cum ea, a cute vera, tanquam vieta & emerita, succrescente nova Epiderme: cum autem nova succreverit, & emerita non recesserit, duplicem, triplicem, imo quadruplicem offendimus Epidermem in vola manus & planta pedis.

Simile quid mihi videre videor, in corticibus nonnullorum fruticum, qui corticem externum suo tempore abjicere solent, novo succrescente, ubi autem exterior à succrescente non recedit justo tempore, duplicatura conficitur corticis exterioris, qui tanquam emeritus, rimas facit & lacerus fit.

3. Epidermem Unguium quidem radices obducere, & tegere, in confesso est; Verùm, quomodo res sese habeat circa capil-

capillos & pilos, de eo altum video silentium apud Anatomicos: Idem tamen observo in hisce, ac illis, idque circa capillorum exortum ad spatium aliquot linearum Mathematicarum: Quia autem isthæc epidermis non est inversa, nusquam hic apparet, ast in sequentibus exhibere conabor adjectis figuris.

4. Consideratione dignum censeo, quod hic unguiculi facilius separati sint à corporibus papillaribus, è quibus ortum ducunt, quam ab Epiderme, cui adhuc omnes cohærent. Hujus rei rationem esse puto, quod extremitates Papillarum (quæ simul Ungues & Epidermem constituunt) admodum molles sunt; Epidermis autem tenacior, duriorque ab aëre externo.

5. Epidermem firmiter cohærere unguibus, non solum in hoc objecto denato, & conservato, verum etiam in corpore vivo luculenter deprehendimus; succrescentibus autem unguibus, Epidermis unguum radices in sui extremo relinquit, utpote, cui excrescentia ulterius denegata à natura; si autem suo tempore Epidermem haud relinquit, cultelli cuspe solvenda Epidermis, alias rimas agit, unde dolores excitantur, Vide Tab. 3. Fig. 2. Thef. III.

Nº. XIV. Brachium Infantis naturali colore rubicundo præditum, sine ulla ruga: Hujus manus continet Vermem Guinensem, qui hominum pedes summopere infestat, in illa regione, hujus longitudo, ut & gracilitas, considerabiles, conservavitque naturalem crassitiem & colorem dictus vermis; utque manus Vermem contineret,

Digiti tam naturaliter sunt contracti, ut in viva constitutione accuratius quid nemo continere possit.

Dictum Brachium ornatum quoque manicâ ex linteo raro confectâ, cui annectitur ornamentum fimbriaceum & hoc ad arcendam averfationem, & brachii Vulnus tegendum.

* Nº. XV. Puellæ partes Generationes omnes.

Not. Non solum Vulvæ Labia, Nymphæ & Clitoris in hoc objecto comparent, verum etiam membrana Hymen, quæ, utrum detur, nec ne, sub judice lis olim fuit, hoc autem tempore in Anatomia magis versatis nihil notius esse potest, quemadmodum in hoc ipso objecto distincte quoque repræsentantur.

2. Hic quoque in conspectum venit Anus, rugis contractus.

Nº. XVI. Phiala in liquore limpido continens infantis caput,

rubicundoque colore perfusum, cujus oculi sunt clausi, ut dormientis caput repræsentaret.

Not. 1. In Collo, ubi detruncatum caput, in conspectum veniunt Asperæ Arteriæ, & pone eam, Gulæ, nec non carotidum, & vertebraliū Arteriarum abscissiones.

2. Corpus primæ Vertebrae transversim sectæ rubicundissimum hic comparet, cujus ratio est, quod vascula sanguiflua circumfita materiâ ceraceâ rubrâ sunt repleta, (sicut sanguine in vivis) ex quorum extremitate dicta ceracea materia est effusa, quemadmodum fieri videmus in statu naturali in corpore vivo, tantum succi rubicundi effundi ex extremitatibus arteriosis, in partes alendas, quantum ad sui nutritionem necesse est, qui succus rubicundus, in arteriolarum extremo ex sanguine arterioso elaboratur.

3. Videri hic quoque possunt Medulla Spinalis abscissa, ut & ejus involucrum extimum & crassissimum.

4. Phiala nonnihil inversa, conspicienda sese exhibent Cerebellum, Glandula pinealis, & ita dicti Testes, Nates, nec non Anus.

5. Lamella una atque altera Cerebelli hic repræsentantur, ut vera ejus constitutio appareat, suntque ex alio capite desumptæ.

Nº. XVII. Supra dictam Phialam videre licet Pueri Cor, cum Pulmone, exsiccatum & ligni instar induratum.

Not. 1. Omnia Cordis & Pulmonis vasa sunt repleta ceraceâ materiâ rubrâ.

2. Cor & Pulmonis Lobi naturalem obtinent situm. Arteria pulmonalis è dextro cordis sinu erumpens luculenter in conspectum venit, ut & Arteriæ magnæ truncus cum suis tribus ramis sursum decurrentibus.

3. Nervus recurrens hic quoque sese videndum exhibet, ut & sequentia, sc: Truncus ascendens Venæ Cavæ, utraque auricula, Vasa coronaria, Loborum pulmonis divisio in utroque latere, Gula, Aspera Arteria, &c.

Nº. XVII. Cor induratum cum annexo Pulmone Infantis pedamento innitens.

In hoc objecto, præter ea, quæ in jamjam descripto visuntur, cernere licet truncum Venæ Cavæ descendentem, ut & truncum ascendentem Arteriæ magnæ, & hoc in proprio situ inter loborum majorum divisionem.

Nº. XIX.

Nº. XIX. Phiala in liquore continens Cutem plantæ pedis, cum corpore reticulari Malpichii, ut & Epiderme, quæ partim à se invicem sunt separata, & à cute dependentia, partim adhuc cuti connexa, ut eò accuratius hæc omnia conspici possint.

Not. 1. In Epidermis portione magna dependente videnda se se exhibent facie interiore, extremitates papillarum cutanearum à potiore parte papillarum avulsæ & propullulantes.

2. Cute à latere visa, in conspectum veniunt Papillarum cutanearum extremitates.

3. Quamvis Cutis sit rubicundissima in hoc objecto, propter vasorum repletionem, corpus reticulare, ut & epidermis nulla rubedine sunt tincta, id quod satis indicare videtur Epidermem & Corpus reticulare vasis sanguiferis visibilibus esse destituta, ita ut hallucinati sint auctores illi, qui dictis objectis vasa sanguifera attribuunt.

4. Dictam Phialam (loco vesicæ) coöperui portione cutis capitis pueri, quæ innumeris scatet vasis sanguiferis.

Nº. XX. Fœtus humanus sex circiter mensium.

Not. 1. Nitidissime est conservatus in liquore, sine rugis, colore albicante, dextra continet portionem piæ Matris infantis, quæ millenis Arteriolis est ditata. Vide de hac re ulterius descript: Thes. I. Pag. 53.

2. In dorso gerit portionem magnam Membranæ Amnios fœtus ovini, præ copia Vasorum sanguiferorum, præsertim Arteriarum, rubicundissimam.

Inscriptio talis est:

NAVITA, QUO PACTO SÆVIS PROJECTUS AB UNDIS,
SIC EGO NUDUS HUMI JACUI PUER INDIGUS OMNI
AUXILIO VITÆ CUM PRIMUM IN LUMINIS ORAS
NIXIBUS EX ALVO MATRIS NATURA PROFUDIT.

Nº. XXI. Fœtus Ovini immaturi Aspera Arteria, materiâ ceraceâ flavâ repleta, & inversa, insistsens pedamento, arboremque parvam suis ramulis, artificiose à Vesiculari substantia separatis, repræsentans.

ASSER SECUNDUS.

Nº. XXII. Phiala in liquore limpido continens Pueri colem
cum

cum colliis suis, tam naturaliter condita, & conservata, ut jam-jam à corpore videantur abscissa.

Not. 1. Duo corpora nervosa majora non solum, verum etiam corpus nervosum minus Urethram infra ambiens, ceraceâ materiâ à me sunt repleta.

2. Musculi laterales Penem, ubi necessitas urget, constringentes, eadem rubedine, à dictâ materiâ, sunt perfusi.

3. Meatus urinarius, qui inter duo corpora nervosa parte inferiore repit in corpore bene constituto, hic contra situm habet in Penis dorso, per quem iter facit, id quod nunquam antea observavi. Vide Fig. 1. Tab. 3. Thes. 3.

Nº. XXIII. Phiala in liquore limpidissimo continens partem faciei pueri vividissimo colore præditam, cujus fronte ablata, locus suppletur Arteriis Cerebri, ceraceâ materiâ rubrâ (loco sanguinis) repletis, & tanto quidem numero, ut exiguum syl-lavam representare videantur.

Not. 1. Nasi, ut & Labiorum Epidermem abstuli, ut pori majores & minores luculenter sese exhiberent conspectui.

2. Prolabia sese invicem attingunt ore sc: clauso. Circa quæ considerandum, cujus sint substantiæ.

Altum enim silentium hic apud auctores, & nemo hætenus illud nobis relevavit, Cum autem per aliquot tempus occupatus fuisset in explorandis partibus faciei, nova nostra methodo, abstuleram integumentum prolaborum, nullam sub eo cutem inveniens, id quod mihi ansam dabat penitus rem indagandi.

Primo mihi incidebat; nulla subest huic integumento cutis, ergo Epidermis dici nequit, quamvis Analogiam summam & connexionem cum illa habeat. Quid ergo? substantia prolaborum primò ulterius investiganda erat, & sic prolabia ab integumento, ut dixi, denudata, liquori immergebam, ut in posterum accurate examinarem; quid sit? cum paulo post prolabia adspicerem, mihi videbar videre sericum villosum rubicundum, (tale enim mihi videbatur) tandem re penitus examinata, comperi prolabia constituta esse ex meris papillis, non cutaneis, (cutis enim hic revera deest) sed papillis nervosis; itaque integumentum illud supradictum potius Epithelida dixerò, vel integumentum papillare prolaborum, quod revera nil est, nisi efflorescentia seu expansio extremitatum dictarum papillarum; id quod Epidermidi quoque proprium. Huc illi dolores atroces in
pro-

prolabiorum fissuris ita dictis, ut & excoriatione (ut vulgo loquimur) sed potius recessione integumenti papillaris, dicendum foret.

Hinc difficilis curatio, si prolabia afficiantur ulcere, aut incrustatione, &c.

Dixi prolabia mihi visa fuisse instar serici villosi rubicundi; repleveram enim prolabiorum Arterias ceraceâ materiâ rubrâ, iisque repletis, dictæ papillæ rubedinem quoque induerunt, quemadmodum in corpore vivo & vegeto, à sanguinis affusione.

3. Quod prolabia in meis Thesauris nobis occurrant instar serici villosi rubri, secus quam in corpore vivo, & perfectè sano, in causa est integumenti defectus; eo enim ablato & liquori immerso, dissolvitur papillarum nexus, & sic sese erigunt papillæ, quæ in vivo corpore ab dicto integumento coercentur & deprimuntur, aut inclinantur, quemadmodum arundo, gramina, &c. ab aëre ventoso.

Siquis hoc in corpore vivo investigare velit, eligat tempus æstivum, & quidem in objecto sano & juvenili, adhibito Microscopio; tempore autem hyemali in conspectum sese non dant, & hoc etiam locum habere in papillis cutaneis pollicis, unicuique notum: ne ullum autem dubium superesset in hoc invento, non in uno, sed in multis objectis, à me conservatis, hoc demonstro.

Scias interim velim L. B., prolabia hujus objecti tanta rubedine non esse prædita ac illa, quæ in sequenti quarto, & cæteris Thesauris inveniuntur.

Nº. XXIV. Phiala, continens portionem Arteriæ pulmonalis, materiâ ceraceâ flavâ repletam; suntque ramuli tam numerosi, ut fere incredibile fuerit omnibus, qui hoc objectum viderunt.

Not. 1. Hic ramus Arteriæ, tali artificio & manu tam suspensa, liberatus ab omnibus vesiculis pulmonalibus, nec non ab Arteria Aspera & Vena Pulmonali, ut sine ostentatione dicere auserim, nullum omnino ramum, paucissimos autem ramusculos tantum esse abruptos. Hanc ramulorum numerositatem nusquam in auctorum figuris expressam inveni.

2. Non solum rami illibati, & ad unum omnes sunt conservati, verum etiam extremitates ultimæ, quæ vesiculis sunt continuæ. Hisce & similibus visis, satis mirari nemo potest,

hominem per plurimos annos pancratice posse vivere, sine noxa, minimo enim ramusculo, minima cellula, obstructis aut læsis à sanitatis perfectione recedimus, ita ut cum *Apostolo Paulo* exclamare cogamur: *O profunditas divitiarum!* &c.

Nº. XXV. Placentæ uterinæ portio magna, eadem supra dicta materiâ flavâ repleta, & in liquore conservata.

Not. 1. Ne minima quidem Glandula, aut aliquid glandulosi reperitur in placenta uterina, ita ut hallucinati sint omnes, qui hoc statuunt in suis scriptis. Tota placenta constituitur ex vasis sanguifluis, quibus connectuntur membrana Chorion, Amnios, & Funiculus umbilicalis, quibus adde Membranofum noviter à me inventum, quod interiori superficiei placentæ connectitur, quæ affixa est utero: de hisce in sequenti plura, ubi pervenero ad illas placentas, quibus adhuc connexa est dicta membrana.

2. Quanta sit differentia inter vasa sanguinea pulmonalia, jamjam indigitata, & ea, quæ placentam uterinam constituunt, hic oculis lustrari potest: Estque hæc discretio magna, non solum ratione reptatus extremitatum, verum etiam constitutionis.

3. Analogiam habent hæ extremitates cum iis, quæ corticalem Cerebri substantiam constituunt. Vid. Thes. II. Tab. VI.

Nº. XXVI. Phiala in liquore conservans portionem Mammæ muliebris morbosæ, tumefactæ & spongiosæ, in cujus medio observabam mollitiem quandam, qua, post extirpationem, liquori immersâ, tam numerosa vascula à vinculo dissoluta sese videnda exhibebant, ut tota fere illa portio videretur vasculosa. Hæc & alia ansam mihi dedere Mammarum constitutionem ulterius investigandi, & quid observarim, in sequentibus Thesaurorum descriptionibus palam facere conabor.

Nº. XXVII. Pueri Thymus, nitidissime præparatus, & conservatus; hujus vascula sanguinea ceraceâ materiâ rubrâ sunt repleta, unde Thymus rubedine perfusus.

Nº. XXVIII. Pulmonis humani portio, cujus Arteriæ ceraceâ materiâ flavâ repletæ, & partim à vesiculari substantia separatæ, ita ut denudatæ visui exhibeantur. Quam difficile autem sit illud negotium peragere, norunt illi, qui manus huic operi unquam admoverunt.

Nº. XXIX. Phiala in liquore continens Cerebellum humanum ita induratum, ut casei recentioris instar secari possit.

Not.

Not. 1. Naturalem conservavit colorem, & in omni dimensione sese videndum hic exhibet, sine rugis.

2. Arteriæ innumeræ, ceraceâ materiâ oppletæ, per Piam matrem reptant, & hoc gratiam visui conciliat.

3. Tunica secunda Cerebelli, sc: Arachnoidea, luculenter hic in conspectum venit, motâ enim phialâ undulatim sese visui offert.

4. Principium spinalis medullæ, huic cerebello appensum, & membranis suis nondum destitutum; ita ut occasio hic suppetat videndi utramque Arteriam vertebralem, nec non ubi coeuntes, arteriam cervicalem constituunt.

5. Hic videri quoque potest, quam numerosi sint ramuli arteriosi, qui ex Arteria cervicali prodeuntes, per substantiam corporis annularis disseminantur.

Nº. XXX. Phiala liquore repleta, infantis Mammam continens.

Not. I. Vivido, & admodum naturali colore, imbuta, conspiciendos sese exhibent pori cutanei, ordine confiti.

2. Papillæ cutaneæ, in ambitu papillæ mammæ, ut & in ipsa papilla denso agmine oculos incurrunt.

Nº. XXXI. Phiala liquore repleta, cui innatat cerebellum humanum nitide præparatum atque conservatum, suntque arteriæ repletæ.

Nº. XXXII. Portio magnæ Intestini jejuni, ita inversa, ut superficies interior hic facta sit exterior, & sic glandulæ spuria in conspectum veniunt, quæ in dicta superficie propullulant magnitudine capitis aciculæ; præterea vera constitutio jugorum rotundorum, quæ Valvulæ conniventes dicuntur, hic accurate conspici possunt.

Notandum interim, dicta juga in objecto recenti, aut liquore convenienti, visui esse exponenda, non autem in Intestinis inflatis, & exsiccatis, uri facere solent, & ego olim cum illis, Anatomici; mutant enim naturalem essentiam post inflationem, exsiccationemque.

Nº. XXXIII. Portio Cerebri humani, liquori immersa, cujus Arteriolæ sunt repletæ, unde substantia corticalis rubedinem induit, & sic medullari & albicanti infidet, ceu muscus ruber, qui ex solo emergit albo.

Not. 1. Corticalem substantiam neutiquam glandulosam, sed

vasculosam esse, hoc præsertim apparet in illa portiuncula, quæ in fundo phialæ visui apparet, ubi arteriolarum extrema in succosam substantiam seu pulpam degenerare, conspiciere licet. Hæc succosa arteriolarum portio extima, neutiquam cavitatem suam relinquit, nam in repletionem nostram, rubedinem æque induit, ac fieri videmus, supra dictam succositatem.

2. Arteriola subtilissimæ repletæ, quæ hic extra corticalem substantiam prominent, maximâ parte, propagines sunt Arteriarum carotidum per Piam matrem disseminatarum, quarum extremitates descendentes, tandem in substantiam succosam degenerant, quæ corticalis dicitur substantia, quemadmodum in Liene & nonnullis aliis visceribus. Vide Resp. Epist. Probl. IV. & XII.

3. In supradicta portiuncula cernere quoque licet varias extremitates succosas à se invicem liquoris ope sejunctas; & hoc omnem dubitandi ansam auferet iis, qui invento nostro calculum huc usque apponere degenarunt.

Nº. XXXIV. Portio cutis Plantæ pedis, propter vasorum sanguineorum repletionem, rubicundissima.

Not. 1, Omnes arteriolarum extremitates ultimæ, tam artificiose sunt repletæ, ut nullus fere ramusculus intactus reperitur; corpus autem reticulare Malpichii, ut & Epidermis naturalem reservarunt colorem, unde satis constat, errasse eos, qui autumant & scribunt, per dicta integumenta vasa sanguinea disseminari.

2. Corpus reticulare; ut & Epidermis, maximam partem à cute sunt separata, ut in cute denudata Papillæ cutaneæ in conspectum prodirent, suntque innumerabiles, & nonnihil extra cutem propullulantes; hinc dolores intolerabiles, ubi Cutis plantæ pedis denudata est suis involucris dictis.

3. Corpus reticulare, cuticulæ cohærens, reflexum hic reperitur, ut corpus reticulare conspici posset, estque coloris dilute flavi, Epidermis contra albicat.

Nº. XXXV. Fœtus Ovini immaturi Ren bissectus, in quo corpus papillare secundum longitudinem renis protrahitur, secus ac in homine: mirari interim subit nonnullos, haud infimi subfellii Anatomicos, ejusmodi renes Ovinos dissecurasse, eosque delineatos nobis obtrusisse, quasi humani fuissent renes, ad quos icones erant sculptæ, id quod mihi & aliis olim imposuit.

Nº. XXXVI.

Nº. XXXVI. Fœtus humani Os temporum, Membrana tympani illibati instructum, cui Malleus & Incus annectuntur.

Not. 1. Malleus & Incus perioſtio inveſtiuntur, per quod cerni poteſt Arteriolarum reptatus; ſuntque Arteriolaræ materiâ cereâ rubrâ repletæ, ſine qua non facile viderentur.

2. Membrana Tympani gaudet reptatu vaſorum ſanguineorum eodem modo repletorum.

3. Membranam Tympani duplici conſtare lamella, hic videre licet partē ſuperiore, ubi una lamella ex parte ſeparata.

4. Uterque Mallei muſculus, qui Malleo adhuc ſunt connexi, hic cerni poſſunt.

5. Unus ex Mallei muſculis rubicundus apparet, propter vaſculorum repletionem, tendo autem ejus albicat.

Nº. XXXVII. Infantis Os petroſum, cum annexo oſſe ſquammoſo.

Not. 1. Membranam Tympani duplicem eſſe, hic quoque conſtat partim enim una lamella eſt ablata, reliſta ſecunda; ubi autem Os petroſum, à ſquammoſo ſeparetur, hic videre eſt.

2. Membranam Tympani gaudere vaſculis ſanguineis peculiari curſu reptantibus, hic & in modo citato objecto, conſpici poteſt: hunc curſum vaſculorum delineavi. Tab. IX. Fig. IX. Epist. Problem. VIII.

Nº. XXXVIII. Placentæ uterinæ portio, in qua nil glanduloſi apparet, quamvis hoc ſtatuatur ab Anatomicis: tota enim quanta, vaſculoſa eſt, uti hic apparet. Conſiderandum interim aliquam analogiam reperiri inter hæc vaſcula, Placentam conſtituentia, & ea, quæ Cerebri corticalem ſubſtantiam conficiunt, quamvis extremitates minus pulpoſæ aut ſuccoſæ in Placenta exſtant.

Nº. XXXIX. Infantis ſtomachus inverſus, ut rugæ naturales, ut & tunica Villoſa conſpici poſſint.

Nº. XL. Fœtus humani recens nati Pia Mater, telæ araneæ tenuitate, vaſa autem arterioſa innumera, unde licet conſpicere dictas arterias alium in uſum etiam eſſe deſtinatas, quam ſolummodò ad nutritionem dictæ membranulæ adeo teneræ, imo exiſtimo illud membranolum præſertim inſervire, ut vaſa ſanguinea loco naturali contineantur, ne dimoveantur; Arteriæ autem, ut in ſui extremo corticalem Cerebri ſub-

stantiam constituent. Dicta vasa sunt repleta ceraceâ materiâ rubrâ ad extremitates usque.

Nº. XLI. Ren humanus bissectus, ut interiora pateant, liquori immerfus.

Not. I. Cum replerem Arteriam renalem ceraceâ rubrâ, simul quoque replebantur ductus Urinosi Bellini, & hoc mihi ansam dedit dubitandi de Glandularum existentia in Renibus humanis: in brutis quidem non rarò observo corpuscula rotunda, Glandulas miliares æmulantia, verùm illa pauca sunt, & nondum mihi persuasum habeo, ea corpuscula veras esse glandulas, ad urinæ secretionem destinatas, quandoquidem in corpore humano ea non satis aperte reperio, sed contra, vasculorum sanguineorum extrema tam mirifice sunt contorta & circumvoluta ut Fig. 3. Tab. VI. Thef. 3. demonstratur.

Has autem circumvolutiones vasculosas, siquis pro glandulis habere velit. Resp. hoc minus caute fieri, quandoquidem Glandulæ authoribus audiunt corpora vel corpuscula per se subsistentia, membranæ peculiari obducta, ad quæ vasa sanguinea alluunt. Si autem præter supra dicta vascula circumvoluta, alia quædam corpuscula rotunda quoque reperiantur in renibus humanis, quod non plane nego, quamvis non satis distincte inveniam; forsan in alium usum erunt destinata.

Dixi supra, cum replerem Arteriam renalem hujus Renis, simul quoque repletos fuisse Ductus Urinosos Bellini: Noli autem existimare mihi hoc solummodò contigisse in hoc rene; ast in omnibus Renibus observari, dicta vascula simul repleri, ita ut credibile non sit, hoc ita fore, si ad urinæ secretionem, primo glandulas minutissimas alluere deberet sanguinis, ut in hac repletionem nostra ceracea materia.

Præterea hic vobis conspiciendos offero Renes, in quibus continuationem arteriolarum cum ductibus Bellini videre licet, & hoc certe irrefragabile argumentum esse mihi videtur.

Quomodo jam sanguis venosus refluat, ubinam Venæ laticem suum refluxum fortiantur, an hoc per Anastomoses invisibiles, antequam in ramusculos exeant Arteriolæ, & in ductus Bellinos degenerant, an omnes extremitates Arteriosæ in ductus Bellinos mutantur, an secus? observare nequeo. Oculi mei non adeo Lyncei, ut hunc nodum solvere queam.

Hoc tantum existimo haud frustra esse, quod vasa sanguinem

nem tam mirifice hic sint contorta & circumvoluta, ut nusquam reperire sit in toto corpore, ut hic Fig. 2. & 3. Tab. IV. Thef. 3. exhibetur, & domi meæ, cœlo sereno demonstro, & sic puto totum illud negotium, quod Glandulis renalibus adscribitur, perfici & dependere à reptatu & constitutione peculiari extremitatum vasculorum.

Consideret quoque B. Lector in Testiculis humanis, nullas reperiri glandulas, totumque opus à vasorum constitutione dependere, idemque observari in noviter à me inventis vasculis Uterinis, succum, fœtui alendum aptum, conficientibus, de quibus agere cœpi in Thef. 2. ne dicam de chymericis Glandulis Lienalibus, Hepaticis, &c. quarum existentiam nusquam reperire licet.

Considerandum præterea, quamvis hic in Fig. 2. Tab. IV. Thef. 3. circumvolutiones vasculorum sanguineorum, in Renis dorso repræsententur, illas quoque densissimo agmine esse confitas parte interiore, imo ad Papillas ipsas, & hoc sculptor exprimere non potuit, sine obscuratione ductuum, qui in hac figura exhibentur; illud autem distincte repræsentabo, ubi devenero ad Thef. 4. in quo Renes humani bissecti, conditi, & exsiccati reservantur, in quibus luculentissime hoc apparet, & hoc est, quæ sæpius dixi, præparata esse conficienda non solum liquida, verum etiam sicca, pro ratione objecti demonstrandi.

Nº. XLII. Phiala continens Fœtum humanum, quatuor circiter mensium, decumbentem, loco pulvinaris, supra Placentam Uterinam, estque sexus masculini & coloris naturalis.

Inscriptio talis est:

O MIHI NUNC, OSSIBUS MOLLITER
QUIESCENTIBUS!

Nº. XLIII. Ren bissectus humanus, ut interiora pateant.

Not. Multis in locis luculentiora apparent varia, quam statui in superiore Rene.

Nº. XLIV. Phiala continens portionem magnam intestini Jejunii humani, ita inversam, ut superficies interior jam facta sit exterior; & sic sese videndas exhibent Glandulæ intestinorum spuria & miliares, nec non juga rotunda, quæ aliis Valvulæ conniventes dicuntur.

Nº. XLV.

Nº. XLV. Cerebellum humanum cum annexis inversum, unde principium spinalis medullæ in parte superiore sese videndum exhibet.

Not. 1. Hoc Cerebellum liquori innatans ad visum naturalem conservavit constitutionem, nec in ulla dimensione recessit ad ea, ne colore quidem naturali amisso.

2. Arteriæ omnes hic conservatæ & repletæ sunt ceraceâ materiâ rubrâ.

3. Plexus Choroideus, illaeso Cerebello, extra superficiem ex parte prominens, hic in conspectum venit, & hoc in omni Cerebello demonstrare valeo, estque coloris dilute rubicundi, utpote cum Arteriarum extremitate, corpus continuum. Vide super hac re Epist. Resp. meam de Cerebro.

4. Dictus plexus quatenus extra hemisphærium Cerebelli propullulat, tegitur & obducitur hic membrana Arachnoïdea, non autem Pia Matre: an hoc in omni objecto?

5. Tunicam seu Membranam Arachnoïdeam luculenter hic videre est, ut & quo pacto Arteriæ per superficiem Cerebelli distribuuntur.

6. Arteriæ Cervicalis exortus ex Arteriis Vertebralibus, oppido quam bene hic conspicitur.

Nº. XLVI. Phiala in liquore conservans Mamillam infantis, nitidissime conservatam, in cujus papilla, cutaneæ papillæ luculenter videri possunt.

A S S E R T E R T I U S.

Nº. XLVII. Phiala sicca continens portionem intestini Ilei foetus immaturi; suntque Arteriolæ Mesentericæ oppletæ ceraceâ materiâ flavâ.

Nº. XLVIII. Phiala continens in liquore Tunicam corneam humanam pellucidam.

Nº. XLIX. Phiala, in qua Testiculus foetus immaturi, per cuius superficiem Arteriolæ visuntur dispersæ, ut & per Parastatam; suntque materiâ ceraceâ rubrâ repletæ.

Nº. L. Phiala liquore referta, in quo natat Testiculus foetus immaturi, cujus vasa præparantia nitide sunt repleta ceraceâ materiâ, ut & vasa per Testiculum & Parastatem dispersa.

Nº. LI.

Nº. LI. Plexus Choroideus fœtus humani rubicundissimus propter continuationem & repletionem Arteriarum ceraceâ materiâ rubrâ.

Nº. LII. Ren humanus Atrophia arefactus & magnitudine ita diminutus, ut nil minus videatur, quam Ren hominis adulti.

Not. Translucida substantia lateri annexa, est Pelvis cum portione ureteris.

Nº. LIII. Phiala in liquore continens tunicam Corneam humanam, cum adfuso humore vitreo crystallino.

Not. Humores dicti limpiditatem naturalem amiserunt à liquore, cui innatant.

Nº. LIV. Phiala eodemmodo continens Renis Papillam humanam compositam. Vid. Tab. IV. Fig. 6. Thes. 3.

Nº. LV. Portiuncula Epidermidis digiti, cui unguiculus cohæret, superficies autem interior striis longitudinalibus pectinatim dispositis stipata.

Nº. LVI. Phiala liquore limpido repleta, cui innatat Epidermis manus fœtus immaturi quatuor circiter mensium, chirotheculam repræsentans.

Not. Omnes Unguiculi adhuc adhærent.

Nº. LVII. Phiala in liquore conservans duo objecta Ocularia; quorum primum summa rubedine perfusum, ob vasorum sanguineorum repletionem, estque postica pars Scleroticæ, Choroideæ & Ruyschianæ, huic annectitur præterea Palpebra superior, cujus superficies admodum quoque rubra, præ copia vasculorum repletorum: sic etiam muscoli Oculares, propria suo loco hic visuntur, qui non minus rubicundi apparent.

Secundum objectum est Oculus Infantis transversum bissectus & inversus, unde superficies interior jam facta est exterior.

Not. 1. In dextra portione videri potest Tunica Ruyschiana, è cujus medio propullulant reliquæ Tunicæ Retinæ. In sinistra autem, portio Ruyschianæ non solum, verum etiam ligamentum ciliare cum suo processu ciliari conspicitur.

2. Arteriolas per Ruyschianam dispersas, ramusculos suos impertire Ligamento ciliari, ut & ejus processui; hic cerni potest.

3. Circumferentia nivea extra Ruyschianam, Tunica Sclerotica est.

Nº. LVIII. Portio placentæ uterinæ, in qua nihil glandulosi demonstrari potest, utpote tota vasculosa. Dicta portio ceraceâ materiâ repleta est.

Nº. LIX. Phiala continens Vesicam Gliris exsiccatam, in qua duo conspiciuntur calculi minores, qui affectus forsan familiaris Gliribus, quando quidem aliquoties mihi illud videre contigit.

Nº. LX. Phiala liquore referta, in qua à feta dependet una ex Colla Vertebris, in cujus foramine proprio & maximo hæret Spinalis medullæ portio, cujus substantia interior seu corticalis, rubicunda apparet, propter vasorum sanguineorum, corticalem substantiam constituentium, repletionem ceraceâ materiâ rubrâ: Exterior autem medullaris albicat.

Præterea hic quoque in utroque latere conspiciuntur Arteriæ Vertebrales abscissæ, quæ in foraminibus transversorum processuum vertebraliū hærent.

Nº. LXI. Lamella aut portio longitudinalis Nasi pueri, ut septum & interiora pateant.

Not. 1. Puerorum septum Nasi esse in totum cartilagineum.

2. Præter involucrum extimum & crassum gaudere septum peculiari membranulâ æque ac Ossa, quâ immediate obducitur & perichondrium dicitur.

3. In posteriore & inferiore parte dicti septi, quini sexve videntur sulci obliqui, de quorum usu altum silentium apud Authores, attamen frustraneos esse haud existimandum Vid. Tab. IV. Thes. 3. Fig. 5. Lit. G.

4. In uno dente, secundum longitudinem dissecto apparet triplex substantia, extima sc: media, & intima.

5. In anteriore & inferiore parte septi juxta palatum, in utroque latere foramen apparet, seu osculum cujusdam ductus, de cujus usu & existentia nil apud Authores legi: inservire mucos excernendo existimo. Vid. Tab. IV. Fig. 5. Thes. 3. Lit. E.

Nº. LXII. Phiala liquore repleta, in qua continetur portio Intestini fœtus ovini.

Not. 1. Dicta portio curiose repleta est ceraceâ materiâ subnigrâ, ut repræsentaret intestinum recens nati, mæconio refertum.

2. Vasa sanguinea per Mesenterium & intestina distributa, sunt nitide repleta.

Nº. LXIII:

Nº. LXIII. Pilorum aut capillorum, in Omento cadaveris hydropicæ, a me repertorum manipulus.

Not. 1. Quos hic repræsentō capillos, olim descripsi & delineavi, nomine Tumoris pilosi in Observ. meis Anatomico-Chir. fol. 23. Tumore autem piloso jam dissoluto & extricato, hic pilos delineari curavi, ut pilorum longitudo distinctius videri posset. Vid. Tab. III. Fig. III. Thes. 3.

2. Omentum dicti cadaveris erat tanquam carnosum, in quo dictus tumor pilosus repertus est, & digiti crassitiem obtinebat.

3. Tumor erat pugni majoris magnitudine & Atheromatis naturæ, eo enim aperto, primo pultacea materia visui sese offerebat, eâque ablata, glomus pilosus, ceu ex capillis intricatis & firmiter cohærentibus conflatus, nobis occurrebat.

5. Capilli digiti, imo spithamæ longitudinem superant, conveniuntque in totum cum capillis capitis, excepto, quod radicibus mihi videantur destituti. Vid. in Observat. figuram hujus glomi non extricati, & in hoc Thes. 3. Tab. III. Fig. 3. glomum extricatum.

Nº. LXIV. Fœtus hum: recens nati crus, cujus pinguedine in totum deficiente, aurâ replevi omnes cellulas adiposas, crureque exsiccato, cellulofam substantiam, sub cute sitam, lamellatim conscidi, ut cellulæ accurate conspici possint.

Nº. LXV. Cerebrum Ovinum, methodo Willifiana ita liberatum à fibroso & membranoso nexu, ut plurimæ in conspectum veniant particulæ.

Clarissimus Willifius de illa præparatione, ita loquitur:

Ut Cerebri, ita proprie dicti, Anatome rite celebretur, haud vulgari sectionis modo procedendum esse, existimo; verum ubi totius ἐγκεφάλου calvaria exempti compages coram oculis sistitur, imprimis posterior Cerebri limbus, ubi Cerebello ac Medullæ oblongatæ connectitur, ac membranis undique discissis, aut avulsis, à cohæsiōe cum partibus subjectis (quantum fieri potest) liberetur; tunc faciliè constabit, quod Cerebri substantia Corporibus istis, haud quaquam unitur, verum per se, nisi quod membranarum nexu superficie tenus conjungitur, ab iis omnino libera ac independens fuerit: Quin etiam hæc Cerebri puppis à vicinis partibus eo ritu divisa, si antè reclinetur, Medullæ oblongatæ crura prorsus nuda, ac à Cerebro & Cerebello (nisi in quibus

bus locis hæc illi appenduntur) omnino distincte apparebunt. Porro cum Cerebri limbus à cohæsione solutus elevatur, tres ventriculi, ita vulgò dicti, in unum inane spatium (seu vacuitatem meram è complicatione Cerebri resultantem) evadent &c.

Hanc demonstrandi methodum laudabilem esse cum Willisio existimo, sic enim, uti hoc in Cerebro apparet, sine Cerebri sectione comparent, parte superiore Testes, Nates, Glandula pinealis, Ventriculi anteriores, Crura Medullæ oblongatæ, Processus vermiformis, Cerebellum, Plexus choroideus, Thalami nervorum optidorum, &c.

Notandum præterea, hoc Cerebrum lapidis instar esse induratum sine rugis, colore tamen haud reservato.

Nº. LXVI. Phiala continens in liquore portionem Intestini Coli, cujus vasa sanguinea sunt repleta, quemadmodum etiam ea, quæ per Mesocolon sunt disseminata.

Not. Interim, dictam portionem tam nitide esse præparatam & conservatam, ut videatur jamjam corpori exempta.

Nº. LXVII. Phiala, in qua occurrit Sceletum Aviculæ minimæ Indiæ Occidentalis, Ourussia dictæ.

Nº. LXVIII. Phiala continens in liquore portionem Piæ Matris, cujus vascula sanguinea repleta ad extremum usque.

Not. 1. Vascula dicta tanto esse numero, ut totum objectum ex meris vasculis videatur fere conflatum; membranofum autem perpaucum & admodum tenue.

2. In statu morbofo membranofum Piæ Matris non rarò quoque incrassatum reperi.

3. Si objectum dictum oculis lustretur, sine præcedenti vasculorum repletionem, multò crassius esse nobis videtur; cujus ratio est, quod vascula minima semper inanita nobis occurrunt, & sic concurrere videntur ad Piæ Matris crassitiem.

Nº. LXIX. Placentæ muliebris portio, ceraceâ materiâ repleta, idque ad extremitates omnes usque, unde tota illa portio rubicundissima.

Not. 1. Placentam, nullis gaudere Glandulis, imò totam Placentam ex meris Vasis sanguiferis constare, luculenter hic apparet.

2. Quali reptatu extremitates vasorum hic repant, & quam diversus ille sit ab aliis vasculorum sanguineorum extremis, hic oppidò quam benè conspici poteit.

3. Ul-

3. Ultimæ extremitates tam subtiles sunt, ut tomenti instar nobis occurrant.

2. Si hæc & similia domi meæ inspicere dignetur B. Lector, facile calculum adjiciet assertioni meæ, sc: haud frustraneam esse tantam discretionem extremitatum vasorum sanguineorum, imò totum illud negotium, quod adscripsere Authores Glandulis Placentæ, illud prorsus chymæricum esse, utpote ab illis neuti-quam visis, aut demonstratis.

Hiscæ & similibus discussis, quis negabit in confesso esse, perutile orbi literato fuisse extremitatum vasorum sanguineorum investigationem tot annis, tanto labore, & tot impensis à me institutam. Rejiciant itaque laborem meum cavillatores illi, qui nil nisi quod ipsi faciunt, rectum putare solent; ego interim haud desinam in usum publicum persistere in eodem labore.

Nº. LXX. Phiala in liquore continens Os Petrosum, cum annexo meatu auditorio.

Not. 1. Meatus dictus apertus est, ut naturalis situs & constitutio Membranæ Tympani videri queant.

2. Membranæ Tympani situs obliquus in meatus auditorii extremo, ut & Vascula sanguinea per dictam Membranam dispersa, hic luculenter videri possunt.

Nº. LXXI. Principium Spinalis Medullæ, cum annexa portione Cerebelli.

Not. 1. Objectum ovinum esse, & in eo conspici tertium ut & quartum Ventriculum, Glandulam Pinealem, Testes, Nates, duo Crura Medullæ oblongatæ, ut & Processum vermiciformem.

2. Hanc præparationem & balsamationem ante triginta annos à me factam longe differre ab ea, quam nunc in usu habeo. Instar lapidis quidem durum est hoc objectum, verùm à naturali constitutione & colore diversum.

Nº. LXXII. Phiala continens portionem Arteriæ splenicæ, ceraceâ materiâ rubrâ repletam, in qua luculenter conspiciuntur extremitates fasciculosæ, penicillo detricto similes. Glandulas autem hic quærere, otium & operam esset perdere.

Not. Variis locis dictæ extremitates angulosæ, imò rotundæ quidem apparent, id quod studio factum, ut repræsentarent Glandulas fictitias, si autem acus cuspide à se invicem deducuntur luculenter abusus apparet.

Nº. LXXIII. Portio Arteriæ Splenicæ Vitul: ceraceâ materiâ albâ repleta, in qua haud minus distincte visuntur extremitates fasciculæ.

Nº. LXXIV. Portio Intestini recti hominis, in qua non solum Glandulæ spuria, verum etiam myriades pororum (si ita loqui liceat) conspiciuntur.

Not. Poros tam dense esse confitos, ut ne quidem cuspis acus interponi possit.

Nº. LXXV. Phiala continens in liquore Pulmonem fœtus ovini, cujus lobulorum subdivisiones innumeras non solum, verum etiam subtilissimas extremitates vasorum sanguineorum, conspicere licet.

Nº. LXXVI. Phiala liquore referta, in qua continetur Os petrosus fœtus recens nati, in quo distincte apparet Membranam Tympani in fœtu obductam esse peculiari integumento, Membranæ analogo, dico analogo, qui nullis vasculis sanguineis gaudet: Membrana autem Tympani innumeris superbit arteriis, uti in hoc & aliis objectis videre est.

Not. 1. Dictum integumentum in aliquibus crassum, in hoc vero objecto Membranæ tenuioris instar tenue est.

2. Perpendendum jam cujus sit propago dictum integumentum, quomodo post nativitatem Membranam Tympani denuo relinquit, & cujus sit usus?

Quod primum attinet, sc: cujus sit propago, cum fœtui hærenti in utero materno meatus auditorii pars ossea in totum deficiat, Membrana Tympani superficiei capitis magis appropinquat, & sic puto Epidermem ibi loci tam fertilem esse, ut tegat quoque Membranam Tympani, & quod per consequens hoc integumentum nil sit, quam epidermis.

Secundum quod attinet, sc: quomodo post nativitatem denuo relinquat Membranam Tympani. Existimo, quod, succrescente meatu auditorio osseo, ut & cartilagineo, recedat, quia Epidermis extensilis non est.

Usus jam quod attinet, non est cur dubitemus, quin destinatum sit, ut Membranam Tympani, quæ ea ætate tenerrima, defendat ab injuria, quæ illi facile afferri posset, ab humore, cui innatat, dum hæret in utero materno, qui humor aliquando acrior fit, & sæpe fœtore imbuitur, unde noxam contraxisset Tympani Membrana; adde quod post nativitatem,

tem, ad tempus dictam Membranam Tympani defendat ab aëris injuriis.

Dixerit forsan aliquis, si supra dictum integumentum propago sit Epidermidis, unde fit, quod (uti statui) aliquando crassissima nobis occurrat, cum Epidermis naturalis admodum fit tenuis. Resp. In confesso quidem est, Epidermem natura sua admodum esse tenuem; sed dictum nostrum integumentum in statu naturali quoque minus crassum existit: In statu autem morbofo increasatur & præsertim quidem à succrescente nova Epiderme, quemadmodum fieri observamus in vola manus & planta pedis.

Nº. LXXVII. Portio Æsophagi humani, liquori limpido innatans, in qua distinctissime videri possunt fibræ carneæ tam longitudinales seu externæ, quam circulares, seu internæ.

Nº. LXXVIII. Phiala sicca, continens Intestini Ilei humani, secundum longitudinem dissecti, portionem.

Not. Vasa sanguinea tanto numero per dictam portionem sunt dispersa, ut tota rubicundissima appareat, suntque vasa ad extremitates usque repleta ceraceâ materiâ rubrâ.

* Nº. LXXIX. Phiala sicca continens Lamellam Penis virilis.

Not. 1. Hujus præparatio talis est. Repleveram aura Penis Membranam cellulosa, sub cute sitam, (quæ continuatio Membranzæ Dartos Scroti) corpora autem Nerveo-spongiosa non inflaveram, & sic Penem exsiccabam: exsiccatum Penem in lamellas dividebam, cujus lamellam hic repræsentō.

2. Hæc lamella deprehenditur plane cellulosa, quamvis nulla pinguedo in pene, & hæc cellulositas (si ita loqui mihi liceat) per totum corpus sub cute reperire potest: Verùm ubique fere, excepto pene, cellulæ dictæ obsitæ sunt pinguedine, unde invisibiles occurrunt, diciturque Membrana adiposa, aut pinguedo sub cute sita.

3. In publicis dissectionibus & demonstrationibus Professores cum Malpichio quidem loquuntur de cellulis adiposis, cellulas autem demonstrare negligunt: studiosis interim curiosis & has cellulas videre desiderantibus, nulla dabatur eas videndi occasio. Hac autem præparatione facta, facilis est earum demonstratio. Imo sub cute ejusmodi cellulæ ubique demonstrari possunt, modò sarcinâ suâ destituantur cellulæ, & flatu repleantur.

Nº. LXXX.

Nº. LXXX. Phiala in liquore continens Polypum Nasi à Chirurgo me præsentè extractum.

Not. In fundo Phialæ reperitur portio Cartilaginea, quæ simul cum polypo sequebatur, illud tamen laudabile non est, satius est Polypum extrahere cum portione integumentis interioris.

Nº. LXXXI. Phiala liquore referta, in qua conspiciuntur luculentissime Epidermis humana, ut & corpus reticulare Malpighii.

Not. Epidermis foris candidior apparet, corpus reticulare autem, interius colore dilute flavo, comparet.

Nº. LXXXII. Crus dextrum cum extremo pede ejusdem fœtus: cujus mentio facta antea: Præparatio cellulosa eadem est cum illa.

In dicto Thesaurò varia adhuc sunt Loculamenta ex ligno Cedrino confecta, in quibus sequentia reperiuntur.

IN LOCULAMENTO I. reservatur.

Nº. I. Arteria splenica vitulina sicca, ceraceâ materiâ rubrâ repleta, cujus extremitates sunt numerosissimæ, summoque cum labore in præparatione conservatæ.

Nº. II. Portio Intestini Coli infantis ceraceâ materiâ rubrâ repleta.

Not. 1. Mesocolon cum suis arteriis repletis nitide conservatum.

2. Quomodo arteriæ mesentericæ inferiores ramos impertiant Colo intestino, hic distinctè videre licet.

Nº. III. Pueri magna portio Coli cum portione ilei, integro Cæco, cum annexo processu vermiformi.

Not. 1. Quo pacto sese habeant valvulæ Coli, aut si mavis Cæci, in intestino inflato & exsiccato, & quomodo vasa sanguinea per dictas valvulas disseminantur, hic luculenter videri potest.

2. Usus valvularum Coli accuratius concipi potest in inflato & exsiccato, quam in recenti intestino.

3. Coli Cellulæ minus considerabiles in tenera ætate, quam in adulto.

Nº. IV.

Nº. IV. Coli intestini portio magna cum annexo mesocolo è puero desumpta, & ceraceâ materiâ rubrâ repleta, vasis sanguineis non minus infarctis.

Not. Cæci intestini extremitatem successive angustari, & tandem in processum vermiformem degenerare, distinctissime hic videre licet.

Nº. V. Furca & Culter, quorum manubria sunt confecta ex osse Tibiæ humanæ, in quo nulla cavitas (quæ, in ossibus perfecte sanis, destinata, ut medullam reciperet) à me fuit reperia, & hoc semel tantum mihi videre contigit. Ex dicto osse tibiæ confecta quoque sunt manubria cultelli & furcæ, de quibus mentionem feci in Thesauri 2. descriptione.

Not. 1. Vagina, loco corii Piscis Carchariæ, obducta est corio infantis, vasculis sanguineis tanta copia ditato, ut vagina summa rubedine sit perfusa.

2. Cum è cute dicti infantis corium ipsemet facerem, summam cautelam debui adhibere, ut vascula ceraceam materiam retinerent.

IN LOCULAMENTO 2. continentur.

Nº. I. Infantis pars Cranii superior, fontanellâ illæsa.

Not. Ossa sincipitis in hoc objecto non multum à se invicem distant.

Nº. II. Infantis superior Cranii pars, in qua ossa sincipitis calami scriptorii vulgaris latitudine à se invicem dehiscunt, sicuti etiam Os frontis & occipitis è dictis ossibus sincipitis: Hæc autem dehiscentia melius apparet in Craniis exsiccatis, quam in objecto recenti; difficillime autem isthæc distantia conservari potest in Craniis tenellorum infantum: nam in exsiccatione vulgari illa amittitur. Hanc distantiam partum faciliorem reddere, non est dubium.

Nº. III. Fœtus humani portio superior Cranii, in qua ossa dicta minus dehiscunt.

Nº. IV. ———, in qua dehiscunt calami scriptorii tenuioris latitudine.

Not. In hisce & aliis, fontanellam adhuc esse extensam & planam sine rugis, uti in vivis.

Nº. V. ———, cujus ossa arctissime cohærent.

E

Not. 1.

Not. 1. Fontanella admodum exigua, per quam innumera vascula sanguinea sunt dispersa.

2. Pericranium præ copia vasorum repletorum rubicundum.

Nº. VI. —, cujus Pericranium, eandem ob causam rubicundum.

Nº. VII. — in hoc objecto remansit dura mater firmiter objecto cohærens.

Not. Hic sinus Falciformis, aëre repletus, distincte oculos incurrit, vasculis sanguineis ditatus.

Nº. VIII. — Hoc objectum obducitur propria cute, cujus arteriæ ceraceâ materiâ sunt repletæ, ut earum reptatus & numerus videri possint.

Nº. IX. Arteriæ ceraceâ materiâ rubrâ sunt repletæ, quæ tanta copia sunt, ut tota cutis sit facta rubicundissima.

2. Cutis formam naturalem retinuit, fornicis instar.

Nº. X. — cutis, multa pinguedine obsita, arteriis non minus repletis.

Nº. XI. Cutis capitis fornicata capillata rubicundissima, cujus pars anterior valde prominet.

Nº. XII. Cutis capitis fornicata & pilosissima.

Cætera verò loculamenta humana ossa continent albissima, præsertim fœtuum humanorum.

EXPLICATIO FIGURARUM.

TAbulæ Primæ facta est explicatio fol. 2. 3. & sequentibus.

Tabulæ secundæ explanatio, facta fol. 13.

TABULÆ TERTIÆ Expositio.

FIG. I. Penis cum Scroto pueri adumbratur.

A. Penis portio interna.

B. Meatus Urinarius per penis dorsum, contra naturæ leges, decurrens.

CC. Duo corpora nervosa sive nerveo-spongiosa majora.

DD. Musculi Penem constringentes ab origine abscissi.

E. Corpus spongiosum seu nerveo-spongiosum minus, urethram, contra naturam, parte superiore ambiens.

F. Septum Penis.

G. Ar-






Fig. 3.






Fig. 6.



c Huyberts ad. vivum. sculpsit.

Neerd. Taf. 85.

G. Arteriarum portiones per dorsum decurrentes.

H. Scrotum.

I. Penis portio extra corpus pendens.

K. Pinguedo, qua scater portio scroti superior.

FIG. II. Denotat Epidermem manus pueri, ita ut subiecto corpore reticulari & cute separatam, ut illibata nobis occurrat, instar Chirothecæ albæ.

A. Dorsum epidermis.

B. Portio exigua duplicaturæ Epidermidis in dorso hic separata.

C. C. C. C. C. Unguiculi, Epidermidi adhuc cohærentes, qui in separatione à cute quidem, non autem ab Epiderme recessere.

FIG. III. Demonstratur fasciculus seu glomus pilorum in omenti humani Atheromate repertus.

FIG. IV. Exhibet ovum gallinaceum cortice vulgari, duro, & albo oblitum, perfecte repræsentans intestinum cæcum cum annexo processu vermiformi.

FIG. V. Ostendit Ovum Gallinaceum parvum in ovo gallinaceo repertum.

FIG. VI. Adumbratur Ovum gallinaceum Pueri Penem, cum scroto repræsentans, ne præputio quidem excepto.

TABULÆ QUARTÆ Expositio.

FIG. I. Exhibet infantis faciem, fronte ablata.

A. Arteriarum fasciculus adumbrans & tegens vulnus, à me factum in ablatione frontis, ut averfationem adimerem, suntque arteriæ, quæ per cerebrum erant dispersæ, & hic repletæ ceraceâ m: rub.

B. Prolabia, ab integumento seu Epithelide, privata, ut Papillæ nervosæ, Prolabio constituentes, sese erigerent & in conspectum venirent.

FIG. II. Renem humanum, facie exteriori visum, denotat.

A. Renis superficies, per quam innumera vasa sanguinea disseminantur vermiformia.

B. Arteria renalis abscissa.

C. Vena Renalis abscissa.

D. Portio pelvis uteris extra corpus renis propullulans, per quam plurimæ arteriolæ sunt disseminatæ.

FIG. III. Exhibet Renem humanum bissectum, ut interiora pateant.

A. Indigitat arteriolarum plurimarum extrema, serpentino ductu in ductus Bellinos degenerare, & continua esse cum illis.

Not. Interim, ut antea monui, talem vermiformem reptatum arteriolarum non solum in superficie renis observari, sed in interiore renis substantia numerosissime quoque reperi, sicuti in Thes. IV. repræsentare decrevi; in hac autem figura præcipuè studui continuationes arteriolarum cum ductibus Bellini exhibere; circa hæc continuationes considerandum quoque (id quod in descriptione Fol. 40. omisi) has arterias, antequam in ductus Bellinos degenerant, ceu porosas hic apparere, sicuti Tab. IV. Fig. 3. demonstratur, de his plura in Thes. IV. descriptione.

B. Exigua portio superficiei externæ.

C. C. Papillæ renales plurimis foraminibus aut osculis pertusæ, pro urinæ transitu.

D. Ureter.

E. E. Pelvis aperta.

FIG. IV. Adumbratur tenuis nervi fibra, in innumeras fibrillas subdivisa, suntque tales subdivisiones tam tennes atque teneræ, ut telam aranearum adæquant.

FIG. V. Portio Nasi, secundum longitudinem dissecta, cernitur ex infante.

A. Portio ossis Frontis.

B. Crista Galli cartilaginea, ob teneram ætatem.

C. Nasi portio.

D. D. Setæ, canalibus nasalibus inditæ.

E. Unus ex Canalibus nasalibus.

F. Vascula sanguinea per integumentum crassum septi Nasi distributa, suntque præsertim Arteriolæ.


G. Sulci obliqui.

H. Unus ex dentibus incisoriis.

I. Perichondrium, septum Nasi cartilagineum immediate cingens.

FIG. VI. Exhibetur papilla Renalis ramosa, ex tribus papillis composita.

FINIS.





FREDERICI RUYSCHII

Anatomiae & Botanices Professoris

THESAURUS
ANATOMICUS
QUARTUS

Cum Figuris æneis.



AMSTELODAMI,
Apud JANSSONIO-WAESBERGIOS.
MDCCXLIV.

THE
ANATOMY
OF
THE
HUMAN
BODY

(The Fifth Edition)



BY
WILLIAM B. COOPER, M.D.
OF THE UNIVERSITY OF CHICAGO

T H E S A U R U S ANATOMICUS

Q U A R T U S.

*Ex ligno Juglandis confectus, in quo sequentia
sunt reposita.*

A S S E R P R I M U S & infimus.

Nº. I. **P**hiala in liquore continens Os squammosum infantis, in quo videre est, Officulum orbiculare, cui undique annectitur membrana Tympani.

Not. 1. Dictam membranam esse geminam, id quod in summitate liquet, ubi portionem unius lamellæ, Vasculis sanguineis refertæ, separavi, & abstuli; altera autem lamella, quæ illibata remansit, nullis, in hoc objecto, gaudet vasculis sanguineis, ita ut pellucida hic nobis occurrat.

2. Hanc Tympani membranam nusquam esse liberam ab Officulo orbiculari.

3. Processum Mammillarem in totum adhuc deficere, ea ætate, hic constat; ita ut dictus processus vera dicenda sit Apophysis.

Nº. II. Infantis portio faciei, cujus Prolabia, Epitheliâ ablata, Villosa apparent. Vid. fig. à me editam in Thesauri descript. 3. fol. 68.

Not. 1. Hoc objectum in liquore conservatum esse, ut villositas dicta appareat.

2. Hanc portionem naturalem habere colorem, nullisque rugis esse oblitam, ita ut vitâ non videatur privata.

Nº. III. Pueri caput, in liquore conservatum; cujus cranii pars superior est ablata, ut omnium Nervorum transitus per cranii partem inferiorem videri possit, quam in finem cerebrum exemptum.

Not. 1. Nervorum par primum f. Olfactorium maxima parte supra os cribrosum est relictum, & sic distincte apparent eorum productiones, quæ per foramine ossis cribrosi tendunt ad membranam narium, ejusque papillas.

2. Nervos Opticos, ubi in Cranio adhuc continentur, integumento haud esse destitutos, hic videre licet.

3. In conspectum venit Infundibulum, pone dictorum nervorum conjunctionem; nec non utraque Arteria Carotidis, ceraceâ materiâ referta, & sub iis tertium par nervorum, secundum Willisii computationem, cujus opinionem sequar in recensendis nervorum paribus, cranium perforantibus.

Sub dictum tertium par, quartum occurrit Patheticum, filorum tenuium instar dependens.

Ut & quintum, nec non sextum par lateraliter situm, Septimum par, f. Audirorium, ut & sequens octavum par f. Vagum.

Cæteri nervi, propter principii medullæ oblongatæ reliquias (quæ hic in foramine maximo ossis occipitis adhærent) videri non possunt.

4. Prolabia, ab Epithelia f. integumento decorticata; in conspectum venit eorum villositas papillaris, de qua in Thes. III. egi.

5. Facies rubicunda, vivæ speciem referens.

Nº. IV. Phiala continens portionem intestini Ilei, ita dissectam, & præparatam, ut omnes quatuor tunicæ in conspectum veniant.

Not. Tunicam Villosam f. quartam ubique adhuc esse connexam Tunicæ Nerveæ, ita ut facies posterior Nerveæ, anterior Villosa sit; ab his dependent Tunica Carnea, quæ fibris rotundis, & Tunica communis, quæ fibris longitudinalibus, gaudent.

Considerandum præterea, quam luculenter, & distinctè hic cerni possunt omnes quatuor intestinorum Tunicæ, quæ tali modo præparatæ, liquori innatant: imò hæc demonstrandi methodus in publicis Theatris, olim fuit inusitata; quam cum primò in usum revocarem, plures vituperabant, dicentes, hoc insolitum & absurdum esse; jam autem comperio vituperatores eandem incedere viam, videntes impossibile esse, ut innumeræ corporis particulæ in conspectum producantur, nisi liquori innatent.

Nº. V.

Nº. V. Piæ matris portio, quæ Cerebrum immediate investit cum processibus suis, qui serpentino reptatu sese insinuant inter circumvolutiones Cerebri.

Not. Hanc portionem liquori innatare, & nisi hæc ita fiat, impossibile est tam luculenter veram constitutionem Piæ matris demonstrare, suntque Arteriæ nitide repletæ ceraceâ materiâ rubrâ.

Nº. VI. Pia mater Cerebelli cum suis processibus falciformibus, qui distincte apparent, liquori quoque innatantes. Rubet hoc objectum præ copia vasorum sanguineorum repletorum.

Not. Præterea supra dorsum s. faciem externam fluctuare tunicam Arachnoideam, idque parte inferiore.

Per hanc tunicam hic nulla repunt vasa sanguinea, quamvis Pia mater illis superbiat.

Nº. VII. Phiala in liquore continens Lienem humanum, cuius Arteria in totum, Vena autem ex parte repleta, materiâ ceraceâ, unde variis in locis particulæ cineræ apparent, sc: ob defectum repletionis Venæ. Membrana Lienem succingens ex parte relicta est.

Not. 1. Lienes tam hominum, quam brutorum, nullas habere glandulas, sicuti hic videre est.

In Lienis humani constitutione, quæ in totum vasculosa, considerandum; Vasa Lienem humanam constituentia, in extremitate longe esse tenaciora, quam in brutis. Ita ut, extremitates succosæ vasorum non adeò molles, minime in aqua simplici, dissolvi possint, quemadmodum in variis brutis.

3. Texturam fibrosam, quæ in Liene vitulino reperitur, nequaquam exstare in Liene humano, hic cerni potest: de prætensis cellulis Lienalibus idem judicandum. Vide ulterius de hac re Resp. Epist. IV.

Nº. VIII. Testiculus humanus bisectus cum annexis vasis spermaticis repletis, ut & tunica vaginali.

Not. 1. Quam numerosæ sint Arteriolæ, per Testiculum & jam dictam Tunicam, disseminatæ, hic videre licet.

2. Vasa spermatica per Testiculos repentia, trunculis suis per interstitia vasculorum feminalium decurrunt, sobolesque lateraliter impertiunt vasculis feminalibus, cum quibus, (ut suspicor) uniuntur, imò opinor ultimas arteriolarum extremitates degenerare, aut mutari in vascula feminalia dicta.

3. In Testiculi medio varia oscula hiantia conspiciere licet, quæ mihi sunt portæ, per quas semen, in Testiculis elaboratum, defertur ad Parastatas.

Nº. IX. Puellæ partes generationis, in liquore conservatæ.

Not. 1. Vagina secundum longitudinem est aperta, ut interiora pateant.

2. Spina superior demonstrat, imo replet, exitum meatus urinarii.

3. Clitoris & Nymphæ supra dictum exitum conspiciuntur.

4. Spina inferior incrusa est in Os uteri internum, ex cujus superficie propullulant innumeræ papillæ nervosæ, unde pars illa adeo sensibilis.

5. Dictæ Papillæ non minus numerosæ per vaginæ rugas sunt disseminatæ. Parte infima Uterum ipsum, & Phialâ inversâ Veficam conspiciere licet.

6. A latere parte inferiore occurrunt quoque Ovaria, quæ valde exilia, ut & ductus ovarii cum suis fimbriis.

Nº. X. Phiala in liquore continens ovis asperam Arteriam ceraceâ materiâ repletam.

Hic considerandum quam distinctè extremitates asperæ Arteriæ videri possint in liquore.

Nº. XI. Phiala liquore referta, continens Venam Portæ, ex vitulo desumptam, quæ tam artificiose est repleta, ut ne ultimæ quidem extremitates vacuæ sint relictæ, & hic conservatæ.

Not. 1. Quod variis locis extremitates succosæ Venæ Portæ hic sunt superatæ, variæ autem relictæ.

2. Ramuli Venæ Portæ adeo numerosi, & in extremitate ita tenues sunt, ut nemo hoc facile crederet, cui nunquam hocce objectum videre contigit, nulli enim sunt ablati.

3. In quantum autem differant Fig. ab Authoribus in Tabulis suis expressæ, ab hoc subjecto, unicuique videre hic licet.

Nº. XII. Phiala in liquore continens Brachium Infantis, colore vivido præditum, in cujus manu continetur Testiculus humanus dissolutus, repræsentans fasciculum filorum intricatorum.

Nº. XIII. Infantis Caput in liquore conservatum, cujus pars cranii superior est ablata, Cerebrumque exemptum, relictis arteriis per Piam matrem & Cerebrum dispersis.

Not. 1. Facies admodum venusta & formosa, naturali colore imbuta.

2. Arteriæ ad ultimas extremitates sunt repletæ & conservatæ; suntque tam numerosæ, ut nemo sine admiratione illas perlustrare queat.

3. Ultimæ extremitates dictarum arteriarum, non solum capillorum instar tenues sunt; verum etiam tomentitenuitatem obtinent, imo dubitandum non est, quin illud tomentosum, arteriis sit continuum, & cavum, quoniam eadem rubedine est perfusum, & repletum, in hoc objecto.

Nº. XIV. Phiala continens hominis Intestini Ilei portionem, in qua, naturali colore perfusa, sese videndam exhibet susceptio, id est, portio Intestini, quæ in subsequenter portionem sese insinuat, unde intestinum, eo loco, plane obstructum, affectum producit, qui minus recte *Volvulus* dicitur, & non sine ratione, *Miserere mei*, audit, propterea quod homines, qui in hoc malum inciderunt, intolerabili quidem dolore cruciantur, & in mortis periculo versantur, ast verò intestina neutiquam contorquentur, sed portio una intestini insinuat sese in alteram intestini portionem.

Notandum interim dictam portionem susceptam, repletam esse vermibus circulariter positis.

Nº. XV. Oculus Gallinæ in liquore contentus, in quo membrana nictitans cum suo musculo Trochleari videri potest.

Nº. XVI. Placentula humana, quæ, suo Embryone liquefacto & abolito, ita ab utero compressa est, ut nil minus quam placentulam repræsentans, pyri formam acquisiverit.

Nº. XVII. Ren fœtus immaturi, nonnihil dissolutus.

A S S E R S E C U N D U S.

Nº. XVIII. **G**allinæ Caput osseum, ossea corona in summitate præditum, in cujus medio peculiaris ampla cavitas reperitur, quæ communicat cum cavitate capitis naturali.

Nº. XIX. Phiala in liquore continens fœtum humanum immaturum, iv circiter mensium, decumbentem sub portione membranæ Chorii fœtus ovini, per quam innumera vasa sanguinea, repleta ceraceâ materiâ, sunt disseminata, estque sexus masculini, hujus inscriptio est:

PRI-

PRIMA, QUÆ VITAM DEDIT, HORA CARPSIT.

Nº. XX. Infantis Os petrosum, in quo stapes situm naturalem occupat.

Not. 1. Hoc ossiculum quod stapes dicitur, membranula, seu perioostio, esse obductum, per quam vascula sanguinea hic videntur dispersa.

2. Dictum ossiculum loco suo continetur peculiari ligamento, id quod hic luculenter apparet.

Nº. XXI. Thymus humanus nitide in liquore conservatus, cujus bifurcationem hic videre licet.

Nº. XXII. Ossis Petrofi humani Cochlea & Canales Ossei, artificiosissime præparata, & in liquore conservata.

Nº. XXIII. Phiala in liquore conservans viri adulti Mammam cum Papilla.

Not. 1. Quam exigua illa sit, ubi omnis pinguedo est adempta, hic videre est.

2. Ductus lactiferi, post pinguedinis ademptionem, ita sunt contracti, incrassati & in se convoluti, ut ipsa Papilla, Mammæ molem non raro superet, id quod hic videre licet.

Noli quoque credere Lector Benevole, Mammas vetulæ macilentæ aliter esse constitutas, nam si ductus lactiferi maximam Mammæ molem constituentes pinguedine destituantur eodem modo in se contrahuntur, sicuti hic videmus in Mamma virili. Hi ductus lactiferi tempore graviditatis & lactationis in magnam molem sese extendunt. In Vesica urinaria hominis sani sæpissimè observamus, fibras ita contrahi, ut Vesica urinaria, post redditam urinam, nucis juglandis molem haud superet, hæc autem ab urinæ affluxu in tantam denuò sese extendit capacitatem & magnitudinem, ut urina reddita matulam fere repleat, ita ut adeò mirum non sit, ductus lactiferos ita contrahi, cum otiosi sint.

Nº. XXIV. Phiala in liquore continens hominis Membranam Tympani, cui cohæret & annectitur malleolus.

Not. Per dictam membranam multa corpuscula rotunda sunt disseminata, quæ Glandulas mentiuntur, & mihi nil sunt nisi vascula sanguinea obstructa, quemadmodum fieri videmus in aliis corporis partibus.

No. XXV.

Nº. XXV. Officulum Incus cum annexo Officulo quarto & rotundo; illa sunt conservata in liquore, ut distinctius appareat, dictum quartum officulum, peculiare esse officulum, inter stapedem & incudem situm, quibus officulis membranularum ope connectitur.

In Ossibus exsiccatís hæc & innumera alia non possunt luculenter demonstrari, & hæc est ratio, quod tanto labore & sumptu, susceperim à multis annis objecta millena in liquore conservare.

Nº. XXVI. Auricula hominis adulti, in liquore reservata, vitæ speciem referens.

Nº. XXVII. Phiala continens intestinula fœtus immaturi; horum vascula per intestina dispersa, variis locis sunt repleta ad ultimas usque extremitates.

Nº. XXVIII. Fœtus nuper nati Os squammosum, cum annexis Membrana Tympani & involucro extimo, de quo in præcedentibus Thesaur. mentionem feci.

Not. 1. Involucrum extimum à Tympani Membrana hic esse separatum, excepto uno loco, ubi adhuc cohæret.

2. Ab hoc involucro, ope capilli, dependet totum objectum.

Nº. XXIX. Placentula superstes per aliquot tempus in utero, post Embryonis exclusionem vel liquefactionem, unde temporis successu ita est compressa & indurata, ut *molæ* speciem referat; sicuti & olim pro *mola* habita fuit, at perperam.

Nº. XXX. Fœtus recens nati Vesica urinaria, in liquore conservata, & aperta. Hujus facies interior, hic facta est exterior, ut interiora pateant: parte superiore, munita est spina, quæ indigitare videtur foramen, quod in fundo Vesicæ fœtuum, ut plurimum, si non semper, reperitur, & urachi osculum cæcum dici posset.

Dico foramen cæcum, quia Vesica inflata aërem non admittit ad peculiarem, ita dictam, membranam Urinariam, nunquam revera in homine demonstratam, quantumvis in variis figuris ad nauseam usque expressam. Multoties experimentum feci in foetu humano, nunquam autem admisit aërem ultra digiti minimi transversæ altitudinem.

Nº. XXXI. Portio Pinnæ Balenæ, in qua Papillæ cutaneæ luculenter visuntur.

B

Nº. XXXII.

Nº. XXXII. Ovum Gallinaceum fructum Daëtyli magnitudine & forma referens.

Nº. XXXIII. Pueri intestini Jejuni portio, cujus superficies interior, hic facta est exterior, ut Juga, Tunica Villosa, & ita dictæ Glandulæ conspicerentur.

Not. Hic corpora quædam rotunda extra superficiem propullulare, capitis aciculæ magnitudine; suntque ita dictæ Glandulæ intestinorum solitariae.

Nº. XXXIV. Gemina Vena Umbilicalis fœtus Balænæ, quæ mihi allatus est ex Groenlandia Anno 1702.

Not. Dictam Venam geminam esse non solum extra abdominis cavum, id quod in corpore fœtus vitulini familiare, sed intra cavum abdominis, antequam autem hepar appropinquaret illas unas esse, inveni.

Nº. XXXV. Phiala in liquore conservans, utrumque Renem fœtus immaturi quorum superficies admodum inæqualis, unde ex multis glandulosis corpusculis videantur constituti, & hoc in omni fœtu familiare est.

Nº. XXXVI. Phiala, in qua reservatur utraque Oculi Palpebra. In iis luculenter conspicienda sese exhibent, utrumque foramen Lachrymale nec non oscula, in Palpebrarum limbis hiantia, per quæ humor promanat, de quo jam nihil dicere consultum duxi.

Not. Præterea per Palpebræ superficiem internam plurima Papillosa corpuscula propullulare, quæ non tam distincte in conspectum venissent, nisi vasa sanguinea ceræ materiâ fuissent repleta.

Dicta corpuscula sensum exquisitissimum superficiei interiori palpebrarum exhibent.

Nº. XXXVII. Tunica villosa Intestini jejuni hominis, à Nervea in totum separata, & liquori innatans.

Isthæc autem hic nobis occurrit rubicunda, propter vasorum repletionem ceræ materiâ rubicundâ, unde rubedinem quoque induit: In statu autem naturali cinerei est coloris dicta tunica, nisi in corpore vivo intestina inflammatione infestentur, tunc etiam dicta tunica rubicundissima apparet, à nimia sanguinis stagnantis copia; & sic cogitandum quoque de nostro objecto: repleveram enim vasa mesaraica ad extremum usque, ceræ ma-

ma-

materiâ rubrâ, unde integra intestina summâ rubedine erant perfusa, & per consequens Tunica villosa.

Nº. XXXVIII. Phiala in liquore conservans Costam fœtus, à liquore acidiorè ita mollificatum, ut nodum fecerim in illa.

Nº. XXXIX. Fœtus humani Auricula, in qua meatus auditorii cartilagineæ interruptiones luculenter conspiciuntur.

Nº. XL. Phiala in liquore reservans Embryonem humanum, cujus Placentula prodigiosæ magnitudinis, Embryo contra tam exiguus, ut Cucurbitæ semine longè minor sit.

Not. 1. Funiculus umbilicalis duas circiter unicas longus, circa, abdomem tam crassus, ut Embryonis crassitiem fere adæquet.

2. Manus, pedesque, instar indigestæ moleculæ, capitis aciculæ minoris magnitudinem & formam repræsentant.

3. Caput, magnitudine cætera fere adæquat.

4. Nemo facile dixerit, cujus ætatis Embryones sint, cum nobis traduntur, nonnulli enim magnitudine lentè, alii citius procedunt, & ex matre illud vix quis expiscari possit. Inquirendum hoc esset ex iis, quæ, distinctè punctum temporis, quo conceperint, norunt, & hoc perscrutari honestas non permittit.

Inscriptio talis est,

QUANTULA SUNT HOMINUM CORPUSCULA!

A S S E R T E R T I U S.

Nº. XLI. **P**hiala, in qua continetur portio Venæ Pulmonalis repletæ, cujus extremitates longè plures, & aliter dispositæ sunt, quam alii in figuris suis demonstrant.

Not. Quod ultimæ extremitates succosæ, ubi loci mollitiem acquirunt vasa, hic videri possint.

Nº. XLII. Fœtus humanus, quatuor præter propter mensium, albissimus, ultra triginta annos, ni fallor, à me in liquore conservatus, adhucdum situm talem servans, quo ut plurimum in utero materno siti sunt fœtus, & quamvis primâ fronte visus, masculini videatur sexus, tamen sequioris est, id quod in omnibus foetibus humanis, sexus fœmin: ea ætate, reperitur.

Hujus inscriptio est:

QUA VIVAMUS, VIVERE DESINIMUS.

B 2

Nº. XLIII.

Nº. XLIII. Foetus humani Lingua cum faucibus.

Not. 1. Hic luculenter conspici possunt viæ ad stomachum, ut & ad Pulmonem, & quo ritu, in cibi & potus deglutitione, Epiglottis introitum ad Pulmonem claudat, ne pulmonem intrent.

2. Dictæ partes tam rubicundi coloris sunt, ac si jamjam è corpore vivo excisæ essent.

Nº. XLIV. Cor & Pulmo foetus humani, in liquore conservata, & naturali colore perfusa.

Not. 1. Hic oppido quam bene lastrari possunt rami Arteriosi per Pericardium distributi, maximâ parte oriundi ab Arteria Mediaſtina.

2. Quo modo dictæ Arteriolæ ulterius disseminentur per portionem Diaphragmatis, quæ hic superstes est, in hoc objecto videri quoque potest.

Nº. XLV. Phiala in liquore retinens foetum humanum, sex circiter mensium, dextra ferens ramulum *Murucujæ* Pisonis, & in dorso gerens Placentam uterinam; Caput autem loco capitii tegitur membranâ Chorii porci, in qua nonnulla acetabula visuntur, capitis aciculæ magnitudine,

Hujus inscriptio est:

CHARONTIS UNDA SCILICET OMNIBUS, QUICUNQUE
TERRÆ MUNERE VESCIMUR, ENAVIGANDA, SIVE
REGES, SIVE INOPES ERIMUS COLONI.

Nº. XLVI. Phiala sicca, in qua videre licet intestinula tenuia foetus vitulini, proprio mesenterio cohærentia, & inflata: suntque vascula Arteriosa artificiose repleta ceraceâ materiâ flavâ.

Nº. XLVII. Oculus humanus in liquore conservatus, hujus autem muscoli separati sunt, vasque Arteriosa repleta.

Nº. XLVIII. Phiala sicca, & in ea Ovulum gallinæ, ex Ovo gallinaceo, exemptum.

Nº. XLIX. Tumba parva, ex ligno juglandis confecta, cui incumbit foetus humanus, septem circiter mensium, abhinc annis circiter quadraginta Balsamo conditus, & lapidis instar induratus, ut multa per secula conservari possit.

Not. 1. Hanc balsamandi methodum ante quadraginta annos esse inventam, antea enim neminem noveram qui tali methodo corpora conservabat. Postea vero nobiliorem inveni methodum,

dum, qua corpora humana (ut domi non solum, verum etiam publice aliquoties visui exposui) viventis speciem referunt. Hoc autem corpusculum lapidis instar quidem induratum, at rugis in totum non est destitutum, neque viventem repræsentat fœtum.

2. Veste nocturna indutum hoc corpusculum, tegitur præterea membrana Amnios fœtus vitulini, cujus Arteriæ sunt repletæ, & hoc, loco alicujus integumenti sericei fimbriati.

Inscriptio talis est.
AB UTERO AD TUMULUM.

Huic foetui adstant duo sceleta foetuum humanorum, suntque gemellorum sceleta, septem circiter mensium.

Horum unum capiti corporis balsamati adstans, sinistra gerit loco strophili portionem Omenti, quasi lachrymans oculi orbitæ admovet.

Ea inscriptione:
NEQUE ULLA EST, AUT MAGNO, AUT PARVO, LE-
THI FUGA.

Alterum autem, ad pedes situm, sinistrâ portionem intestini pueri gerit, dextrâ verò Ramum Arteriosum repletum, artificiose è Liene exemptum.

Cum hac inscriptione:
POST FUNERA PROSUM!

Nº. L. Phiala sicca continens Plicam Polonicam veram.

Nº. LI. Phiala sicca, in qua continentur pluri calculi in Vesica urinaria vaccæ reperti.

Notatu dignum censeo, vesicæ dictæ tunicam interiorem lapideam esse factam, cujus fig. Vid. Tab. II. Fig. I. Thes. IV.

Nº. LII. Foetus humanus immaturus, coloris nivei, 6 circiter mensium, in liquore conservatus, dextrâ continens ramum Ciceris Rubri, brachio autem sinistro retinet portionem membranae Amnios.

Nº. LIII. Uterus humanus, cum omnibus annexis, scilicet Ovariis, Ovi-ductibus, suisque fimbriis, &c.

Not. Os uteri naturaliter constitutum, in ambitu gaudet plurimis lacunis minutissimis.

Nº. LIV. Phiala liquore repleta, in quo serpens rarus Africanus, ore continens Embryonem humanum magnitudine digiti articulum vix attingentem.

Inscriptio est:

AH FATA, AH ASPERA FATA!

Not. Manus & Pedes hic lustrari possunt, suntque instar corpusculorum rotundorum capitis aciculæ formâ & magnit. nulli autem digiti adhuc discerni possunt. Quis igitur non admiretur Anatomicos reperiri, qui Embryones multò minores pingi curarunt in suis libris, brachiis, pedibus & digitis instructos, talique situ incurvato positos, ac si tres quatuorve menses attigissent fœtus; cum contra ea ætate semper obtineant situm longitudinalem, nullo modo incurvatum. O dementiam & audaciam! sic enim studiosi imbuuntur erroribus, imò decipiuntur.

Multoties me rogarunt homines, quare tantis sumptibus, & tanto labore conservem tot conclavia, Anatomicis rebus instructa, quibus semper refero, ne quis diceret figuras me publice editas male esse confectas, nam si quis de ea re dubitet, dabitur semper occasio domi meæ expiscandi, an cum natura conveniant nec ne, & si omnes ita fecissent aut ita facere coacti fuissent, non obtrusissent nobis tot figuras fictitias, aut ex aliis auctoribus desumptas.

Nº. LV. Caput Fœtus ovini sine ore nati, uteroque excisi.

Not. 1. Oculi extra situm naturalem positi, caputque deforme, nasoque instructum, sine ullo oris vestigio. Vid. Thes. IV. Tab. II. Fig. 4. Omnia autem membra bene erant conformata, itaque hallucinantur illi, qui dicunt fœtum non per funiculum umbilicalem nutriri, id quod luculenter apparet falsum esse. An autem solummodo per Venam umbilicalem, an vero humor in Amnio contentus simul quoque alimentarius sit, nec ne, res nondum satis explorata. de hisce plura in posterum.

Nº. LVI. Fœtus recens nati lateralis portio Pectoris, cujus Arteriolæ Intercostrales exteriores, à me nuper detectæ, in conspectum veniunt; nec non ramuli, ex dictis Arteriis oriundi,

di, qui perpendiculariter, ut & oblique, per Periostrum Costarum disseminantur; ramuli autem per musculos intercostales distributi, cursum fibrarum musculorum insequuntur.

Nº. LVII. Phiala sicca, in qua Os Æthmoides integrum conservatur.

Nº. LVII. Portio Piæ matris, cujus Arteriolæ sunt repletæ.

Not. Nil fere difficilius, quam Piam matrem à Corticali substantiam separatam, in planum extendere & sic exficcare, quemadmodum à me hic factum esse constat.

A S S E R Q U A R T U S.

Nº. LIX. **P**hiala in liquore continens Testiculum humanum dissolutum.

Luculenter hic apparet substantiam ejus nil esse, nisi vasculorum fasciculos varios, coloris cyanei.

Nº. LV. Vituli parvi Hepar ex carne, ut vulgo loquimur, ast perperam.

Not. I. Præter membranam ambientem nihil abstuli, tamen omnia vasa, Hepar constituentia, in conspectum hic veniunt, ceraceâ materiâ flavâ repleta. Vid. ulterius de hac re in Thesaur. II. descriptione.

2. Ductus membranofus repletus hic etiam sese videndum exhibet.

Nº. LXI. Phiala liquore referta, in qua continetur portio membranæ Chorii ex sue, utero gerente desumpta, quæ facie exteriori, villosa, instar Tunicæ villosæ intestinorum.

Not. Acetabula pauca per eam, dispersa, admodum esse exilia, & ne caput quidem aciculæ eas superare.

Nº. LXII. Puellæ partes generationis, in quibus Labia, Nymphæ, Clitoris, Caput Clitoridis, Membrana Hymen, ductus Urinarius distincte videri possunt, suntque hæc omnia coloris naturalis.

Nº. LXIII. Phiala, & in ea, Portio Spinæ dorsi foetus humani, per medium, secundum longitudinem dissectam, ut interiora pateant.

Not. I. Corpora Vertebrarum rubedine esse perfusa, ab aluente

luente ceracea materia rubra, quâ Arteriæ, per Spinam disseminatæ, erant repletæ.

2. Videri hic possunt cavitates notabiles (quas nondum ab aliis hæctenus vidi demonstratas) sitæ in interstitiis corporum vertebrarum; suntque in corpore vivo, ut & recens denato, lim-pido & tenaciori humore repletæ, quemadmodum in cæteris juncturis.

3. Corpora vertebrarum, præter exteriora & satis nota ligamenta, gaudent quoque ligamentis internis brevissimis sibi invicem adstantibus numerosis. Hæc autem circulariter sita, longitudine culmicrassitiem non æquant, & si cultello transversim, inter juncturas, incidantur & separentur vertebræ, dicta ligamenta (quæ mihi interna dicuntur) nobis occurrunt, instar Cerpæ, transversim incisæ, & lamellatim dispositæ.

4. In eadem phiala videre licet vertebam lumb: ejusdem foetus humani à feta dependentem, in qua dicta ligamenta videri possunt.

Nº. LXIV. Fœtus humanus, sequioris sexus, sex circiter mensium, coloris nivei, à plurimis annis ita in liquore conservatus, ut nil præter animam amisisse videatur. Hic suo situ, dormientis speciem præbet,

Ea inscriptione:

NEC MORS, NEC VITA RELICTÆ.

Nº. LXV. Phiala in liquore continens Testiculum humanum.

Not. 1. Tunicam albugineam seu propriam, haud esse ablatam.

2. Arteriam spermaticam in utroque latere in duos ramos dividi, quorum unus ad Testem, alter verò ad Paraſtatam excurrit.

3. Dictas Arterias, non, uti in canibus in circinnos, pampinos vitis imitantes, contorqueri.

4. Vas Ejaculatorium colore suo albicante facile discerni hic posse à vasis sanguineis, ceraceâ materiâ rubrâ repletis.

5. Tunicam vaginalem à latere hic esse apertam, ut dicta vasa conspici possint.

Nº. LXVI. Phiala in liquore retinens Testiculum humanum dissolutum,

Nº. LXVII.

Nº. LXVII. Pueri Intestinum rectum cum podice , ita inversum ; ut superficies interior , jam facta sit exterior.

In eo nobis occurrunt innumeræ , ita dictæ , Glandulæ , quæ instar fovearum hic sese videndas exhibent. In podice extremo plurimas quoque lacunulas videre licet.

Nº. LXVIII. Talpæ sceleton , nitide præparatum , ceu scandens arteriam ceraceâ materiâ repletam.

Nº. LXIX. Portio maxillæ humanæ , in qua videre est , quod inter processum condili-formem , & ejus locum infertionis membrana dura intercedat ; forsan , ne masticando sonitum ederet junctura , id quod auditui nocuisset.

Not. dictum objectum in liquore dependet à seta , quæ affixa est dicta membranæ , quæ adeò crassa , ut ferè videantur cartilaginea.

Nº. LXX. Vesica vaccina inversa.

Not. 1. Membranam interiorem valde esse incrassatam , variisque locis lapidescentem factam , imò & quasi in monticulos plurimos exaltatam , buorum plurimi in lapideam substantiam sunt mutati , pluresque ab origine , temporis successu , separati , in cavitatem vesicæ prociderunt , uti videre licet in Phiala supra citata , & Nº. LI. notata.

2. Quamvis autem hoc objectum à me sit desumptum è corpore vaccino , dubitandum tamen non est , quin idem aliquando contingat in corpore humano , unde Lithotomi forsan aliquando fuerunt decepti , cum cathetere introducto , calculum sese sensisse autumaverunt , factaque incisione , nullum calculum invenerunt.

Nº. LXXI. Gliris sceleton nitidissimum , in cujus Vesica urinaria calculum reperi.

Not. Ore detinet , & quasi devorat portionem intestini jejunii hominis , per quam innumera vasa ceracea materia rubra referta sunt disseminata , id quod feci propterea quod carnem humanam non fuerit averfatus dictus glis , cum enim ante plures annos institutiones Anatomicas haberem , separaveram pridie musculos brachii , in sequente die demonstrandos , cum autem publice exhiberem præparatos musculos , dictus Glis devoraverat non solum illos , verum etiam partem faciei.

Hoc viso , operam dare jussi capiendi furem ; quod ex voro

successit, & sic publice aperiebam furem, idque supra corpus, quod ita devastaverat, in cujus Vesica hunc calculum detexi, dependetque hic à capillo in phiala ipsa, sceleton continente.

Nº. LXXII. Phiala in liquore retinens unum ex Acetabulis seu Placentulis vaccinis, repletum ceraceâ materiâ rubrâ ad ultimas extremitates succosas usque, ubi notandum.

1. Nullas hisce corporibus inesse Glandulas, aut quid Glandularum simile.

2. Totum hoc corpus constare ex meris vasis sanguifluis, quorum extremitates exeunt in formam penicillorum, qui Belgicè nominantur *Trek-penceelen*, in eo tamen ab istis penicillis differunt, quod dicti *Pincilli* constant ex innumeris pilis, hi contra ex singulari trunculo admodum ramoso.

Nº. LXXIII. Fœtus hepar ex carne, ut vulgo loquimur, cui adsitæ sunt duæ portiones membranæ Hepatis hominis adulti, quæ digitum annularem crassitie adæquant. Hoc ortum duxisse crepo à precedente inflammatione.

Nº. LXXIV. Phiala continens in liquore pueri portionem Intestini recti, in qua videre est Tunicam carneam separatam esse à nervea.

Not. 1. Perpaucas arterias esse distributas per carneam Tunicam, myriades autem per Nerveam; de hisce plura antea dixi.

2. Hic distincte videre licet, ita dictas glandulas intestinorum, nil esse nisi fasciculos vasculosos, præsertim si lumen candelæ pone objectum teneatur.

3. Facie anteriore, per Nerveam Tunicam illibatam, innumeræ ita dictæ Glandulæ apparent tumefactæ, & in sui medio sinuosæ.

Nº. LXXV. Chamæ-psittaci minimi ex Guinea, vulgo *Peroquet* dicti, sceleton.

Nº. LXXVI. Portio Intestini jejuni è corpore humano desumpta, & liquori immersa.

Not. 1. Tunica Carnea dependens à Nervea separata fundum phialæ tangit.

2. Tunica Villosa à Nervea ex parte quoque est separata & dependens: Hoc factò jugorum (f. valvularum conniventium) vestigia tantum relicta sunt. Vid. ulterius de hac re resp. meam ad Epist. problem: undecimam.

A S S E R Q U I N T U S.

Nº. LXXVII. **P**Hiala ficca, continens Calculum, qui ante exsiccationem mollis erat, nec calculi duritiem obtinebat; mollis enim erat & limo-calculosa, jam verò per exsiccationem lapideam acquisivit duritiem.

Nº. LXXVIII. Portio corticalis cerebri humani substantia, in cujus parte infima, distincte videre est, Cerebri substantiam Corticalem nil esse, nisi vasorum sanguineorum extrema.

Not. 1. In parte superiore non tam distincte hoc videri potest, quoniam Cerebri Arteriolæ ibi non satis bene sunt repletæ: Imo hæcenus mihi impossibile fuit integram Corticalem Cerebri substantiam ita replere, ut nulla pars relinquatur intacta.

2. In Objecti medio hic relicta quoque portio subst. medullaris Cerebri, quæ albicat, cum corticalis rubedine dilutiore sit perfusa.

Nº. LXXIX. Phiala in liquore continens, pueri Intestinum rectum ita inversum, ut superfities interior hic nobis occurrat exterior. In eo hic cernere licet juga nonnulla, quæ in dicto intestino raro reperiuntur in pueris. Hæc autem non solum transversim, verum etiam secundum intestini longitudinem excurrunt, id quod admodum familiare in tenuibus intestinis vitulorum.

Observari hic quoque possunt ita dictæ Glandulæ, ut & myriades pororum, qui Pori tam dense sunt stipati, ut ne quidem cuspis acus inter illos inferi possit.

Nº. LXXX. Phiala ficca, in qua reservatur hernia gutturis vera, idque ex anate.

Nº. LXXXI. Phiala ficca, in reservatur pueri portio Duræ matris, cujus Arteriæ ad extremitates esque iunt repletæ. Id autem magis liquet, si objectum ad candele aut solis lucem, lustratur.

Hæc repletio adeò difficilis mihi olim fuit, ut vix invenire potuerim methodum hoc præstandi; Extremitates enim sunt ceu tomentosæ, & tamen hic replete.

Nº. LXXXII. Infantis Pes extremus, in liquore conservatus, in quo varii tendines sunt denudati, & primo quidem Pollicis

Tensor, qui ad tria pollicis internodia vadit, ut pollicem recte extendat.

2. Hic quoque videre licet Tendinem Musculi pedem abducentis, qui sub malleoli extr. per finum, eum in finem exsculptum, & ligamento transverso involutum, oblique decurrit per plantam pedis, inseriturque in os pedis, quod pollici prostat.

3. Occurrunt hic quoque quatuor tendines albicantes, musculi dig. extr. membranæ ope conjuncti, quæ membrana hic accurate in conspectum venit cum suis arteriis repletis: Hæc non peculiari quodam ligamento detinentur, sicut hic prope omnia, ne loco suo dimoveantur, ligamento transverso, nec cutis abscissæ marginem videri potest.

4. Tendo Musculi pedem abducentis, hic etiam est denudatus.

5. Conjunctiones tendinum Musculorum Suralium, prope Os calcis, sunt quoque denudatæ. Nec non

6. hic lustrari potest Vagina, in qua latent Tendines musculorum, qui pedem flectunt, & extrorsum movent.

Nº. LXXXIII. Phiala in liquore conservans tres musculos Fallopianos, ex uno subjecto, id quod nunquam antea observavi: aliquando quidem unus deficit, & non admodum rarum, si ab utroque destituatur homo, tres autem semel tantum offendi.

Nº. LXXXIV. Phiale liquore referta, in qua reservantur Pueri Ren uterque, horum alter à seta dependens, Rene succenturiato adhuc instructus est.

Not. 1. Renem succenturiatum instar capulæ Glandis, Renti incumbere, hic palam est. Altor verò bisectus fundo accumbit phialæ, in quo videre licet papillas renales naturali colore imbutas; harum una spinula demonstratur.

Nº. LXXXV. Portio Vermis lati, & articulati, liquori innatans ex homine.

Nº. LXXXVI. Portio Vermis lati & articulati, alii alius speciei, ex homine tamen.

Nº. LXXXVII. Phiala, liquore referta, in qua conservatur Hepar foetus humani, substantiâ vasculosâ adeo durum, ut non admiserit vasorum dissolutionem vel excarnationem, uti vulgo loquimur; in eo observari potest, Arteriam Cysticam plurimos ramusculos largiri Hepati, qui è fundo vesicæ felleæ emergentes,

tes, olim pro radicibus Vesicæ felleæ fuerunt habitæ, per quas crediderunt fel deponi in vesiculæ fundum. Tales autem aliquoties dari radices circa collum & meatum Cysticum, satis mihi notum, ast non è vesiculæ fundo.

Nº. LXXXVIII. Phiala in liquore continens Papillam mulieris, ex cujus superficie varie propullulant Papillæ cutaneæ, quæ ab integumento externo papillari denudatæ, dolores excitant atroces. Vide super hac re plura in descriptione Thesauri I. ubi figuræ sunt additæ.

Nº. LXXXIX. Os uteri int: mulieris in liquore conservatum, ab una parte apertum, ut conspiciendam sese daret Interior constitutio Cervicis interni uteri, quæ variis lacunis ut & sulcis prædita est.

Nº. XC. Phiala continens portionem crassissimam Peritonæi hydropici, quæ stipatur hydatidibus.

Nº. XCI. Placentæ uterinæ portio, cujus Arteriæ tam artificiose sunt repletæ, ut ne ultimæ quidem extremitates materiæ ceraceæ sunt destitutæ, & sic patet Placentæ constitutionem nil esse, nisi vasorum sanguineorum congeriem, per quam nullæ omnino Glandulæ sunt disseminatæ; uti voluere authores.

Decreveram in hocce Thes. IV. figuram integram placentæ uterinæ inferere, cum omnibus suis membranis, quas inter, involucrum aut membrana est, quæ eam investit placentæ faciem, quæ utero annectitur, sed verò sculptor me per tres menses detinuit; ita ut V. Thes. inferere mihi animus sit.

Nº. XCII. Phiala continens Stomachum humanum, cujus aliqua portio rubicundissima, propter arteriarum repletionem.

Not. 1. Arteriæ in dicta portione rubicundissima, ita sunt repletæ, ut Tunica villosa ipsa summa rubedine sit perfusa. Hinc conjicere licet, Arterias in corpore vivo, latice suo valde irrigare dictam tunicam villosam, quemadmodum hic factum a repletionem ceraceæ materiæ.

2. In duodeno hic multæ, ita dictæ, Glandulæ; comparent, instar fovearum: in alio objectis a me conservato apparent tanquam corpuscula rotunda propullulantia ex superficie interna duodeni, quæ videntur constitui ex multis extremitatibus vasorum sanguineorum: hoc locum etiam habere in cæteris intestinis expertus sum, sc: quod aliquando ita dictæ Glandulæ

compareant propullulantes, aliquando fovearum instar excavatæ.

3. Pylori vera constitutio, sese hic videndam quoque exhibet, quandoquidem Stomachus inversus est.

Nº. XCIII. Trunculus ramosus Polypi, tussi ex pectore ejectus, cujus figura exstat in responsione mea, in epistolam problem: VI. Tab. VII. Interim hic observandum, hocce objectum tantam habere affinitatem cum ramo aliquo Venoso, aut arterioso pulmonis, ut difficiles sit discretio, & mirum non sit, nonnullos authores ejusmodi objecta habuisse, descripsisse, imò delineasse pro vasis sanguineis, quæ referebant tussi esse ejecta.

Nº. XCIV. Phiale in liquore conservans Infantis Pancreas cum annexo splene.

Not. 1. Pancreatis & Lienis vasa ita esse repleta, & hinc pancreas adeò rubicundum factum, ut nullum supersit dubium, quin non solum Lienis, verum etiam Pancreatis constitutio nil sit, nisi vasorum manipulis.

2. Hic videre quoque est, quomodo vasa sanguinea Lienem & Pancreas adeant.

Nº. XCV. Phiala in liquore continens anteriorum Penis virilis portionem.

Not. 1. Per glandis superficiem innumeræ papillæ nervosæ disseminari, hic constat, præsertim inter Præputium & Glandem: suntque hæ Papillæ quæ voluptatem in coitu adferunt, dolorem autem intolerabilem scortatoribus, ubi ulceribus infestantur dictæ Papillæ: Sun enim hæ Papillæ, quæ sæpe in scortatoribus, ubi in Gonorrhæam incidunt in coitu cum sordida meretrice, veneni naturam primo assumunt & corpori nervoso communicant.

Hinc etiam sæpissime ulcere infestantur dictæ Papillæ, quæ ulcera, belgico idiomate, vocantur *Chankers*.

Haud equidem nego, dictam malignitatem in coitu etiam per Poros posse intrare ex meretricis vagina, in Penem virilem, & sic ulterius ad alias partes; ast verò dictas Papillas sæpissime affici, experientia docet.

2. Quia hæ Papillæ in conspectum non producuntur nisi in æstro percitis & Pene rigido, ea de causa hætenus visum fugisse, credibile est, neminem enim authorum legi, qui hæce descripsit, aut delineavit, ea propter modeste delineari curabo brevi.

Quid

Quid præterea circa has partes observaverim, postea manifestare animus est.

Nº. XCVI. Cor humanum balsamo conditum & exsiccatum, de cumbens super sericum villosum in arcula ex ligno Indicopretioso confecta, suntque vasa sanguinea totius Cordis ita repleta materiâ ceraceâ rubrâ, ut eorum extremitates, non solum capillares nobis obveniant, sed ad tomenti tenuitatem accedentes, & tamen materia ista rubra repletæ: & si quis microscopium adhibeat cælo feneno, videre facile poterit materiam ceraceam ex illo tomentoso instar fumi aut nubecularum dispergi per Cordis substantiam; similique modo existimo sanguinem Arteriosum, illud, quod nutritioni aptum est, ex arteriis per Cordis substantiam disseminari; sanguis enim ineptus esset nutritioni, quamdiu in claustris continetur.

Not. I. Utramque Auriculam, nec non utrumque Ventriculum esse repleta, & sic utriusque Auriculæ constitutionem veram, hic videre licet, quæ non parum variat ab ea, qua per figuras olim expresserunt authores; per hæc auriculas vasa sanguinea innumera sunt dispersa, quemadmodum videre est. Tab. III. Fig. I. & II. Thesaur. IV.

2. Trunco descendenti venæ cavæ exigua portio Diaphragmatis cohæret, ut videri possit, quam brevis sit illa portio trunci descenditis venæ cavæ, inter Cor & diaphragma in homine, in vitulis & ovibus verò longior, quia in illis Cor longius Distat à Diaphragmate, unde etiam Cor brutorum pyramidem repræsentat plane rotundam, in homine contra; facies enim ejus, Diaphragma respiciens, plana est, altero vero gibbosa.

Notand: interim Corda humana in cadaverum apertione nobis non semper tali facie occurrere, præsertim in cadaveribus hominum à morbo extabefactorum, in quibus Cor flaccidum, sed in corpore vigoroso, sanguine referto, semper talem observat figuram, idque ab incubatione Cordis super Diaphragma.

Dixi supra Cor talem habere figuram vel formam in corpore vigoroso, jam autem hic habemus Cor, cujus uterque Ventriculus, ut & utraque auricula ceraceâ materiâ sunt repleta, id quod in corpore vegeto à sanguine fit, ea tamen distinctione, quod in homine vivo ventriculi cordis, ut & auriculæ non simul

re-

repleantur , nam in repletione auricularum , inaniuntur ventriculi.

3. Hoc in corde occurrit quoque Arteria magna , ex cujus trunco ascendente , vel potius arcuata incurvatione , supra Cor emergunt tres rami , sursum spectantes , caput petentes ; imò brachiis , Collo , & faciei quoque prospicientes. Præterea hic adsunt Trunci Arteriæ & Venæ pulmonalis.

4. Cordis cuspis in duos mucrones exit , quorum interstitium in homine obeso repletur pinguedine.

5. Corda meo modo balsamata , per æva conservari possunt sine corruptione , idque colore vivido odore & gratissimo : ea propter in condiendis cadaveribus neque Corda , Cerebra aut intestina aufero , id quod satius est , quam viscera seorsum sepelire , uti facere assolent.

Magnatibus in Anglia mos est , ut ex uxorum denatarum capillis artificiose contextis , conficiantur annuli , idque in perpetuam memoriam , potius vero Cor ita balsamatum in pyxide aurea aut argentea conservarent & sic ars mea vigeret.

Nº. XCVII. Penis virilis inflata , exsiccata & in lamellas dissecta , ut corpora nerveo-spongiosa majora , ut & corpus nerveo-spong : minus , nec non meatus urinarius in conspectum venirent.

Nº. XCVIII. Foetus ovini Stomachus inflatus , exsiccatus , ut quatuor partes Stomachi inter se valde discrepantes egregie videri possint.

Not. Quia in quatuor partes dividi potest Stomachus ovinus , & cibue ex prima , in secundam , si sic porro propellitur : ea propter dicit Clar. Bartholinus , ut & alii , oves bovesque quatuor habere ventriculos.

In dictuo Thesauro varia adhuc sunt loculamenta , in quibus animalcula , ex India orientali allata , reposita sunt , de quibus jam nil dicam , quoniam mihi animus est , separatam catalogum animalium conficere.

Præter dicta loculamenta minora , reperitur in infima hujus Thesauri parte , loculamentum maximum , in quibus repositæ sunt minores arculæ , ex Ligno Indico confectæ , in quibus conservantur varia Anatomica.

A. A. Mullei ex Corio humano confecti.

B. Tho-

B. Thorax ex corio humano confectus, in cujus dorso stig-
matum vestigia visuntur superstitia.

Arcula I. Continet varios Uteros humanos lapidis instar
duros.

Nota quod horum cavitas solida materia est repleta, ut na-
turalem conservaret formam, sine rugis, horum primus Litt.
C. notatus, uterus est muliebris, quem descripsi in observat.
meis Anatomico-Chirurgicis. Observ. LXXXV. superscriptio-
ne: *Vero similis eruptio Menstruorum per Tubam Fallopiam in*
Pelvim.

Not. I. Hunc Uterum esse mulieris menstruatae, in cujus
uteri cavitate inventus est cruor coagulatus, quod Tuba f. Ovi-
ductus unius lateris etiam erat obfusus, nec non Ovarium ipsum,
in cujus superficie coagulatus sanguis satis copiose adhærebat.
Cum dictus Uterus, cum annexis, ad meas pervenirent manus,
operæ pretium esse duxi, illum balsamo condire & sic conser-
vare, id quod feci.

2. Sanguinem coagulatum in uteri cavitate, ut & in ovarii
superficie conservavi, sicuti in hunc usque diem hic videre
licet.

3. Ovorum vestigia hic quoque videri possunt in Ovariis, ut
& Ligamenta lata, nec non Ligamenta teretia, Os uteri in-
ternum, &c.

Secundus autem Uterus Litt. D. notatus, Uterus est mulie-
bris, tribus Ligamentis teritibus peditus, id quod semel tantum
me vidisse memini.

Huic Utero Ovaria, Oviductus cum suis fimbriis annexa
sunt.

Tertium objectum Litt. E. notatum, Ovarium est muliebre,
cum suo Ligamento lato, per quod innumeræ arteriæ repletæ
repunt.

Arcula II. & in ea,

Nº. I. Ren humanus, propter vasorum sanguineorum reple-
tionem rubicundissimus, & bisectus, ut interiora pateant

Not. I. Quod dictus Ren lapidis duritiem acquisiverit post
exsiccationem. Hæc autem exsiccatio tam necessaria est, post
vasorum repletionem, ut nemo, nisi hoc fiat, tam clare conspi-
ciendam præbere valeat veram constitutionem. Hunc Renem

in Thesauro III. descripsi, ubi figuram ejus adjeci, fide data, me in hoc IV. Thesauro nonnulla adhuc additurum; sed promissis stare non potui, præ inopia objectorum hum:

Observandum præterea, si quis hic velit vermicularem vasorum reptatum mirabilem videre, quod debeat objectum Ol: caphuræ, vel spicæ, oblinire; Ol: Caphuræ tamen præfero, idque non sine ratione; præterea eligendus est dies serenus, nec non radii solares.

Nº. II. Dimidia pars Renis humani eodem modo præparata.

Arcula III. Ex ligno juglandis confecta, in qua continetur ramus Arteriæ splenicæ, ceraceâ materiâ repletus & tam artificiose expansus, & exsiccatus, ut sine ostentatione dicere ausim, me neminem adhuc offendisse, qui simile quid sese vidisse, dicere ausus fuerit; extremæ enim extremitates capillorum instar tenues sunt, & tamen ceraceâ materiâ repletæ, expansæ, & exsiccatae, ramulisque à ramo majori haud sejunctis, suntque ramuli ramulis impositi; ut autem distincte extremitates oculos incurrerent, fundus arculae tegitur serico villoso nigro.


Ultimò considerandum hunc ramum, Pedamento ex ligno juglandis nitide confecto, insidere.

In Arcula IV. ex ligno Indico confecta, conservatur Epidermis Pollicis pedis sinistri, & digiti insequentis.

Considerandum hæc objecta ita esse præparata & exsiccata, ut videantur digiti hominis viventis; albicat Epidermis, nullæ videntur rugæ, & Ungues cohærent Epidermidi, tanquam in corpore vivo.

Arcula V. ex ligno Cedrino fabricata, continet Lienes Vitulinos aliquot, quorum 1. Litt. A. notatus excarnis, uti perperam loquimur, inflatus & ante quadraginta annos, exsiccatus, postea ablata membranâ ambiente, distincte lustrari possunt perforationes, quæ in Vena splenica visuntur. Hoc tamen incassum quis in Liene humano quæreret.

Not. 1. Quamvis Vena foraminibus sit referta, tamen expansa & oblongo-rotunda nobis occurrit, id quod jucundum visu. Noli tamen credere Lect. Benev. dictam venam, per totum Lienem ita esse constitutam; contrarium enim nobis olim demonstravit Exercitatissimus D. Higmorus: vix enim digiti longitudinem sic excurrit, postea vero, nullis ramis productis,



evanescit, & loco ramorum Venæ Splenicæ, fulci formantur ramosi, (si ita loqui liceat) per totum Lienem vitulinum.

2. Fibræ transversales hic quoque occurrunt, situm naturalem observantes.

Lien secundus Litt. B. indigitatur, per cujus partem gibbosam, innumera vasa lymphatica repunt inflata. Cum enim Lienem exsiccarem, flatu illum replebam, hoc facto, vasa lymphatica eodem flatu replebantur.

Tertius & Quartus Litt. C. C. notati. Horum Arteriæ ceraceâ materiâ sunt repletæ.

EXPLICATIO TABULARUM

TABULA PRIMA.

Fig. I. **E**Xhibet Renis humani dimidiam partem, ita dissectam, ut reptatus vasorum, præsertim sanguineorum, luculentius, quam in præcedenti Thesauro Tab. IV. Fig. III. videri possit; ubi magis inhærebam, ut conjunctiones arteriolarum cum ductibus Bellini exhiberem, in hac autem figura distinctissime vasorum sanguineorum cursum vermicularem per interiorem Renis partem, exprimere volui.

A. Facies Renis exterior, per quam vasa sanguinea reptatum observant vermicularem, pro ut luculenter quoque expressi in Thesauro præcedente.

B. Facies Renis interior, ubi vasa sanguinea, non minus cursum vermicularem observant, quam in facie exteriori.

Not. 1. Tam subtiliter dictus vasorum reptatus, in hac figura, est expressus, ut ni oculi sint muniti, vix videri possit.

2. Nulla hic foramina, de quibus in præcedenti Thesauro mentionem feci comparent, quia in Renis exsiccatione perierunt.

C. Papillæ Renales.

D. Pelvis Renis.

E. Cavitas pelvis, in quam papillæ urinam stillando expriment.

FIG. II. Testiculus humanus dissolutus, qui nil nisi fasciculus vasculorum tenuissimorum.

FIG. III. Plica Polonica vera.

FIG. IV. Caput fœtus ovini deforme, & ore destitutum, vel sine ore formatum.

TABULA II.

Exhibet vesicam urinariam Bovinam ita inversam, ut facies

D. 2.

ejus

ejus interior, hic facta sit exterior, tuberibus referta.

FIG. I. A. A. Tuber dicta lapidefacta.

B. Tuber mollia.

FIG. II. Demonstrat IV. calculos, qui in dictæ vesicæ cavitate prociderant.

FIG. III. Calculos aliquot indigitat, qui partim digitis meis, partim sponte, ab interna tunica vesicæ prociderunt.

TABULA TERTIA.

Exhibet Cor humanum cereâ materiâ rubrâ in totum repletum, ut verus reptatus vasorum, vera Cordis & Auricularum figura videri possint.

FIG. I. A. Cor facie planâ visum, qua diaphragma incumbit.

B. Truncus venæ Coronariæ cum suis ramis.

C. C. C. C. Rami Arteriæ Coronalis, cujus extremitates, ceutomentum, subtiles, tamen ceraceâ materiâ repletæ.

D. Portio Auriculæ dextræ, (tali enim situ integra auricula oculos non incurrit) per quam vascula sanguinea innumera sunt dispersa.

E. Portio diaphragmatis superstes.

F. Truncus venæ cavæ descendens, diaphragma perforans.

G. Sacculus membranofus

qui Venæ Pulmonalis quasi basis est, & cum ipsa auricula sinistra, communem cavitatem constituit.

H. Truncus Arteriæ magnæ, ex cujus dorso tres prodeunt rami, sursum ascendentes.

Not. Interim dictos ramos nobis tali modo occurrere (Corde ita posita) ut facies plana oculos incurrat.

I. I. I. Tres rami Arteriæ magnæ sursum ascendentes.

K. Truncus ascendens Venæ Cavæ.

L. Portio Auriculæ sinistræ.

M. M. Rami Venæ pulmonalis.

N. Unus ex ramis Arteriæ pulmonalis: cæteri rami hic in conspectum haud veniunt, corde ita proposito.

FIG. II. A. Idem Cor humanum facie gibbosa, & situ naturali visum.

B. Rami Venæ Coronariæ.

C. Rami Arteriæ Coronariæ.

D. Auricula dextra.

E. Rami venosi, prodeuntes ex Auricula dextra.

F. Auricula sinistra.

G. Truncus arteriæ magnæ.

H. Truncus arteriæ pulmonalis.

I. Truncus ascendens Venæ cavæ.

F I N I S.

Fig. 2.




Fig. 1.



Fig. 3.



